

ILLVSTRIVM
MVLIERV M,
ET ILLVSTRIVM
LITTERIS VIRORVM
ELOGIA,

A IVLIO CAESARE CAPACIO
Neapolitanæ vrbi à Secretis
conscripta.



NEAPOLI,

Apud Io. Iacobum Carlinum, & Con-
stantinum Vitalem. 1608.

*Conu. huf
Mris. Le.
Bib. Lot.*

*Car. Discut.
Neapoli
Interion.*





ILLVSTRISS. DOMINO
D. BERNARDINO
 E' BARIONOVO
 CVSANI MARCHIONI,
 IN SVPREMO CONSILIO
 REGENTI,



JVLIVS CAESAR CAPACIVS
Neapolitana Urbi à Secretis S.



VM totum me tuis lau-
 dibus, Illustrissime Mar-
 chio, effundere debui-
 sem, vastissimum Ocea-
 nū nactus, ingredi pro-
 fectò paruo meo lembo,
 posse animaduerti, sed quis, nisi merge-

A 2 rer,

rer, exitum præberet? Quamobrem
 perterritus cursum retardādum potius,
 quàm vela facienda constitui. Laudet
 te ipsum tuæ domus præconium, quo &
 patris gloria, & fratris præstantia apud
 Austriacos maximos Reges eluces.
 Laudet tua ipsius virtus, qua ad supre-
 mi Consilij Magistratum euectus, atque
 titulis honestatus, talem te prudentia
 præbuiſti, vt in publicis Conuentibus
 Regiæ Maiestatis dignitatem ampli-
 caueris, in decernendo ornaueris Prin-
 cipis aulam, in administrando rem Nea-
 politanam ferè labantem, consilio, dili-
 gentia, integritate erexeris, qua de cau-
 sa Ciuitas ipsa, Regnumq. ipsum immor-
 tale tibi gloriæ monumentum omnium
 vocibus & memoria posuit. Quid ipse
 cū tot illustribus testibus exili & ieiuna
 oratione conferar? Sileat agrestis cala-
 mus, cū Famæ tuba maximo clangore
 obstrepit; nec audeat inter Gigantes pu-
 milio suarum virium periculum facere.

Ad

Ad aliorum laudes me conuerti, illustrium scilicet mulierum, & illustrium litteris virorum; addam & heroes qui bellica virtute præfulxere, si Deo annuente dabitur ocium. Tibi eas do, dicoq. Paruum profectò munus, sed maximum, dùm ea qua soles animi magnitudine accipies. Interim te Deus seruet. Neapoli Cal. Februarij.
CIC. IC. C. VIII.

A D L E C T O R E M.



ACCENDITVR ad maximarum rerum gloriam varijs Elogijs hominum genus; dùm enim aliorum Fama eorum præclara gesta percrebuisse sciuerint, & nominibus, atque familijs ipsis dignitatem atque amplitudinem egregijs operibus esse comparatam, quis adeò segnis est vt ne inglorius iudicetur, aliquo pacto aliorum virtutem non studeat emulari? Quid? tanta gloria cupido est, vt neminem sanè ità stolidum natura effinxerit, quin, licet in ima rerum ratione constitutus, vel ardua petere, vel maximas difficilesq. dignitates saltim voluntate attingere non conetur. Tantum apud Ethnicos rerum opinio valuit, vt non dicam Relligionis obseruantia, sed interitus ipse, cruciatusq. ad gloriam expetendam excitaret; quam nec à seipso alienam arbitratus est, qui incenso Dianæ Ephesiæ templo, memoria & encomio viueret apud posteros immortalis. Id ipsum ad illustrium virorum elogia me conscribenda impulit, qui dùm mihi soli aliquot lucubrationibus consulerem, non alienum ab honesta ambitione arbitratus sum, aliorum quoque laudibus exerceri. Debet humanitati humanitas; nec quicquam proprio honori multa adscribere proderit, nisi aliena auctoritati amplificanda quibus poterimus modis non studere velimus. Mordaces, Zoilos, inuidos ableganto, qui dùm possent illustrium virorum laudum esse fautores, de quorum meritis tanta sapientum iudicia facta sunt, subiectis inuidiæ facibus ardeant ad liuorem, & aut obrectatione lacere, aut velint acerba offensione virtutes recidere.

Habet muliebre genus suarum laudum apertissimum campum, & multarum nomina animi magnitudine, pudicitia constantia, coniugali amore excellentia, adeò inclaruere, vt quisquam

quam existimauerit omnium ætate esse colendas. Accedunt bellorum trophæa, quibus insignia plerunque mulierum extant, quibusq. maximis comparatas Heroibus, vetustas fame præconio aternitati consecrauit. Adde & litterarum celebritatem, quarum studijs, omnium scientiarum disciplinis, quibusque temporibus florere; ut inficias iturum neminem arbitrer virilibus eas sapiissime fuisse moribus institutas, & ad ea quæ virorum sunt, imperando, docendo, administrando audacter esse ausas cum se occaso obtulisset. Ergo ne mulier paludamentum induta, non unguentis delibuta, sed puluere sordida, in aciem non prodibit? Eadem cathedræ nixa, non disceptabit in scholis? Et in puppi sedens, Imperij nauem non gubernabit? Nouimus ea gerentes; nouimus huiusmodi facinora mulieres perpetrantes. At verò famosas tu laudabis aliquando meretrices? Quid ni, dum ex earum sceleribus pudicarum commendatio elucebit? dum forma venustatem, cui periculorum agmina imminet, modestia tueri ediscant? Dum quæ malorum incommoda petulantia solet afferre, aliarum exemplo summa prudentia vitare conabuntur? & spina ob custodiam laudantur in rosis; & saxea margaritæ crusta conteguntur.

Sed placuit in aliorum virtutibus collaudandis, criticè interdum si quis neuus adfuerit, esse censores. Ad ingenium isthæc, non ad inuidiam faciunt. Nec tanto elogio quispiam dignus censendus fuerit, qui aliqua ex parte non possit urbaniter notari. Quamobrem iudicia elogijs adiecimus, quæ illustrium virorum qui litteris claruere, imagines efficiant notiores. Placet in eo studio versari, cum multarum rerum varietate, hilarior efficiatur legendo animus, eaq. animaduertamus, quæ obscuris dum obsita tenebris reperiuntur, tot insignium virorum famam obliuioni traditam occuparent. At quæ ab alijs scripta sunt in medium proferens. Ità quidem. Nouus tamen scenæ ornatus, eandem variam reddit, & calami stri, coloresq. ex pagis rusticam, veluti ciuem conspiciendam obijciunt. Quæ vetera sunt, nouis delectabunt ornamentis; quæ verò noua, expectatione digna fortasse ij amplectentur quibus huiusmodi studijs curiosissimis detineri graue non erit.

Consti-

Constitueram eos quoque celebrare, qui armorum gloria excelluere, sunt enim plurimi nostra aetate quos ea decent, quæ totius orbis tumultus, turbaq. propalarunt. Haud tamen in maxima rerum occupatione licuit. Quod si aliquando licuerit, laboriosior sudor excitabitur.

Atqui omnia quæ lingua profert, quæ calamus exarat, irrita sunt, & Apostolica auctoritatis dignitati, & emendationi subijciuntur. Atque huiusmodi probatis frui. Vale.



MVLIERV M ILLVSTRIV M

Elenchus.



A
Belæ vrbis mulier. folio 39

Abigail. 28
Æmilïa Tertiã. 173
Agnes. 65
Agrippina. 81

Anna Cæsariſſa. 202
Anna Elcanã. 32
Anna Gallorum Regina. 151
Anna Maximiliani filia. 116
Ariadna. 95

B

B Arbara Bohema. 97
Beatrix Nolana. 234
Berina. 92
Blanca Maria. 184
Blanca Scardeonia. 199
Brianna Aquiuina. 227

C

C Abadis vxor. 144
Camilla Macedonia. 169
Camilla Piſcicella. 194
Camma. 202
Caffandra Marchefia. 183
Catherina Auftriaca. 117
Catherina Cantona. 185
Catherina Zunica. 197
Chananea. 40
Cleobulina. 209
Cleopatra. 146
Conſtãtia Aragonea. 126
Conſtãtia è Carctto. 192
Conſtãtia Dauala. 195
Conſtãtia Claromontia. 136
Conſtãtina. 90
Cornelia Annia. 163

D

D Alila. 22
Debora. 23
Diana Moſcana. 218
Dominica Imperatrix. 77
Domitilla Triaultia. 183

E

E Picharis. 230
Eponina. 162
Eſther. 30
Eudocia. 63

F

F Abia Heraclij. 93
Fadilla Commodi. 68
Faulla. 73
Faullina. 84
Franca Illyria. 171
Fredegundis. 135
Fuluia M. Antonij. 171

G

G Alla Placidia. 66
Glaphyra. 163

H

H Elena. 58
Herodias. 47
Heua. 9
Honorã. 88
Hota Maura. 167

I

I Ahel. 22
Ioanna Hiſpan. Regina. 108
Ioanna Prima. 148
Ioanna Secunda. 148
Ioanna Caſtriota. 181
Ioanna Scortiatã. 177
Ipſicratea. 143
Irene. 60
Iſabella Caſtella Regina. 110



Iſabella

Isabella Hisp. Regina.	110
Isabella Henrici filia.	114
Isabella Austriaca.	119
Isabella Aragonica.	127
Isabella Angliæ Regina.	133
Isabella Andreina.	206
Isabella Caracciola.	190
Isotta Ariminensis.	175
Juditha.	25
Iulia Mammea.	54
Iustina Romana.	227

L

Lais.	233
Laurentia.	232
Leonora Medicea.	157
Leonora è Toletto.	165
Leonora Arborensis.	175
Lia.	16
Ligarij vxor.	161
Lisabetta Boadilia.	166
Liuisa Peperara.	211
Locusta.	232
Lucretia Alanea.	225

M

Margarita Austriaca.	152
Margarita Hisp. Reg.	122
Margarita Sarrochia.	203
Maria soror Moyfis.	18
Maria Magdalena.	44
Maria Armena.	100
Maria Angla.	112
Maria Scotiæ Regina.	131
Maria Austriaca.	152
Maria Medicea.	154
Maria Aragonica.	179
Maria Gornacensis.	215
Maria Pureolana.	223
Martia Commodi concubina.	71
Martina Heraclij.	93

Messallina.	179
Micca Eliensis.	216

N

Noemi.	26
Nogarola Veroneses.	205

P

Phia Cinnama.	224
Placida Campana.	214
Pulcheria.	76

R

Raab.	20
Rachel.	16
Rebecca.	13
Roberta Carrafa.	188
Romani Argyropoli vxor.	75
Rosimunda.	137
Russa Othomanna.	98
Ruth.	26

S

Samaritana.	42
Sara.	11
Sara Raguelis.	37
Sempronia Spathaphora.	220
Sufanna.	34

T

Taritha.	51
Tarquinia Molza.	211
Theodora.	86
Theodora Theophili.	129

V

Valasca Bohem. Regina.	139
Valeria.	200
Vanda Polonia Regina.	141
Vidua Naim, & Sarepta.	49
Vrsina Caualletta.	211

X

Xenocrita Cumana.	168
-------------------	-----

Z

Zoe.	86
------	----

VIRORVM LITTERIS ILLVSTRIVM

Elenchus.

A



Emilius Portus. fol. 383

Apuleius. 242

Artemidorus. 245

Achilles Taci⁹ 247

Andreas Naugerius. 261

M. Antonius Muretus. 270

Annibal Carus. 285

Antonius Epicurus. 288

Aloisius Tansillus. 301

Aurelius Cassiodorus. 305

Alexander ab Alexandro. 307

Antonius ab Alexandro. 309

Antonius Ianuarius. 311

Adrianus Imperator. 317

Adrianus Spathaphorus. 336

Adrianus Turnebus. 356

Antonius Orificius. 346

Angelus Politianus. 350

Angelus Constantius. 367

Antonius Sanfelicius. 366

Antonius Possevinus. 371

Athenæus. 315

Afcanius Card. Columna. 341

B

Bernardinus Rota. 290

C

Allimachi tres. 239

Carolus Sigonius. 294

Camillus Pellegrius. 299

Cæsar Scannæpecus. 321

Cæsar Card. Baronius. 339

Cornelius Mussus. 361

Cornelius Tiroboscus. 359

D

Donatus Antonius Altomar-
rus. 321

F

Ranciscus Floridus. 296

Franciscus Pannicarola. 363

Franciscus Petrarca. 307

G

Aspar Scioppius. 275

Guidus Pancirolus. 279

H

Hieronymus Fracastorius.

fol. 259

Hieronymus Cardanus. 374

Hieronymus Rhamaufius. 326

Hieronymus Olzignanus. 369

I

Iacobus Gallus. 382

Iacobus Sannazarius. 378

Ioannes Tritemius. 257

Iacobus Card. Sadoletus. 265

Iustus Lipsius. 272

Ioannes Kircmannus. 278

Ioannes Baptista Attédolus. 297

Ioannes Casa. 302

Ioan. Andreas ab Anguillara. 304

Ioachimus Camerarius iun. 319

Ioannes Antonius Pisanus. 321

Ioannes Georgius Triffinus. 333

Ioannes Salesberiensis. 334

Ioannes Bernardinus Lógus. 326

Ioannes Picus. 352

Ioannes Vollarus. 363

Ioannes Baptista Rhānusius. 327

Ionianus Pontanus. 375

Isaacus Casaubonus. 368

L

Longus Sophista. 249

Ludouicus Ariostus. 281

Ludouicus Casteluetrus. 285

Ludouicus Dominicus. 304

Ludouicus Camerarius. 319

Petrus

P	
Petrus Card. Bembus.	263
Petrus Victorius.	267
Paulus Manuccius.	293
Paulus Minerua.	342
Pauli Rhamnusij.	325
Pausanias.	313
Petrus Chrysologus.	358

R	
Robertus Cardinalis Bellarminus.	372

S	
Stanislaus Card. Hofius.	251
Stanislaus Rescius.	252
Sidonius Apollinaris.	254
Scorinus.	355

T	
Thomas Aquinas.	386
Thomas Natalis.	344
Torquatus Tassius.	281

V	
Victorinus Manus.	384



Errata.

Pag. 22. ver. 27.	tonitruis vix	tonitrus vim
25. ver. 25.	Adeste animis	animi
39. ver. 10.	Auertitur.	accerfitur.
47. ver. 1	Fascis	Fasces
49. ver. 4.	Licientibus Ducibus	Licienses Duces
52. ver. 12.	Apostolos habuisti patronos.	Qui Apostolos &c.
& versu 18.	hæc	hoc
92. ver. 4.	Constantinopolitanis	Constantinopolitani
& versu 6.	Anatilio	Anatolio
146.	alliciebat quoscunque	alliciebat & quoscunque
158. ver. 15.	adde. Quis æstimet Vincentium ab Henrico IIII. affine	
	Commendatoris insignibus honestatum?	
281. ver. 4.	Emicuit	enituit



ILLVSTRIVM MVLIERVM ELOGIA.

Heua.



ALVE mortalium generis prima pa-
rens Heua, quam summus rerum opi-
fex Deus ex hominis latere, Viragi-
nem excitavit. Eò quidem viro nobi-
lior, quò carnem ex qua sumpta es,
Damasceni agri cœno illustriorẽ exi-
stimamus. Sic ex CHRISTO in Cruce
dormiente æternâ sibi initia Catholi-
corum Ecclesia comparavit. Nec ta-

I
SACRÆ
MVLIERES.

men illo sopore vetus, novusq. Adam elanguit, sed tantum ro-
boris assumpserunt, ut suam os Heuam de suis ossibus primus di-
xerit, cum idem secundus de ossibus in campo dissipatis esset
dicturus, dum inuicta fortitudine, qui carne, mortalitatis opera
fuerant exuti, Resurrectionis immortalitatem essent consequu-
turi. Pulcherrima specie te decuit esse, quam non pigmentis te-
merè in tabula aspersis, sed diuinitatis coloribus, penicillis di-
gitorum in quibus venustas inest, & potentia, in bono obedi-
entiæ lumine collocatam, non Tymas aut Polygnotus, sed naturæ
omnium rerum principis auctor effinxit. Et licet te ream dixe-
rint, quòd per quem lucem aspexeris, luce privare conata, mor-
tem inter delicias intuleris; omnem tamen salutis procreatrix
MARIA, quæ ex te orta est, noxam abstulit, labemq. absterfit,
dum quæ tu maximo cum dedecore perdidisti, maximo cum ho-

B

nore

nore recuperavit. Quod si muliebrem in te ignominiam detestamur; per te quoque muliebris excellentiæ laudes celebramus. In te enim fœdè à teterrimo hoste victa, victricem illam admirabilem contemplamur, quæ nos hostili fraude interclusos, in perpetuam libertatem vendicans, eum qui nimis insidiarum ad demulcendas aures, & capiendos oculos adhibuit, in alta detrussit Orci loca, & miserrimè profligavit. Et quæ lege sancita perfidè abrogaueras (quamobrem ceteri homines habiti sunt perduelles) suæ ipsius vocis suffragio, quæ ancilla effecta fuerat, nouis iuribus, nouæq; legis præceptis, è cœlo deducta renouauit. Sin secus? Ex magnitudine commodorum quæ temperatio cœli elargita est, quæ terrarum fœcunditas protulit, quæ marium præbuit feracitas, ex omnium rerum dominio, non modò nos in fulmina, grandines, nimbos, pestilentiam, terræ motus, tempestates, & rerum creaturarum seruitutem impelleres, sed crudeliter necares. Sis nostra semper Heua. sic tamen, vt hebetior ille sensus quo in præceps ducimur, intellectui qui sopore humanarum rerum torpeat, & ad diuina vigilet, sanctissimè coniungatur.

Caroli Pinti Dialogus.

Eua heu cur lacrimas? quæ tua fies mala?

Vir cur enumerat quæ patitur sua?

Attollas animos; luxit enim dies

Magnis cum tenebris obruta iam fores.

Antiquus coluber, vaser ab arbore

Res Diuum posuit pollicitis tumens.

Illi nos celeri credidimus fide,

Aerumna undè, dolor fluxit, inops fames;

Cæcorum undè parens sæua Cupidinum,

Orci mors, animi, barbara vulnere.

Ne in te tot miseris questibus, o mea

Sæua, Eua, esse velis. Ex MARIA salus

Orta est, si dolcas corpore languido;

Luceat Stella tibi, si videas minus;

Ad

*Ad portum illa feret, si mare nauigas;
Te si castra premunt, vindicat hostibus;
Vrit si igne Venus, virgineis aquis
Restinctas fugat è pectore flammulas;
Angustis laribus pauperies agit?
Vastis ditat agris. Quid genitrix prece
Ex nato omnipotens non homini obtinet?*

Sara.



Væ mutato nomine Sara dicta est (vox ipsa Dominatum significat apud Hebræos) re ipsa Princeps extitit, quippè Abrahami vxor, tum Regum multorum imperia, tum Gentium amplitudinem, diuinæ vocis oraculo propagauit. Chara coniux coniugi; quam cum fames

orbem terrarum peruassisset, atque ea de causa in Aegyptum essent discessuri, quòd formæ nitor hominum moueret oculos, & delectaret, sororem potius quàm vxorem libuit appellare. En tibi eiusdem Ecclesiæ progressus. Vxor, in abscondito, CHRISTI est. Quis enim intelligat, quo pacto diuino Verbo anima copuletur humana? At sororiæ, fraternæq; cognationis coniunctio, in omnibus Sanctis, concentu quodam, & continuo consensu, dilucidior explicatur. Chara igitur Deo mulier, quam ab incestu Regis Gerare seruatam (vt vel mortis pœna sequeretur scelus si fuisset admissum) auro, & pecoribus locupletè dimisit, cuiusq; oratione eiusdem domui partus allatus est, maturitasq; gignendi. Quænam hæc secreta fœcunditas? Ipsam quoque nonagenariam, è tabernaculo accersitam, præter spem parituram, prædicit. Copiosior additur fœcunditati vbertas. Quid illud est? Risum esse vides. Isaac nascitur; & matrem ridentem, quòd nò irrideret, præcipuæ consolationis argumentis recreauit. Quid matrem? Mundum recreat, voluptatis Paradisum renouat, qui non fluuiorum vorticibus, sed lacte irriguus, nutrit heredem.

Nouo sic viuendi ordine, vt modò geniti, Gentilium fœtus, è veteri matre nouum lac ebibentes, nouo grandi conuiuio, non fructu venenato, nouæ Legis apparatu educantur. Implet in Sara quæ Deus loquutus est, plenitudine temporum. Parit in senectute, cùm senescente malis orbe apparuit salus. Et quæ prædixerat Prophetarum, & Syllarum varicinijs, suo aspectu in humanitate confirmat. Isaaco, nomen filio est; propterea quòd luctuosa quæ priori tempore acciderant, ad voluptatem cōcupita, adepta iam lætitia effruntur, & gestiunt. Circunciditur, ne quis antiquam legem dissoluendam crederet. Rifuq. corrient ceteri, vniuersali Ecclesiæ adhærentes, qui eiiciunt ancillam, à conuenticulis abhorrent, & Isaaci tantum hæreditatem exposcunt. Quid præterea ab hac insigni Heroïna effectum est? Aspera quæ prius & inuia erant, facillima reddidit. Eius voci esse parendum statutum est, vt prædicatione, & præceptis, nec Aethiopem Solis ardores, nec niuium rigores Scytham, nec marium immensitas Antipodem, à fidei laboribus, & veritate excusarent. Israhel in gentem magnam cōsurgit, cùm magna ex auditu Fides euaserit; & pane in viatico, & aqua in Baptismate, errantes in solitudine, sub vna Arbore, vna Cruce, vno Christianæ militiæ vexillo, vel morientes vitam cōsequamur. Hæc Sara illa est, quam cùm magnarum rerum prænunciam Abrahamus habuisset, apud Chananeos, post centum viginti annos quibus vixerat, idem pijsimus honesta condidit sepultura.

Caroli Pinti.

*Coniux fida nimis seni Abrahamo,
Ancillam thalamo viri dedisti,
Ad dandam sobolem: tuæ quod essent
Matrices sterili sera reclusæ.
Conceptu in senium at suo tumentem,
Seruam arces miserè domo. banc supernus,
Per lucos, monet Aliger, vagantem;
Et sedes redit ad suas heriles.
At tandem pietas iubet Tonantis,*

*Te non fructiferam situ senecta ,
 Danda progenie, magis placere .
 Tempus, quo parias venit cupitum ,
 Rifu , & latitia dies serenos
 Imples : Isaci sonus vocati
 Signat nominis id suæ parenti.
 Hæc dat gaudia Iupiter bonorum
 Largitor, solio suo beatus.
 Quid non, quod tenebris fiet refertum,
 Quid non, mæstifico solo relictum ,
 Quid non, quod sterili nota vocetur ,
 Aliis perpesuò nitens lucernis
 Lustrat, latifico lari reponit ,
 Facunda vehit astra ad vsque prole ,
 Et terræ infimæ , & ætheris creator ,
 Iusterum Dominus virumq; custos ?*

Rebecca.



Mnem in Rebecca Bathuelis filia pulcritudinis
 speciem, omne virginitatis decus, decorisq; di-
 gnitatem hæc imago repræsentat. Felix tanta
 virgine Mesopotamia; felix vrbs Nachor; feli-
 cissimus vero aquæ fons, ad quem cum puella
 accederet, vberimos, suauissimosq; latices

3

profundebat; quos dum Abrahami seruus camelis præberet,
 sponso Isaaco pulcherrimæ vxoris gratiam propinabat. Effun-
 dentem hydriam nitido brachio Rebeccam, præcordia ipsum
 nimia voluptate aperientem seruum cernes. Inaures, & armillas
 dum ipse largitur, dicto se illa audientem, manusq; ad viri nutum
 ligantem patefacit. Quæ hauriens aquas, vno hauustu diuinam
 voluntatem, matrimonij sanctitatem, suorum obedientiam per-
 potauit. Vis eodẽ Saræ mysterio, cuncta cum Rebecca innouari?
 Iam plena est, iam pinguis Ecclesia, & gratiarum copia affluẽter
 abundat; & huiusmodi gẽtibus innotuit, vt omni sororis sublato
 timore,

timore, vxor summa cum libertate appelletur. Quàm publicè ad petendam vxorem Eleazarus mittitur? Quis rerum perficiundo negotio adhibetur apparatus? Quàm longè Paranympus proficiscitur? Sed nec sororis idcirco nomen abijcitur, quando sororis & sponsæ priuilegium non debuit irrogari. Soror in Sara, cùm humili & inermi piscatorum turba incipiens, metueret; vxor in Rebecca, cùm eorundem spiritualibus armis, summi Ducis potentia inuictis, oblecta, cunctis imperitans, adeò formidolosa facta est, vt quosque videas maxima cum reuerentia prostratos. En Hydriam, venustissima virgo, afferas in scapula. Hæc nimirum summæ auctoritatis potentia est; quippè in humeris, principatum esse factum, impositis lignis, in montem iturus, vir hic tuus prædixerat. Tuq. notiora prædicis, cùm aquas vel in canales effundens, Ecclesiam ex CHRISTI corpore ditissimos thesauros omnibus copiosissimè aperientem significasti.

Auctoris .

*Hydria, Fons, Puteus, Legum sunt symbola . nascens
Natura admouit labra tenella scyphis .
Sobria (lege data) largos exquirere fontes
Didicit , & viles hausit inops latices .
At Sol dùm rosea vitali lampade fulxit ,
Concordiq. thoro iuncta viro querula est ,
Tentauit penitus putei scatebrosa profundè
Ilia , queis lymphas , flumina pura trahit .
Hac Rebecca monet, saturat cùm pulcra camelos ,
Et sua vesanam detrahit vnda sitim .*

Pinti.

*Priamide cultas Helenas , Veneresq; Cytheris ,
(Quando mouent se pulcra magis) mea corda repellunt ,
Omnibus his pulcris Bathuelis nata præisti .
At species quid grata iuuat sine dotibus, intus*

Pectora

Pectora quas condunt, foris & quas dextera pandit;
 Et tibi purpureum os ridet, flauiq; capilli;
 Et Charitum tibi spirat odor, te plurimus ardor,
 Te comitatur amor, cali ditissima donis,
 Omne tegis decus, at casto velamine frontis:
 Hæc tua, magna nurus, virtutum lumina vidit
 Antè Abraham, genitiq; sui te destinat alto
 Iure thoro, degensve Chana, te querit ab oris,
 Quas colit Euphrates, quas longo limite Tigris
 Ambit agri, Galilæa tui spectauit honores,
 Connubio iunctæ Isacco, propriæq. dicatæ.
 Non Abrahæ famulus nitidæ pro munere læuæ
 Ornamenta tuæ, non auri insignia gesto;
 Non latices rogo te putei, quos hydria traxit,
 Quò m' deant mea lassæ vijs, mea guttura sicca.
 Perge iter inceptum, nec virgo vocata redibis.
 Sunt domini mihi dorsa mei non dena camelum,
 Qui ilignis valeant potare canalibus undam;
 Non paleas, non posco meis fenilia frænis.
 At, quæ clara tuo præfulget nomine; virtus
 Sit, quæ res patiens nouit perferre sinistras,
 Postq; meos luctus, risus sint dona mariti.

i. M. / spora
uia.

Rebecca
idem sonat
ac patitia.

Pauli Portarelli.

Pectore magnanimam, & dùm pulcra Rebecca modestam
 Se monstrat: nitidas datq; libenter aquas.
 Et famulis Isaac missis, pariterq. Camelis,
 Est ducta in thalamum leta puella viri.
 Omine sic fausto connubia grata Tonanti,
 Solenni pompa sunt celebrata domi.
 Fortunata domus, felices prole parentes,
 Quos, placuit Superis, tot cumulare bonis.

Rachel.

Rachel. Lia.



4 Vm pastoribus inter ouium greges pulcherrima mulierum de Haram commoratur Rachel, quæ vel in virentibus agris inter flores sedeat, vel sub frondenti arborum coma degat; aut oues sub Solis ardoribus pascat, aut ad caulas Hespero adueniēte deducat, semper decora facie, venustoq. aspectu intuentium oculos reficit, & consolatur. Osculo à flente Iacob excipitur; amoto è puteis lapide, sitim à pecoribus ablegat, patium oculorum radijs ferit, quod lippis oculis Lia soror efficere haud poterat; eundemq. septem annorum seruitute retinet, & temporis momentum ab amore effectū est temporis diuturnitas. Ceterum cum pro Rachelis connubio, Liæ coniugium esset expertus, totidem annos accepta in coniugem Rachele, despiciens Liam, ad quam nihilominus noctu admissus est, seruire non abnuī. Contemplatur Rachel. Agit Lia. Oculorum lippitudo aliquid turpitudinis Liæ afferebat; quis enim actiue vitæ laboribus aliqua ex parte huiusmodi non defecerit, vt summo bono constanter perfrui liceat? Sed qua aspectus dignitate Rachel nitebat, quam libatis osculis vtrinque experta mentis cōcordia, humanarum actionum supplantator exquirat? At cum Lia Iacob pro mandragoris dormire permittitur, vt sapientes quos vulgus ignorat, agendo, suadendo, iuuando perducantur ad gloriam. Habes in Rachele potiora, cū patris Idola furatur. Hinc raptus, & extasis. Hinc mentis humanæ diuitiæ, cum cœlesti illa supellectili, varijs modis contemplando ditatur. Qui præsumt, prodesse discant; & in Rachelis venustate, Liæ fœcunditatem æmulentur. Iuuit Rachelem inuidia; cum enim fœcunda soror sex liberos genuisset, apud virū quæsta, ex Balam ancilla duos filios, duosq. ex coniuge Iosephum, & Beniaminum impetravit. In Ephrata mortua est, & in sepulcro posita Mausoleis nobiliore.

Pinti.

Pinti.

Aurea Colchis habes tantum tu vellera ? Laban
Hæc quoque nata Rachel .
Signat quem formosa Rachel ; pro vellere virtus
Ipſus alta manet .
Dos animi, atque oris veniat licet altior, auri
Quos libet ad pretium .
In te totus ineſt, Colchis, dux fortis Iaſon
Dùm mare tranſtra ſecant .
In te pulcra Rachel, totus perſiſtit Iacob
Ortus ab Iſacio .
Vellus ut exciperes pecudis, qua Sibaris borres
Culmine Caucaſeo,
Quot pelago ſereris Princeps ſubiſſe pericla
Nauis a Theſſalica ?
Quotq; etiam es paſſus magna vir nate Rebecca
Virgine pro Aſſyria ?
Aeſonide hoc tu maior eris : quid vellus adeptus
Ipſe niſi eſt pecudis ?
Aſt tandem tibi tota pecus virtutibus alma
Aurea iure datur .

Cyrilli Candidi Carmelitæ .

Quàm tibi, magne Pater, ducta eſt pulcherrima coniux ?
Certè erat informis plus ſatis illa Lia .
Seruitio annorum bis ſeptem hæc ſamina conſtat .
Cur tanti ? Laban ſic mihi auarus erat :
Adde quod haud vidit dotes, quæ in corde latebant,
Externoq; latens pulchrius ore decus :
Prò ſi vidiffet, ſeruiffem ſecula centum,
Poſt, ſpem luſiffet rursus & ille meam ;
Nempe mihi, ſi vis, animo dicturus auaro
Natam, iterum centum ſecula ſeruus eris .

Maria Moyſis ſoror.



Væ admirabilia exercituum Dominus cōtrā Aegyptios gesserat, cū vehementi, atque vrente flamine ventus vastum Rubri maris aluenū siccaſſet, reliq̃taq̃. inter medios fluctus via, currus equiteſq̃. inimicorum ad Iſraelitas inſequendum inuitaret; Quæ indē glorioſa accidiſſe cognita ſunt, vt Ducum omnium fortiſſimo, ſapienſiſſimoq̃. extendente manū Moyſe, in vndarū diuortio hoſtis Pharaō cum ſuis miſerrimē interiret, poſt ea quæ frater cecinerat, ſapienſiſſima Prophetiſſa Maria, non Siſtris, aut Crotalis, quæ obſoleta antiquæ Legiſ voces reſonabant, ſed tympanorum nouæ Euangelicæ melodiæ ſonitu, ſanctarū mulierū choro decantauit. Quos (dic age) cantus edidit? Quibus nihil ſuauius Græca licentia, nihil excelſius omnium Muſarū chordæ concinerent. Audi, & oblectare. *Cantemus Domino; glorioſe enim magnificatus eſt; equum & aſcenſorem eiſ deiectit in mare.* Quod grauius, magiſq̃. propriū epigramma ſuperbiſ Romanorum inſcriptionibus legimus contineri? Benè cecinit; malè operata eſt. Propter Aethyopiſſam vxorem, in fratrem inuehitur. Quid ſi acerbè & perulanter? Fratri Maria detrahiſ? Et fratri qui manſuetudine homines qui comorantur in terra antecellit? Quàm ſeuerè in mites opprimentes Deus animaduertit? Tu diſcito, quæ extrā caſtra eiſceris, quæ lepra deuorariſ, quæ nequiter inſultans, rubore ſuffuſa, intelligas quonam pacto cum fidelibus ſeruis à Deo agatur; tu enim per ſomnia, Moyſes verò abſque ænigmate accipit apparitionem. Abſtruſa omnia ſunt quæ à Deo proficiſcuntur, vt eiſ potentiam ſecretiora quædam redoleant. Quid turinuides? An non recondita canis? Quē enim factum eſt, vt à tumentī vnda fluidum mare veluti firmiſſimo muro ſeptum fuerit? fueritq̃. oriſ propugnaculum Iſraelitiſ? Abſcondunt patenti miraculo fluctus diuinam

diuinam omnipotentiam; quid tibi sumis? quid contrà fratrem garris? Tangitur à te tympanus qui extensa pelle carnis denotat macerationem, & abiecta humilitate superbis? Ades victoriæ cum choro, qui ciuium communione charitas est, & cum tuis à charitate longe es aliena? ergò & circuncisio tibi carnis arridet, & Neomenias laudas, & sanguinis amplecteris sacrificia? Tu Sinagoga es, quæ cum Aaron, cum Sacerdotibus, Moysem qui ad Aethyopissæ connubium transiuit, legem quam spiritalis lex uxorem accepit detestaris. Post Aethyopissæ copulam, non loquutus est Moyse Deus in ænygmate, sed in veritatis specie lex ipsa cognita est. Quamobrem in ea Gentium salus elucet. Sed ne cesses à laudibus. Quantum tibi vtilitatis attulere? Septem diebus è loco populus non decessit, donec fueris reuocata. Laudet quisque Deum. Nec ore rabido eius gloria inquinatur; & valent laudes ad remissionem.

Auctoris.

*Tyrrheno audenti Inarimes imposta Typhæo
Obsirepuit, sauos edidit vnda sonos.
Sparsit & Oromedon Vesuuinis rictibus iram,
Turbine cum piceo viscera adusta vomens.
Littore Erythraeo, curru, fastuq. superbo
Cum ruit in fluctus, cum vada cæca petit
Crudelis Pharaon, nec Ganges fluminis exit
Aluo, nec Nili murmura rauca tremunt.
Torpuit & diues Aegypti in gurgite tellus,
Dum mare cum gemitu luxit & erubuit.
Nec mare, nec tellus, nec ruptus faucibus ardor
Commemoret facinus; sola canat MARIA.*

Portarelli.

*Quem tremuit Nilus, qui Aegypto sceptrâ mouebat.
Rex in Erythraïs cum obrutus esset aquis,
Extinctusq. potens, tantusq. exercitus: vnde
Rubra etiam notum littora nomen habent;*

*Virgo soror Moysis, tam magnis lata trophæis
 Ad cælum illa oculos, sustulit illa manus;
 Et cecinit Domino diuino carmine laudes
 Prodigia immensè testificata Dei.
 Qui facit ut serui incolumes ex hoste triumphant,
 Illis & tumidi pareat vnda maris.*

Pinti.

*Sic soror in fratris gestisq. canisq. triumphum;
 Sic Domino gratos fundis ab ore sonos?
 Quis tuo in hoc cantu Pharaon, quis tela Canopi
 Non immersa videt sub vada ceca sali?
 Dulciter ore canis Moysi Iudæa Thalia,
 QVAM Superis laudes promere dulce melos?*

Raab.



Admirare beatam hanc meretricem, cuius opera omnipotentis Dei virtus vel hostibus patefacta est; cuius vocibus eiusdem nomini honoris gloria accessit; cuius arte cum iam diuinæ voluntatis exploratrix esset effecta, seruantur exploratores, Rex deluditur, & inuictus ille Iosue, qui maximo Moyse ad præclaras res gerendas successor ab ipso Deo datus est, Ierico in suam redegit potestatem. Prophetico ferè spiritu sancta mulier Hebræorum vaticinatur excidium; Historica, narrat quæ in mari Rubro, quæ trans Iordanem acciderant; Oratrix, Dominum cœli & terræ confitetur; sed prouida, suorum salutem, suo hoc beneficio compensat. Prædicat, narrat, orat, prouidet. Habes Ecclesiam. Eius typus in hac ex gentibus ostenditur; quæ cum antea ob infidelitatem sordida exstitisset, suscepta deindè Euangelica prædicatione, Sal nonni nupra est, pacis afferens reconciliationem; Booz procreauit, supremæ auctoritatis dignitatem adepta; & ex meretricia humilitate, ad Raab,

Raab, ad maiestatem atque amplitudinem prouecta, omnem sibi terram subiecit. Sedulo nunc tuorum saluti cōsule. Fit sanè. Ierico expugnare Iosue nititur; vincendum sibi mundum, eiusq. principem ejiciendum Saluator statuit. Cuncta barbarum plena sunt; elementorum ipsa tumultibus iactatur natura. Quam tuis afferes spem salutis? In promptu est. Coccineo funiculo liberamur; sanguinis memoria viuimus; signumq. illud in Vaticanæ fenestra patens, cunctis in ea domo degentibus vitam esse daturum prædicamus. Efferat Manus, & Aquilas Romana Legio; Constantinæ Labarum Græcorum cohortes extollant. Insigne hoc Raabicum sequamur sanguine aspersum, in quo veræ salutis symbolum veneremur.

Pinti.

*Pulcra Raab velox signabis feneſtram
Coccineo: Iosue imminet urbi
Armipotens, patriam mox bellaturus opimam,
Mœnibus, & populis metuendam.
Obſtabit Iosue infelix & Hiericus armis,
Brachia cui sunt viribus altis?
Huic aditus arens faciet Iordanis, ut olim
Belligero Moyſi mare rubrum;
Federis huic præſtò inuicta eſt arca, omina tutus
Qua mala cuncta fugæ dabit: auſpex
Huic Rex omnipotens, reſtim ſuſpendere ceſſas
Purpuream? cadet heu patria: an non
Tota, vides ut illa pauet, totiq; tremiſcit
Artubus, ut ſe claudit, & armet?
Obſeſſam cernes, quin hanc clangore ſubarum,
Vocibus, atque virum ruere: at tu
Funiculo rubeo (IESV an notat ille cruorem?)
Freta tui fugies obitum una.
Tu meretrix leſhi viſare pericla merebis,
Quod fidei non vincula frangas?
Non ne fidem ſeruent homines, promiſſaq; ſi vel
Hæc meretrix timuit violare?*

Debora,

Debora, & Iahel.

7 8



Acras fortissimas Bellatrices alteram consilio validam, alteram manu promptam & potētem, quēnam facundior quā sancti Spiritus lingua eloquetur? Sisara Regis currus, quadrigasq. & sexcenta armatorum millia Debora nihil metuens, in aciem cum Baraco prodire audacter voluit. Iahel Regem fugientem, in tentorium accersitum, clauo & malleo tempora percussam interemit. Non ab re sub Palma Debora iudicabat, quæ victoriam Israelii esset annuntiatura. Non ab re in tentorio Iahel, pace inter Azorem & Heberum intercedente, quæ perpetuam gentibus ostendere debuerat salutem. Surrexit Debora, sic enim erecta Gentilitas est. Egressa in occursum Iahel, propterea quod sancta nobis è cœlo occurrit omnipotentis Dei misericordia. In monte Tabor Debora, in tentorio Iahel, triumphantem enim illa, militantem hæc Ecclesiam prædicebant. Et dūm Debora victorem impellit, nam semper in sæuissimos hostes Fide impellente accendimur, Iahel Sisaram operit pallio, quippe Redemptoris humanitate, in nos irruentes, maxima cum Christiani nominis gloria confundimus. Idq. huiusmodi testimonio confirmatum, ut Iahel, non in Iouis templo ad tonitrui vix expellendam, sed ad Gentium salutem confirmandam clauum fixerit, peruetustum confirmandæ rei testimonium.

Portarelli.

*Quis laudes, quis virgo tuas aquare canendo
Virtutes valeat, quis tua facta loqui?
Tu populum Hebraum è manibus diri eripis hostis,
Vnde tuo est patriæ robore parva salus.
Dūm grandi, inuictæq. animo, dūm fortibus ausis
Sisara inhumanum das, bona virgo, neci.
Horrendumq. caput clauo transfigis acuto
Intrepida æternum nomen adepta manu.*

Pinti.

Pinti.

*Debora Baracho forti comitata Prophetis
 Surge : Deo totum tribuas hunc.nacta triumphum ;
 Dextra etenim victrix hominum sine numine Dium
 Esse nequit . multa facinus memoretur in æuum
 Laude , maritali Cinao fulget Aberi
 Quæ facula Heroi horrendi soror altera Martis ,
 Currentem celeriq; fuga quæ Sysara tecto
 Castrensi excepit , cuius tum lacte fugauit
 Blanda sitim , timidis constrauit pallia membris ,
 Malleo & hinc furtim præduro tempora clauo
 Fodit humi ; & mistum spumis vomit ore cruorem :
 Interit , & Ditis crudelibus occubat umbris .
 Ausam dare insigne hoc factum es tu sæmina Iabel ?
 Tu infestum Chanaan potuisti fundere Regem ?
 Sola hæc speratam peperit tibi Delbora palmam :
 Nunc est ascendens ad grandia culmina laudum ,
 Nunc verè tu eloquens , dùm tam concinna trophæis
 Carmina das , superis & fundis pectore grates .
 Felices ambo : mulier cui temnitur , unde
 Parta venire solet pax , & victoria genti ?*

Dalila.



Ec Palestinæ meretricis imago hæc te moueat .
 Dalila est . Fortissima est mulier . Meretriciam
 ignominiam occulta in sacrorû mysterijs me-
 moria occupauit . Hæc illa est ingëtium virium
 domitrix . Nosti Samsonem ? A Manue procrea-
 tum ? Nazarænum Dei ? Israelis liberatorem ?
 Nosti inquam , virum illum in quo generando tot admirabilia
 intercessere , vt sterilis mulier conciperet , immunda fuerint inter-
 dicta , sacrificiorum libamenta , foetusq; peccorum propositi ,
flamma

flamma in cœlum cum Angelo ascenderet, & cui genito diuinus Spiritus aderat in castris? Qui sæuos discerpit Leones, Ascalonitas percutit, Philistinorum legetes vineasq. succendit, vincula durissima soluit, ludæos internicioni tradit, fores ciuitatis humeris impositas in montis verticem portat? Potuit'ne fortior existimari? A Dalila superatur. Qui? Dùm decipitur. Cùm enim tantarum virium rationem exposceret, è septem eius capitis capillis eas oriri, blandis verbis extorquet. Raso dormientis capite, vires huiusmodi perfractas reddit, vt in hostium potestatem redacto, vtroque oculo excæcato, in pistrinum adhibito, indignis modis illuserint. Quanam meretrix nostra erat humanitas, ex cuius sanguinibus, ex cuius carnis voluntate, dicta, factaq. nostra prodibant? At eadem attritis mystici Samsonis viribus, ab eo assumpta, quamobrem absque capillis (diuinitatis scilicet virtute demissa) ludibria ad salutem non contempsit, quàm diues, quàm munda, quàm legitima Saluatoris sponsa euasit? Fortunata Dalila, quæ tantum valuit. Sed beator, sub cuius nomine redemptionis humani generis regitur historia.

Pinti.

*Horrendum in Lybico lasciuit litore monstrum,
Pars reliqua est anguis, femina pube tenus.
Ista viatori Veneris blanditur amanti,
Pectore dùm mammas explicat, ore sonos.
Incautus properat, capitur, concluditur vlnis,
Vltima at amplexu clàm venit atra dies.
Tùm satur moriens; Me forma fefellit. Amore
Hinc fuge femineo perditte quisquis amat.
Dalila, tu monstrum es, Lybicas quod terret arenas,
Dùm scisso forsis vir tibi crine cadit.
Ille Philisteis non mille repellitur armis,
Et qui victor erat, sic tibi victus adest?*

Iuditha.

Iuditha.



Ognita Saporì Perfarum Regi est Zenobiæ
 Regina virtus, quæ recuperata Mesopora-
 mia, Oriente recepto, Ctesiphontem vsque
 exercitum, magnæ cladis calamitate est in-
 sequuta. Perspectum Cyro Scythicæ To-
 miris robur, cuius abscissum caput redun-
 dante sanguine spreuit inuolutum. Regina-
 um potentia, mirificus militaris gloriæ adfuit apparatus. Quid
 verò timidam feminam Iuditham, viduitatis solitudine affli-
 ctam, in Olophernem Assyriorum potentissimum Ducem, in cen-
 tum septuaginta millia peditum, & duodecim millia equitum
 audientem, animi præstantia, corporis viribus, bellica virtute ce-
 lebriorem non admiramur? Venustatem fortasse vicisse dices?
 Vix et quidem. Et eò Vidua clarior, quò pulcritudine ferociam
 reddidit crudeliorem. Iam moenia, ciues, fortunas, Betulia tri-
 ginta quatuor dierum obsidione, prohibitis aquis deperdita,
 hostibus erat traditura. Miseret suorum eam civium, non Ciui-
 ca, sed cœlesti corona dignam. Componit se ad pulcritudinem,
 ornatur vestibus, comitur, & fuce ad alliciendum coloratur;
 noctuq. è ciuitate, ancillula tantum comite egressa, ad hostium
 castra contendit. Percrebuit rumor è Betulia insignem forma,
 atque habitu aduenisse mulierem. Ad eam ruunt, & ad Olopher-
 nem ducunt. Misericordiam exposcit, & simulat salutis causa
 indè profectam, veluti futuræ ruinæ consciam, atque Hebræa
 calliditate, Assyriam sibi fidem acquirit. Triduò ibi commora-
 tur, impetratq. vt nocte intempesta ad vallem Deum præcaturæ
 progredi liceret. Accenditur amore temulentus, & ea in tento-
 rium excepta, post dapium, vinorūq. voluptates, omnes explodit.
 Adeste animis fauete viribus. Impauida iam facta mulier, somno
 sepulchrum Ducem obtruncat, & reuulso capite, in ancillæ peram
 iniussu, ad urbem redit, dùm qui ad custodiam corporis erant,

D

ad

ad vallem eam profectam esse sibi persuaderent. In mœniorum propugnaculo capite suffixo, impetuq. ab oppidanis facto, ad Ducis tentorium a militibus concurritur, qui vbi interemptum conspexere, tanto timore sunt percussi, vt terga vertentes ad interneccionem interierint. Sed quæ potior in hac muliere victoria? In ea rerum perturbatione pudicitiam potuisse tueri.

Pinti.

Nûm patrios patiar muros circumdari ab hoste?

Femineo vindex pectore fortis erit.

Non vis in dextra hac? dabit ipsi robora summus

Magna Deus. tali guttura voce sonant,

Et validos Iuditha subit munita lacertos

Castra, & Olophernis discidit ense caput.

Surgite vos calami, vos musica surgite plectra,

Aufus, & tantum tollite ad astra decus.

Noemi, & Ruth.

11, 12



Alterius ne despice Viduæ miseriam; ne afflicta illudas; ad Regiam enim amplitudinem huiusmodi prouecta est, vt ex nurus filio Obed, Itai procreatus, Dauidem genuerit. Noemi, Bethleemiticam intueris, quam in Ruth Moabitide Deus exaltauit. Famem cum Elimelech in Bethleem, quæ panis domus erat, explere nequireret, cum vxore, duobusq. filiis in Moab regionem se contulit; quam vix attingerat, cum decessit. Filios in trimonio cum Orpha, & Ruth iam coniunctos, post decem annos Noemi amisit; quæ filijs, & coniuge orbata, vtramque nurum dimissura, in Bethleem cogitabat. Quarum altera abiit; altera inuita socru, nunquam se discessuram obstinato animo affirmauit. Bethleem reuertuntur; laudatur Noemi. In humilitate autem constituta, non pulcrum, sed amaritudinibus plenam esse appellandam dicebat. Mox paratum campum,

campum, spicis refertū (hæc diuina illa prouidentia est) & Booz in pauperes respicientem inuenere. Efficax nimirum est, mendicitatis patientia. dū enim colligendis cadentibus modò spicis animum Ruth intendit, messoribus, spicis, agro dominatur. At verò hordenū colligit. Itā quidem. Hanc messē quis potiorē, & asperiorē neget? Inter Legem, atque Euangeliū hæc intercedunt; quamobrem & panem in aceto intingit, cū postea in vinariam cellam esset introducenda. Sed vtrumque ita manipulo colligauit, vt vnum reddiderit; & tandiū messuit, donec hordea, & triticum in horreis conderentur. Magna hæc in hisce mulieribus admiror. Illud autem nimis reconditum quis reticeat? Suscitatur in Noemi, vendito agro, in hereditate propinqui nomen, ceditur propinquitatis iuri. eiusq. rei testimonium calceamenti solutione confirmatur. Soluit quoque calceamentum Moyse, hereditatem CHRISTO relicturus. Nec immeritò à pedibus orditur, qui caput anguli esset faciendum. Et nudis pedibus Apostolica Fides, quæ in mareurbationum, vocationis sagenam quotidie erat immissa. Rudisq. pedibus fidelis, qui spinarum, & tribulorum puncturas non perhorresceret, quas amoris ignis aduxerat. Dumq; alter calceamentum exuit, induit alter; quippe nihil Moyse cum CHRISTO, nihil cum Ecclesia Sinagogæ, quæ proximo suo cedere coacta est, licet mulieris Ruth filius quem ex Booz genuit, Noemi filius dicatur, cū ex Hebræis Saluator ortus, cum Gentilibus voluerit commorari.

Pinti.

Arepolis lux, fida socrus spesq; alta Noëmi;

Dira abiit, spicas collige læta, fames.

Affinis tuus est, dominus, Ruth, ruris opimi,

Cui metitur vasto blandula arista solo.

Perfice iussa socru monitus quicunque ferentur;

Et tibi messis herum mox fore crede virum.

Hæc hominum fors est: post fletum gaudia surgunt.

SPERET in aduerso qui tulit agra diem.

D 2

Abigail.

Abigail.

13



Armeli cautibus asperior Nabal, tātum malitia & improbitate increbuit, vt meritò in omniū inuidiā fuerit adductus. Animaduerte nomen. Stultus est. Quid stultius? Dauid, qui mortuo Samuele in desertum Pharan se receperat, ab eo pecora tōdente, per pueros, vt summā ipsi pacem, summāq. tranquillitatem concederet, nulla iniqua proposita conditione, afflictionis subsidio, quæ posset, quæ iuberet, est deprecatus. Sed magis perfido, quàm inurbano animo rusticus, contumeliosè & insolenter denegauit. Num diuitiarum locuples, & humanitatis inops egestatem propulsare cū queat, & abnuat, viuet? Ad eius domum excidium, ira percitus Dauid contendit. Quid statueret, nisi speciosa, & prudentissima vxor Abigail, calamitati occurrendum deliberasset? Itā diuina prouidentia factum est, vt sapientes vxores quamsæpissimè, virorum insanias corrigant. Panibus, vino, arietibus, passis vis, & caricis, inconsultò Nabal asinum onerat. Ad Dauid properat; quem verba minarum plena cū iactantem audisset, efficaciori qua potuit eloquentia ex tempore composita oratione, tām benè dixit, vt nihil cultius quisque Oratorum summus, nec vberiori facundia protulisset. Quos humilitatis locos, quas Dauidicæ virtutis laudes, quæ profudit enthimemata? Ad eius pedes procidit, dominum vocat, se ancillam dedit, coniugis iniquitatem ad seipsam reuocat, eiusdem stultitiam confitetur, donorum oblationi benedicit, iniustum Ducem effert, sanguinis detestatur effusionem. Quid? allicit, hortatur, persuadet. Vis oratoricæ persuasionis argumentum? *Benedictum eloquium tuum; & benedicta tu, quæ prohibuisti me hodie ne irem ad sanguinem.* Nec Hortensia vnquam tantum valuit, nec Cornificia magis dicendo vicit. Sic blandi sermonis fluuius, si mores hominum spectes, furoris flamma extinguitur. Sic sanctæ orationis eloquio, diuina ad vindictam ira placatur.

Pinti.

Pinti.

*Carmeli Abigail deferere verticem ,
 Dùm tondent pueri lanigerum pecus ,
 Si te forte ciet salus.*
*I, discriminibus ne doleas tuis ,
 I, ne mœsta viri funera defleas ,
 I, ne firma ruat domus.*
*Desertas Pharaan te fer ad arbores ,
 Turmas inuenies obuia , bella quæ
 Ingratis animis mouent .*
*Dauid nonne acies magnanimi Ducis ?
 Dauid non ne minis horrificas tubas ,
 Dauid non clypeos times ?*
*Nullus, commonuit conscius illius
 Irae, ex tot pueris , quos alis indies ,
 Insani Abigail viri ?*
*Perge hinc non vacua dextera , & alloqui
 Ne te illum pudeat , muneribus latet ,
 Verbis atque tuis quies .*
*Rudentumq. humeris cacuba , caricas
 Impones , Cererem , fercula carniū ,
 Nabal quò fugiant mala .*
*Et quantum validis munera viribus
 Possint , perspicias ; quantum humili prece
 Fusa , pectore proderis .*
*Dauidi eloquium pluri erit tuum ,
 Quàm culta hac species , quàm tuus hic lepor ,
 Quàm si ipsi omnia deferas .*
*Compones animos ut mare feruidum ,
 Extincta ad solium iunget Hymen duo
 Nabal coniugij face .*
*Vt tu, quæ es sapiens, lumine sub Iouis
 Est quid sordidius , quàm bona si neges ,
 O digna imperij tholo ?*

Ester.

Esther.

14



B Indis ad Aethyopes Assueri Regis Imperium, centum viginti septem prouincijs circumscriptū; eiusdem magnitudinem, atque potentiam, centum & octoginta dierum cōuiuio Persis, Medisq. amplissimo luxu parato, omnium oculis summa cum admiratione obiectam; opacorum nemorum oblectamenta, in quibus hyacinthini coloris tentoria, byssinis funibus, eburneis circulis, marmoreis columnis sustentata, tūm Smaragdino & Pario stratum lapide pauimentum, in quo lectuli ex auro, argentoq. dispositi; picturarum varietatem; pocula rorantia quibus tota bibendo superabatur Asia; Valthi demum Reginae comissiones, & venustatem, adeò vilia Susanita Esther Mardochei nepos effecit, vt ipsam Assuerus amaret, honoraret, præterea nihil. Sceptri maiestas, Esther facta est, cuius nutui omnia cederent. Omnem amplitudinem, sola venustatis forma exhaustit; nec opus habebat oleo, aut myrtinis vnguentis, quæ vultus nitore præfulgebat; nec aromata, aut fuci ad mulierem accedebant, cui sola admirabilis species ad omnem cultum superesse videretur. Quid tum? Valuit ad ludæorum salutem simplici ornamento pulcritudo conspicua. Valuit ad potentiorum superbiam depressendam. De Amano loquor. Nolint Regum gratia, & fauore prouecti, tantum sibi sumere, vt gentis, patriæ, stirpis, inopiæ obliti, genua sibi flectenda procurent, nec in folio, fortunatis Solibus, iubeant sibi ministrari. Nec Reges, si quis eorum gratiam fuerit aucupatus, ad aliorum inuidiam prouocent; in ipsis enim met vespas denique concitant. Nec ab ipsis Regibus aulicis faciles aures præbeantur, à quibus diuenduntur. Excæcat tunc Esther dominantis oculos, cum occultis negociorum artibus volens lubensq. illuditur. Ecquid sacco indueris Mardochee? Quid fles? Neptem tanti nominis, tantæ apud Assuerum dignitatis habes, & times? Iudæos necandos ploras? Murus ipsa, & clypeus gentis tuæ calamitatibus efficitur;

Omnium

Omnium ipsa subire periculum decreuit. Ad Regem ingreditur vel si esset percundum, quippe legis præcepto aduerlabatur. Fidentem cur admirabor? Trium dierum, & trium noctium ieiunio fortissima euasit. In furore ebrium, sancta ieiunij armatur audacia. Quas malorum cohortes, quos peccatorum impetus ieiunium non pe. fringit? Omnia habet; cuncta impetrat; & placet, & placat, & in honore vel in cælo habetur. Idcirco in domus atrio nunc Esther ieiuna conspicitur, vt in penetralibus ab summo Rege in solio sedente excipiatur. Et vbi quis vino incauerit, de excidio, de calamitate cogitet necesse est.

Pinti.

*Mille quæ ex pulcris placet Assuero
Vultibus, sceptrum meret vnde Vasthi,
Quæ patris fratrem precibus superbo
Vindicat hoste;*

*Quæ trabes mortem patruo minantes
Sustulit, Regis metuenda cultu
Et malum in se, turpe alijs quod optat,
Struxit Amanus:*

*Neptis hinc gaudet prece Mardocheus,
Suscipit sedem benè primus Aula,
Vnde Amadathi cecidit vetusto
Sanguine cretus.*

*Quæ potens verbo incolumem paternum
Reddidit Iude populum, rogatu,
Hic ne ab hostili maculatus ense
Iret in Orcum;*

*Ire in his nostris poteris Camænis?
Maior hic ne ibit mea, quàm CAPACI
Laus & silet fidus, rutilo loquente
Lumine Phæbi.*

Anna vxor Elcanæ.

15



Ntiquarum omnium mulierum æmulā Annam Elcanæ vxorem conspicio; quæ in Christianæ patientiæ simulacro constituta, non modo Phenennam quoque sibi dari sociam in coniugio, sed etiam sacrificiorum vnâ tribui partem passa est, cùm plures Phenennæ filijs, immolationis læritia gestientibus animis distribuerentur. Recrudescere doloris vulnera sentiebat, cum Helim, Ophnim, & Phineem Sacerdotes pro Phenenna libantes reminisceretur, cùm de cibi potusq. abstinentia percunctaretur Elcana, & cum sterilitatem (quem moerorem in præcordijs conceptum continebat) ad templum ascendenti socia exprobraret. Qua verò animi fortitudine rem sustinebat? Quibus consolabilibus lacrimis animi amaritudinem recreabat? Obduruerat iam, & percalluerat in ardua & difficili mulieribus calamitate, quæ huiusmodi benedictione superantur, voluntaria & proluxa perpeffio; & ad ea luctam benefica natura mulier accersita, non agrestibus atque horridis viribus, sed nitore ac palæstra luctata est. Non indignabunda, lugebat; & virum amantem sexcentorum liberorum loco habere sat habuit. Nec cum Phenenna tantum, virilem se præbuit athletam; Prophetas etiam habuit prouocatores. Dùm enim vota, præcesq. Deo fundebat, cordis arcana labiorum motu pronuncians, ebria ab Heli habira est, & temulenta. Honori id tibi Anna tribuas, non contumeliæ. Biberas enim in Silo, & Messæ desiderio teneri iam cœperas, eius expectatione animam fundens; Quàm bona ebrietas ex vineis Engadi? Abstine vino quo illuditur Noë. Obseruet accuratiùs Heli. Tu enim ad vinum alacritatis deserta, quæ recondita corde promissis, labia balbutire permittis. Quid maius in te desideramus? Elcana Deus zelotes est, qui in Phenenna procreabat, & iustitiæ operationibus orbem terræ, & aquam iugi perennitate obruens, & Leonum ferocia occidens, & maria, insulasq. igne comburens, gentibus innotescebat: Tu verò, Memoranda

ricordia ipsa es, quæ à Iustus viro delecta, sed conclusa sterilitate non dùm pepereras; cùm tandem, *Recordatus misericordiæ suæ*, in omnium Prophetarum oculis te lugentem est consolatus, & Samuelem, hoc est Gratiā, pacē, & rerum tranquillitate parta, humano generis præsidio, edidisti. Quamobrem dùm in pace ab Heli dimitteris, gratiā in Dei oculis deprecaris. Atqui abis, comedis, surgis. Abis in eius viam, qui Via est; comedis Angelorum panem; non comederis à zelo; & surgis mane in Ramath, cùm vesperi federis in flumine Babylonis. In vberibus felicissima cognosceris, quæ non nisi ablactatū infantem ad Deum ducis; quis enim absque lacte quod Misericordiæ mater præbet, ad Deum accedere audebit? Tunc eius vbera meliora vino, cuius in te nota ebrietatis inerat; tunc puritatis lacte enutriti cum cœlestium laudum vitulis, contritionis farina, lætitia vino, ad domum Domini ascendentes, te admirabimur, quæ corde exultas, os dilatas, in salutari tuo lætaris; Dei prædicas sapientiam & fortitudinem; qui arcum fortium confringit, famelicos saturat, steriles fœcundat, mortis & vitæ auctor est; pauperes ditat; humiles subleuat, solium gloriæ tener, terræ cardines referat, sanctos seruat, impios opprimit, fines terræ iudicat, Regi. suo CHRISTO imperium dabit. Hæc Anna prædicit; quis ea sapientior?

Pinti.

Hinc Charites multa miserantes nomine in Anna,

Hinc Dei in t leona zelus amoris inest.

Quem Deus apposuit, Samuelis vox sonat, Heli.

Obtulit, hocce notat, qui pia dona Deo.

Quattuor in templum hi veniunt, nos inde rogemus

Ad nostros properent nomine, req. lares.

GENTE domus, felix auro, felixq. salubri

Conspore: at illa magis, cui Deus astat opes.



Sufanna.

16



Enis aurarum spiritus dum inter frondes grato murmure susurrat, fragratq. floribus currenti lympa cespes irriguus, plagas infusus tendit auceps, simplicemq. decipit aues, quas visco adhærescere cogit. Hem; sub arbore, infelici aucupio deceptæ sunt aues Paradiseæ, quibus ima mortis non tangere licuisset, si callidi veteratoris sibilo non paruissent. Immortalitatis pennis, quarum effugia ab omni corruptione habuerant primi parentes, visco mortis circumuolutis, & mori, & pati, & sudoribus victum sibi querere coacti, omnem in posteros miseriam transfuderunt. Hinc peccatorum turmæ, durissimæ seruitutis onera, atque variarum cupidinum fomenta; factusq. Paradisus est Babylon, in qua Seniores, qui leges condere, iudicia populis proferre consueuerant, & quorum ad exemplum ceterorum mores componi oportebat (rectè enim ciues facere, Administratores faciendo docent) impudica, & libidinosa lue affecti, in Sufannam, Ioacimi uxorem, Helciæ filiam impudenter sæuire non dubitarunt. At speciosissimæ pulcritudinis lenocinio allekti fuere; & aridiori esca facilius ignis accenditur. Falleris. Tetra libido effæto iam corpore arescat, & petulans arceatur voluptas, cum pudicitia vultu tabefacta ferè membra deceat muniri. Qui enim fieri poterit, vt impudica mente, itineris metam intueamur? vt sordido coeno lutulenti alterius vitæ, ad quam accedimus, puritatem contemplemur? At in pomario erant. Periculosius ibi commoramur; oblectant lusciniarum cantus, florum odore detinemur; ripæ, thoriq. passim varijs placent virgultis conuestiti; in herbescente solo, aut sub foliorum tegmine ornatis arbutis somno consopimur. Vitreis fontium aquis, quid delectabilius? pomorum fragrantia & varietate quid lætius? Seminarium illud est lasciniæ; tum si mulieres adfuerint. Delitescit serpens. Illico ex latibulis se emergit, & ore trilingui persuadet. Adest in pomario Sufanna, in la-

in lauatione, in vnguentis, nuda. Lubrica idcirco nimium aspici.
Corruit in Bethsabæ lauantis libidinem Deo charus David.
Intrat mors per fenestras. Optimè. Sed mala mens, malus ani-
mus in senibus quid concupiscit? Cur ab indigno facinore non
cessant? pudicitiam sanctæ mulieris violandam decernunt? adul-
terij nota falsò inurunt? Ingemuit honestissima mulier, opemq.
petit è cœlo, & dum lautius lacrimis, quàm balneo lauitur,
emori mallet, quàm scèdari. En, præstò est auxiliator Deus.
Quod clam effectum fuerat, palàm à Daniele damnatur, & ini-
qui sceleris testes, fontes, veritatis testimonio, necis supplicio
traduntur, cui sanctam matronam destinarent. Facta est inuicta
hæc mulier, falsi criminis clypeus, pudoris tutela, libidinosæ se-
nectutis accusatrix, falsorum testium iudex, innocentia vindex,
innoxij sanguinis salus, Deoq. continentia, lacrimis, oratione
tàm chara, vt omnium votis, ac vocibus ad falsitatem detegen-
dam, ad castitatem seruandam debeat inuocari.

Pinti.

*Vos ne pennati genitrix puelli
Cæpit obscænis laqueis? amæno
Helcia tantum speciosa nata in
Ambulat horto?*

*Estis an Iudæ niuei Senatus,
Estis an vestræ immemores senectæ,
Illud è vobis cecidit senilis
Lumen honoris?*

*En pedes auertite ab hoc scelesto
Igne, nam sancta vt mulier iugalis
Ioacim coniux, metuit nitorem
Ledere lecti.*

*Tam procul vestris pudor omnis errat
Mentibus? vos hanc prohibete pestem
Celites, quorum metus, & recessit
Iudicis alti.*

E 2

Abditis

*Abditis scenis iuuat ecquid esse ?
 Vos vel abdati tenebras in antri,
 Attamen Regis superi penetrant
 Lumina Olympi.*

*Vultis an solam, miseri, adamatam ?
 SOLVS is non est, comes est ubique
 Cui Deus: binis feret ille seruis
 Robora Martis.*

*Ite, ne vestra capiat aure:
 Tendite his clatrum foribus puella,
 Lecyτος pingues oleo, lauacro
 Smegmata ferte.*

*Ite, ne castis lacrymis queratur,
 Ite, ne dicat, male pressa vestro
 Impetu, infelix quid agam? dolores
 Vndique vexant.*

*Ite, ne praestat, fateatur, absque
 Crimine, in dextras hominum venire,
 Quam scelus coram Patre perpetrare,
 Qui regit orbem.*

*Linquite amantes aliena: adulter
 Si foret vestris male puniendus
 Iussibus: saltem cinis, heu, sepulcri
 Terreat atri.*

*PRÆTERIT somnus, velut umbra nubis,
 Lampade Eoi veniente Phœbi.
 Ridet, & tantum placet hæc libido?
 Fæda voluptas?*


*Ite, ne fleat precibus Tonantem;
 Ite, ne culpa iuueni notentur.
 Quam necis dignam statuis, insons
 Inde patebit.*

*Daniel tantum scelus an silendum?
 Cognito vero, Daniel, monebis,
 His ut effraenis populum omnis
 Desuet ira,*

*Viuat aternis numeris Susanna,
Quæ senum viros repulit petulcas
Quæ viri leges pia certiori
Fœdere sanxit.*

*Hanc beant cæli specimen pudica
Coniugis. vos ast Erebi cauernis
Iudices, clausi, impietatis acti
Flamma ab Amoris.*

Sara, Raguelis filia.

 Vi vreris, & matrimonij iura ad benè viuendum, tibi expetenda proponis, ad Raphaelem confugito, qui Saræ Raguelis filiæ Tobiam copulandum huiusmodi erudiuit, vt sacri cōiugij vera lege seruata, à dæmonis interfectoris metu, semper fuerit alienus. Septem Saræ viros dæmonium occiderat, quorum obitum tam patienter pertulit, vt tandem meruerit cōsolari. Malè viri obierant, quòd libidinosa voluprate salaces, atque in temperantes, luxuriosius coniugij societatem violant. Non est coniux illicienda in stuprum; nec filiorum procreatio impudica licentia in scortationem commutanda. Absit ab honesta sancti Iuris Aula luxuria, nec inter Fidei honores vnquam locus detur corruptelæ. Dùm more pecudum coniuges cœunt, thorumq. nulla Diuinæ Legi adhibita reuerentia, sordidum sibi lupanar effingunt, recedant à Sacramento necesse est, & in stabulo, non in contubernio viuant. Angelico id testimonio cōfirmatur. Sara experta est. Sed eam non peccasse idcirco arbitror, quòd Tobix præcepta dantur, ne à viro muliebris castitas corrumpatur, quam simplicem, quæ ad matrimonium spectant, sanctè docuit venerari; sic enim dæmonium religarum in superioris Aegypti desertum eiecitur, & à puro intellectu surgente Deus non ignoratur. Ieiunant; orant, tribus diebus continenter degunt. Cum adiutorio Heuæ simili Tobias, misericordiam & se-

necturam

neſtutem Sara precatur. Quid mortem times? Quid ſepulcrum
paras? Iam perſequens hoſtis proſtigatus eſt, iam ſanitas reddita.
Eia, age, ſacrificium laudis offeras, reple foſſam, conuiuium
para; nihil enim eſt ſanctius quam Saræ nuptiæ, quibus vnicus
parentibus Tobias ſeruatur, quibus temporis diuturnitas, libe-
rorum procreatio, vxoria fides, coniugalis tranquillitas promit-
titur. Sumant ex Sara, & Tobia coniuges exemplum, caſtiſq.
delectentur Hymenæis, vt diutiùs feliciter viuant.

Pinti.

O nulla arbitrij gnara reconditi,
Ancilla in dominam iurgia das tuam?
Audi, cum lacrymis preces
Quas pia Sara offert Deo.
Non eſt hæc, miſeros, quæ interimit viros:
Hæc non connubij vult obitum ſui,
Vana haud mota libidine,
Quæritat optatum genus.
Cur conuitia non ſordida projicis?
AVSVS materie turpe laceſſere,
Dignum ſupplicij fuit,
Seruitium facies heram.
Septem orbata viris Sara dolens iacet:
Oſtauo dabitur lata propagine,
Magni filia Raguel.
Improba cernes nuptias.
Et qui pernociuit ſpiritus impius,
Ibit terrificè pulſus, & haud necis
Laſtabit mala: coniugi
Tobiades viuet diu.
Aſpectu accipiet, munere Raphael,
Immenſæ genitor lumina lampadis
LVCEM poſt tenebras ſeret,
Omnipotens iuſtis viris.

Proſti-

*Profligasse solet, quos peramat pater,
Pressos altius his euehit, & pati
Non longum patitur, vice hac
Se gerit in natos suos.*

Abelæ ciuitatis mulier.



18
Vsq̃uam in sanctiori Ariopago quisquam vtiliorem sententiam tulit, quàm sapiens illa mulier in Abela vrbe, à Ioab & Abisai fratribus Daudis Regis iussu obseffa, vt Sibam Iemineum interficerent. Is, odium quo Regem prosequeretur, non modo maledictis, quibus detractoris typum gerit, sed buccinæ etiam clangore insolenter voluit publicari. Quin, tantum proteruitate valuit, vt suas Israellem partes sequi, deserto Dauide persuaserit. Siccine factiosus homo cum Rege contendit? Quandiũ uiuet, & penas luet? Iam ciuitas oppugnatur, adhibentur machinæ, muros diruere & propugnacula deturbare Ioab molitur. Quò Siba euades? Omnis in te conuertitur iracundia, & cum tu vnus ciuitatem perdas, te vnum perdere mulieris huiusce sapientia deliberauit. Auertitur ab ea Ioab, & veteri prouerbio, *Qui interrogant, interrogant in Abela*; ex labore gloriam consequuturum affirmat. Addiditq̃, ne hereditatem Domini præcipitans, matrem in Israel euerteret. Cum verò respondisset Ioab, se nunquam ciuitatem demoliturum, si vnum Sibam tradidissent, inito consilio prudentissima mulier, conuocato populo, tam disertè loquuta est, vt Sibæ abscissum caput, per murum ad Ioab proijciendum statuerint, quamobrem obsidionis periculo ciuitatem liberauit. Ecquid ipsa eloquentia maius persuadere potuisset? Quod magis fidele, magisq̃ salutare consilium ab optimo Senatorum animo, in publico confesso seruandæ Reip. studio esset profectum?

Pinti.

Quòt sunt, quòtve fuere feminarum
 Splendor, quæ patria timent, in arma
 Casuræ, Isaida Duci potentis
 Visa es, consilio magis valere :
 Tu circumpositas manus Abela
 Muros prospiciens, sonos tubarum
 Exaudis ; patria paues ruina ,
 Ducforem aggredere hostium, disertis
 Et sermonibus, & venusta vultu.
 Fidentes monitus tuos capeffit,
 Turbas præcipites Ioab retardat.
 Quid tu cum populis agis ? Boabri ne
 Cretus sanguine contumax valebit ?
 Non ceruice tibi caput reuulsum,
 Fortis Saruiade, datur ? futurus
 Palma ut sis memor, una plurimarum
 Audax quam peperit, pij virago
 Cordis ; quove abeant loci mali hostes
 Pessum, qui famulos Dei infecutos,
 Letho condere moliuntur atro :
 Vtque ex feminea venire dextra,
 Multis posse viris diem salutis,
 Noscas : dulce recordor illud : ipsi
 O serpens mulier caput recidet .

Chananea.



Vr Tyrum, atque Sidonem regiones bea-
 appellem ? An quòd altera in Phoenicia, al-
 tera in Palæstina prouincijs positæ, prophæ-
 nis, sacrilq. historijs celebratissimis, odore,
 vineis fragrantibus, in nobilissimo illo totius
 Asiae littore Orientalium oculis conspicuæ sit
 ne ? An quòd in Assyriorum maria excurrentes, præclaræ pō-
 tubus,

tubus, nauigantibus mercium & diuitiarum emporium fuere?
 Tu verò Sidonem Venere Astarte extolles, in Deorum templis
 munera tholis suspensa, & tabulam Europæ commentitijs nugis
 continentē. Nihil minus. Quòd eas cum Sol iustitiæ CHRISTVS
 perlustratur, Fidei lumine Gentes nitent; quòd eò terrarum di-
 uinus Archiatus accedens, veram ad salutem comparandam
 medicinam adhibet, idcirco laudo. Quid si ob Gentium ante-
 signanam Chananæam laudandæ fuerint? Quid antesignanam?
 habuimus in ea re Centurionem. At vide quàm bellè cum eo
 contendat, quòd *tanta*, cum Centurionis Fides dicta fuerit,
magna Chananææ Fides est appellata. Neque cessit illa tempo-
 ris momento, quæ filiam illicò salutem adeptam amplexa est,
 cum *in illa hora* Centurio etiam puerum sanitati viderit restitu-
 tum. Et quæ non vterque consequitur oratione? Sed gran-
 dior dicendo Chananæa. Rogat enim ille; hæc misericordiam
 quoque deprecatur. Domini encomio IESVM ille decorat; hæc
 Dauidicæ Regiæ stupis adiicit amplitudinem. Grauiori atque
 magis periculoso morbi genere Chananæa filiam à Dæmonio
 vexatam, quàm paralyti affectum Centurio puerum antè oculos
 ponit. Illud quidem ne te, illustris mulier, offendant. De Verbo
 Centurio loquitur, Verbo puerum esse sanandum confidit. Tibi
 verò non respondit Verbum. Optimè factum censeo. Dùm enim
 Dæmonium nominas mendacij patrem; Verbum, ipsa Veritas,
 tacet. Sed ne desperes. Verbum quod in abscondito venit, taci-
 to stratagemmate Dæmonium est victurum. Sic vincit. Pelliceas
 vestes, quas primus Adam induit, eiectus è Paradiso; Spiritus
 Sancti opera in Virginitatis Paradisum introductus secundus
 Adam induit, & Pastor effectus, ad oues quæ perierunt domus
 Israel mittitur; dùmque Arca fœderis sub pellibus est, panis scto-
 rum seruat ad saturitatem. Tu, ouis quæ perieras, Chananæa,
 pastorem agnoscis, atque veneraris. Tu, Canis antea antiquæ
 Legis latratu, filiorum adoptionem es consequura. Neque Ca-
 nis nomen abhorreas, quæ Pastoris ouile summa vigilantia es
 custoditura. Quin Catelli nomine delecteris, cum profunda cor-
 dis humilitate gratiarum micæ gustaueris, in lautissima cœlesti

mensa pingue conuiuium pransura. Tunc, quæ Verbum nunc
in anigmate reticet, immortalī voce propalabit, *O mulier, ma-*
gna est Fides tua; fiat tibi sicut vis; iam enim ouis, filia, catella
æuo sempiterno fruens.

Pinti.

Sidonios, mulier, desine limites,
Pastor non procul est à gregibus. Canis
Nomen ne iugias. Pastor enim canes
Ducit post pecudes. tu, ut reor, es canis
Latrans Tartareo pro genita Lupo.
Quod si est fida canum cura fidelium:
Quàm vera Dominus laude tuam fidem,
(Latrasti eximie) sidera ad extulit.
O si hanc quisque animo det vigilem canem,
Certe saua foret nulla nocens fera.

Samaritana.

80



E T cur Samariam fortunatissimam dicam? Quòd
insignis ille Abraham è patria Haran, & è pa-
tris domo egressus, in eam terram, diuini oracu-
li monitu, se contulit cum omnibus suis, vel
cum Lot etiam accepta propagationis benedi-
ctione, ibi fuit commoratus? An quòd Syriæ
Regis Benadab, quo cum triginta duo Reges conuenerant, eius
provinciæ campi, militū atque equorum sanguine redundarunt?
In Syriam suos imperum facientes victores extulit? An quòd in
summa annonæ caritate qua opprimebatur, Elisei vaticinio, fi-
milæ, hordeiq. modij in eius porta statere vno facti fuere? Le-
prosi, hostium castra diripienda nunciarunt? Vestibus, vasis stra-
ta viarum plena vidit? Digna profectò hæc omnia sunt, quibus
eius felicitatem, meminisse, & commemorare possumus. Nihil
verò ad eam accedit, qua Samaritanæ mulieris, & CHRISTI
congressu

congressu ornatissima redditur. Expleturus Saluator sitim quæ ad animarum salutem ardebat, in Samariam, ad fontem Iacob aduenit, qui cœlestis fontis perennitatem sitiens (indè enim promissæ populorum gratiæ erant emanaturæ) vt sederet inuitauit. Cùm ecce tibi, vt aquam hauriret hæc de Samaria profecta, vberimum nata est sapientiæ, & diuitiarum fontem, quem siti re admirata est, cùm ex Iudææ terræ venis gratiarum scaturientes fluuij, Samaritanorum ariditatem essent irrigaturi. At sitire iam ipsa cœpit, *Dei donum*, aquam esse viuam animaduertens. Cur se contineat? Turbidas peccatorum aquas non haurire Christum, & eius mysteriorum profunditatem non posse penetrari confitetur. Quid enim Fonti, & Puteo? Aquas in superficie fons habet, & Legis præcepta litteræ studio Iacob perscrutabatur; sed profundè Putei seruantur aquæ, quas nisi secretior spiritus hauerit, viuas bibere quisquam haud poterit. Fons, ad sitim reuocat; Puteus cum æternitate sitim depellit. Quæ ex fonte emanant aquæ, in terram decidunt; quæ ex Puteo erumpunt, contrà aquarum naturam, igneo ferè spiritu in cœlum ascendunt, spiritus siquidem Deus est, & in spiritu debet adorari. Iamq. ardet, & sitit auidius. Aquam viuam exposcit; se mortuam, mortuorum hircorum sanguine cognoscit; celerem vitæ satietatem petit. *Da mihi hanc aquam*; te Salvatorem agnosco; te sitio; te bonorum omnium fontem exquiro; sed fontem, & Puteum. Fontem, qui cum in humanitate apparueris, aquam veluti fons Iacob pecoribus præbeas, ne crucifixorum voluntati esses impedimento; Puteum verò cùm diuinitatis arcana non aperiens, te Deum absconditam ostendas. Fontem, morte humilem; Puteum resurrectione altum. Fontem, in quo te viatorem constituis; Puteum, in quo comprehensor in vitam æternam salis. Cùmq. potasset, satietate bibendi expleta, ebria quasi amore, ea loquitur, quæ adhuc ignorat. Dominum potentia, Prophetam sapientia, Messiam Euangelio veneratur. Et benè virum se habere negat, nesciens se fideli sensui esse emancipatam, quæ prius corporeis tantum sensibus nupta fuerat. Ad Latriam se conuertit, Caluarij locum prædicit, hydriam relinquit, Samaritanos cœcat, qui

veniant ad veritatem, & videant Redemptorem. Quis contempta hydria hac mortali, terrenarum rerum cupiditate, quasi ceruus cum Samaritana ad aquæ viux fontem non festinabit?

Pinti.

*Sebaſtes volucris fontis petit intima Iacob,
Nec videt, hic auceps qui ad latices ſedeat.
Eſca, Dei verbum, laquei, quos illa ferebat,
Incidit in laqueos præda notata ſuos.
Antea quæ fuerat perſæda cadauera cornix,
Cæli per tractus pura columba volat.*

Maria Magdalena, Martha.



21 22 **M**nium quas commemorauimus in sacris mulieribus virtutum, Magdalenam poenitentiae imaginem præferentem, epilogum dicam. Imbecillitatis, & inconstantiae peccata, quæ blanda vanitate commiserat, accusans, corrigenda sibi proposuit, & quæ celari Phariseus posse arbitrabatur, rerum omnium perſcrutatori maluit ipsa publicè confiteri. Peccatrix erat; quid deterius? At cognouit CHRISTI conuiuium, quid salutarius? Olebat vitæ prauitatem; adſunt vnguenta conſtitutionis. Et quòd Saluatoris faciem, pudebat deturpatam vitij imaginem intueri, *Stat retrò*. Iam stare incipit quæ libens ceciderat. Sed *retrò*, humanitatis enim nouerat posteriora, & in humanitate CHRISTVM, sibi humaniter peccanti, sperat fore vt misericordiam impartiatur. Et *retrò ſecus pedes*. Quid? Aeternitatis stabilitatem, sub quibus eius iudiciorum abyſſus caligine inuoluitur? Diuinarum virtutum ſoliditatem? Præceptorum confirmationem? Extremit iudicij ordinem? Ità quidem. Pedes huiusmodi Deo tribuuntur. Magdalena verò, *ſecus pedes*, qui ad pacem faciendam currunt, quibus Gigas ad currendam viam exultat, quibus in domos ægrotorum, & mortuo-

mortuorum, vita, & salutis ergò ingreditur, quibus clauo in cruce suffixis, firmamentū ac robur totius redemptionis explicauit. Aruerat infelicis mulieris cor, libidinum æstu. Descendente pluuiā in Vellus, soluitur in lacrimas; & dū in hoc ligno quod plantatum fuerat secus decursus aquarum, cū à Deo abesset, Amoris ignis accenso, humor vanitatis extruditur. Obduruerat obstinatione; percutitur à mystico Moyse, & aquarum fluentia è petra perenniter emanant. Quid ex nostris oculis, excelsa mulier, tantillum lacrimarum non elicis? Vna si cor nostrum lacrimula irrigaretur, cū te poenitentiae speculum imitari nequidemus, saltem ad pedes accedentes, ad nostrum ipsorum cognitionem perduceremur, stantes enim essent pedes nostri in atrijs, cū tu sanctissimorum pedum vestigia sequuta, in intimam domum intraueris. In atrijs eras cū pedes vnixisti; ad sancta properasti, cū super caput recumbentis vnguentum effudisti; & ad Sancta sanctorum properans, cū Maria Iacobi, & Salome, totum Iesu corpus vngere desiderabas. Quæ illustrium matronarum meruit pedes Domini rigare, tergere, osculari, vngere? rigare spiritu contribulato, tergere cordis puritate, osculari oris confessione, vngere contritione? Quid maius? Quæ nam vnquā meruit fortem Samsonem ligare? Facillima vincula capilli erāt; & fortissimum detinere. Inuidia diuini Amoris potentia. Multum diligis; multum potes; multum in peccatorum remissione consequeris. Quid multum? Cuncta tenes; omnia nosti. A Christo, salutem & pacem; mox defuncti fratris Lazari quadriduani resurrectionem; Fidemq. vitam æternam patere. A Martha sorore; quicquid à Petro Apostolorum Principe Fidelis firmamento gentes nouerant, Redemptorem scilicet, esse Christum Filium Dei viuū, verumq. eundem Messiam. Quod vt apertius patefaceret, ex deserti petra virga misericordiae, & humanarum rerum affectu percussa, aquas erumpere permisit, cū lacrimatus est, vt tuis lacrimis gratiam referret, quas omnibus poenitentiam agentibus in peccatorum remissionem, passionis præclarissimo testimonio est elargitus.

Pinti.

Martha magna soror, reuocati frâtris ab umbris;
Nunc es magnifico nomine clara tuo.
 MAGNA facit, scelerum dùm quisquis deserit usum;
Pectoris & IESV, qui reserauit aquas.

Eiusdem.

Crimina multa tibi, multi vis ardet amoris.
Crimina conculcat pes, tibi parcit amor.

Eiusdem.

Voce, & pulcra genis, mulier, ditissima gemmis;
Pulcra magis IESV dum capis ore pedes,
Hic, tuis madeant lacrumis, veniamve silendo
Posce: SATIS lacruma reddere verba queunt.

Eiusdem.

Nil mirum, Maria es, lacrima si fundere fontes
Mœsta vales, & aquas dat mare diues aquis;
Sunt vnda, cordis lacrima, sunt ventus, amores;
Crimina tempestas, pes tibi portus adest.
 QVI tutum hunc potuit, felix, appellere portum;
Hunc nisi proficiat naufraga puppis eat.

Eiusdem.

Pes liber Cererem, dabit idem obsonia victus;
 ECQVIS non tantam quaras habere dapem?

Eiusdem.

Titan Iustitia CHRISTVS, ventosaq. nubes
Crimina, quid lacrima? sunt velut imber aqua
Sagitur hac sursum (Phœbi est vis magna caloris)
Impluit hinc venia lympa beata tua.
Hæc miser accurrat noxarum fasce grauat,;
 SUB Ioue quàm felix, quem lauat hac pluuia.

Fabij

Fabij Leonidæ.

*Quæ lacrima? Maria: quod circumfunus? RESV-
 Hoc illum fœco quis tumulauit? Amor.
 Felices lacrimæ, felicia funera, felix
 Vrba, quibus licetis sic decorare Deum.*

Ignatij Braccij.

*Quid coma, quidve iuuant oculi me? non habet, bœu bœu,
 Iam coma, quos tergat, quos riget vnda pedes.
 Arida cum lacrumis amittite lamina lucem,
 Et coma de toto vertice vana cade.
 Quin sic state comæ, atque immota sistite luces;
 Maximus attonitam nam facit esse dolor.*

Herodias..



Aristobuli filiam Herodiadem, magni Herodis
 neptem, Herodis Agrippæ sororem, Philippi
 vxorem, adulteram sibi Herodes Antipa Te-
 trarcha, primiq. Herodis filius adsciuit, & è
 fratris lecto, eiusdemq. sinu raptam, Romam
 profectus, incestuosæ libidinis exemplar in

23

perfida ipsius fide ostētauit. Fraternalis ipse violat honestatis iura;
 Coniugis illa thorum, decore neglecto, sternit turpitudine.
 Hinc iustum, debitumq. odium Philippi, Agrippæ, & Arethæ
 Regis, cuius primo loco filia ei nuptum tradita fuerat. Hinc
 Ioannis sanctissimi viri increpatio, qui obscœna eorum contu-
 bernia perferre nequibat. Sed vox clamantis in deserto. Quid
 enim de honoris dignitate cum eo ageret, qui omnem pudorem
 deseruerat? Qui à civili cultu abhorrens, immanis fera inter im-
 pudicitiz vepres ac dumeta commorabatur? In Herodiadis ve-
 nustate, & lenocinijs desertus, pro nihilo gloriam putabat, om-
 niumq. dicta, tum Ioannis auctoritatem contemptui habebat.

Dùm

Dùm verò illecebræ stimulis amoris mentem concitant; omnes etiam in Ioannes cogitationes cruentant. Pungit, foditq. libidinosa mulier, & currit vesanus ad gloriosissimi viri interitum. Qui eo scelere paratur, vt in mensæ conquisitis epulis, ad citharædorum cantum, Herodiadis filia, quæ communia cum matre scelera habebat, Caput Ioannis muneris loco expeteret. Natalitium Regis intempestiuum concelebratur conuiuium Lapidarum & Centaurorum conuiuium luctuosius; maximis ibi ministratur poculis; fercularum instituuntur pompæ. Accumulant; symphonia, & cymbalis domus personat. amœni loci, & deliciarum comes saltatio exquiritur. En, mollis & soluta in gestu saltatrix in medium exilit; talario ludo, motus varietate delectat; saltat, inquam, & placet. Regio munere optat cohonestari, & mater Erynnis precatur, atque contendit. Quæ petis? Quæ poscis dona? Nefandum; In tenebricosa potius popina, Euangelij Caput postulans, in quo Apostolorum voces exaudiebantur, & Prophetarum silentia conticuere, mortem Præcursoris lugere non vetat. Ianitor ipse carceris Herodes, ipseque. Lictor, & Carnifex, augustissimum Caput, à sacrilego Carnifice reuulsum Herodiadi traditum, in gremio suarum voluptatum sepultum potuit contueri; nec in tanto occasu occidit? Dimidium regni pollicitus fuerat. Quantò locupletius hoc promissionis monumentum? Qui dimidium se daturum dixerat, totum præbet, cùm Ioannis Caput donat, qui antè CHRISTVM Angelus missus fuerat ad parandam viam, ad prædicandam poenitentiam in remissionem peccatorum. Et licet in dimidio suæ vitæ itinere Agnum Dei potuisset gentibus manifestare, totum tamen sic exprimitur, vt omnis vallis impleatur, omnis mons humilietur, & omnis caro videat salutare Dei. Lugdunum à Cæsare in exilium missi, miseriarum vitam refertam translegere.

Pinti.

*Quo te insana trahit Venus ? fatentem
Sic verum insequeris virum, camelum
Intexta tunica pilis amictum. ?*

Huius

*Huius ne iubeas caput reuelli,
 O Herodias effera o Leana,
 Detestabilis o libido. Regis
 Affinis ne tibi esse concubina
 Herodis licet & hocce nunciari
 Tantum displicuit nefas & CELESTIS
 Tam res sunt mala dicta Veritatis
 Vel vites choreas, dapesq; festas,
 Vel ne veridicum Dei Propheten
 Tangas. Gorgonea coma Medusa,
 Ne fiant lapides tui videntes.
 Perseus contra ego, dira, te fuissẽ.*

Viduæ Naim, & Sareptana.



Ecce rore, nec pluuia terra maduerat, cùm Elias
 Thesbites contrà Orientem profectus, in tor-
 rente Carith ad Iordanem lauit coruorum so-
 lertia pastus. Viſtuq. prorsus carebat cùm ad
 Sareptæ portam à vidua ligna colligente, pa-
 nem & aquam exposcit. Quid autem offeret

misera, quæ pugillum tantum farinæ in hydria, paululumq. olei
 habebat in lecytho? Quin cùm ea dona Propheta elargitus esset,
 atque effecisset, vt nec farina, nec oleum deficeret, donec pluuiã
 Dominus super terram esset immissurus, dolentiùs aliud malum
 conquesta est, quandò eius aduentu filius ad interitũ agrotabat.
 Attulit illum in cœnaculum, collocauit in lectulo, tribusq. vici-
 bus mensus, viam tradidit matri. At quidem in vellus iàm ros
 descenderat, multisq. gratiarum pluuijs terram virentem
 perenni fœcunditate cœlum rigauerat, cum Saluator torrentis
 Cedron aquas potaturus, ex Diuinitatis Oriente ad Humanita-
 tis occasum profectus, antequàm doloris pane à Iudæis cibare-
 tur, ad Naim portam accedens, vnici filij obitu afflictæ Viduæ
 sit obuiam. Sed quàm diuersa sorte? Colligebat illa ligna, cùm

Prophetarum vaticinijs Crucis insigne parabatur; Hæc fere-
 trum ornauerat, cum in ea Crucifixus esset resurrexturus. Illa,
 ad Sareptam, inter Oraculorum angustias; Hæc ad Naim ad ve-
 ritatis Euangelicæ venustatem, atque candorem. Ambo tamen
 in porta; altera enim Hebræorum egressum, altera Gentium in-
 gressum significabat. Carebat Sarepta pane, Verbo carens; &
 carebat aqua, Baptismatis fonte non scaturiente, quorum altero
 Nauem institoris plenam; alterā vberimè ē lateris fluuio ema-
 nantem Gentilitas cognouit. Felicissima idcirco Vidua, cuius
 mortuo filio Vita vitam restituit; quæ mortis triumphatorem
 tanto miraculo venerata est; quæ non lecythum, sed misericor-
 diæ pectus oleo plenum laudat; cum CHRISTVS vt Saluator ac-
 cedit, vt omnipotens tangit, vt consolator luctum depellit, vt
 Dominus morti imperat, vt omnium bonorum dispensator, ado-
 lescentem qui resedit matri libentissimè donat. Quid elementor-
 um pugna in humano corpore timenda est, vbi rerum omnium
 creator corpus tabefactum reuiuiscere iubebit? Quò quatuor hi
 portatores ruent, dum ad potentiam manifestandam æternus
 Motor occurrit? Quis verò corporum resurrectionem molieba-
 tur præter illum qui innocens accessit ad pœnam, volens mor-
 tem tetigit ad gloriā, obediens passionis fletu, Paradisi volupta-
 tem parauit ad æternitatem; imbellis dum viator esset imperita-
 uit morti, vt tenebrarum principem confunderet; reseditq. tan-
 dem, vt quam tulit ex carne, diabolo, morteq. victoriam confir-
 mare? Quem vides Vidua? Quo cum sermonem habes? Quis est
 qui potestatis, ac misericordiæ suæ munera tam liberaliter tecum
 exercet? Salutare omnium votis expetitum vltro ad te venit.
 Manus quam ex alto optauerant, te præsentē loculum tangit,
 quæ amplissimos cœlorum ambitus ludens in orbe terrarum fa-
 bricauit. Verbum, cuius sonitu fragores atque tonitrua edeban-
 tur in nubibus, cuius spiritu ad comburendum ignis ē cœlo mi-
 cabat; cuius nutu exercituum phalanges Angeli vnus gladio
 perimebantur; terra dehiscens, sæuientesq. feræ deuorabant; à
 sæuitia & terroribus recedens, tenui placidaq. obloquitur aura,
 animosq. formidine perterritos recreat, & quæ furore gesta fue-
 runt,

runt, mite iam denique & mansuetudine præclarum Redemptio-
nis iure rescindit. Qui mortem tot modis intulerat, ut in diabo-
lum animaduerreret, quem non puduit Veritatem mendacij ar-
guere, cum nequaquam morituros primos parentes dixisset, qui-
bus mortem eorum creator minatus fuerat, nisi obtemperassent;
iam ipse omnium mortem subiens, omnibus etiam vitæ suæ di-
spendio vitam restituit.

Pinti.

*In porta via lata manet, via lata in Olympum :
Est ibi mors iuuenum : vita ibi IESVS adest.
Altera flet genitrix, extinctum hic altera natum :
Naim hinc : Sarepta hinc femina clara Soli.
En rursus viuunt : Domino hic : hic viuit Elia,
Quos fleuit, viuos utraque mater habet ;
Vtraque iucundo luget viduata marito,
Visa Prophetarum lux & utrique fuit .
Plorat, & hæc sperat : lacrimatam hanc spes tenet : amba
Obuia eunt Sanctis cum pietate viris .
FERT quid ab aduersis (vidua) fors atra procellis ?
Fidite, & hæc vidua sint ut imago due .*

Tabitha .



E rerum magnitudine, & de Christianorum
gloria cum Sarepta, & Naim soppen conten-
dere quis neget, in qua Apostolorum Princeps
Tabitham extinctam ad vitam reuocauit ?
Quid Tabitha cunctas in sacra Historia mulie-
res æmularis? Merito. Interitum filiorum luxe-

16

re matres. Mortuam te coenaculum excepit, tuiq. cadaueris fœ-
tore omnibus insensam agnouit. Obruenda vermibus, aspergen-
da tabo, fœdanda cinere, sepulcri carimonias expectabas; cum
ex Lydda reuocatus Petrus, in testimonij Petra nō epitaphium

G 2 inscripsit,

inſcripſit, ſed miraculorum CHRISTI memoriam renouauit. Arque ea, quæ Paulus in Damasco prædicauit, diſceptauit in Ieruſalem, in Cæſarea & Tharſo geſſit, dùm Sancti Spiritus conſolatione in Iudæa, & Samaria ædificabatur Eccleſia, Petrus Eccleſiæ caput, hoc miraculo confirmauit. Iocundus homo qui miſereretur & commodat. Opus illud maximum miſericordiæ te ad vitam excitauit. Quid prætereà expetiſ? Aperis oculos, reſedis, erigeris. Ergò mortua ob eleemoſinam uiuis? præſens auxilium expeririſ? gratiæ lumen vides? in miſeria iacens reſedis ad diuitias? amiſſis viribus deſtituta, diuinæ manus potentia robur acquiriſ? O felicem, quam pauperum lacrimæ & preces cohoneſtarunt, Apoſtolos habuiſti patronos, eorumq. Principem vitæ datorem. Felicem, cui manus illa opem tulit, qua ſummi CHRISTI Vicarij poteſtas ſignificabatur, quæ regnum cœlorum clauibus illuſtriſſima effecta eſt, quæ theſaurorum Eccleſiæ promptuaria aperiens, omnes animas implet benediſtione. Nihil maius Petro in orbe eſt. Nihil maius, quàm vitam à Petro eras conſequutura.

Pinti.

*Aſtant en Vidua, te lacrumis petunt,
Regnata Andromeda ſlet vrbs Ioppe,
Textrix cunſtarum optuma.*

*Condi tabiſſco neſcia puerere,
Tabitha, ad ſuperas redi vocatæ
Auras; te Petrus vocat.*

*Leſſo oocumbere te non libuit Dei
Aequo conſilio: reuiue: Surge
Contingat vox hac mihi.*

*QVI delinquit, obit: vinida ſi ſalus
Extinctum adueniat, ſuperna ab aula:
Infelix mors diſperit.*



CLAV-

CLAVDIO BLANDITIO
REGIAE CAMERAE
PRAESIDI.

NE FAS esset sacrarum
mulierū historiam pro-
phanis intexere. Idcir-
cò quæ commemoran-
tur in Biblijs variorum
mysteriorum recondi-
tæ, alijs antecellere, ab alijs quoque se-
cerni voluere. Fecimus id quidē; suaq:
contineri maluimus aula, quàm in alia-
rum hospitium introduci. Eas Silentio
dicauit Harpocrates, qui tacitus præ-
tereundo tantūm admiratur. Aliarum
encomia tibi examinanda propono. tibi
(inquam) qui ingenio polles, studiorum
varietate oblectaris, & in Regijs mune-
ribus assuetus, in Imperatricum, & Re-
ginarum præclarè & infeliciter gestis,
veluti in Theatro, ad vitam, & interi-
tum alienæ gloriæ, vicissitudines, & com-
mutationes rerum intueris. Vale.



Iulia Mammæa.

I
IMPERA-
TRICES
RELLI-
GIOSAE.



ELICISSIMO doctorum in Ecclesijs vi-
rorum sæculo, quo viuebant Beryllus
Episcopus ad Bosfram Arabiæ urbem,
Gorius, cuius disputatio extabat ad-
uersus Proculum Cataphrygam, Ale-
xander Hierosolymis, Hyppolitus, at-
que Zeбенus, tum præcipuè maximus
ille Origenes, qui & Alexandria ad
docendum à Demetrio Episcopo inui-
tatus fuerat, & Cesareæ, & in Antiochia, in omnibus disciplinis,
& præsertim in sanctas scripturas commentarijs, quæ conscri-
benda fuit aggressus impellente Ambrosio, florentis & perspi-
caci ingenij specimen ediderat; Iulia Mammæa Alexandri Se-
ueri Imperatoris mater, tantarum rerum quæ vulgò de hoc ma-
gno viro referebantur, desiderio accensa, rara quæ ad religio-
nem spectabant exoptans, Origenis (qui & Adamantius diceba-
tur) nomine & fama permota, quæ ad omnium Principum aures
incredibilis pervenerat, cum quæ ex Pantæno, & Heracla hau-
fisset, quæ ex omnium Philosophorum scholis comparasset, ex
Platone, Numenio, Chronio, Apolophane, Longino, Modera-
to, & Nicomacho didicisset, quæ ex Cheremone, & Phornuto
fuerat assequutus, cum omnium admiratione maximo eloquen-
tiæ flumine profunderet; nihil ardentius optauit, quàm Orige-
nis præsentia & sermone perfrui; litteris, fide, prudentia à tanto
viro institui. Misit ad eum milites, quorum comitatu Romam
veniret. Ut obsecrent, ut supplicent, omniq. reuerentia recipiant,
iubet;

iubet; Origenem Imperio anteponendum exponit. Venit tandem; & præsentia quàm fama clarior, omnibus ritè peractis quæ Dei gloriam decebant, quæ firmandis in fide eorum animis cognouerat, Antiochiâ redijt. Hæc tam egregia, Mammæa, æmula est? Tantum religioni attulit adiuuenti? Cum filio igitur extollatur, qui religioni huiusmodi fuit addictus, vt rem diuinam matutinis horis, in loco vbi Lares erant, Diuorumq. Principum Imagines, non modò Apollonio, Orpheo, & huiusmodi numinibus, sed etiam CHRISTO, & Abrahamo faceret; & CHRISTI templum condidisset, nisi à sacra cōsulentibus esset prohibitus, qui Christianos indè omnes futuros prædicebant. Cur igitur in Alexandro pietatem, atque humanitatem admirabor, qua à cædibus, & crudelitate abhorrebat, vt neminem nisi iudicio damnatum perire passus fuerit, si à matre tam pia procreatus optimi Principis simulacrum præseferbat? Bárbaro atque impio sit animo Princeps necesse est, cui desit clementia, quam dotem dicunt Imperatorum. An fortasse Mammæa auaritiâ accusabis, cuius causa deficientibus ad Maximinum militibus, cum filio in tabernaculo occisa fuit? Auara profectò habita est, & congerendæ pecuniæ adedò cupida, vt sordida fuerit existimata; sed à militibus. Quis ignorat hoc hominum genus, velle sibi à Principibus omnem substantiam erogari? Prudentia hæc in Imperatrice erat, quæ ab alijs matribus neglecta, florentissimorum Regnorum attulit labem & calamitatem. Vario Genesio Martiano Syro nupta fuit.

Pinti.

*Iulia quæ Mæsa genita es, genitrixq. Seueri,
 Quæ augusto es Vario sanguine nupta Syro,
 Pulcra fide, studijsq. tuæ per pulcra Mineruæ,
 Spectandisq. tuis credita pulcra genis;
 Vtraque mamma tibi probitatis lacte repleta est,
 Vtraque pro eximijs mamma remunerata viris.*

Matilda,

Matilda, vel Matildis.



Abuit in ea relligiosi animi constantia & firmitate cōsortem Agnes Matildem Malaspinam Henrici neptem, Gottifredi primum, deinde Accij, vel Azonis Estensis vxorem, quæ multos annos in potentissimo Galliæ Cisalpinæ, & Etruriæ dominatu fuit. Hæc, plus quàm virilis pars etiam postularet, constanti obedientia, pro Romanorum Pontificum voluntate, pro Christianæ religionis tutela, oneris & muneris suscipiens, cū animaduerteree Gregorium VII. qui cognatione & affinitate Gottifredo deuinctus fuerat, velle ab Accio eam separari, maluit liberorum memoriam obliterare, & coniugij societatem dirimere, quàm non obsequi Pontificis desiderio; tantosq. vera pietate animos sumpsit, vt nec Cisalpinis omnibus Cadolo Antipapæ obtemperantibus, à vero Pontifice defecerit; & comparato exercitu ad Pontificiam dignitatem tuendam, cōtrà Robertum Guiscardum Apuliæ & Calabriæ Ducem acies protulerit, atque ea, quæ ad Romanā Ecclesiam spectabant, restituere coegerit. Nec ab ipso Henrico armis abstinuit, vt Saxonum iniurias, qui Clementem in Pontificatum erant collocaturi, à Gregorio propulsaret; qui tandem, ea deprecatrice, Henricum ad Canoscā agri Regiensis oppidum, Regali ornamento deposito, nudis pedibus veniam petentem, adiuvante Sabaudiensi Comite Adelaο, & Cluniacensi Abbate, excommunicatione damnatum absoluit, & Ecclesiæ reconciliauit, pace iureiurando cōfirmata, & obedientia promissa. Nec transitus per Italiam libere patebat, cū Gebehardus Constantiensis Episcopus occultiores Alpium semitas ingressus, Matildis opera ad Pontificē ductus est. Hæccine præclara & egregia facinora pro Dei Ecclesiā, à Matilde gesta, inter optimos, & relligiosissimos Principes, qui res Ecclesiasticas, auctoritate, & munificentia auxerunt, nō eam summo cum posteritatis honore colloca-

collocarunt? Est ne illa Carolo Magno inferior? Quidve Magno Constantino cedit, quæ humilitate obtemperat, robore defendit, liberalitate donat? Quæ suæ ditionis Romanam Ecclesiam tanta amplitudine heredem instituit, hæc verbis; *Ego Matilda Dei gratia Comitissa, pro remedio animæ meæ, & parentum meorum, dedi, & obtuli Ecclesiæ S. Petri, per interuentum Domini Gregorij Papæ Septimi, omnia bona mea iure proprietario, tam ea quæ tunc habueram, quàm ea quæ in antea acquisitura eram, siue iurè successionis, siue aliquo quocunque iure ad me pertinentia, omnia Romana Ecclesiæ dedi, & tradidi; vt adhuc ea hereditas, B. Petri patrimonium dicatur, eiusq. gloriæ nomē in perpetuum ad Matildis nominis gloriam sit duraturum?* Quæ ciuilem gubernandis populis administrationem, rerum bellicarum artes, & pietatis monumēta huiuscemodi coniunxit, vt à Dante Aligherio, veluti Actiæ vitæ simulacrum in suo poetico Paradiso terrestri, fuerit collocata? Habeat suos Mantua honores, insignibus illustrissimis ornata in media Italia sedeat, suorum Ducum, tum in primis Vincentij Gonzagæ perenni fama toto orbe vigeat; hoc tamen habeat gloriosius, quòd tantæ mulieris ossa intrà sua moenia seruat. Eius gesta à Domnizone rudi eius ætatis scriptore sunt exarata. Obijt anno 1115.

Auctoris.

*Pro tumultu septem surgant ad sidera Colles,
Et sint æthereæ lumina clara faces.
Ipsaq. perpetuum celebret lacrimabile funus,
Roma genis laceris, languida scissa comas.
Suspirent Thermae, fundantq. Theatra querelas;
Et det pro lacrimis Tybris amarus aquas.
Tum magnum decus Italiæ, tum gloria Regni
Iam cum Matilda depereunte cadit.*

Pinti.

*Pisanis nitida collibus unda,
 Quae iuges fluitis, quaeve tepentes,
 Ardores iccoris quae citò sssitis,
 Prodestis vario quae medicamine,
 Ad vos Oenotria, confluit & gens
 Postrema Hesperia, vosq. Garumna
 Potantes populi laudibus efferunt,
 Dum cunctis medicis anteferunt aquis.
 Vos nostra sileam carmine Musa?
 Prae vobis abeat lympba Aganippis;
 Lactatis titulos, quae nituit pia
 Matilda, imperij fulgida culmine.*

Helena.



Vitas ex Græcorum Imperatoria stirpe Helenas
 legimus. Et Iuliani coniugem, Constantij so-
 rorem, Magni Constantini filiam, cui Eusebia
 Constantij vxor honoris nomine insidiabatur,
 quod ipsa sterilis vixerat; illexiq. per fraudem
 vt venenum biberet, idq. ea de causa, vt abor-
 tum faceret quoties concepisset. Et Alypij filiam, Constantini X.
 Porphyrogeniti Orientis Imperatoris LXI. natam. Et Constan-
 tini VII. vxorem, Christophori matrem. Tum Romani Le-
 peni liberam, eiusdem Constantini coniugem. Adde & Roberti
 Guiscardi filiam Constantino Ducæ in matrimonium collocatâ.
 Sed primam noscite pijsissimam, & augustissimam hanc Helenam
 Coëlis filiam, Constantino Chloro Pio nuptam, Magni Constan-
 tini matrem, omnium deindè Constantinorum, qui Vrbi imperi-
 tarunt, Aviam, quæ sanctissima Cruce Christianorum tutela &
 vexillo, Ecclesiæ memorabili Trophæo inuenta, Constantino
 filio non dùm baptizato tres clauos dedit, quibus CHRISTVS
Saluator

Saluator eidē fixus fuerat, quorum vno pro galeæ amuleto vsus est, aliū equi lorīs affixit, tertium ad maximā tempestatem sedandā, in mare proiecit. Cœlorum alij summis laboribus perquirant gyros, alij syderum cursus diuturna obseruantia patefaciant; nec desinant alij abstrusas rerum causas, abditissimas terræ venas, metallorum, lapidum, herbarumq. virtutes perscrutari. Nouos alij tētent orbes, & dūm ad nouas insulas permeant, in Oceani vastitate, & remotissimorum litterum sinubus, nauticis periculis, & sudoribus famam sibi perennem quærant. Sæpe fuerit Helenæ maximæ Imperatrici, post victoriā contrā Maxentium, signo Crucis in cœlo accepto, à filio partam, in somnis monitæ, Hierosolymam fuisse profectam, sublatiſq. Veneris, Adonidis, ac Iouis simulacris, quæ in Caluario, ad Præsepe, & in loco, in quo CHRISTVS resurrexit Etnici posuerant, non fabularum illusiones, sed verum humanæ salutis testimonium, non signa quibus Hercules sacerdotes ad sacrificiorū ritus præferebat, sed lignum in quo Sacerdos æternus pendit; quod in amaras aquas immisſum, cuncta dulcedine perfudit, tanta cum eius Imperij maiestate propalasse. Accedat ad Salomonis thronum Saba; quæ sciet? Accedat ad Crucem Helena; quid ignorabit? Nec in triumphis militum clamor, aut tota illa oppidorum, auri, & argenti pompa tanti habendam esse censeo, quanti in marmoreis vbique cippis, ac monumentis, pijsſimæ, ac venerabilis tituli, quibus ab omnibus ferè populis Helena est decorata.

Ferdinandi Celentani S. I.

*Pectore quod toto cælum complexa, Deumq.
 Eruis, & summa pontis in arce Crucem;
 Hoc mirum reor esse magis: quod prima, quod vna, &
 Femina, quod Reges tam noua iura doces.
 Aspera quod bellis, & claris aucta trophæis,
 Omne non leto Remula regna notas.
 Ipsa quod & sceptris genitrix assueta maritis,
 In longam seriem sanguinis ista trahis.*

*Quid rears est magnum Reges genuisse triumphis,
Est maius Romam supposuisse Cruci.*

Pinti.

*Ingens Christiadam militia decus,
O Constantini mater, & uxor
Constantini, Arguis lumen in oris,
Quin nostra Italia maxima lampas;
Inuenta Cruce, ibi figro & Adonidis
Per te percusso, per iuga montis
Is, Iudæorum effreni impetus ira
Quo in IESVM exacuit sacrilega arma.
Constans imperio, nomine coniugis
Constans, & constans nomine nati,
Constans fortunarum es robore, sancta
Vexillo Crucis o quam mage constans.*

Eiusdem.

*Rex Mercës, reliqui Reges cum lumine lumen
Inuenere, Helene tu Cruce, Diua, Crucem.
Es Crucis, & Lucis, lous est in parte, figura:
Betbleem aspecta hac; illa super Solymam.
Hic quid multa feram, quæ sunt, discrimina & FELIX
Qui colit hinc Lucem, qui ferat inde Crucem.*

Irene:



*D*iuini cultus dignitatem, & Saluatoris nostri de
antiqui hostis perfidia insignem victoriam, He-
lena in Crucis imagine extulit; sed non eadem
in aliquot Græcis Imperatoribus extitit relli-
giosi animi magnitudo. Copronymus enim sic
dictus Constantinus V I. quod infans Baptismi
lauacro admotus, media cerimonia sacrum fontem ventris solu-
sione fœdauit, quapropter Germanus Constantinopolitanus
Patriar-

Patriarcha hunc puerum omnia cõtaminaturum præfagiuit, post patris Leonis III. Isauri (Iconomachus ob eam impietatem dictus) obitum regnans, sortilegijs, dæmonum inuocationibus, omnibusq. sceleribus inuolutus, sacrilegus effectus, vt nec Græcus, nec Hebræus, nec Christianus esset, tantum à sacrarum Imaginũ reuerentia abhorruit, vt ad eas abolendas Concilium Imaginũ cui sub Stephano Pontifice, Lateranensi Synodo fuit abrogatũ. Venerem ille colebat, & humanas immolabat hostias, Flauijq. puer testimonio est, quem occultè sacrificatum Deus manifesta- uir, quamobrem S. Mauræ ædem in carnificinam commutauit. Eius vestigia Leo IIII. sequutus est. Prodiitq. è mari cruentis- sima illa bestia Porphyrogenitus, qui mortuo patre, cum Irene matre Attica imperauit. Nullos singularis femina labores sub- terfugit, quò Imperium filio prudenter retineret. At ipse cùm ex pubertate excessisset, matrem Imperio deiecit, omnia crudeliter subuertit, Imagines, patris exemplo, Sanctorumq. Reliquias contempsit, & conculcavit. Incredibilem in Irene proponimus in sacrum cultum animi propensionem. Cùm filius decessisset, quicum decem annos regnauerat, cives in pristinam dignitatem eã restituerunt, cuius opera veteri religioni & pietati suus nitor est redditus, modusq. adscriptus quo sacræ Imagines coli de- buissent,

Nam Deus est quod Imago docet; sed non Deus ipsa.

Hanc videas: sed mente colas quod cernis in ipsa.

Nescio verò quid maius in ea cernitur, cùm Constantini soceri corpus, Theodori monitu, publicè effossum cremari, & cineres in vndas projici iussit, quemadmodum ipse Sanctorum corpora inctauerat, nullam eius memoriam habendam existimans, qui lerna malorum, & immitis ferà esset iudicandus. Cedrenus ab ea filium oculorum vsu priuatum scribit, vt sola imperium teneret; & Erythro (quam alij Ruthrudem nominant) Constantino in matrimonium dari petiisse, Elyseo Eunuchò misso, qui puellam Græcis litteris, Græciq. Imperij moribus institueret. Sed quòd filij auctoritatem Francorum affinitas potuisset augere, & tueri, imperandi libidine commotam, rescisso cum Francis pacto, puel-

lam

lam ex Armenia, Marinam nomine, inuito filio duxisse. Hac dominandi cupiditate ingens mulier habenda est. Nec impiam in filium dixerim, qui detestabilem inter Christianos viuendi rationem sectabatur. A Nicephoro Logotheta à Patricijs Imperatore electo, cum animaduertent Aetium Eunuchum meditari Leonem fratrem, Thraciæ, & Macedoniæ Præfectum, ad Regium honorem euehere, Lesbum relegata, dolore amissi Imperij diem suum obiit.

Pinti.

*Nùm tu pacifico nomine prænites,
 IRENE, assidue prælia qua moues ?
 Que prauis sociis vestros
 Nare alto cineres iubes ?
 Ex te qua genitum (sola an ut imperes ?)
 Caro orbis oculi sedere & id est genus
 Pacis & pacifera es, dùm
 Istæ pacis amore agis.
 Hostes dùm Fidei præcipis horridos,
 Dùm consanguineos vltia tuos, pias
 Effers Christiadum aras,
 Pro cultu superi Dei.
 Huc (maiora merces) conuocet hæc lyrae
 Phœbus laurigeri Pieridum chori :
 Irenes tibi cedant,
 Irene, quot erunt pares.*

Portarelli.

*Quis meritis unquam te laudibus æquet Olympo,
 Irene, inuicta quæ pectoris arce, superbos
 Oppugnas animos, spernisq; animosa Tyrannos,
 Qui furis æthæ, contempto & numine, Diuum
 Templisq; , arisq; affigi simulacra vetabant ?
 Hæc cultus adamans, Adamas ut fortis, adoras :*

Hæc

*Hæc iugi Christi cultrix pietate tueris.
Gens nomen, Augusta, tuum, quæ Musa silebit ?
Illud at in totis fuerit memorabile terris,
Et cur Etis illud fuerit cantabile Musis,
Dùm circum radijs Phæbus luſtrabit Araxem.*

Eudocia.



Laruit hæc religione, & vtriusque Fortunæ experientia. Athenais primò dicta fuerat; Leontij cuiusdam Atheniensis Philosophi filia. Dues pater filios opum heredes obitutus reliquit; suæ ipsius eam venustatis heredem instituit, qua sibi diuitias comparaturâ non verebatur. A fratribus, quibus litem intulerat, pulsa, Constantinopolim profecta, suorum contumelias futuræ magnitudini viam sibi aperuisse cognouit. Cùm enim Pulcheriæ Theodosij Imperatoris forci se commendasset, ingenio quo pollebat gratiam aucupata, in aulam sacro prius Baptismate abluta libentissimè recepta est. Nomen in Eudociam commutauit, tantaq. eam beneuolentia complexa est, vt fratri coniugem desponderet. Quàm feliciter afflicta mulier ascenderat? Sed amoris suspicio eam deturbat. Prægrande pomum Imperator dono acceptum, vxori blandiens misit, quod illa Paulino deſto viro dedit (adde enim ipsa credita fuit vt poemata de Arcadij, & viri victorijs scripserit) nihil minus, quàm de lascinia cogitans. Paulinus, q. Regio munere pomum dignû videbatur, Theodosio obrulit. Subitò occulti amoris suspicio inrepsit. Accusare tacitus vxorẽ, an bigere amoris vesania amantes esse correptos. Sed vt veritatem eliceret, ab vxore pomum petiit. Edisse, facti ignara mulier, dicit. Denuò coniux repetit. At illa iureiurando edisse affirmavit. Quid faceret suspiciosus Imperator mendacio offensus? Paulinum necat. Eudociam abdicatam relegat. Quàm iniuste Paulinus perit? Quàm fortiter casum Eudocia pertulit? Hierosolymam se contulit. Indè fortasse à viro euocata est.

Legimus

Legimus enim, cùm ditissimam Sanctorum thesauris eam urbem reperisset, & iisdem Romam locupletare desiderasset, Prothomartyris indè Stephani reliquias artulisse, atque duas illas Catenas, quas è Petri Apostolorum Principis manibus Angelus disseceerat. Quibus cùm tertiam quoque addidisset, qua Romæ Petrus vincus fuerat, triadem illam composuit (vt Sigeberti verbis utar) qua non modo Etnicorum corda deuinciret, sed annuente Romano Pontifice, dùm festum Petro in Vinculis institueret, quandò gentilitio ritu Romanus populus Augusto sollempnia celebrabat ob victoriam, quam de Antonio bello Actiaco reportauerat. Pronior ad Romam amplificandam fuit, quàm Eudoxia, quæ Valentiniano III. Occidentis Imperatori nupta, quòd maritus ipsa inscia Maximi insidijs occisus fuerat, quòdque id ex eodem Maximo cognoscens, Gensericum ex Africa accersit, qui Romam cum ingenti exercitu diripisset, nisi Leonis Pontificis precibus flexus esset. Accessit ad eam pietate Eudoxia III. Honorico Genserici filio collocata, quæ ab Arriana secta abhorrens cui coniux addictus fuerat, Constantinopolim, indè Hierosolymam profecta, lacrimis & precibus honestissima traducta vita interijt.

Pinti.

Pulcheriæ quæ, pulcra nimis quæ iussibus hæret,

Fatribus exhares dùm male pulsa domo est ?

Suspiciosa viri quam falsò docta relegat

Ira sui ? Solymam quam subiisse feres ?

Millenos fudit quæ casta Poëtria versus,

Quales, Phæbe, lyris commodulare tuis ?

Quæ pietatis opes, CHRISTI quæ vexis honores ?

Quæ tua, Petre, urbi ferrea vincla tulit ?

Urbis visuntur rursus cui mœnia Thracæ ?

Regia cui Salomon, dum fugit ora viri ?

Quæ hic totos patitur lacrimis traducere soles ?

Quæ videt extremum sat lacrimata diem ?

Omnibus aduersis mentem, rebusque secundis,

Quæ seruare aquam, nos docet Eudocia.

Agnes.

Agnes.



Vilius Imperatoriam dignitatem, quæ Ecclesiastica obseruantia ornamentis careret, Agnes æstimauit; atque triplicem illam eminentioris tituli coronam, quæ fulgentibus gemmis illuminata, summo Christianæ Reipublicæ Hierarchæ Angelorum preconio imposita est, cunctorum Regum, ac Principum maiestatem sibi subijcere optimè nouit. Quapropter, cum Cisalpini Episcopi, Alexandri II. Pontificatum, qui Nicolao successerat, pestifero schismate perturbantes, Cadolum Parmensem Episcopum habito Concilio Pontificem crearunt, idq. Henricus III. Agnetis filius, Giberto potentissimo viro intigatore, permisisse videretur, vt simoniacè conferret Episcopatus, eorundem beneficijs abuteretur, insatiabili auaritia orbem terrarum perderet; doluit eminentissima mulier huiuscemodi nequitiam filium tolerare, qua intemeranda Sedis Apostolicæ iura violari apertissimè cognoscebat; vt sacris Canonibus acquiesceret, contendit; grauissimo crimine, arguit; communi fidelium vituperatione reprehendit; esse Romanæ auctoritati parendum, reclamauit. Quæ cum durius Henricus accepisset, ab administratione, veluti illata ignominia repulit. Sed quàm splendide in eius pectore Religionis pietas eluxit? Non ægrè Imperio caruit; & facilius filij contumelias sustinuit, quàm à Catholica opinione discessit. Audierat siquidem à Pontificia excommunicatione dignum esse, vt dignitate careret, qui maiestatem Ecclesiæ imminuere conatur. Vtq. se Romanæ Sedi deditissimam præberet, Romam venit, ibiq. votiuæ ferè habitatione sanctissimè aliquor annos commorata, honestissima vita producta, nurus, vxor, mater Imperatorum, quæ Henricum III. Conradi filium coniugem, & hunc Henricum tertium filium habuit, sub Gregorio VII. decessit, & in D. Petri sepulta est.

Pinti.

*Si te Tybris habet, cupias si templa Deorum;
 Et Capitolini cernere saxa tholi:
 Cur te non studium capiet monumenta videndi;
 Hospes, ubi Agnetis membra sepulta iacent:
 Cum te huc forte feres, hac figes dicta sepulcro,
 Dicta, illi modulans quæ mea Musa dedit;
 Inclutus Agnetis decor hic, quæ maxima nato
 Tutelam ob fidei facta inimica suo est.
 Hac summi profunde Patris, gemmasq; , coronasq; ;
 Ostri Sidonij nil habet esse decus.
 Hac olim eluxit fulgenti veste pyropo,
 Dein luxit genito permale visa suo.
 Vtrum horum fuerit maius, fortasse requires.
 PRO, FLERE, hoc maius, religione putes.*

Galla Placidia.

7
 ROMÆ
 SERVATICES.



Erpebat in Italia infinitum malum, & latius in
 dies manabat, cum extincto Alarico Gotthorū
 Rege, quem Consentia superbissimis exequijs
 sepelierant, quando auerso Bisenti fluminis al-
 ueo huiusmodi inter thesauros condidere, vt
 occisis omnibus, qui interfuerant, nulla posteris
 eius sepulturæ memoria reliqua esset; Ataulfus successor Romā-
 næ vrbs bustum, atque cadauer crudelitatis rogo impositum,
 ciuilis discordiæ flamma consumere, atque in cinerem redigere
 studebat, vt Romani nominis dignitatem, quæ omnibus gentibus
 Laureæ, fascibus, & secure fuerat formidolosa, omnino aboleret,
 atque extingueret, nouamq; urbem Gothiam appellandam
 ædificaret in illo solo, in quo non Cæsarum, non Augustorum,
 non Consulum, aut maximorum Ducum, sed Ataulforum vesti-
 gia apparerent, nomina in lapidibus incisa, quæ Romanam elo-
 quentiam

quentiam redolebant, barbarica lue inficerentur, & lorica sordidis vinculis mancipata, illustria Quiritium trophœa deturparet. Debet fortasse Roma magis Romulo conditori, Augustis restauratoribus, quàm Gallæ Placidie eius relliquiarum, nominisq. tum Vaticanæ splendoris, sanctissimiq. Senatus Comitiorum conservatrici? Columnæ quæ delubra, & porticus sustinere, etsi deiectæ, & violatæ, Famam Placidie, non Praxitelis, sed Aeternitatis opere perfectam sustineant; atque in fornicibus, & Foro, non marmorea, sed aurea quoque eius collocentur signa; operumq. publicorum apparatus ornetur Galla, nec statuæ cum præclaris inscriptionibus alteri decernantur. Huius admirabilis beneficio stat Capitolum, Romana gleba feritur, lapidumq. fragmenta cernuntur, quæ an ad interitum proijcienda essent, arroganter ad arbitrium suum ferus Romanæ Maiestatis hostis reuocauerat. Artificem sceleris anhelantem ex infimo pectore sauitiam (quid enim crudelius, quàm labefactatum Imperij simulacrum, in quo omnium Imperiorum honos relinquebatur, ex omnium mente, & oculis remouere?) Placidia placidè sedauit; atque ab immani facinore deduxit. Neque consumptos istos quibus obsita es pannos Roma haberes; in grassatorem enim incideras, qui auidius te spoliasset. Quid? Eius amoribus, quippè amabatur perditè à coniuge, viuis. Sis idcirco Romano Imperio gloriosior. An verò hac de causa non augustior euasisti, quàm quòd ex Magno Theodosio, & Galla Valentini I. filia orta es? Quòd primum Ataulfo in Foro Cornelij in matrimonium fuisti collocata? Quòd te volens, cum Honorio fratre pace pacta, Constantio secundo viro reddidit, qui in Hispania deindè à suis militibus occisus est, quòd tuis precibus Romæ excidium non attulisset? Quòd cum Valentiniano III. filio adhuc puero, interfecto à Romanis viro, à Rauennatibus triumphantis pompa excepta es, in ea vrbe Imperij sede constituta? Quòd Aquileiam cepisti Asparis auxilio, Castinū in exilium pepulisti, Aëtio ignouisti, tantaq. prudentia, & magnanimitate gubernasti, vt heroicis tuis virtutibus nullæ potuissent æquari? Quid relligionem commemorem? ornatissimum D. Ioanni Euangelistæ

marmoreis columnis, insignibusq. lapidibus templum Rauennæ, aliaq. illustria Constantinopoli dicata testantur, vt Augustam pariter & sanctam esse habendam scriptores iudicant. Rauennæ sub Leone Pontifice Romano primo decessit.

Pinti.

*Viuite mira Deum vestigia prisca Quirini:
Viuite felices arcus, domus alta Triumphi
Viue diu, sanctiq. via, legesve Senatus;
Vosq. ades, quot quot sitis, sedesve Theatri.
Viuite: Romanis, non Gothis surgite colles;
Et Gallam simulacra notent memoranda per orbem.
Gothia na stares alio, quàm nomine Roma,
Flexisset placidis precibus ni Galla maritum.
Et tantum potuere preces, quas femina sudit?
Femina & vna viri domuit, sedauit & iram?
Totq. ore hostiles valuit compefcere turmas?*

Fadilla Commodi foror.



NEbulones, terræq. filios, à quibus faceret eluduntur Imperatores, & qui tantum vini exhauriunt, vt in eorum conspectu vomant, dum & rebus gerendis, & ipsorummet vitæ imprudenter præficiuntur, in seruitute hospitium & consuetudinem, & in beneuolentia Imperium flagitantes, Dominorum vitam, Reipublicæ ornamenta, suorum ingeniorum commendationem euertunt. Quid malum Cleandri arrogantia, qui Phryx genere publicè per præconem veniuit, & Imperatoris domus seruitio traditus, tantum sibi honoris comparauit, vt solus Commodi custodiam, militumq. præfecturam obtineret? Quam perditè honoribus abusus est? Vis nebulonis perfidiam? Ausus diuitijs, & fortunis locupletatus, Imperij spe stimulabatur, quamobrem grandem pecuniam cogendo frumento con-

sumpsit,

sumpsit, vt rerum necessarium penuria laborantis exercitus voluntates sibi adiungeret, dùm cariori annona repenti frumentum diuidere, & largiri valeret. Hinc cum inueterato odio, omnium quoque inuidiam sic concitauit, vt nec de alio vspiam, quàm de Cleandri potentia sermo haberetur, & ad necem vndique eundem desiderarent. Indulgebat aliquandò genio Commodus in suburbano, eòq. se Romani aliquot contulerant; cùm equites ex Imperatoris ædibus iussu Cleandri, inscio Commodò, eruperunt, obuiam quemque vulnerantes. Tunc populus, qui illorum imperum inermis sustinere non poterat, in urbem, & in testa se recipere, lapidibusq. & regulis ex tuto dimicantes, equitibus magnam cladem intulerant. Iuuat eorum audaciam peditum, qui in vrbe stationes habebant odium, quo equites habebant natura inuisos, ex quo ciuili bello excitato, rem Romanam perdere conabantur, nisi Fadilla natu maxima Commodi foror, sumpta lugubri veste, passo capillò lugens Imperatorem adiisset, & ad pedes prouoluta, hæc dixisset; Quid iners Commode in desidiolosissimo ocio versaris? In maximo nos esse periculo ignoras? Res Romana iam ruit; & de populo Romano actum arbitror. Nosti Cleandrum? Nosti vilissimum mancipium à te ad Principatum ferè euectum? Hunc primum inimicum habes; ab eodem quæ in barbaris timueras, expecta. Eius insolentia cruentas turbas commouit, maximamq. omnium rerum confusionem in vrbe concitauit. Ex ira, atque odio ad arma ventum est. Exercitum omnem populi furore interiturum non vereor; mox in teipsum, in nosipsos inflammandum efficiat, & præcipiti omnium voluntate prælagio. Quid sedes? Cæde & sanguine? Improbissimus homo scelus luat, qui cæde & sanguine Romam repleuit; quî cædis, & sanguinis auctor nobis est futurus. Vtq. animum fratris magis accenderet, vestem quasi Furia sceleris vindex scidit, qua veluti ardētibz tædis perterritus, Cleandrum ad se acciri iubet, cui venienti caput amputauit, contoq. præfixum circumferri voluit, iucundum spectaculum populo præbiturus. Ecquando Principes Parasitos detestabentur? Ecquando infimi generis aulicis, seipsos, remq. familiarem tra-

dere,

dere, exitiale, & calamitosum existimabunt? Heu! quàm malè cōsulunt, quàm subdolè polypos imitantes, petras referunt; mox nigrū versutiarum colorem fundentes, ità Regum mentē perturbāt, vt quid rerū agant, vbi necessitas adfuerit, prorsus ignorent. Ablegent Principes homines à quibus diuenduntur, & quorum consilio iudices faciūt, quos fieri nō oportet, & amouent à Republica, quos debent obtinere.

Pinti.

Cesar, Roma perit, COMMODE, Commodus

En incompta comas te soror aduenit,

Palla & quæ fletum notet.

En hac aggreditur te precibus citis:

En permæsta Rei fert pia publica

Verba, in præceptis ne ruat.

Ex te commoditas, qui male commodas?

Ni ex te commoditas, dùm dape comoda

Liber, te cepit Venus.

Nonne audis Equitum quos strepitus dedit,

Turbas in populum quòd furor ebrius?

Vrbis sic clades placet?

Cæco saxa volant aëre, puluere

Præ denso auricomi non radij micant;

Bellans, clamans undique.

Fusus plebicola per silicem it cruor:

Mersus, cuius ait, Somno ità Commodus,

Quin isthac exaudiat?

Hæc princeps tuus hæc intulit aulicū,

Hæc Phryx ille minor seruitiū, domi

Totius nostræ lues.

Sic Fadilla soror fatur, & excitus

Dictis hisce (magis cum sibi conscidit

Vestes Alesto altera.)

Cesar; caussa mali cum nece, clamat:

Ibit, Phryx; mihi Phryx tanta ciet mala?

Huius da lictor caput.

Circum-

*Circumlata suis indicat hoc fudes ;
 Sedatur fremitus, perniciēs abit.
 Fadilla urbi consulit.
 O si hanc cuncta habeant ciuica feminam
 Damna, hanc scurra habeant. parce mihi, modos,
 Fadilla, vos paucos babe .*

Martia Commodi concubina.



SI vlla vnquam vniuersi Romani populi, omniumq. ordinum ad liberandam Rempub. conspiratio laudata est, eam potissimum eximia laude dignā censuere, qua Martia Commodi concubina ad publicam libertatem defendendam, & temulenti Imperatoris ebrietatem compescendam conspirauit. Saturnalibus, quod Festum anno ineunte lætissima celebritate, salutationibus, purpura, muneribus, missilibusq. nomismatibus Iano vetustissimo Italiae Deo, at Saturno Romani dicarunt, non lætitiæ, sed cruoris, & amentiae sacrificia parabat Commodus, quippè non ex ædibus, sed ex gladiatorio ludo, non eleganti Imperatorio vestitu, sed armatus inter gladiatorum agmina in Romani populi conspectum, prodire deliberauit. Quod consilium cum Martia vt temerarium, & periculosum improbaret, reuersus ipse in cubiculum, in libello conscripsit, quos ea nocte occisioni destinarat, inter quos primi erant Martia, Lætus militum, Electusq. cubiculi præfectus (quibus etiam ea quæ facturus esset communicauerat) ingens deinde eorum numerus, qui in Senatu plurimum auctoritatis obtinebant, tum senes omnes, & paterni amici, quorum censuræ eius flagitia subijci non patiebatur. Erat ipse interim in balneis; cum puerulus sibi charus, idcirco Phileocommodus appellatus, ludibundus, sumpto libello, quæ supra lectum reliquerat, in Martiam incidit. Hæc agnita Imperatoris manu, legendi cupidine illecta, ubi tam funesta libello contineri animaduertit, in ea verba prorupit.

Hæcine

9
 NVLTO-
 RVM VI-
 TAE CON-
 SVLENS.

Hæccine amoris præmia Commode? Ego ne illa cui loco vxoris habitæ, præter igne omnes Augustæ honores tribuendos iussisti? Tu ne ille Amazonius, qui me in Amazone pictâ, adeo dilexisti? Irâ de te merui, quæ multos annos, & contumeliosum, & vino madentem, olentemq. pertulerim? Hoc laboris præmium? Hæc optimi consilij remuneratio est? Iam videris. Electum accersisti Aegyptium genere, audacem hominem, qui stupri cum ea aliquando fuerat notatus. Libellum legit, lectumq. obstupefactus, & perterritus mittit ad Lætum. Conueniunt, remq. veneno agere constituunt. Martia pocula miscere, atque offerre solita, se daturam pollicetur. Atque ita fit quidem. Redeunti enim è balneis, in quibus voluptatibus indulgendo sitim collegerat, poculum odoratissimo vino propinavit, ipseque temerè interbibit. It cubitum, atque in soporem prolabitur. Mox cum veneni vis ad stomachum insinuasset, oborta vertigine, vomitus consequutus est. Ac veriti coniurati, ne veneno quoque cum cibo eiecto ipse sese colligeret, omnesque necandos imperaret, promissa pecunia Narcisso cuidam persuasere, vt ingressus Imperatorem iugularet; qui languentem veneno constricto gutture belluam, immaneq. monstrum interficit; cum interim Martiæ vitam tot viri, qui essent interficiendi acceptam retulerint. Quid salubre consilium rejicitur? Quid facinus perpetrandum stultè scripto publicatur? Quid scriptum inconsulto inter puerorum manus relinquitur? Quantum hæc ineptia sæpenumero familijs attulit doloris, & detrimenti?

Pinti.

*Faustina genite, & populis infauste Latinis,
Qua tibi propinat Martia, vina fuge.
Martia delictum, mutata, Commode, mente,
Exitium est: omen Martia Martis habet.*

I I.

*Commode, si Herculeo Roma cognomine gaudes,
Dei anyra tuæ est Martia caussa necis.
Ast hac maior erit: Calydonis, sanguine Nessi,
Sustulit Alciden, sustulit illa senem.*

Cum

*Cum Lato, insensum, conspirans Martia viru,
Te iuuenem, Caesar, tollit ab imperio.
Roboris, Aetholis, monstrum cordata dolendum,
Delenda at scelorum Martia plura necat.*

III.

*Consilio Latus, medicamine Martia peller,
Narcissus diro me pugil ense premit.
Ganea cum scurris, vnguenta, popina, valet
Mens mala, me, damini, depereunte, neci.
Martia, Narcissus, Latus dent lata Triumph:
Laurea sed victrix Martia prima tua est.*

Fausta.



Aximiani Herculei Imperatoris vxor Maxima
Fausta Augusta, ea tantum re gesta meruit lau-
dari, quod cum Mediolani post bellorum pa-
cem, quæ vndique pullulauerant adscitis in Im-
perium, Diocletiano, Galerio, Maximino, se
abdicasset pater, viueretq. priuatus in amoenis-
simis Lucaniæ agris, & filio Maxentio à Prætorianis euecto, mori
satius esse, quam sibi viuere cogitantem facti poenituisset, ad
Vrbem accedere deliberauit, simulans in administranda Repu-
blica, se filio adiumento fore, sed militari seditione oppressus,
nam Regnum affectare suspicabantur, id quod per sæpè multis
accidisse legimus, qui vel ambitionis stimulo, vel leuitatis focor-
dia ea deferunt, quæ mox in aliorum contemptum adducti desi-
derare coguntur, ad Constantinum generum se in Galliam con-
tulit. Tantaq. cupiditate ad Imperij fastigia denuò properabat,
vt genero ipsi insidias parare turpe, & indecens non arbitra-
tur; quas cum cognouisset Fausta, marito detulit, paterq. Masi-
liæ captus, fractis laqueo ceruicibus, occubuit. Quid? Virtus hæc
ne dicenda est? Vxoriam fide præstare, vt patrum scelus, coniugis
salute poenas luat? Debebat natura patri; Debebat coniugio

IO
CONIVGII
AMANS 41

K

viro.

viro. A patre ad virum abierat, quicum coniugali nexu coniuncta, in vnum conuenerant. Sed nec scelestus pater ferendus; in quem filij à diuina iustitia vindices armantur. Alioquin infaulta Imperatrix, quæ priuignum Crispum sæpius ad libidinem tentatum, & constanter renuentem ad maritum detulit, ac si vim ipsi inferre veluisset, ad necem innocentissimum egit. Tragicè eam historiam doctissimis versibus explicauit Bernardinus Stephonius Iesuita, actione quidem admirabili, & spectatorum oculis valdè iucunda, laudatissimis veterum saltationum schematibus, ut conuersiones, flexusq. Chori, antiquæ Tragœdiæ imaginem expræsserint. Post aliquot annos necis causa cognita Constantinus, infaultè vxorem in ardentis balneas coniecit, & interemit.

Pinti.

P. Regnandi videas sitim.

Collo vincla patris nata parit sui.

FAUSTA infausta, patrem necat.

Creta est lethiferæ sanguine an Aspidis ?

Non lesisse virum: est fides.

Auctorem generis velle sui: pium est.

Praue tempus in ultimum,

(Quamquam barbarus est) ferre aliquem: est scelus.

Quid si morte parens cadat,

Dum cauta imperio filia pertinet ?

Magna est vis auida, & fera

Vis est, inq. animo vipereum genus.

F. Tantum, ne in socium ruat

Casus, pello, tori, mota libidine

Haud regni. P. Vxor amet virum, at

Ne sit, præ thalamis, interitus patris.

F. Fausta (audi) soceri sui

Pandit dum insidias coniugis, haud videns,

Quæ ventura patri fient,

Non est impietas, connubij est amor.

Ronani

Romani Argyropoli vxor.



Celeratiorem neminem Græcis Imperatoribus legi Constantino Basilij fratre, qui non modo de Imperio ornando nunquam cogitauit, sed omnem etiam adhibuit diligentiam vt Rempublicam perderet, citharadis, ac ludionibus deditus, virtutis, & eorum contemptor, quos rebus benè gerendis nosset occupatos. Quid? Magistratus si quos alicuius existimationis haberet, de eorum statu deiectos excæcandos curabat, plus habens stolidis, ridiculisq. hominibus fiduciæ, quàm ijs, qui prudentia, & gravitate gubernarent. Cùm tandem subito morbo correptus esset, & ad vasa colligenda à Morte montaretur, secum ipse deliberare cœpit, quem relinqueret Imperij successorem. Cùm verò ex multis accepisset facillimè Romanum Senatorem cognomento Argyropolum Imperio potiturum, ad se accessit, eaq. proposuit condiciones; Vel diuortio legitimæ vxoris factò, Imperatoris filia nuberet, vel excæcatis oculis Imperator renunciaretur. Fluctuanti inter eas opiniones Romano, vxor venita, ne quid crudele marito accideret, eam opem tulit, vt resectis capillis, nouæ nuptæ eum concederet; quo factò, marito seruauit oculos, & Imperium est elargita. Nomine, te magnanima mulier nosse cuperem, vt quæ nobilissimo facinore explicando in medium protuli, immortalì quoque nomini dicarem.

Pinti.

Hæc Argyropoli socia est castissima lecti,

Coniugis ipsa salus;

Totus amor, totusq. metus, cultusq. mariti,

Extitit ipsa sui.

Cur Romane vides? latè cur subdita tota est

Terra tuo imperio?

Sic visum vxori est (eius sin nomina nosti)

Maxima Philanira est.

Pulcheria.

12
SAPIEN-
TER GV-
BERNANS,
ET CASTA



Ortuo Arcadio, Theodosius filius Pulcheriæ sorori, quæ virginitatem Deo vouerat, ingenio, & pietate eximie femine traditus est erudiendus. Moribus puerum, disciplina Imperium tanta felicitate instituit, vt sororem fratrem administranda Republica apriorem populi iudicarent. Idcirco In Eunuchorum inuidiam adducta, infeliciter Regno submota, in Hebdomon Byzantij suburbanum abdita, tranquillam vitam ducere deliberauit. Quid inquires? Stolidum natura effinxit Theodosium, & Aulici stolidiorē reddidere; quapropter nutare Imperium cœpit. Reuocata Pulcheria est, vt rem propè cadentem veluti firmissima columna fulciret. Quæ, vt fratrem erroris commoneret, libellum composuit, in quo Eudociam vxorem in seruitutem sibi mancipari petebat. Subscripsit illicò Theodosius, rem tamen propositam ignorabat. Sed Pulcheria Eudociam retinet. Ab Imperatore coniux accersitur. Memineris (inquit soror) iure à me Eudociam possideri, quam libenti animo, Regio nutu concessisti. Hem (ait Theodosius) vbi à me id concessum probaueris? En tibi libellum, respondit illa. Quod cum legisset, obstupuit. Atqui scito Theodosi (inquit Pulcheria) libellorum commendationibus ita temerè te subscribere consueuisse, vt Eunuchorum, Aulicorumq. fraude, qui suis cupiditatibus facillimè tuo genio abutuntur, paucos post dies fuisset Imperium perituum. Discite ex Pulcheria Principes, sitq. vestri hoc honoris exemplum, ne Magistratum fide nixi, absque mentis & oculorum lumine, in maximos errorum scopulos cum publicæ administrationis detrimento incidatis. Mortuo sine liberis Theodosio, ingruentibus Gothorum, & Vandalorum bellis, Marcianum plebeium virum, sed maximum Ducem per Anatolium Patriarcham, ad Imperium prouexit, & cum eo nuptias nomine tantum, re ipsa virgo, celebrauit. Quid Pulcheria pulcrius? Quid sanctius, quæ virginitatem

tem seruauit illibatam? Hac de causa à Summo Pontifice Leone, & Hilario Episcopo plurimùm est laudata.

Pinti.

Pulcrum pulcra decent, Pulcheria, nomine pulcra es:

Pulcro pulcra ore es, doteq. pulcra animi.

Scriptis pulcra tuis: fratris tu pulcra Magistra;

Moribus & pulcra es legibus imperio.

Pulcra tuis thalamis, solo tu pulcra recessu,

Est tibi pulcra, velut lilia, Virginitas:

Tu quoque pulcra manes, magnorum laude virorum,

Et numeris vatium tu quoque pulcra manes.

Cernite rem pulcram hanc, vos ò qui sceptrum mouetis,

Pro digno huic surgat seruo Amerina salix.

Dominica, vel Domnina.



Luctuabat Gotthorum orbis tempestatibus,

quæ præsertim in Thracia æstuantes, Valentem

Imperatorem mergere videbantur, in cuius for

tasse scelera huiusmodi Deus animaduvertebat,

quippè Arrianam impietatem amplexus, Or

thodoxos Episcopos in exilium egit, quos Gra

tianus Symbolum Nycenum veneratus, reuocauit; milites, qui

malè cum Arrianis sentiebant virgis cædi, & monachos stipen

dia facere iussit. Quamobrem CHRISTI cultor, CHRISTI pari

ter osor, & contemptor habebatur. Repressurus Persas in Antio

chiam exercitum duxit. Sed reuocatus in Thraciam, quòd Got

thi duce Fridigerno Constantinopolim oppugnabant, cum ijs

ad Adrianopolim collatis signis, accepto sagittæ vulnere, ex

equo decidit, & in proximum pastoris tugurium ductus, cum

ipso tugurio ab hostibus insequētibus combustus est. Mox Got

thi obsidendæ Constantinopoli acrius incubuere. Iamq. postre

ma

13
FORTIS;
ET PVDI-
CA.

ina ubi clades parabatur, cum vxor Dominina, vel Dominica, rara pudicitiae femina, & inter maximas Orientis Imperatrices collocanda (nisi gloriae illud oberit, quod ad lectandam haec esim virum impulit) non mulierem, sed virum, nec imbellem virum, sed iustum Ducem se barbaris ostentans, cum ciues verbis obsecrasset, munibus conciliaffet, pecunia ex publico aëraio sumpta donasset, atque allexisset, tantam in omnibus vincendi alacritatem excitauit, vt totis quisque viribus repugnans, adscitis militibus, quos subsidio miserat Martia Sarracenorum Regina, quae Romanis fauebat, urbem tam nobilem, ab Alanis, Gothis, Hunnis vehementissimè obessam liberarint; atque ita quod Imperatorem deuicere, ab Imperatrice deuicti è Thracia excesserunt.

Pinti.

*O decus magnum radijs Eois
Sol ubi illucet, Dominina, latè in
Orbe cui rerum est onus, atque in arma in
Fracta potestas.*

*Vrbis in Thracia vigilans nitorem,
(Gothico, dextra valida, repulso
Milite) in letum redigis triumphum,
Teq. tuosq.*

*Nomen haud coniux mereat Valentis,
Arrij infamis studio execrandi,
Impius qui Christiadum infecutor
Tela ministrat.*

*Bosphoro excurrat tibi Fama cantu,
Vir tuus tanto cadat, & Valentis
Sit tibi nomen: valeatq. pessum
Pessimus hostis.*

*Ignis hunc vrat stipulis receptum
Aridis parui tuguri, Getarum
Dum furor sauit: Dominina, Thracia
Viue superstes.*

Faxis,

*Paxit, ut viuas, Deus, ut secunda
Perferas Thraces subigas phalange,
Nostro quo fiant ibi tecta cultu, &
Virginis ades.*

Messallina.



Ollegam nefandi muneris lasciuissimis feminis Messallinam do, quæ in obeundis impudentia, sæuitia, omnibus flagitijs, multa paria edidit. In hoc sceleratorum Messallina, quod prostituto, & vulgato corpore, à Lanijs, à Balneatoribus, à quocunque obuiam ierat, vrgebatur. Palatium cum lupanari,

14
LIBIDI-
NOSAE.

aulam cum titulari cella commutauerat turpem, & infamem quemuis luxum explendæ libidini tribuens. Quid verò lupanar? In ipso Palatio mulieribus, virisq. inspectantibus scortabatur. Matrona itaque nobilissima scortum olens, & Imperatrix maxima, infelicissima Ambubaia facta est. Circuire obrecta pallio ciuitatem, viros ad libitum exposcere, foemora & ærâ petere, nulla muliebris honestatis, nulla viri habita ratione. At quem vitum nomino? Claudium Imperatorum facem; Claudium, qui ab Aethyope regebatur, Claudium hominē potius inchoatum, quàm à Natura absolutum. Quem Claudium? (hoc profectò admiratione dignum est) cui dicenti Messallinæ, ut Mnestrem Pantomimum ad quæcunque eius iussa adigeret, mox obsequutus iussit ut ea quæ veller Imperatrix faceret, sic facturam timenti Principem Pantomimo pellicita erat; quæcùmquid in eius corporis scenam liberè saltauit. Miror cur non fecerit itoldam belluam Claudium spectatorem. Fecit cum altero non Pantomimo, sed florenti iuuenē C. Silio, qui ab ea in delicijs habitus, Consul factus, alter maritus adscitus est. Ad Hostiam enim ipso decedente, nuptiæ cum Silio celebrantur, omnis pompa congeritur, Senatores, Equitesq. aduocantur, sternitur lectus, sollem-

nia

nia peraguntur, nouaq. nupta in adulteri gremio recumbit, & tetra libidine furit. Et Claudius sciens viuit? Quid ni mortuo spiritu viuens? Liberti tandem animos dedere nouum imperium extimescentes, quorum consilio & opera Tragœdiam luctus occupauit, Messallina, & Silio è medio sublati. Hoc debebatur præmium efferræ mulieri, quàm ad necem tot nobilium cædes, & exilia vocabant. Quæ nam hæc impudentia? In viri complexu corruptelas, & incestus admittere? Nec adulteros per se scditate sua turpitudinem ipsam deterrere? At nunquam mariti nimiam licentiam vxoribus indulgeant, nec iisdem omiſſa grauitate virili succumbant, sed libertatem coniugalem prudentia coerceant. Ab deambulationibus ad chœreas, cum patet mulieribus aditus, spectacula indè petunt, mox balneas, mox etiam & licenter errant, & dissoluta consuetudine, atque impunitate peccandi, ex omni dignitate, & modestia vel ipsæ matronæ deiciuntur, fiuntq. Penelopes Helenæ.

Inuenalis.

*Respice rituales Diuorum; Claudius audi
Quæ tulerit. dormire virum cum senserat vxor
Ausu Palatino tegetem præferre cubili,
Sumere nocturnos meretrix Augusta cucullos,
Linquebat, comite ancilla non amplius vna:
Et nigrum flauo crinem abscondente galero,
Intrauit calidum veteri centone lupanar,
Et cellam vacuam, atque suam. tunc nuda papillis
Prostitit auratis, titulum mentita Lyciscæ,
Ossenditq. tuum generose Britannice ventrem:
Excepit blanda intrantes, atque ara poposcit.
Et lassata viris, nec dum satiata recessit.*

Pinti.

*Messallina canant veteres tua facta Poëta,
Det veteri scorto Musa vetusta sonos.
Nec Veneres male fida tuas hoc carmine possem,
Nec male facta tuos dinumerare procos.*

Augustam

*Augustam ne decet scortari? respuat os hanc,
Cuius ad exemplum ganea Fama replet.
Non mea, sed contra hanc, Iunij vos surgite falces.
Horrea & huic scelerum condite messe tenus.*

Francisci Balisterij Zanclexi.

*Ambubaiarum collegia flete: sepulcro hoc
Mortua adulterijs nec saturata iacet.
Hocne meum natale solum Messana dolebit,
Quod Messalina est nomine dicta suo?
Dic Messalinam Messala sanguine natam:
Non ita: Romana est magna vocanda Venus.*

Agrippina.



Vgustis omnibus mulieribus gentis serie, atque Imperij fastu Iulia Agrippina superioris Agrippinæ, & Germanici Cæsaris filia, Agrippinæ neptis, Caligulæ soror, Domitij Aenobarbi vxor præstitit. Maximi animi mulier, quæ vel cum Astrologus prædixisset Neronem regnaturum, sed ab eo matrem esse necandam, *Me verò* (inquit) *occidat, dùm regnet.* Quapropter omnia quæ ad Principatum spectant admittit, in eadem sæpenuerò lætica vehebantur; respondebat Legatis, litteras ipsa mittebat ad Reges. licet omnem potentiam postea Seneca & Burrus fuerint consequuti. Sed impudicitia mulierum generi antecelluit, non quod Lepido stuprum puellari ætate admiserit; ad Pallantis libita se prouoluerit; patrui nuptiarum flagitio, & Caij fratris stupro fuerit norata; sed quod extrà libidinis fines animû, mentemq. promouerit, & cõceptam superbiam retinendo dominandi potentiam exerceret. Neronem filium audere non erubuerit. Ebrietas Neronem sæpè incautum, & inscium efficiebat (quàm desideranda in Principe sobrietas?)

L

Tunc

Tunc se compram, & incesto paratam præbebat Agrippina, lasciuifq. osculis, flagitij prænuncijs filium laceſſebat. Grauis idcirco Neroni facta, ſimul cum odio, necis deſiderium, perſuadente quoque Sabina, in iuene concitauit. Veneno primùm perimendam, ferro deindè iugulandam ſtatuens, vtrumque irritum cogitauit; nàm inter epulas, aliorum non expetebat exitium; & eadẽ ferro occultari non poſſe metuebat. Ingenio liberti Aniceti claiſſis ad Miſenum præfeſti, qui mutuis odijs iamdiũ Agrippinæ fuerat inuiſus, nauis illi ſimilis, quæ in theatro ſoluta bel-luas emittebat, compoſita eſt, cuius pars ignaram matrem fluctibus effunderet, quamobrem nemo ſceleri eſſet aſſignaturus, quod venti, & mare deliquiſſent. Accerſita ad Quinquatruum feſtos dieſ Agrippina, nauì ad Baulos impoſita eſt, noctu Baias petitura, comitante Aceronia liberta, & Crepereio Gallo, quibus facinus optimè cognitum erat. Iam nauigabant, cùm dato ſigno, nauis teſtum graue plumbo corruit, occiſo Crepereio. Agrippinam, & Aceroniam proteſtas, nauì in latus inclinata, remiges ſubmergere conabantur. Alijs verò facti ignaris contrà nitentibus, ambo in mare leniter præcipitarunt. Clamantem Aceroniam, vt Principis matri (quam ſeiſſam ſalutis cauſa faciebat) opem ferrent, remis, contifq. interfecere. Agrippina in tanto diſcrimine ſilens vno in humeris accepto vulnere, nando, lembi occurſu, Lucrinum adueſta eſt. Cùmq. Agerinus ſaluam eſſe matrem Neroni nunciaſſet, ab eo percuſſus periit. Submiſſi celeriter Anicetus, Hercules, Oloaritus, qui in cubiculum irruentes, exanimatam metu Agrippinam ſuſti percuſſam occiderunt. Ferrum diſtringenti Aniceto, dixit, *Ventrem feri, quoniam Neronem peperit*. Atque ità inceſtuoſi amoris Agrippina, proditionis Crepereius, & Aceronia, & matricidij Nero, qui furijs poſt eius mortem vexabatur, pœnas dederunt.

Pinti.

*Præfeſto Burro, Serecæve exoſa Magiſtro
Nati, ipſi nato ter male viſa tuo.*

Eius

Eius & uxori nunquam dilecta Sabina,
 Nec cadis inuidijs, nec cadis insidijs.
 Et casu, & viru toties tentata cauebas
 Cauta necem, semper non ita cauta tibi.
 Nam tandem, ad Baulos pinu conuecta: soluta hac,
 Excidis, & nando fiat tibi parva salus.
 Falsa tuo genito, campo te rursus aquoso
 Credis; & extremus cæca dat inde dies.
 Districlum cernens ferrum, da vulnera clamas,
 Non iugulum: ventrem, ventrem (Anicete) feri.
 Hæc luat, hæc pænas, hæc bauriat alius acerbis,
 Exijt vnde Nero, perferus vnde Nero.
 Quàm melius percussorem (Agrippina) moneres:
 Vnde incesta Venus prodijt, ense petas.

Eiusdem.

Vulua tibi, urna tibi est, utram magè veris olentem?
 Urna tuos cineres, vulua Nerona fouet.
 Quid præferre queam? vulua est scdissima, & urna:
 Nasti clude fores: spirat utrinque lues.

Horatij Catanei I. C.

Augustum angusto claudit te vase sepulcrum.
 Matris Agrippina viscera ut antè, Nero,
 Alius, & urna tibi scda est: te crimine scdo,
 Luxurie genitrix quàm magè scda sua est.
 Smegmata ferte citi, latices hauritè calentes:
 His an erunt scdis smegmata, & vnda satis?



Faustina.

16



Vgustarum hæc præclarissima inter duos Antoninos, Pium alterū patrem, Philosophum alterum coniugem, tot honorum splendoribus claruit, vt vana Ethnicorum superstitione inter Diuas fuerit collocata. Patre quid humanius, quid liberalius, quidve grauius felicitatem, pietatem, securitatem, sacrosq. ritus Numæ consequuto? Coniuge quid eruditius, quid in publicis negocijs tractandis solertius, quid in Senatu constituendo rectius? Inter duo hæc Romanæ Reip. Solstitia Sol ipsa Faustina obscuratis ceteris illustrium mulierum sideribus, ad delicias orbis exoriens, moderatrix, atque Dux insigni corporis pulcritudine, eloquentiæ suauitate, consilij maturitate, morum disciplinæ gloria, comitate, prudentia, dominandi desiderio, sed feruida lasciuiz rora, motus, gestus, intuitus concinnitate, colluxit. Emicabat profectò, Mater exercituum à Senatu appellata, Nomismatibus, argenteisq. statuis in templo Veneris culta, & ara ad quam Virgines, quæ nuberent in Vrbe, vnà cum sponsis sacrificarent, atque ità vt vel post mortem aurea eius sella in Theatro esset, sedentibus circum veluti venerationis testimonio præstantissimis matronis, vt si quando Marcus spectaret, viuam crederet intueri, nouis puellis Faustinianis institutis, æde decreta, oratione habita, Colonia extructa in vico Halale in Tauri montis radicibus, vbi subito morbo exanimata interierat. Quanta hæc honorum pompa? Cur debuit vitiorum tempestate turbari? Cur virtutum, generis, formæ, educationis lumen prostituti pudoris infamia obscuratur, & effunditur? Quò petulantiz proruperat Faustina, quæ amœna littorum in Campania obfidens, nudos obseruabat nautas, vt flagitijs delegeret aptiores? Est ne in meretricibus magis perditus ardor? Sileo Vertilos, Orphicos, Moderatios, & generum Marcum Verum, cui Lucillam filiam desponderat. Quid ea vastitate insatiabilis? An verò
alium,

alium, quàm Commodum Reipublicæ pestem in tam foeda luxuria generasset? O infelicem virum, quo philosophante, lenocinia, adulteria, luxus vxor meditabatur. Optima viris philosophia est, vxorum arrogantiam, & immodestiam coercere, semper intrà coniugalibus Imperij fines sese continentibus, cum ipsæ quoque bestiarum duce sua quæque natura multa faciant vel cum labore, vel indulgenter; quas si effrænatas abique metu reliquerint, quàm facilè incitantur, & actæ præcipientes in absconditæ cupiditatis abyssum deiiciuntur? Caueant mariti, cum M. Antonio sentire, qui licet ab omnibus vitij abstinuerit, aliorum tamen vitia, maximè vxoris tulit, dum ea nec inuestigaret curiosius, nec puniret. Si verò delectaris virorum socordia, animadverte Marcum, cui cum Gladiatore deperire Faustina impudenter, & liberè aperuisset, ipse consulto Caldæo, Gladiatoris eiusdem occisi sanguine coniugem lauare, atque sic sordidam secum concumbere passus est. Multos reor hoc tempore Marcos esse, qui ab huiusmodi vxoribus non abhorrent; multasq. vxores, quæ cum ineptos viros cognouerint, superbissimo eorum mancipium occupant domo natu.

Alphonfi Massarij.

*Faustina arte Deos, superas & honore Quirites,
 Et faustum à fausto nomine nomen habes.
 Imperio tibi si licuit frænare superbos,
 Cur non luxuriam mens agitata domat?
 Non pudet? obsidione habuit te infausa libido,
 Es gens deterior corrui in Venerem.*

Pinti.

*Quid cusa hoc signet tibi rheda numismate cerne:
 Vt steriles Mula pectora foeda vebunt.
 Vt sterilis sterili veheris Faustina: pudoris
 Pignora nulla paris: quid magè te sterile?*

Cup

*Cur exercituum mater, Faustina vocaris ?
Sunt ubi Mauortis parva trophæa manu ?
An lasciuorum potius, non mater amorum es ?
Nonne hanc uxorem, Marce, fouere pudet ?*

Zoe, & Theodora.

17 18



El senectutem etiam libidinosam duxit Zoe Bizantina Imperatrix, quæ septuagenaria nuptias celebrauit. Primum habuit virum Romanum IIII. nobilissimum, qui Græcarum litterarum, Legalium studiorum, Philosophiæ, & plurimarum rerum cognitione excellens, quinquagenarius Zoen duxit. Non opportunè ad eam accessit. iniuriosus enim fit senex, qui ardenti feminae adiungitur. Vicit Sarracenos ad Cycladas, Græciæq. littoris oram prædonibus liberauit. Zoen vincere haud potuit, nam in eius impudicæ odium venit, quæ Michaellem Paphlagonem deperibat; qua de causa nec à viro veneno abstinuit, ex quo ingrauescente morbo, toto corpore intumuit. Sic miser affectus, cum balneum ingrederetur, adulteri insidijs, capite in dolium demersus, paulò post decessit. Sed Romano mortuo, Imperatoriæ amplitudinis oblita, Michaellem in Paphlagonia obscurissimis parentibus ortum, maritum sibi adsciuit, & Imperatorem appellauit, ab Alexio Patriarcha coronatum. Quid nostræ ætatis mulieres reprehendimus, quæ libidinem explendam vulgare, & vilium hominum amplitudine consueuerunt? Hydropes correptus, Michaeli Calaphato (vide ad quos imperium peruenerit foeminarum lasciuia) in heredem instituto, in monasterium Anargyrorum se abdedit in Bizantijs suburbio conditum. Progreditur vltro petulantia, fitq. inueterata pudicitia infanior, & cum Constantino XI. Monomacho libidinoso viro coniuncta duodecim annos sancti matrimonij iura prophanauit. Pleuritis etiam huic viro ad corporis tumorem accessit

accescit, eoq morbo interijt. A Michaelē Calaphato Regia veste exuta Zoe, & lacerna induta, in insulam relegata est; sed à proceribus reuocata regnavit cum Theodora sorore, quæ Orientis Imperium virili animo, defuncto Monomacho, assumpsit; respuitq. Romani Argyri nuptias, quod priorem coniugem dimisisset. Senio confecta Michaelē II. Stratioticum cognominatum adoptavit, & Regni successorem elegit.

Pinti.

*Vrbis Threijcie virago prudens,
Ne luge Theodora sis sororem
Extinctam hoc tumultu vides amatam,
Qui cum vna populo imperans fuisti:
Zoe nam fuit huic opus liquores
Viventi ex oculis scatere tristis.
Desenda est ne soror petulca Zoe
Zoe dedita adulterorum amori
Zoe venefica auferens marito
Vitam, induta mali, doliq. lacna
Non Zoe Imperio orta, sed calorum
Lascivis operis. Cohors Lyæ,
Dux & Capripedum vigil caterue,
Duc circum, choreas leues, sepulcrum;
Hoc imminge, tua est, tuis in hortis
Rektor Lampfacide proterue, Zoe.
Zoe lustra dedit, situ vetusto,
Bis septem, & socium tori cupiuit.
Hæc nunquam satura in cibo salaci
Visa: hæc sordidior Suum tabernis,
Spurca luxurie spuenda Zoe.
Zoen ne videas, gena pudenti
Latois, pede & hinc cito recede.*

Eiusdem.

Eiusdem.

*Augusto digna Imperio constantia, Zoe,
Est ne tibi, & viuens nomine vita tuo?
Constantis esse nequit, qui omnes mutatur in horas,
Pectora non viuunt perditæ luxuriæ.*

Honorio.

19



Vid scelestius admittere potuit Honorio, quàm Italici nominis hollem, in quem nemo non arma ad vindicandam libertatem exacuerat, ad libidinem euocare? An verò meminisse fuit indignum ex Gallia Placidia, & Constantio esse genitam cum Valentino fratre? Hic à Theodosio Cæsar, ab exercitu Augustus appellatus, Attilâ Hunnum à Genferico Vandalorum Rege in Africam, cuius partem pace facta ipse concesserat, contrâ Gotthos accersitum, socijs in bello sibi adiunctis Morouæo Francorum, & Theodorico Gotthorum Regibus, ad Tolosam memorabili, & insigni victoria vicit, atque fugauit. Et dùm frater tot, tantisq. laboribus lambentem flammam, quæ ad orbis parabatur incendium, auertere, & restinguere laborat, ipsa libidine accensa ad aulæ decus virginitatem tueri coacta, Attilam ad connubium inuitauit? An verò quispiã idcirco magno animo mulierem dixerit, quod eum Ducem imperandi cupidissimum, laborû tolerantia illustrem, ingenio acerrimum, corpore validû, ingenti spiritus magnitudine (sicèr crudeli) ornatum, consilij altitudine præclarissimum, Mundizi filiû, magni Nimrod nepotem, Hunnorum, Medorum, Gotthorum, Danorum Regem, mundi metum, Deiq. flagellum desideraret? Nihil excelsius in ea temporis vicissitudine Attila videbatur. Atque elata fuisset mente Honorio, si hæc sublimia cogitasset, quod nec cogitauit Bactrianorum Regis filia, quam primariæ vxoris loco habuit, & quæ tantum virum in Veneris ludo superauit, cùm ea nocte quæ nuptiæ celebratæ sunt, sanguinis è naso profluio

profluuiio decesserit. Sed cur elatam Honoriā dicam, quæ frustrata voto, scelere truculentiori edito, pudicitiam Eugenio procuratori suo prostravit? E' domibus patresfamilias, ut ab ipsis præcautum, & prouisum sit, cum vix adoleuerint, filias ad maritos protrudant.

Pinti.

*En hic, perplacuit quæ leuis Attila,
Quæ vili studuit fœda Cupidini;
Augusta tumulum suspice Honoriæ.
Hospes tristi animo, quæ vice concidant
Res, mortalis ubi ssem locat, aspice,
Ut forma exigui sit breue temporis
Donum, quo celeri campede labitur.
Languescunt folio pallidulo Rosæ,
Ut vultus, roseis qui micat in genis,
Momento moritur, nulla non dies
Lasciui spoliū corporis eripit.
Res est, forma fugax serua libidinis.
Ecquis, qui fluitant, credat amoribus?
Nitatur fragili quis sapiens bono?
Hospes dum cineres calat Honoriæ
Marmor (dedecori est, cui altera sua, iacet,
Quæ hic non digna hominum femina vultibus)
Cui non tota sua mente fluat Venus?
Cui non, perpetuo numine viuudum,
Dum mens Eumenidam supplicium capit?*

I I.

*Quis hic, qui lacrimatur ore tristi,
Et saxo tumulum penes residit?
Cur vilem, ac laceram induit lacernam?
Eius cur capiti cadit mitella?
Marcescit prope cur viror Rosarum?*

M

Salix

*Salix cur Amerina langues : beu beu
Aegra est hæc facies Honoris . Vnam
Honor, lingue : tuum est abire : Honoris
Tantum dedecus hocce flere non est.*

Constantina.

20
INFELI-
GIS.



Nihil Constantina felicius eo seculo iudicanda fuit, si vitum, nihil eadem infelicius, si exitum vitæ aspexeris. Patrem habuit Tiberium Constantium in Thracia natum, Cæsarem à Iustino iuniore appellatum, & ab Euthychio Constantinopolitano Patriarcha coronatum; qui pias Synodos professus, nunquam Ecclesias turbari permisit; pauperibus alendis incubuit, literatis viris maximè favit, quamobrem cum à Sophia Iustini vidua reprehenderetur, quòd Imperialem Fiscum nimia liberalitate exhauriret, respondit; Pecuniâ à pauperibus, & sapientibus acceptam nimis augeri, quòd alteri thesauros suppeditant, alteri Rempublicam reddunt illustriorem. Ideoq. factum est, vt cum aliquandò Crucem marmori insertam leuari iuberet, magnos ibi thesauros repererit, quos & maximos habuit à Narsete ex Italia missos. Habuit & virum Tiberium Mauritium Cappadocem ex Arabisso oriundum, qui ex Notario ob rei militaris peritiam, Præfectus Prætorio creatus, gener à Constantino adscitur. Persas per Ioannem Mystacum Ducem ad Nymphium fluium vicit, Cossroem in Regnum restituit, limites posuit, in Europa cum Longobardis, & Hungaris bellum gessit, Sclauinos, Gepidasq. cecidit, Musacium eorum Regem cepit, Bulgaros Sigidone pepulit, Caganum Regem Auarum expugnauit, nihilq. prætermisit quod ad maximum Imperatorem administrando, pugnando, consulendo pertineret. Sed trucidatis à Cagano multis Romanorum millibus, quos ipse tot aureis redimere potuisset, factusq. idcirco militibus odiosus, ab Imperio eiectus est, electo Phoca, qui ipsum Mauritium, Constantiam

stantiam coniugem, liberos, & propinquos omnes Chalcedone trucidauit. Mirando silentio filiorum necem spectauit; sed coniugem vulneribus confossam, patienter crudelissimam eadem ferentem, quæ nec aliquid in Phocam commiserat, nec ita mori ob vitæ sanctitatem debebat, scruissimè necatos filios, virumq. interimendum spectantem intuens, hæc ait: Iustus es Domine, & rectum est iudicium tuum. Quid enim Dei voluntatem subterfugimus? Quid ab ijs, quæ iustè instituit, decedendum arbitramur?

Pinti.

*Quid contra solium valeat Fortuna, quid atra
Spectatis ferat è gradibus: fastigia vili
Quo pacto tegeti soleat substernere: telis
Occumbant misere vt Reges; id cernite. Phocas;
Præfectus Scythicis olim vir strenuus armis,
Ad tandem Imperij sublimia tecta vocatus,
Mauritij inuidia ferro profusa cruore
Corpora prostigat; postquam depulsus ab aula;
Is Casar, sortem sceptris deslerat abactis;
Gloria Cappadocum fuerat, qui maxima quondam.
Constantina uxor diros perpeffa furores,
Non tibi (nil fueris quamuis infensa) pepercis
Impia vis Phoca, Phoca vis qualis Erinnyis.
Te stragis testem voco Chalcedona tuentem,
Qua genitor, genitrix, genita, genitiq. sub ense;
(Prò scelus) immanis Phoca cecidere tyranni;
Sub quo Augusta, tui, nece non augusta tuorum.*



Berina .

21



Nter eximias fama mulieres sedeat Berina, primum quod Magni Leonis I. Thracis, vel Dacis Illyrici vxor fuit, qui Asparis Patricij, & Senatus Constantinopolitanis suffragio, mortuo Marciano, ex Tribuno militum Imperator electus, ab Anatilio accepta corona, Christianum se esse electum, & à falsis dogmatibus alienum, testatus est. Atqui iuuandis pauperibus nihil Berina à coniuge abfuit, qui Principem clementia, & misericordia debere quosunque aspiceret fouere aiebat, veluti Sol cunctis quæ illustrat aliquid calores impertit. Eò tamen infortunatior, quod idò foedere cum Valamiro Ostrogathorum Rege, Constantinopolis magna ex parte conflagrauit, centum viginti millibus libris incensis. Quæ maior litterarum calamitas? Deindè quod fratri Basilio, fortissimo viro opem tulit. Huic à Leone cum Genferico bellum gerente, summa rerum commendata fuerat, Marcellino, & Heraclio adiunctis. Et licet prætoria naui, ob suorum defectionem, pugnando fuga sibi consulens in Siciliam se recepisset, decoris tandem amissi recuperandi auidus; alacri pugna in Carthaginem Genfericum fugientem detrusit. Quæ cum optimè Berina cognouisset, dum priuatus viueret in Cilicia, pulso Zenone, ad Imperij maiestatem eum euexit; potuitq. ingenij viribus mulier, quæ exercituum robora non facillè valuissent. Improbauerunt Berinæ factum ij, qui norunt labe quadam, & macula Basilio ab optimo Imperio recedentem, florem dignitatis infregisse, & fastidiosos Episcopos, qui Chalcedonenſi Synodo aduersabantur amplexum, sanctis viris Euthychianos substituiffe. Dedit tamen ipsa Berina poenas, cum reuocatum ex Isauria fratrem, & cum validissimo exercitu in urbem ingressum, & in templum salutis causa interceptum, detractis Imperij insignibus, in Cappadociam cum sorore, & filio relegarunt; vbi in villa Acuso, fame, & frigore morituri suam miseriam deplorarunt? Quid ei gò miseria

cordia

cordia iuuabit in pauperes, cùm Romanæ Ecclesiæ cultus destituitur? Et quæ pietas erit in animo, in quo impia dogmata furor hæreticus ingenerat? Berinam aliqui ab ea impietate excusant.

Pinti.

Si perspecto gradum : quàm maiestate verenda es ;

Si mediator nomen : vina, Berina, fugis .

Si mentem : afflictas summo res tollere nisu

Contendis ; video si ingenium : hocce vales ;

Si qua fortunæ, quero, conuixeris aura :

Repperio casus quos tulit agra dies .

Sis testis frater, regio sit Pontica testis ,

Frigore ubi luges, & perimenda fame .

Illud erat fugere angorem, quæ vina repellunt :

Fugiens vina angorem, Berina, subis .

Fabia, & Martina vxores Heraclij.



Artæ sibi gloriæ maximam felicitatem Martina comparasset, si tunc Heraclio coniuncta fuisset, cùm in Cosroem Persarum Regem arma mouens, à barbarorum contumelia CHRISTVM Crucifixum vindicare studebat, quem Christianorum Idolum ab ipsis nuncupatum, non esse inuocandum prohibuerat; quamobrem non tantùm Imperij, quàm Ecclesiæ, & Christianæ doctrinæ defendendæ causa dimicandum intelligebat. Quanta perfula esset lætitia, si cum eo per Armeniam Persidē ingressa, quinquaginta millia Persarum capta vidisset, & ex miseratione liberos dimissos, Cosroem in Mediam vsque consequutum, eundem à Siria filio occisum; Zachariam Patriarcham Hierosolymitanum, Crucemq. Saluatoris restitutam; Syriam, & Hierosolymam captam, Tygrim Persici Regni terminum constitutum; Bizantium ingressum, in curru sedentem laureæ, & triumphalium ornamentorum loco Crucem gestantem

gestantem pro victōria Deo gratias agere, cuius recordatione
 I XALTATÆ CRVCIS feriæ, institutæ fuere. Quid malum postea?
 Tunc Martina eius infelicitatis particeps facta est, cū ab eodē
 Matheseos studio, & pręstigijs dęmonum addictō, Christiana
 pietate neglecta, ipsa fratris filia incestis nuptiis eidem est copu-
 lata. Quo scelere perpetrato, Monotheletarum errorem in Dei
 Ecclesiam inuexit, pios Doctores turbauit, remq. Catholicam
 perdere conatus est. Dūmq. Iudęos ad Christianam religionē
 suscipiendam compelleret, monitus à Mathematico, vt sibi à Cir-
 cumcisis caueret, nec animaduerneret Arabes quoque hac ceri-
 monia vti, Sarracenis qui in bello Persico militauerant stipendia
 negans, ab iisdem ingenti clade victus est; animoq. fractus, &
 corpore debilitatus, quippē virili membro semper tenso, dū
 meieret, nisi tabula vmbilico admota prohibente, vultum locio
 consperxisset, Constantinopoli periit anno 641. & Martina ne
 oratione populum concitaret capta, & lingua priuata est. For-
 tunatior ergo prior coniux Eudocia, quam & Fabiam appella-
 uit, simul à Sergio Imperatorio diademate coronata. Aliquantō
 tamen ipsa quoque miserior, quod antequā maritus insaniret,
 dū funere duceretur ad sepulcrum, illud lugubre accidit, quod
 spūto ab imprudenti barbara puella in pheretrum deiecto, com-
 prehensa, & cremata Imperatrici defunctę parentauit. Dicam ne
 incestuosas nuptias multa mala, multas calamitates sapissimē
 peperisse?

Pinti.

Heraclio quę ex fratre orta es, quę Augusti, Hymenæos

Post Fabiæ, eiusdem tradita nupta toro es.

Lata viri palma, deuicta Perside, Tigris

Romano addictis finibus Imperio,

Cū meruit belli impensa portare receptam,

Et Solyma Domini sistere in vrbe Crucem.

Mirifice est vbi lingua loquens Augusta & resecta est,

Dū tibi conspirat curia magna senum;

Est tecum Soboles, euulsis naribus ense,

Cur tua? & hac claris foscibus ira venit?

Huicve

*Huicve malo adiunctum exilium, Martina, dolere
Cogere? supplicij tot male pressa manes?
ASPICITE ut lauro fortuna nocere virenti,
Decidere, ut Diuum teſta ſuperba ſolent.*

Ariadna.



Eonis I. Imperatoris filia Ariadna, hoc
vnum edidit ſingulare, inter ea quæ tem-
porum viciffitudo ſolet afferre, vt maritum
vivente ſepulcro condiderit. Is Zeno erat.
Sed quid boni ex Zenone, obſcuriſſimo lo-
co nato, facie deforme, deteriore ingenio,
morum improbitate tyranno? obſcurè or-
tum in lucem dignitatum editum, nunquam ſplendide nitentem
videas. Corporis deformitas, animi crebrius deformitatem oſten-
tat. Malo ingenio quiſpiam, peſſimè perperat; ſqualctq. in tyran-
no dominatus, qui ex cœno neſcio quo, & tenebris eruperit.
At inſolentiorẽ ipſe Baſiliſcum naſtus eſt, à quo pulſus in
Iſauriam cum vxore receſſit, illud in primis animaduertens, cum
è culmine decidit, fatius eſſe priuatam vitã degere, quàm Rem-
publicam domeſticis contentionibus lacerare. A ciuibus Baſi-
liſci inſolentiam perferre nolentibus, ex Iſauria reuocatus, Im-
perium repetijt, & Baſiliſcum prælio victum cum filio in Cappa-
dociam relegauit, & Leontium in Papyrio caſtello captum in-
teremit. Cum multo mero ſe oneraſſet, & exanimem omnes ar-
bitrarentur, vxor cui mulieroſi viri ebrietas dùm omnia conſu-
praret, omnia eius vocibus perſonarent, odioſa facta fuerat, om-
nium opinionem confirmans, ſepulcro ipſum inferri iuſſit, addito
ingenti lapide quo tegetetur. Qui poſtquàm reſpuit, & ebrietas
abiijt, maximis editis clamoribus, nulloq. opem ferente, viuus in
ſepulcro mori coactus eſt. Quid turpius, immoderato vino per-
fuſum, mortis ſimulacro ab vxore fuiſſe deluſum? an vxorem
lubentem vtrò coniugi mortem intuliſſet? Nouimus noſtra ætate

24
PERFIDA.

vxores,

vxores, morientium virorum obitum, nutu, gestu, pharmaco
sæpius inuasse.

Pinti.

*Littore desertam rapuit Semeleius Euan
Gnosia, cui nomen quale, Ariadna, tuum.
Contugem ut ipsa vides vino, somnoq. sepultum:
Et rapis, & tumulo condi, Ariadna, iubes.
Amba Ariadna estis: rapta altera, at altera raptrix:
Altera viuit amans: altera perdit humans.*

I I.

*Zenoni lacrymis genas rigasti,
Viro bis, Ariadna, sub sepulcro
Suum dum latice obruit Lyæi
Bibacem stomachum, dedit madenti
Tunc se se tumulo: latente at intus,
Non dum egresso animo: sepultus idem est
Vxor dum esse putas eum cadauer.
Quid deslere inuat virum gementem
(Fortasse auxilio tui petito)
Incassum è gelido, nigroq. busto
Lauro haud Casarea, ortus is corymbis,
Equo non Capitolium aduehendus,
Verum Lynce fuit meri ad lacunar.
Hoc este in tumulo, quater patentes
Vos o, queis calices placent Falerni;
Stetis ne calidis humi, cauete,
Intus spiritibus, velutq. Zeno,
Ne quicquam è cineris vocetis umbra.
Cuius ossi Ariadna combibenti
Fallaces cyathos, modo hoc parentes.*



Barbara Bohema.



Am moriturus Sigismundus Imperator, cū animaduerneret Barbaram vxorem de Regno magis, quā de salute sua sollicitam cū Bohemis Principibus clandestina consilia conferre, cuncta muliebri perfidia, & scelere violari non veritus, Albertum generū Austriorum Ducem

25
PERFIDA.
ET ATROA

Hungaris, & Bohemis sedulō commendauit; & Barbara, quæ Regna illa ad Vladislauum Regem Polonorum dotalia afferre (quis reconditas causas nouit?) quā filiam Reginam salutare malebat, capta Znoimæ, in Hungariam ducta est, quod fortasse sic faciendum Sigismundus ipse iusserat. Mortuo Imperatore, diuisis in duas factiones Bohemis, alij Albertum, quem Hungari sibi Regem creauerant, alij Casimirum Vladislai fratrem ad Regnum inuirtunt, qui vel dissuadentibus Polonis annuit, Regnumq. adeundum deliberauit, quocirca cruenta inter eos bella intercessere. Cæsar tandem Albertus à Germanis proceribus appellatus est, quem honorem non nisi assentientibus Hungaris acceptum premiserat. Tunc Barbara socrus ad eum curæ delatis, quæ in Hungaria, & Bohemia possidebat, accepta duodenū millium aureorum pensione, ex Hungaria ab eo dimissa, in Poloniam redijt, vbi ab Vladislauo perhumaniter accepta, Sendomiriensem arcem habitationi impetrauit, licet in arce Pragensi, in Regum sepulcris condita fuerit, cui nulla debebatur sepultura, quandō cum nequitia, & inextinguibili libidine atheismum coniunxerat, nullam futuræ vitæ habita ratione. Barbaram erga Deum dixerim, & barbarica ineptia suos negligentem. Nec rarum hoc in muliere. Perfodit muliebria corda libido, quæ operoso animi labore, suorum ruinam, aliorum patrociniū molitur.

Pinti.

*Quæ nam sub lapide hoc? viuens claudenda barathro,
Barbara, barbaricis moribus, illa iacet.*

N.

Quæ

*Qua fuit ? Augusti Sifmundi barbara coniux,
 Perfidiae inq. illum nomine clara suae;
 Tanto indigna viro, quamuis natalibus orta
 Egregijs, falsa commaculata fide.
 Credidit an quidquam, vera quod lege vetetur ?
 Corpora mista animis interitura fore.
 Credidit haec, homines vitam traducere inanem,
 Quam non cum luxu caeca libido terat.
 Sit procul à nobis haec verè barbara, barru,
 Qua fuit Hircanis interimenda feris.
 Aeternas sub Dite luens per secula pœnas,
 Nunc ne animos etiam viuere posse negat ?*

Russa, Othomanna.

26

EX SERVI-
 TYTE AD
 IMPERIUM
 SVECTA.



Vis crederet inter Sarmatas Vrsos, ferosq.
 Bisontes, & inter Borysthenis filuas glacie
 rigentes, tantæ venustatis mulierem enatam
 fuisse, vt Thracia ferocitate exultantem So-
 limanum maximum consilio, & viribus Im-
 peratorem comprimere valuerit ? Capta à
 prædonibus è Russia regione mulier est (ea
 de causa Russa nūcupata) & munus, quo nihil nobilius ea ætate
 existimabatur, illi tradita est. Munus inquam ? Thesaurū melius
 appellari, quod omnes Orientis gazas superaret. Maximos
 quæstus fecisse ratus Solimanus, non ex præda, & manubijs au-
 rum hoc ad se peruenisse, sed prædatricem eximiam, atque illu-
 stre ad se capiendum missam dictitabat, cum iam ex eius aspe-
 ctu conceptam mortem in præcordijs cōtineret. Ipsam languen-
 tem, incomptam, dedititæ, & captivæ habitu, ex quo nihilomi-
 nus veluti inter nebulas, oculorum radij coruscabant, admiratus
 est. Quid, dum gemmis ornatam, sericea auro, & argento depicta
 chlamyde indutam intuitus est, cuius quasi Lunæ accedentis
 motibus eius Imperium gubernabatur ? Othomannorum claris-
 simus

simus Princeps, qui Assyrios, Persas, Medosq. domuit, Aegyptum cœpit; Europæ tenor; Caroli V. Cæsaris gloriæ terra, mariq. æmulus (quid illustrius Solimano adscribam?) qui licet Selimo patre, quo nihil ad sæuitiâ pronior existimabatur, mitior esset, cadibus tamen, multis victoriarum præconijs; Hungaris, Germanis, Hispanis ad internecionem traditis, & agrorum, vrbiumq. vastitate non potuit satiari; pulcritudini mulieris succubuit, & primariam in Gynæceo concubinam adamauit. Conuerterat ad eam extollendam suos impetus Fortuna, & ad res magnas gerendas, Imperiumq. parandum alacrius adiuncta, ad Othomannicam gloriam per manus perducebat. Ingentem animi fortitudinem vanæ religionis vallo circumscriptam, huiusmodi Mupletio barbaris sacris Præfesto obiecit, vt templum Deo, Xenodochiumq. peregrinorum commodum sibi ædificandū diceret, & percontaretur an salutem ea re gesta esset consequutura? Cùmq. respondisset, Mancipio illud non licere, nec proficere, quod ea quæ possideret, Principis essent; mœrore exagitari cœpit, lugubri ferè lamentatione afflictam Solimano se præbens, à quo, cùm ea intelligeret, in libertatē publicis tabulis vindicata est. Concubitum deindè poscenti, ait, Nefas esse cū libera coire. At moræ impatiens amator, Mupletij monitu, ne legi aduersari videretur, eam duxit vxorem. Operæpretium tunc eadem existimauit, si liberos peperisset, Regno insignire. Id quod sanè effecit; nato enim Sultano Selimo, Mustafam ex alia coniuge natu maiorem, occidendum curauit, quapropter Selimum Solimanus habuit successorem. Et tantum potuit falsæ religionis honor, vt in eo suæ amplitudinis fundamenta Russa iecerit, & Solimanus, alioqui barbarus, Mahometici ritus cultum obseruauit. Quid in vera religione deliramus?

Pinti.

*Nunc undas Scythici pone Borysthenis,
Nunc fines patrios immemor; & Venus
Fias, prada, tua specie altera,
Regis Threycij vxor.*

N 3

Nunc

*Nunc iam seruitij libera vinculis ,
Nunc Selimiadae delictum tori :
Lingua, templa tenens , Arabum lege :
Fila Galib Ilellab .*

*Pro centone, premis stragula serica ,
Pro paruis maculis are datis , habes
Ex auro orbiculos tua dextera ,
Indis lucida gemmis .*

*Nunc Regina iubes, quæ fueras heri ,
Fortassis miserè, subdita luxibus .
VI cum forte dies hominem, vide ,
Ad summum decus effert .*

Francisci Colellij Neap.

*Tu ne olim Phrygiæ prædonibus acta Tyranni ?
Tu ne olim hostili subdita, Russa, iugo ?
Nunc diadema nouum capiti radiante pyropo
Gestas, & flaua regia signa coma .
Cuius in accepto fueras captiua triumpho ,
Illius imperium sub ditione tenes .
At Dominum solio residens Regina superbo ,
Vincis, & illecebris undique septa ligas .
Prò mirum, quæ Regis eras captiua : tibi, illum
Ius datur hoc vincolo necètere forte pari .*

Maria, vel Marina Armena .

37
INNOCEN
TER AF-
FLICTA .



Vm inuitas nuptias patresfamilias sollicitant,
nurusq. filijs inuitas exposcunt, magna eos pe-
ricula ingredi cogunt, quibus si aliquandò ipsi
perfuncti essent, dùm magna eorundem iacta-
tione è terra spectatores fiunt , tempestates
nò esse subeundas affirmarent. Mouet aliquan-
dò animos regnandi libido; sæpius diuitiarum cupiditas, nec
quid

quid futurum sit provident, nec aliorum exempla in mentem reuocantes, tunc meminerint cum familiaribus grauissimis litibus, quæ intercedent, causa cadere ipsimet aduocatis animaduertēt. Nunquam Marinam, vel Mariam Armenam Constantinus Porphyrogenitus amauit, cū aliam puellam deperiret. Sed matre sic iubente, cū Armeniæ exercitus filio iurassent, licet prius ipsa omnes artes adhibuisset ne à Ducibus iuramentum præstaretur, Armenam sibi vxorem connubio copulauit; morosus, anxius, iracundus, ac difficilis in eam factus est; nuptiasq. non matrimonij dignitate, sed miseriæ augurio, coniunctas fuisse dixeris, & insanabili, ac mortifera plaga saucius. Nefarium scelus commentari coepit. In monasterium eam detrusit. Ecquid erroris commiserat scelestè? Infantem sic abdicas? Quid causæ est? *Venenum dedit; sic ad interitum me vocabat.* Nimis quidem leue venenum fuit, quo te sublatum non vidimus. An verò veluti Panthera (crudelissimum inter homines monstrum) quæ venenata carne capitur, remedium habuisti? Tu tibi poculum subornasti; falsa criminis accusatio est. Caroli Magni filiam ardebas, Marinam oderas; ideo in eam vanam culpam confers. Vis tamen ea in re defensore? Minus quàm alij peccasti; à te enim innocens seruata est; cū alij, quod vxores oderint, adhibito innocente adultero, ferro turpiter necarunt. Nec Scythæ crudeliori scelere notantur.

Pinti.

Purus Hymen compto Augustam dedit ore Marinam:

Et magna Caroli nata in amore peris?

Vna tuis veniat gratis amplexibus vxor:

Lingue inconcessos, perfide, linque toros.

INNOCVE tibi quæ vixit, vi cludere septis,

Ab re coniugium soluere: flagitium est.

I I.

Promissi in sociam thalami violator amoris,

Detrudi immerito hanc ad loca septa iubes.

Hæc mare, tu nauta es (prò mirum) turbine fractum

Stat mare, & huic nauta tuta per ire datur?

Anna

Anna Cæsariſſa.

28
NOCENS
SERVATA.



Liud tuibarum genus in nuptijs, quas mulierum superbia excogitat, quibuiq. familiaris discordiarum militia in domos introducitur summa voluntatum dissensione, sollicitudinis, & stomachi plena. Irene Andronici Ducæ filia, Alexij Commenis vxor, inter alios liberos quos plures habuit, Annam, Cæsariſſam nuncupatam peperit. Quam cum despondere statuisset, ad suum, non ad aliorum arbitrium collocare deliberavit. At dices; Cur viri consilio vteretur, qui vaſer, auarus, rapax, bello infelix à Roberto Guiscardo, à Boffinis vincitur; Chium, Rhodum, Lesbum, Samum insulas amittit; nobilissimā illam in Asiam nostrorū Argonautarum duce Godefrido Bolioneo expeditionē impedit, à Boemundo tandem superatur? Vera hæc sunt; sed nō debuerat viri saltem dignitate moueri? An marmorei busti loco ambitiosis mulieribus viro vtēdum est? Cū maximè in Cōmeno aduersitas vitia correxerit, & rapacitas in liberalitatē, sæuitia in clementiam fuerit commutata, quod si in aprum irruens sagittæ venenatæ vulnere non periisset, inter optimos Imperatores fuisset connumerandus. Deserat verò patrem; quid à Ioannis filij (qui Coloianus dictus est) voluntate discessit? Victorijs bellicis patre melior, qui in Asia Persas, in Europa Scythas, & Tartaros domuit, & ex Thracia, & Macedonia expulit, quod Alexio imperante ex Septentrionibus locustarum more inuolarant; Hunnos ad Sauis, Iltrique confluentem deleuit, Syriamq. coempta ab Raimundo Principe Antiochia, vastauit? Sic igitur virum, filiumq. illustres Principes superba contemnit? Annam Nicephoro Bryennio, cuius eloquentiam, artiumq. liberalium studium, & gerendarum rerum prudentiam laudabat, nuptam tradit. In hisce virtutibus latere tutelam, & præsidium libidinis multi arbitrabantur; atque ea quæ consequuta sunt opinionem cōfirmarunt; nam in Coloianem filium cum Anna coniuratorum principe conspirauit; qui proculdubio oppressus

oppressus fuisset, nisi Bryennij socordia fuisset impedimento. Hic rerum flagitiosarum ex innuptis nuptijs fructus excipitur, hic turpis concordiz status; & Charybdis gurgitis, in quos quispiam inciderit exhaurire cum velir, non potest. Cæsarißam vt matri obtemperaret, vt virum Imperatorem saluaret, fratrem Imperio priuare non pudebat. Et cruciatus defuere? Nemo coniuratorum casus est, ipsaq. per Alexium Azuchum fratri reconciliata est.

Pinti.

*Non digna in terris pœna commissæ luentur ?
 Anna impune diu viuere posse licet ?
 Quod te non facinus tetigit ? tamen est procul vltrix
 Dextra potens : sceptro ficcine rota tuos es ?*
 MISSA foro grauiorq. venit vindicta superno,
 Insurgat nullis si tibi terra malis.

Maria Auftriaca.



Vanam proponitur vltima Imperatricû imago? Quæ maiestas, quis nitor in vultu elucet? Quæ in fronte rurilat Romani Imperij sanctitas, atque amplitudo? Quæ collucent in oculis virtutum sidera? Quæ circum augustissima longo series ordine Regnorum honores renouat, atque instaurat? Mariam Au-

striacam iam cernis hospes, Augustorum filiam, vxorẽ, matrem, quam Carolus V. genuit, Maximilianus vxorem habuit, Rodolphus matrimonium. Carolo quid excelsius? Inter sidera claro, & tremulo ardore Cometa magnarum rerũ prænuncia coruscat. Belli fulmen, ad hæreses abolendas, Catholicam Fidem propagandam, barbaros fugandos, terræ, marisq. terminos describendos, & subiiciendos natus. Quicum nec Aristides abſtinentia, nec humanitate Miliades, nec felicitate Lisander est comparandus.

29
 AVGVSTIS-
 SIMA, ET
 FELICIS-
 SIMA.

randus. Qui Iphicratem militari prudentia vicit, Epaminendam charitate in ciues superauit. Qui labentem, & inclinatam Christianam Rempub. animi consilio, corporisq. viribus sustinuit, & Reges, atque hostes superbè insultantes, memorabilibus positis trophœis, profligauit. Quid igitur gloriosius, quàm ex Cæolo nasci? Et quid magis eximium, quàm Maximiliano nubere? Quem, inquam, Maximilianum? Maximi Ferdinandi filium. Quæ Naturæ miracula? Nouit Ferdinandum Turcarum tyrannus. Hoc solo vtor testimonio; qui Transyluanix Vaiuoda, Comitemq. Zepusio cliētibus inuitis, ex Regni Hungarici ditione expulsus est; qua victoria Rex Bohemiæ cum Anna vxore, Ludouici Regis Pannoniæ sorore Pragæ inunctus, Caroli voluntate, communi Electorum, & Statuum consensu Coloniae Rex Romanorum renunciatus, Corona Aquisgrani donatus est, Imperatoriam dignitatem, siatue vltro in Comitijs Francofurti deponente. At quem Principem Maximilianum dices? Dicant Solimani, Solimi, Amurathis clades, inter quas victoriarum insignia tanti Imperatoris encomia æterna Fama obloquuntur. Eius dicant eximie virtutes, quibus litterarum studijs, linguarum peritia, vitæ innocentia, pace, & concordia publicæ amore clauit. Quis grauitate maior? Quis animi constantia grauior? Quis Religionis, & officij plenior? Et Rodolpho quem dices illustriorem, qui cùm patris Imperium obierit, eius quoque virtutes obijssè præclarum arbitratus est? Viuas diutissimè Imperator maxime, qui cōspicuas tuas laudes huiusmodi sublimi loco collocasti, vt rerum egregiarum exempla ex te sumantur, recuperatisq. vrbus, quas Imperio subiectas sæuissimus Scythia occuparat, veteribus bellis confectis, quæ ceteris negotium facesciuerent, Summorum Pontificum voluntatibus tibi adiunctis, nullam Christianæ rei iacturam esse factam sentiamus. Sic igitur Maria in maximorum Principum florentissimo campo vires? Tu vna omnium dotes repræsentas? Latent meliora. Philippi soror es. Quid eo Rege admirabilius, qui adhuc clauum Regnorum tenet, dùm ab eo ceteri Reges regnare didicerunt? Quid augustius excogitari, aut inueniri posse censebimus? Est ne aliquid in orbe Philippo

Philippo clarius, cuius nomen sanctum, pium, immortale, nulla vnquam vetustas, aut obliuio delebit. Amitam alterius te quoque Philippi cognoscimus, qui patris imaginem Regnis administrandis, Romana Ecclesia defendenda, subditorum rebus publicis, priuatq. tuendis, vitæ sanctitate, animi magnitudine, refert. Meliora item, in liberorum fœcunditate, quos sexdecim Ferdinando Maria peperisti, Annam, Ferdinandum, Rodolphum, Ernestum, Elisabetham, Mariam, Matthiam, Maximilianum, Albertum, Venceslaum magnos Austriæ Duces, & in pueritia extinctos duos Fridericos, Mariam II. Carolum, Margaritam, Leonoram. Ecquandò feliciorum partu audiuimus? Quid Mariæ, & Aureliæ Iulij Cæsaris matri? Viditq. duas filias potentissimis Regibus coniunctas; quippè Annam vxorem habuit Philippus II. cui Philippum III. peperit; & Elisabetham Carolus IX. Rex Gallorum. Quamobrem filia Caroli V. est, nurus & neptis Ferdinandi, vxor & sobrina Maximiliani, mater Rodulphi, soror & socrus Philippi II. Philippi III. amita & aua; & Caroli IX. focus. Afferat quispiam potentiorum seriem, felicius genus, stemma nobilius. Animi diuitias quis enarret? Vxoriam fidei incredibilis obseruantia, vt vel ancillam ægroto Maximiliano gereret, quandò interdum noctuq. nunquam à viri lecto discedens, semper epulas ipsa parare voluerit. Efficax in ea charitas, atque humilitas, quæ continuò cum pauperibus versabatur, Xenodochia inuisebat, miseriarum subleuatricem. Prudentia ita percrebuit, vt mortuo viro, & à Philippo in Hispanias vocata, Portugalliæ Regni, quod nuper in suam ditionem redegerat, Gubernatrix effecta fuerit. Indè Regios fastus deserens, in Cœnobium Excalciatarum S. Francisci à Ioanna Regina sorore conditum, cum Margarita filia se abdidit, vbi cum aliquot annos sanctissimè vixerit, tandem ad cœlos cum omnium mœnore euolauit. Quæ hanc metam aliæ Imperatrices curriculo tangere voluerint, nefas esse sibi persuadeant.

Incerti.

*Cæsar me genuit; Cæsar, me coniuge ducta,
Cæsaream fulcis sospite prole domum.*

O

Pinti.

Pinti.

*Vidi, ait, in terris admirans pronuba luna
 Fertilitate parem, nobilitate parem.
 Hac currum ascendat, picto pavone vehetur,
 Hac plaga in aethera delicioſa comes;
 Scepterigera diues ſobolis, venerata coronis,
 Sume Philippiade ſanguine creta decus.*

Isabella Caſtellæ Regina.

EGINAE.

30
 RTIS,
 T SA-
 IENS.



Mnium virtutum, quæ in præclarissimis Reginis insignes existimantur, ditissimum ærarium propono Isabellam Castellæ Reginam, Henrici IV. sororem, Ferdinandi illius uxorem, cui Catholici nomen ob rara in Christianam Fidem exempla est inditum. Eius si vitæ sanctitatem spectes, templis cum viro ornandis, sacrisq. libris legendis assiduam; ludos, corporisq. voluptates exosam; bonos in aula mores desiderantem, prætereà nihil, videas. Si Temperanciam, sine qua contemplari, & gubernare non licet, nec lautum quicquam, nec exquisitum, nec per libidinem sumptuosum exposcebat, & abstinens à vino, admirabilem virtutem mulieres edocuit, ut semper à comotationibus muliebrem modestiam vindicandam esse intelligerent. Si Fortitudinem, nihil quidem viro viribus, & consilio cedens, Lusitanicum bellum eo absente confecit, Regnum Navarræ suis adiecit, Canarias insulas devicit, in expugnando Bethicæ Regno egregiam navavit operam, ut Saracenos Maurosq. ex tota Hispania expulerint, & eos qui in ea regione reliqui fuerant, aut Christianorum dogmata amplecti, aut in Mauritaniâ decedere coegerint. Si Clementiam, post patris obitum, Castellæ Regno recuperato, quod familiares Principes occupant, ijs in quos iure animadvertere debuisset, supplicia clementissimè condonavit. Si Misericordiam; quanto studio in bellorum

bellorum conflictibus, & quàm prouidè Medicos instituit, qui vulneratis remedia afferrent, carrosq. quibus ij ad Xenodochiũ perducerentur, quod Regina nomine appellabatur? Dùm verò à bello quiesceret animus, ornandæ, & amplificandæ paci mulier prudentissima ità vacabat; vt Regnum latrocinij expurgaret, leges conderet, in ferendis sententijs Consiliarijs ipsis esset adiumento, omniaq. tanta prouidentia pacaret, vt ad sæculi felicitatem tantâ Reginam esse natam omnes prædicarint. Sed quàm latè in ea percrebuit rerum maximarum cupiditas? A Christophori Liguris opinione ad orbis terminos propagãdos, nouosq. inueniendos ceteri Reges, ipsaq. Genuensium Resp. quam serò facti poenituit abhorrentes, insaniam laborioso, & ingeniosissimo viro obijciebant; neque profectò prorsus reprehendendi. Quid enim stultius poterat excogitari, quàm extrà antiqui orbis limites, nouum orbem reperire, nostrisq. Regibus subigere? Cùm Isabella reconditarum rerum indagatrix, cui vix sexcenti suffecissent orbis, aureæ illius Columbæ, quæ ad ignotas rerum causas euolabat, pennas subleuando, quartam terræ partem addidit, quam mortalibus absconditam gloria nunquam peritura, æterna Fama concinet, eius nutu, & opibus esse patefactam. Quamobrem adhuc Oceanus Occidentalis, & Eous ad Isabellæ honorem prouoluit vndas, quæ tot annos ratium onera perferre non didicerant, nauticos clamores ignorabant, classiumq. exuijs nunquam fuerant ornata; aurum arenæ fluminum vorticibus exonerant; gemmarũ corollas rupes, littora, glebæ necunt; arboresq. suauitatem fragrantés, varios succos, atque liquores emittunt; longè alius aruorum aspectus Europeis ligonibus cultus, noua iam florum ferta texit, flauæq. segetes horrea complent, & plénioribus vitibus fluunt præla, cælumq. ipsum clementius nouis colonijs redditum, Isabellam tot laudibus effert, quot sideribus illustratur. Hinc Canibales, atrox Anthropophagorũ genus, humanitatẽ, hinc omnes indigenæ veræ religionis cultum Isabellæ acceptum referunt, cui nouus ille orbis felicius quàm Columbo, Vespucio, Magallani, suam acceptam refert claritatem. Mortua anno 1504. in oppido Methymna Campi.

Pinti.

*Immensas Cubæ, ignotis qua Carcinus ardet
Gentibus, inuenit puppe Columbus opes.
Has nunquam sceptro Ligur hic iunxisset Ibero,
Tanto Argonauta ni auxiliata fores.
Ergo noui inuentrix Regina vocabere tractus,
Quando absque ille tua vela ligasset opes.
Regibus eiectum, patrio lusumve Senatu,
Audax consilium, femina sola iuuat?*

I I.

*Aduersis tot responsis tua penna, Columbe,
Est dissecta, sed est penna Isabella tibi.
Quod si penna tua hæc fuerat, vel fulua, vel alba:
Puras nunc auras aurea tota secat.*

Colellij.

*Fleuisti varijs iactate insultibus, Heros,
Insuens miseris annua lustra modis;
Et velut infamem te patria seu rebellem,
Pellit & Hesperia diues Iberus humo;
Omnia te renuunt: tamen excipit extera blando
Regina afflatu, quæ tibi subdit opem.
QVAM bene virtuti famulantur munera, postquam
Digna tibi merces obtrigit: illi animus.*

Ioanna Hispan. Regina.

33

PARTVIL-
VSARES.

Vo quæ maximè præclara Ioannæ Aragonæ acciderunt, inter fortunatissimas eam Heroínas extulere. Alterum, quod Isabellæ, & Ferdinando maximi nominis Regi Catholico genita; alterum, quod Philippo Austriaco Maximiliani I. filio in matrimonium fuerit collocata. A Ferdinando per Ioannam Austriorum felicissima series in Hispanias ducta

ducta est. A Ioanna per Philippum orbis delictum in lucem editus Carolus V. splendor Imperatorum. Laudent alij in hac Regina pulcritudinis elegantiam, alij virtutum omnium eam celebrent encomio. Vnum ipse potissimum laudandum existimo, in quo omnes laudes conualescant, quod naturæ miraculum Cæsarem procrearit. Erit ne Aureliæ Augustæ, quæ Iulium Cæsarem peperit comparanda? Pares profectò, quæ duos inferioris orbis Soles peperere. At superior Ioanna ex qua Christianæ Fidei lumina in Carolo V. Catholicæ Ecclesiæ tutela emicarunt. Comitatum Flandriæ, reliquasq. ditiones à Ioanna Castellæ Regno vnitas, & ius successionis, in amplissimum Hispaniæ Regnum allatum, immortalis laude maximam Reginarum celebrabunt. Patrem multis in Mauros prælijs triumphantem vidit; sed mortuum, & à Bernardo Sandoual Bethicam allatū deplorauit.

Pinti.

*Cum dubio aggredieris partem, Regina, periclit
Iuppiter, & Mauors talia dicta ferunt:
Nitere spe magna, atque Heros erumpat ab alno;
Et spolijs nostros augeat ille lares;
Deferat ex Lauro deuictò ex hoste coronas,
Ipsius nunquam fama abeunte sono.
Sic fatus, liquidum vanescit in aëra vterque;
Totaq. latitiae est aula relicta suæ.
Te, Cæsar, pariente venit fauor, & pauor orbis,
Vsq. suis magnus laudibus, usque tuis.*

I I.

*Threicio quondam fertur peperisse sub antro,
Ex Iouis, armiferum, sanguine, Iuno Deum.
Sic oris Carolum, qui Mars fuit alter in armis,
Ioanna Hesperijs, altera Iuno, tulit.
Sed nouus hic Mauors, quàm prisco maior habetur:
Ille leuis scepteris, at grauis iste fuit.
Ille aliena, vrbes turmis fusura superbas:
Hic sua, perfractis hostibus, arma dedit.*

Deuouit

*Deuouit vetus illi ætas Picoſue, Lupoſue,
Huic datur inſigni, magna auis, atque Leo.
Thracius ò quantum Mars hoc à Marte, & Ibera
Hac, quantum Iuno eſt protinus Argolica.*

Colellij.

*Felix alma parens: felix tu Carole: digna eſt
Hac puero genitrix: hic genitrice puer.*

Isabella Hiſpan. Regina.

32



Proximè ad Ioannæ gloriam acceſſit Iſabella Emanuelis Luſitanorum Regis filia, quā cum magnus Cæſar habuerit vxorem, illud ſibi iure tribuit, vt vna omnium Auguſtarum feliciffima potuerit appellari. Et quamuis id præcipuè ſatis eſſet ad Maieltatem amplificandam, maiorem nihilominus factā arbitrata eſt, cum Philippum II. Regum maximum, & Regnorum omnium decus in lucem ediderit. Neſcio quid maius in orbe, naſcente Philippo Chriſtiani nominis defenſore acerrimo, barbarorum domitore, hæreſum vindice, Reipublicæ qua iuſtior excogitari non poſſet adminiſtratore, natum eſt. Cedit Cæſari Philippus, ſed patris vitam æmulatus, quæ ab illo armorum viribus ſunt inchoata, pacis ipſe tranquillitate conſecit. Sic inquam æmulatus, vt vel ingereſſendo in Quinſtinopolim bello, ſub filio pater ſtipendia merere exoptaſſet. Quid æmulum? quid imitatoreſ pronuncio? In Philippum Cæſar omnes transfudit virtutes; omnibus paternis virtutibus imbutus Philippus Cæſar fuit. Atqui ſic Ioanna Iſabellam refert, vt vtraque ſummorum Principum mater, qui extrâ Solis vias vtrumque polum, perpetuoq. Oceano littora circumfuſa Imperio adiunxere, qui duo Caroli Magni Romanæ Eccleſiæ iura (quod caput regnandi eſt) vita, & fortunis amplificanda ſemper duxerunt, regnorum moleſ cœlo, & terris conſpicuam
illu-

illustrissimo opere ædificarunt. Ioanna Cæsarem, Isabella Philippum peperit. Quæ inter parentē, & filium meta excellentior? Quis extrâ ambas hæc columnas progredi audebit? Et quis harum Reginarum famam censebit nobiliorem? Singulare illud Ioannæ contigit, vt Caroli V. mater diceretur, singulare illud etiam Isabellæ contigit, vt Philippi esset procreatrix; partusq. nobilitatem aliæ filiæ auxere. Maria, quam Imperatricem Germania salutauit; & Ioanna, quæ Ioanni Lusitanæ Regi nupta, inter celeberrimas Reginas fuit adscita. Quod si tantæ coniugis amplitudini, & liberorum fœcunditati, corporis elegantiam, animi candorem, Regios mores, amabilem adiunxeris grauitatem, omnibus eam antecelluisse Reginis facillè iudicabis. Turbauit eam felicitatem interitus decimum tertium post annum, quibus cum coniuge vixerat, aucto patre filio Ferdinando, cui haud diù viuere contigit. Toleti sepulta est quadragenaria anno 1539.

Pinti.

*Te exoriente, Tagus croceas versauit arenas,
Fascibus orta vxor, purpura & orta parens.
Magna quidem laus est, sceptris genuisse Philippum,
Coniugio & Caroli sanguine & esse parem.
Gloria quin ingens, atavos iactare superbos;
Stemmata & antiquæ mille referre domus.
Vndique quàm maior, populis pia iura dedisse,
Acuiq. in superis commeruiffe dies.*

Maria Lusitana.



D Regiæ felicitatis fastigium quatuor Philippi II. Regis vxores euectas Reipublicæ bono, stirpis diuturnitati, orbis terrarum ornameto cognouimus. Quid Maria Ioannis III. Lusitanæ Regis magis eximium, ex qua primi conubij floribus ea consanguinitatis fragrantia afflata est, vt nuptiarum odor Europam complevit? Accessit formæ

33
PHILIPPVS
II. Vxor
RES.

formæ venustas, quæ eam reddidit admirabilem. Alliciebat verbis animos, & dum acuta, & graui oratione vteretur, res magnas, quas animo concipiebat, Regali maiestate parere videbatur. Florentis ita Regina cum Regum omnium flore, floridis annis mors inuida vitam præcidit anno 1545. quarto post partum die, in quo Carolum Hispaniarum Exarchum edidit, quo vnico, penèq. adulto pater moerens, sed lubens orbatu est.

Pinti.

*Surgit ab Ionio Cithereia littoze: sed tu
Hesperio auricolor, quæ sonat orbe Tagus.
Illa cupidinibus, lasciuo perditæ luxu:
At Regina tibi tædæ pudica nitet;
Non exorta mari es: tamen insunt clara Maria
Nomina: at à Maria nomine nomen habes.
Quod si pulcra Venus, pulcro quæ est ore, vocatur:
Quàm magè tu in sceptro pulcra vocanda Venus t
Et Venere es maior: thalamo sociata Philippi es:
Iuncta viro certum non habet illa torum;
Serta Palepaphiæ nectuntur myrtea: crines
Ornat at ex auro magna corona tuos.*

Maria Angla.



Maria ex Henrico VIII. Angliæ Rege, & Catharina Caroli V. matris sorore nata, à Regij animi dotibus ad immortalitatem ducta est. Hæc sanè cum altera sorore Elisabetha, & fratre Eduardo à patre est defuncto relicta. Et cum præpropera mors Eduardum sustulisset, qui Regno successerat, Mariæ primogenitæ Regni iura auferre aliquot Proceres conabantur, omnibus tamen Ordinibus Ioannam Suffolciam repudiantibus, quam adolescens, & imbecillis iudicij Eduardus, persuadente Suffolcij Duce, testamento scripserat

pferat heredem. Dicto sacramento Londini Corona aurea redimitur, licet Nortumberlandius Dux, qui cum Ioanna filij vxore in Regnum aspirabat cōtrā Mariam castra mouerit, qui cū nec longius ab eius castris abesset, ab omnibus destitutus, cum liberis, & Ioanna captiui ducti sunt. Tunc Regnum, quē dā Fide Catholica desciuerat, in veterem Ecclesiasticam disciplinam reuocans, omnem Anglicanam libidinem summa cum omnium admiratione frānauit. Rebelles Petrus Carus, & Thomas Vuierus eius seueritatem maximē norunt. Sed illustriori lumine Sol Angliam peragrauit, cū de Philippi nuptijs per Cardinalem Reginaldum Polum in Germaniam, & Angliam constituendæ Relligionis causā missum, agi cœptum est. Bruxellam ē Germania Philippum Cæsar euocauit, vt conceptis nuptiarum legibus, in eam intulam proficiscentur. Institutæ legationes, missus Lammoralis Egmondij Comes, Philippus Nigri, Carolus Lalcini Comes, Ioannes Mommorancius Carteræ Dominus. Qui nihilominus re infecta rediere, relicto Egmondio, qui, vt Principum mos est, Philippi Principis nomine, armatus cū Regina nonnihil temporis concubuit. Confectum tandem negotium est, Philippusq. in Angliam nauigauit, & faustæ D. Iacobi feriæ omnium consensu, & acclamatione habitæ sunt, non tantum quod ex amplissimo genere, in clarissimam Henrici familiam Rex nupsisset, sed quod amoris, & fidei nexu Orthodoxam Relligionem huiusmodi religatam conspexere, vt quæ omninō adumbrata falsitatis imagine obsoleuerant, veritate demum fuerint renouata. Quid Mariæ fortunatius accidere poterat, quā Philippum Regem Catholicum, in Catholica Fide in suo Regno restituenda habere consortem? Elisabetham sororem, de superiori seditione suspectam, honestæ custodiæ traditam, Philippo deprecatore liberauit. Nulla relicta prole, quadriennio post connubium, ad coelum euolauit.

Pinti.

*Et Minio, & patrio pelago venerata Britanno
Te aspiciens vastus sic ait Oceanus:*

P

Immensis

*Immensis sum pontus ego circum uagus undis;
 Immensa es titulis, stemmatibusq. tuis.
 Lata es nata patre, & sceptris, populisq. superbo;
 Lata es, in armato dum meditare virum.
 Quæ regio, quæ te non gens putat esse beatam;
 Heu tantum miseram sol sine prole videt.
 VNDIQUE quis vultus poterit iactare serenos
 Fortune? è Diuum conditione foret.*

Isabella.

35



Vptiarum initio Isabella Henrici II. Gallorum
 Regis filia, felicibus auspicijs, flammis bello-
 rum incendio ardentes, visa est restinctura, san-
 guinis repressura effusionem, & pacis inter pa-
 trem, coniugemq. auctor futura; ideoq. sym-
 bolo vsa est, Sole, Lunaq. splendentibus aliquot
 cum Corona impositis stellis, cum hoc epigrammate, *Iam felici-
 ter omnia.* quippe calamitoso bello, quod annos amplius
 centum & sexaginta adhuc Philippo Audace viuentem duraue-
 rat, finem iam esse impositum iudicarent; sed mox sanguinario
 ciuili bello ob restituendam religionem implicati, clarissimam
 prouinciam diripiendam concessere. Et infelici factum videtur
 esse augurio, vt dum Parisijs desponsaretur Isabella stipulante
 Albano Duce Regi Philippo, & nuptiæ Regia magnificentia ce-
 lebrarentur, armato Egmondio cum sponsa concumbente, &
 Henricus in hastiludio cum Gabriele Mongommerio concurre-
 ret, confractæ lanceæ frustum in dexterum Regis oculum per
 cassidis foramina adactum, summo omnium bonorum dolore,
 è viuis abstulerit; nec iuuit Andreæ Vesalij Medicorum, & Chi-
 rurgorum eius ætatis principis studium, quem Philippus de so-
 cieri casu certior factus miserat. Tulit Isabella patris interitum
 ea, quæ maximam Reginam decebat, prudentia, & maximi Re-
 gis coniugio paterni funeris luctum mitigauit; tùm maximè cùm
 absolutis

absolutis per Legatos sponsalitijs, petijt vt terrestri itinere in Hispaniam vxor proficisceretur, extemplo enim esset ipse Bruxella mari subsequuturus, cum in Zelandia classem comparasset. Discessit illa deducente Antonio Borbonio Vendomæ Duce, & fratre Carolo Cardinale. Quibus plaufibus Parisijs in Cantabriam contendentem populi exceperunt quibus gratulationibus traiectis montibus est salutata? Quam expectationem concitauerat Philippo Complutū Toletō obuiam Francis proceribus procedente? At quibus modis Hispanæ multitudinis lætitia profusa est, cum ad Complutensem Arcem diuertentes, sollemni ritu iunctos proclamauerunt? Quas pompas, quos non aperuit Isabella tota Hispania ostentationes? Quid sibi gloriæ nouem annorum spatio comitate, sapientia, animi magnitudine non comparauit? Filij decessit abortu, viuentibus Isabella, & Catherina, quarum altera Sabaudia Duci, altera Alberto Austriaco nupta est.

Pinti.

*Nascentem, ac sponsam vidit me Celtica tellus;
 Regnantem Hispanis diues Iberus aquis.
 Ing. datis ludis, Hymenæo turbida nostro,
 Vltima conspexi vulnera ferre patrem.
 Gallia ab infelix thalamo solata iugali,
 Cantabrie subij sat comitata vias;
 Vix duo lustra dedi magno sociata Philippo;
 Et Lucina mihi luno sinistra fuit;
 Hincq. superstitis natabus sidera binis,
 Adueni, & supero nunc datur orbe frui.
 Tu nostros lugens cineres, ne posce coronas,
 Parcat at vt nulli perfera Parca, vide.*



Anna.

36



Erennes muliebris famæ, & gloriæ fontes, Annæ Maximiliani II. filiæ cum Philippo Rege conubio, omnes qui eam norûnt, testati sunt fuisse præclusos. Nitido illa, Regioq. aspectu, serenitate oculos perfusa, in altissimo Maiestatis fastigio cōstituta, omnium in se gentium oculos, animosq. conuertebat. Genus in hac Regina cum venustate, venustas cum mansuetudine, & probitate, probitas cum pietate certarunt. Omnes certarunt virtutes ab illis præclarissimis fontibus deductæ, Maximiliano viro, Maria matre, quibus nihil prudentius, nihil iustius, nihil clementius, ut merito clementem, iustum, prudentem Philippum III. Regem potentissimum paterni nominis, paternæ Monarchiæ, paternæ virtutis, & Relligionis felicissimum successorem pepererit. Peperit etiam Ferdinandum, & Didacum, quos immaturè mors rapuit. Ut amorem quo virum prosequuta est, patefaceret, symbolum depingendum iussit, Arborem cuius medium alatus serpens circuibat, ramo columba insidente, cum inscriptione, *Aeterno coniugi*. cuius præclara gesta, à sola Aeternitate describentur. Florentissimo dicendi genere orationem habuit in eius funere Ascanius Columna in Salmaticensi Academia.

Pinti.

*Obuia Maiestas agro processit Honori,
Et subito tales fudit ab ore sonos;
Carpe iter, ager Honos, & mecum mœsta subibis
Tecta: veta hilares, Anna obeunte, lares.
Sic ait; & Fama occurrit, pennisq. tubisq.
Aurea, & ausa omnes voce replere plagas.
Voce, illa extinctam Regis vidisse maritam,
Annam, annos cælis cui datur esse suos.*

.

.

Eiusdem.

Eiusdem.

*Fortunata Patre, & Genito nunc Rege, Viroq.**Sceptra aeterna tuis quàm meliora vides.**Obtineas nato è cælis feliciter annos,**Anna sit illi omen viuere posse diu.**Tàm bene namque ipso populus pia iura ferente,**In delenda tibi gloria maior eris.*

Incerti.

*O fortunati quibus hac duo germina surgunt**Semine Casareo Belgæ. qua florida regna**Cernere erit tali imperio, tadaq. iugali ?**En Boreæ conclusa metu melioribus astris**Claustra sui Calycis perrumpere nititur, orbe**Productura novos fœtus pietatis, in illo**Errorum Fidei euulsis cum stirpe labruscis**Nequa filix nostris rediuiua repullulet aruis.*

Catherina Austriaca.



Atherinam Hispaniarum Infantem, ex Isabella.

37

Valesia natam, Philippus II. antequàm decederet, Carolo Emanueli Serenissimo Allobrogum Duci collocauit. Optimè, atque prudentissimè tunc egisse Philippum omnes fateantur, qui cùm filiam animaduerneret omnibus Heroinis nobilitate, & virtutibus

antecedere, illustrissimo omnium in Italia Principi & sanguinis cognatione, & prouinciarum amplitudine, tùm antiqua Regnorum possessione, & subditorũ numero, coniunxit. Quid longam, & nunquam interruptam Imperatorum, Regum, Principumq. in ea familia seriem suprà mille annos repetam? Quid Sigewardum Saxonix Regem proponam? Quid Othones Cæsares, Subandosq. Heroes, inter quos recentiores, Vmbertus, Aimo,

Amedeus,

Amedeus, Ludouicus, Philippus, quorum Imperium sanctitate coronatum fuisse populi existimarunt? Quid Carolum Emanuelem efferam, cuius animi, corporisq. viribus Itala virtus vigeret? An ad res magnas moliendas, ad comprimendos hostes, ad bella terra, mariq. conficienda, alterum post Emanuelem eliges? Quis eo Duce prudentior? Quis fortior? Quasi vero exili hoc Elogio eius fama indigeat, & locus in orbe terrarum desit, quod eius gloria non penetrarit. Mens igitur prouida Philippi, Naturam ipsam stemmatum similitudine habuit consultricem, & Catherina feliciter se ad coniugium, fidemq. tanti viri applicuit. Quid si virtutes æquauit? Regalis in ea corporis habitudo, gestusq. & motus ad Imperia institutus, cuiusq. dominatu omnia posse teneri iudicares, vt omnes ad eius honores, atque admirationem loquendo pariter, & tacendo prouocarit. Quapropter consiliorum patris semper particeps, Regni consors, dona diuinissima habuisse, & gubernandi formam à rerum Opifice vno absolutam die omnes credant. In negocijs peragendis solers, & acuta, prompta, patiens. In muneribus administrandæ Reipublicæ subeundis, magnanima. In difficilioribus rebus fortiter elata, in quibus tantum dictis effari, quantum laboris accipere consuevit. Consulere, prospicere, conseruare solita, de pace, & bello huiusmodi consulens, vt non ex Ariopago prodeuntem, sed ex ditissima Patris sapientiæ officina edoctam dixeris. Nihil Catherina in summa grauitate humiliter, in omni felicitate moderatius. Patris, viriq. iustitiam, religionem, pietatem, ad suos mores transtulit, quorum præceptis imbuta, eorundem semper effigiem præsetulit. Erit ne igitur nouum si aliorum miserijs, & calamitatibus opem tulerit, seruarit innocentes, semper cum Deo orationibus, sanctisq. operibus fuerit? Virum amauit, sobole auxit viuentem, tantoq. thesauro orbatum, in summa mortificitia reliquit.

Pinti.

*An vis multa tuis carmina laudibus?
Coniux Allobrogum tu Ducis optima?*

Tu

*Tu nepotis Caroli : lux & Iberica
 Gentis, tu Italica rarus honos plagæ.
 Tu prolis genitrix fertilis inclytæ,
 Patris luminibus tu vndique fulgida,
 Virtute ipsa tua Luna velut nites.
 Antiquos titulos si cupias : habes ;
 Si clara ex atavis stemmata, imagines ;
 Auri si cumulos : largiter hæc tenes ;
 Si ingentes populos : hi tibi, quos regas ;
 Si dotes animi : quàm bene te excolunt ;
 Si, quæ fluxa cadunt, corporis in bona
 Is desiderio : cuncta moues manu .
 Heroïna tibi deesse nihil puto .
 Ac dùm de supera respicies domo
 Tot mortalibus hæc subdita legibus ;
 Vt spes fida monet, te procul baud eris
 Quidquam latifici muneris inscium .*

Isabella Austriaca.



Afflictas Belgarum fortunas, prouincias belli
 flammis conflagrantes, & intestinis motibus
 euersas, Isabellæ, Claræ, Eugenix coniugio
 subleuatas, eiusdemq. aspectu recreatas quis
 negabit, cùm Alberto Serenissimo Principi nu-
 bens, in Belgium profecta, omnium votis, gra-
 tulationum, & apparatusu significatione, & inauguratione quan-
 tam nec in aui, nec in patris aduentum edidere, suscepta est ?
 Ad Diuos, & Augustos Isabella, & Albertus, non tam generis,
 quàm animi dotibus accedunt. Nec ratori poterat Albertus
 mulieri coniungi, quam rarissimi parentes Philippus, & Anna
 genuerant venustate admirabilem, Regali maiestate ornatam,
 virtutibus omnibus eximiam, qui Austriorum familiam ducens,
 præstantissimis triumphis debuerat decorari. Nec mercedem
 dotalium

dotalium prouinciarum Belgij, Burgundiæ, & Carolesij Comi-
 tatus à fratre, auunculo, & cognato Philippo Albertus rebatur
 accipere, cum vxoris modò munere se locupletari, atque ornari
 posse existimaret. Nouit Isabella omnium Ordinum acclamatio-
 nem, patris amorem, Principis (nunc Regis) consensum, Ponti-
 ficis veniam, quæ omnia viri, vxorisq. perennem concordiam
 prælagibant. Quid verò Pontificis veniam cum dicimus, nuptia-
 rum solemnia reticemus? Fratrìs dùm nuptiæ ab augustissimo
 Pontifice cum Margarita, procurante Alberto celebrantur, suæ
 quoque cum Alberto, procurante Antonio Sessæ Duce, confi-
 ciuntur. Quid iucundius? Quid excelsius? Quid post hominum
 memoriam memorabilius? Sed quid felicius Isabella, & Alberto
 in eo congressu, qui Valentiae cum Philippo fratre, & Margarita
 Regina habirus est? Quod gaudium hilaribus lacrimis, amoris
 plenis celebratum? Altera coniux in Hispaniam progreditur,
 altera ex Hispania excedit ad Belgas. Peramanter vtrinque stu-
 dia, & officia patent. Septimo idus Iunias, omnibus ad nauiga-
 tionem paratis, classem cum Alberto conscendit; præteruehitur
 Tarraconensè littus; Narbonensem sinum traijcit; oramq. Ligu-
 sticam legens in portum Genuensem appulit. Quæ voluntatis in
 ea Republica declaratio? Quis honor à Laurentio Saulo exhi-
 bitus? Quis in ædibus Principis Auriæ splendidissimi Regum
 hospitis apparatus? Ex Liguria Insubres adiit, ex oppido Sera-
 uallis à Mediolanensium Præfecto equitum turmis armis, &
 equestri ornatu instructissimis Dertonam ducta. Eridanus flu-
 minis Rex lætissimis arundinum frondibus præcinctus, Ticinum
 contententi tranquillitas præbuit vndas, dùm contentione qua-
 dam Ticinenses Academici, operiq. publico Præfecti, de sym-
 bolorum inuentionibus, ob nimiam in Austriacos obseruantiam,
 cum alijs Italiæ urbibus certarent. Eò lætior Isabella facta est,
 cum Mediolanum ingrediens, Castellæ Comestabulo, amplissi-
 mo Senatu, & profusa multitudine obuiam procedentibus, non
 tantum sollemnia nuptiarum Philippi, & Margaritæ Valentiae
 celebrata, ad portam magnificè exornatam, depicta inspectant,
 sed iisdem ædibus in quibus Margarita cōmorata fuerat, vsa est.

Lætior,

Lætior, inquam, cùm quamplurimi Principes, Senatusq. Veneri Legati aduenere, honoris officia certatim offerentes, cumq. Cardinalis Dieterstrinus Legatus à Clemente VIII. missus, post sollemne sacrum Rosam ipsi auream, & sacrum ensẽ Alberto tanquàm Fidei defensori dono dedit, summa cum ludorum, spectaculorum, scenarumq. varietate, & oblectatione. Quæ lætitia nõ perfuncta est ad Seronam, ad Tradates, ad Heluetios, ex quorum foederatis ciuitatibus Optimates adfuere? Ad Belincionam peruenit, summa Alpiũ iugũ ascendit, descendit ad Vrios, cùmq. ad Lucernates triduò diuertisset, Basileam ingressa est, & inde per agrum Alsatiæ, atque Lotharingiæ ad Deodatenfem, & Luneuillæ oppida à Barri Duce, & Comite Vaudemontio Regio apparatu cohonestata, & ad Nanceium deducta est, vbi nullum officij genus, nullum beneuolentiæ testimonium fuit prætermis- sum. Ad Musipontem, Lotharingiæ Ducem cum filio Cardinali comites habuit, atque hospites. Belgium iam dominam salutat; à Mansfeldio Comite excepta Luxemburgum ducitur; contendi- dit ad Eburones, ad Namurcum, vbi maximæ fidei Florentius Barlaymontius specimen ostentauit. Et ad Brabantia limites progressæ, quàm præclarè Ducatus Ordines, Principesq. obuiam facti sunt? Quàm splendide officij, & amoris studijs claruere? Quod verò obsequij argumentum Louanij non laudauit? Quæ concordia signa Bruxellæ non intuita est? At Machlinia adhuc triumphis gaudet. Et Antuerpiæ quas pompas non admiratus est Oceanus? Neque hæc omnia Isabellæ dignitatem æquarunt, cuius imaginem non templum hoc illustrium Reginarum, sed ipsa Aeternitas cum Serenissimo, felicissimoq. coniuge seruabit.

Bernardi Streingarti.

*Gratus ades celebrande nouis, Alberte, triumphis,
Finibus Eois, Hesperijsq. redux.*

*Grata venis Isabella, tuis, optataq. dudum,
Principis egregia est gloria adesse suis.*

*Grata dies, gratæ facies, grata omnia circum,
Grataq. spes pacis pectora blanda fouet.*

Q

Maße

*Macte age, sume animos fortes, ò Belgica, tandem
 Visa diù tristis, fracta sepulta ferè.
 Pristina felici redeunt tibi secula, nec non
 Aurea quæ proauùm tempora, lata dabunt;
 Grator est fessis requies quæ sera paratur;
 Gratiùs erumpunt gaudia pressa diù.*

Margarita Hispaniarum Regina.



Arimus Triton natantibus inuectus belluis,
 ex orientalibus Moluchis per ætus Oceani,
 fietorum angustias, & promonteriorum sinus,
 aurati Conchylj sonitu Philippi III. potentissimi Regis aures compleuit, & Coronam ornare cogitanti significauit, pretiosissimam omnium gemmarum Margaritam, non inter Bengalæ scopulos, aut Americæ arenas, sed in Germania in Caroli Archiducis, & Mariæ Baueræ Ducis filix sinu recondi. Nihil ea esse pulcrius, nihil admirabilius, & qua præstantius nihil luxus Aegyptius in conuiuium summorum Ducû afferret. Ea posse Regnorum diadema ornari persuasit; solamq. Austriorum maiestati, maximorum Regum, & Imperatorum ornamenti, Indiarum thesauris, anteferri debere affirmavit. Sic in Margaritâ Austriacam animum iniecit, & desponsas, & destinatas nuptias, quibus paulò antè mortem Philippus pater lætatus fuerat, demortuæ sorori nostra hæc Regina præripuit. Nunquam profecto aliam quæ tanti æstimaretur Margaritam Philippus reperisset; in qua adolescente florida ætate pulcritudo, Regijs moribus comitas, atque summa ingenij indoles, in qua facta, dictaq. magna elucet. In Hispaniam aduenientem Germania, Gallia, Italiaq. omnis & vidit, & ornauit, summisq. honoribus omnium plausu, omniumq. concursu admirata est. Hoc verò habuit celebrius, quod à Clemente VIII. excepta est, qui Ferrariam venerat compositurus eius ditionis rem cū Cæsare Estensi iam Mutinæ, Regijq.

Regijq. Duce, qui Pontificis conatibus resistere volens, excommunicationis indignatione perterritus, ditionem omnem, atque seipsum Apostolicæ auctoritati dederat, vt Christianum, optimumq. Principem decebat, splendide cum matre, & Alberto Austriaco, misso prius Mattheucio Ragusino Archiepiscopo, & Viterbenſi Episcopo in Germaniam, deinde Cardinale Aldobrandino ad Italiæ fines, qui Legatus Apostolicus omnibus eam honoribus cohonestaret. Romam cum nō diuertisset, Romā cum sancto Senatu Ferrariæ visit cum Cardinalibus Florentino, Aſcolitano, Camerino, Montelparo, Iustiniano, Borromeo, Baronio, Blanchetto, Auila, Gueuara, Arrigono, Sfortia, Montalto, Farnesio, Sanctorum Quatuor, Aldobrandino, Cesio. Quid augustius, quā Augustissimam Margaritam, inter augustissimos Sanctæ Romanæ Ecclesiæ Principes intueri? Quæ hospitalis Summi Pontificis pompa? Quæ omnium vota? Quæ cunstarum rerum significationes? Et Solis, & Margaritæ aduentu Ferraria illustrata est; & in Sanctorum Georgij, & Maurelij Martyrum templo, sanctitate plena, nuptiarū celebritas instituta, tanti Pontificis verbis, & Francisci Atristani, Cubicularij interpretatione, vt quæ Latina lingua Summus Hierarcha proferret, idiomate Germano Regina resciret, dūm Albertus Archidux Austriæ tanquam procurator pro Philippo in vxorem eam duceret, dūm idem Antonium Sueſſæ Ducem pro Isabella desponsaret. Quantum honoris se consequutam arbitrabatur, cum Rosam vtriusque Hierusalem symbolum ex eiusdem manibus accepit, hisce verbis; *Suscipe hanc tu, dilectissima filia, quæ secundum seculum nobilis, potens, ac multa virtute prædita, vt amplius omni virtute in CHRISTO Domino nobiliteris tanquam Rosa plantata super riuos aquarum multarum. Quam gratiam ex sua vberanti clementia tibi concedere dignetur, qui est trinus, & vnus in sæcula sæculorum.* Prætulitq. eam Comes Bohemontius Aurati Velleris Eques, domum redeunti. Quanto peritrepuit plausu Mantua Eleonora, & Principibus comitantibus, & à Ioāne Baptista Guerrerio, Urbis Præfecti, sui Principis nomine, ciuitatis clauibus oblati? Quæ lætitiæ argumenta Mutinensis

Dux, Mirandulanus Princeps, Nouclariæ Comes, Veneti, Florentini, Genuenses, Veronenses, Brixiani, qui Mantuam confluxerant, edidere? Quo mundo muliebri, quibusq. nobilibus nouæ nuptæ aduentum gratulatus est Senatus Cremonensis? Addua placido cursu eius se subiecit pedibus; laudauit Lauda; splendidissimè Mediolanum excepit; fidelitatem Ticinum declarauit; suam Genua per Lazarum Grimaldum magnitudinem ostentauit; omnes eius Reipublicæ maritimæ ditionis oppida honorificè salutarunt. Ad Malsiliam à Duce Guisio, quæuis obseruantia officia Regis nomine oblata. Extulit eam Iliberis, & Lunarium promontorium, ipsaq. Barcinon, in qua nobilissimus Iberus lætissimis vndis ad eius pedes prouolutus est. Mox in portu Binaro Valentia ora, vnde ad Regem Carolus Auria missus, qui eum de Regina secunda navigatione certior faceret. Ad D. Matthæi fanum, Denia Marchio cursu publico accedens Regis mandata exposuit. Indè per Gahannas, Villam Regalem, & Sagunti ruinas iter instituere. Quid? Albertus expeditioni itinere ad Regem, suamq. Isabellam progreditur. Rex, ne amoris insignibus ab Alberto vinceretur, ad Margaritam incredibili desiderio contendit. Cùmq. dissimulato habitu, ad eam Regis se missum nomine diceret, à matronis quas in suo comitatu habebat agnitus, quam subito mutui amoris igniculi exarsere? Ipse narret Amor historiam. At quantum Margaritæ Philippus debet, quæ propagandæ sobolis, & regnorum Columnis consolidandæ prænuncia duas primo loco coniugi peperit filias, quarum secunda obiit, duosq. filios, alterum Principem Philippum, Dominicum, Victorium, his enim nominibus appellatur, quod in Philippo series nunquam defutura est; quod in lapideo labro, in quo Dinus Dominicus baptizatus fuerat, Baptismum accepit; & quod V. sanctæ Ebdomadis FERIA natus est, qui dies festus S. Victorij Martyris est; alterum in quibus eius monarchiæ regna, ditionesq. planè confirmatas, hæreditario iure, nemo est qui vereatur.

Pinti.

Cur non cessistis sublimi ex æde Camæna,
 Quando iter Hesperias Regina mouebat ad oras?
 An tot non comites inter vos esse decebat
 Ancillas, vultu, roseaq. in veste decoras?
 Profuit ecquid tunc paphia contexere myrto,
 Quæ auricomi Phœbi redimiret tempora, laurum?
 An vos lenta via potuerunt tadia longa
 Vincere? arundiferos riuos Aganippidis undæ,
 Vestrum quæque iugi spreuisset florida Pindi
 Culmina, montanas tempisset Phocidis vlnos,
 Et quodcunque parit tellus Heliconis opimi;
 Aspernata foret ludos, lepidasq. choreas,
 Lumine si Eridani captasset magna fluenta,
 Siq. urbem ferri veteri cognomine dictam,
 Quam Regis præsens aurauit sponsa Philippi,
 Cui ardebat gemma garamantide fulgida vestis,
 Crinibus & croceis redimicula mille nitebant;
 Quamve coronabant Mitra, pallaq. rubentes,
 Et pia CLEMENTIS Romani Præsulis ora,
 Mille assurgebant arcus, passimq. colossi,
 Millenæq. dabant cithara, lituiq. tubæ.
 Dulciter immistos sonitus, plateisq. vijsq.
 Quid non vidisset, fierent quo pectora multis
 Exbilarata modis, Regis præsentis marita?
 Vnio præ cuius pretiosior omine venit,
 Qua regnante armis producet Cantaber audax
 Latitia maiore dies, gentesq. Veseni
 Vbere nutritæ, & populi queis flammæ Eois
 Luminibus Titan; terra cui mittitur Indæ
 Munus, & Oenotrio quam dicti Rege coloni
 Præcelsam pietate colunt, & prole beatam,
 Regali addictam thalamo celebrantq. canuntq.

*Et vos, Pierides, Permessi flumina cur non,
 Cur non quæ facili ditioni cuncta tenetis
 Subdita, despecta vel fratris linquitis ara?
 Ite: Padi quam non potuistis cernere ripis,
 Ad Tarcessiacum lata valeatis Iberum
 Tollere carminibus, placeatq. hos addere cantus;
 Illius & sceptro tardos orare senectæ
 Aduentus, & recta diu felicia regna.*

Constantia Aragonea.

40
 IN CALA-
 MITOSOS
 MISERI-
 CORS.



LX Tarraconensi Hispania Constantia Petri Regis vxor in Siciliam aduecta est, vt crudelitatis præcipuè furorem in Carolum Tarenti Principem prudenter reprimeret. Iuuenis Carolus, cui Claudio nomen erat, Caroli Regis primogenitus, eum Aragonensibus parata classe, manus conferere deliberauit, paternos monitus negligens, qui tyroni cum veterano Duce nullo pacto esse pugnandum, per litteras ex Gallia significauerat. Iuuenilis tamen ardor, huiusmodi ex præcipiti voluntate eupit, vt hostem ad Circeum montem insequeutus (qui militari arte, quàm longiùs Neapoli abesset, eò segniùs subsidium sperare posse Carolum, sibi persuadebat) collatis signis, victus, & captiuus à Rogerio Auria Messanam ductus fuerit, dùm frustrà à Philippo Gallorum Rege pater auxilium impetrasset. Tunc sanè in eum omnes Reguli inuidiæ stimulos concitarunt, quos in patrem Carolum ob crudelitatem in Pontificem, & Corradini necem acuerat. Quamobrem ad Constantiam vndique Oratores missi, rogantes, vt capite Principem plecteret. Ea verò non esse Regijs animis eadem sorte in calamitatibus colluctandum mente secum voluens, neque in eius fidem commissum iuuenem prodere Reginam decere existimans, rem tam sapienter distulit, vt securim ab eius ceruice depulerit, & Petrum

Petrum deinde virum id exequuturum dicitur. Quapropter

Γνώμης γὰρ ἐδωλῆς ἔργα χρεῖα γίνονται.

Ex cōsilio be-
no, proba sa-
na nascitur.

Pinti.

*Cur vobis placuit Sicani littora cæli;
Piscoso conchas accipere è gremio?
Cur Arethusa rubens miscere corallia visa est;
Qualibet arenti planta virere solo?
Spicula cur Phæbus misit mage lucida ab arcu;
Et Nympha placidos ore dedere sonos?
Hoc fit: pro Siculo linquis, Constantia, regno
Hesperiam, Petri tradita iure toro.
Si tua in afflictos homines pia facta libebit
Pendere: quàm parua hac magna fuisse reor.
Hoc erat, hoc magni est, docto si encomia surgans
Digna amplis meritis fonte decora tuis.*

P. Sanfosti.

*Ante tuos thalamos constans: constantior es nunc;
Dùm tibi dat firmos vir Petra firma lares.*

Isabella Aragonea.



Recum Fortuna, Luctusq. in Isabellam Arago-
neam Mediolanensium Ducem intenderant,
vt miseriarum sagittis infixam, tanti nominis
mulierem, tanta stirpe progenitam, tanti viri
amantem haberent ludibrio, & de omni felici-
tate deturbarent. Coninge hac Galeatio Sfor-
tiæ ab Alfonso patre, Neapolitanorum Rege, collocata, infeli-
ces nuptiæ labantis Aragonæ, & Sfortianæ domus Maiestatem
proruert. A Ludouico spoliata regno est. orbata florenti ætate
viro, qui veneno peremptus fuerat, patrem eiectum regno, &
morte sublatum Ferdinandum fratrem, illum squalidum, exu-
lantem, hunc immixti fato creptū, multis lacrimis est prosequuta.

Franci-

41
CALAMI-
TATIEVS
OBRVTA.

Franciscum filium Sfortiani regni, & calamitatis heredem, in Galliam ductum, & in cœnobium coniectum, viuentem luxit. O malorum acerbiter. Porro vt magno Rege natam decebat, magnos, atque infractos animos prætulit, & virilis decoris clypeo obteſta, crudelium telorum ictus fortiter excepit, & vulneribus, quæ dolor infixerat, & quæ alligata neceſſitate, quam tempus pepererat recrudescere perturbationis memoria videbatur, duo medicamenta præſto fuere; Latitia, quam ex calamitoſo Ludouici interitu ſuſceperat; & ſeceſſus in Barium, in qua ciuitate Bonam filiam Sigismundo Polonorum Regi deſpondit, quæ deindè honorificentiffimè à Proſpero Columna ad virum ducta eſt. Quod ſi eius miſeria Gallos non euocaſſet, quorum aduentu veluti maximo incendio Italia conflagrauit (quod non aqua, ſed ruina reſtingtum adhuc ardere, amiſſa libertate, intelligimus) omnes Reginas fama, & animi magnitudine ſuperaiſſet.

Petri Grauinæ.

O Dea mortalem quis enim te dixerit vnquam

Si veram facies arguit eſſe Deam?

Qua prece, quove tuum venerabor carmine numen?

Quidve prius de te, poſteriusve canam?

Anguſto nequeunt tua facta volumine condi,

Quis mare in exiguo cludere fonte poteſt?

Magnorum monimenta Ducum tua gloria vicit,

Et Fortuna dedit iam tibi viſta manus.

Sed nec te noſtra hæc magnam capit Itala tellus,

Vltrà Rhiphaeos brachia longa moues.

Seq. tibi generum validus Rex Sarmata iunxit

Coniugioq. tua iam ferit aſtra Bona.

Ergò Bonam minor Vrſa tuam maiorq. videbit?

Laudabitq. nouam ſidus vtrumque nurum?

Filia Sarmaticis Regina ſedebit in oris,

Gentibus & Scythicis iura Latina dabit.

Salue magna parens, Latona maior, & illa

In cuius gremio falſus adhaſit Olor.

Magna

*Magna iterum salue, Reginam namque potentem
Maius opus facere est, quàm peperisse suis.*

Pinti.

*Aerumnis cur hanc, Rhamnusia perfida, vexas ?
Te ne audes tanta reddere posse parem ?
Ignoras quantum valeat vi pectoris alti,
Quò ferat aduersa tela inimica manus ;
Et nescis quantum præstet vi corporis : ibis
Hæc inuicta suis viribus, icta tuis ;
Hæc erit exemplo Regini, ferre sinistra
Ut discant, duris nec cecidisse malis.*

Eiusdem.

*Sarmatiam Hesperia affinem tibi iungere visum est,
Et generi sceptrum tollere ad astra tui ;
Qui gener est Isabella tibi non parua cecrona,
Et virtus ipsi magna corona tua est.
Hoc ergo Oceano qui est Vistula proximus unda,
Quasque suis lacrymis expetat esse vias.
Oenotria amissam tristis te qualibet ora,
Contigit & qui nunc te lapis iste fleat.
NON hominum tantum, mutarum sed quoque rerum
Promeruit fletus, qui fuit orbis honos.*

Theodora Theophili vxor.



Eginam quam vides demissis oculis, modesto vultu, sacrâ Imaginem intuentem, ex Paphlagonum regione profectam scribunt, ortam ex nobilissimis parentibus Marino, & Theodistæ, cui Floria cognomentum erat, & Theophili Imperatoris vxorem. Hic victor ex Sarra-

cenis Asiæ provincias deuicit, ab ijsq. victus etiam succubuit. Constantinopolitana moenia, quæ collapsa erant, alius

R instau-

42
RELLI-
GIOSAE.

instaurauit. Cum Calypha Babylonico munerum magnificentia
 per Legatos certauit. Sed Imaginum cultum prorsus abiegit.
 Quid imaginem Dei præferre potest, qui imaginem, a Deo in
 agro Damasceno depictam, detestatur? Quàm callidè verum ea
 turpitudine contaminatum delusit, cum ad malam segetem ea
 ætate impietas vbique terrarum orbis pullulasset? Cum enim
 aliquandò Dender quidam homuncio, quem indecora facie,
 turpia loquentem, ad voluptatem Regia alebat, in Theodoræ
 cubiculum ingressus esset, Sanctorum Imagines ipsam regentem
 offendit. Nihil moræ cum parasito. Theophilo factum detulit;
 qui licèt accumberet in conuiuio, eò furoris, & iræ progressus
 est, vt se totum insanians ad accusandam vxorem promouerit.
 Tu ne (inquit) Imaginum cultrix? Tu ne impudens Idola vene-
 raris? ficcine tuam imaginem, imaginum aspectu deturpas?
 A Dendere quæ committis accepi. Dabis poenas. Nulla ex re
 maior tibi pœna imminet, quàm ex hac superstitione. At sancta
 mulier; Quid huiusmodi verbis me laceras Imperator? Tantum
 ergò fidei Denderi Homericæ Therisita turpiori adhibes, vt eius
 cauillis famam vxoris obruas? Quid malè suspicaris? In se-
 culum oculos intenta defixos tenebam, & cum ancillulis iocabar,
 cum Dender aduenit; quid de Imaginibus perconctaris? Quæ
 verba Theophili furoris tempestatem subirò sedarunt; factumq.
 deinceps eiusdem opera, vt seruus quæ videret, quæ audiret reti-
 ceret, nec alias ad coniugem deferret. Ad eam quoque pieta-
 tem Theodiste Theodoræ filias Teclam, Anastasiam, Annam,
 Pulcheriam, & Mariam instituens, continuò maternam educa-
 tionem obijciebat, admonebatq. vt patriam hæresim execraren-
 tur; & quamuis aditum ipsæ ad Theophilum, qui ea rescuit,
 prohibuerit, maiori tamen desiderio puellulæ inflammata, sacri
 cultus seminarium Regina domum effecerunt. Quem fructum
 Christianæ religionis, ex mulierum pietate, non elicimus? Quid
 sanctius, atque vtilius, quàm liberos Christianis moribus edu-
 care? Erit ne Christianis moribus, Regius apparatus illustrior?
 Erit ne armis an fide Regum aula potentior?

Pinti.

Cur fufos gemitus peftore colligis ?
Manant ex oculis cur lacrymae & moras
Cur hoc, RELIGIO, marmore conteris ?
Te clamys notat, & frons.
Hic fedem cineres illius hic habent,
Cultu quæ calido fidera perculit,
Dùm ad aulas superas vexit imagines,
Quas colit pia proteles.
Non faxum tegat hanc, succina at aurea,
Fument thuriferae vafcula virgula,
Hic ales volitet, quem Paphlagonia
Diues educat alis.
Hinc fint diuitiae, quas habuit Paphus,
Hic dùm culta Venus munere floruit,
Barbi hic Marmarici fidere gaudeant,
Quo micat bona Phœbe.
Dic quæ claufa iacet maxima laudibus ?
Coniux quæ fuerat coniugis impij,
Est hic, HASTA DEI, nomine & ipfius
Hæc latet Theodora.

Maria Scotiæ Regina.



Iginti ferè annos infeliciffima-Scotorum Re-
 gin: Maria in carceribus vixit, quod Ifabella
 Anglorum Tyranna verita fuerat, ne in eius
 necem cum Catholicis conspirasset. Tandem
 Anglis Magistratibus inuifa, proptereaquòd
 Christianæ Fidei vehementer fauebat, à Cal-

uioi infantijs abhorrens, ad quam opprimendam, Catholicosq.
 expellendos Antonij Barbyntonis induftria fuiſſe uſam ſibi
 perluaſerant, & mortua Ifabella, ipſam regno ſucceſſuram intel-

R 2 ligebant,

ligeant, idq. sapiùs Tyrannæ obijciebatur, ne cunctando machinarum locum coniuratis daret; capite à ludicibus ad castrum Federinum damnata est. Belaeres Gallorum Regis Legatus coràm Isabella pro Maria efficacissimè dixit, atque ità, vt ea oratione commota, de sententia aliquot menses discedens, placatum animum quodam modò ostentaret. Sed ad ferociam reuersa xj. Cal. Martias anno 1587. sententiam confirmatam, per Comitum Scasburgium, & Chentium Mariæ denunciauit. Hæc nusquam perterrita, lætissimo vultu, grauib. verbis respondit; Ecquid ad immortalitatem comparandam mihi iucundius accidere hoc tempore potuisset? Quid salubrius, in Regno, in ipsa rerum Monarchia sperarem me vnquam consequuturam? Quas immortales omnipotenti Deo referam gratias, qui infelicem Reginam ex miseriarum cœno eruens, alterius vitæ felicitate est consolaturus? Quid mihi gloriøsius, quàm pro Catholica Fide vitam, sanguinemq. effundere? Non seruat immanis Isabella consanguinitatis iura; CHRISTVM seruatarum spero, cuius redempta sanguine, ad coelestē introducar hereditatem. Ecquando hic mihi luceſcet dies? Ecquando Anglorum oculos hoc spectaculo satiabo? Diem sibi constitutam responderunt, quam ipsa iuberet; ipsos posteram delegisse. Annuit libentissimè Christiani Theatri, & Catholicæ pompæ munerisq. Athletæ, cum Anglicanis sæuissimis feris certatura. Ducta est in nocturnum funebre Proscenium in aula paratum, spectante procerum coronâ. Et cum CHRISTI crucifixi imaginem teneret, & alloqueretur, Chentius, ne superstitionibus tunc vacaret, ausus est dicere. Audacius illustri femina eius sectæ diabolicas superstitiones, atque fallacias exprobauit. Detestari se hæreticorum insaniam, aiebat, quæ veluti obscurissimæ tenebræ Regiæ Maiestati, ciuium ornamento, & totius Anglicani Regni splendoribus obessent; illudq. se à CHRISTO Summo omnium Principe, & Saluatore didicisse, vt sanguinis testimonio, Catholicam, Apostolicam, sanctamq. Romanam Fidem confiteretur. Tùm recitato Dauidis psalmo, *In te Domine speraui*; scissa ad pectus tunica quam induerat, cernicem securi subiecit. Tùm Carnifex abscis-

sum

sum caput, in sericeo puluinari ad fenestram populo præbuit videntum, cum interim tantis memorabilis Regina procellis obruta, ad felicitatis, & æternæ pacis portum peruenisset.

Fabij Leonidæ.

*E' claro vitam dederat tibi sanguine CHRISTVS.
Sceptraq. feminea feræ superba manu;
At tu lucrum ingens pro CHRISTO amittere Regnum,
Vitam & pro CHRISTO fundere dulce putas.
Na Regina sapi; semel amittenda fuerunt
Ista; sed baud titulus pulcrior ullus erat.*

Pinti.

*Aurea debebant sepire monilia collum,
Et complere manus sceptrâ vetusta tuas;
Sed quoniam peperit crudelia monstra sorori
Ira tuæ, Scoticis interimenda feris;
Et quoniam CHRISTVM peramas, atque ore fateris:
CHRISTVS amor meus est, sunt mea regna fides.
Vincula circumstant collum, feriuntq. secures,
Post, secura petis testa beata, necem.
Hocce tuo felix ibit quam purpura fulgens
Sanguine: Quid Reges si pia iura premant?*

Isabella Angliæ Regina.



Iris Maria execrationibus arcet ex hoc Templo Isabellam, vel Lisabetham Reginam. An potius dicam feminarum portentum, quæ monstruosa, & pestifera Calvinistarum lue Regnum Anglicanum, &oticum infecit, ac labefactauit? Arcet & immanitas, quæ cruentissima bestia in Catholicos crudeliter sæuiens, Londinum, totamq. insulam martyrum effecit sepulturam. Hac profectò tantum de causa nomine digna

digna est, quæ relligiosos, sanctosq. viros, nefarijs, inauditisq. cruciatibus interficiens, gloriam, honorisq. coronam iisdem adepta est. Ceteroqui ab hominum memoria prorsus abolenda, quæ eò prouecta est insania, vt acephalam reddere Ecclesiam, Apostolorum Coriphæi limina conterere, Monarchiæ Ecclesiasticæ primatum sibi vindicare impudentissimè studuerit. Vulpecula Andegauensium Ducis, Gallorum Regis fratris, & Northolchij Ducis nuptias elusit, Alansonis finxit, vt hæresum fau- trix, nec dominandi consortem, nec nimia libertatis haberet re- prehensorem; quamobrem hoc epigrāmate eius sepulcrum esse decorandum dictitabat, vt Regina, & Virgo Lisabetha vixerit. Cur verò non Catholica? Cur non Romanæ Ecclesiæ observa- trix? Cur ab incepto destitit? Crucis enim Trophœum in aula suæ Basilicæ erectum habuisse antequàm ministrorum Imperio se subiecisset scribit luculentus scriptor Alanus Copus, & admi- rabilis in sanandis strumosis virtus à Polydoro Virgilio in ea- dem notatur. Impia multa nisi molita esset, Regiam in ea virtu- tem laudares, quæ copiarum numero, classium apparatu, mari- timis latebris in Oceani sinibus penetratis, cum maximo Hispa- niarum Rege contendere non dubitauit.

Pinti.

*I monſtrum Scotia exortum, populoq. fideli,
Verba ferens Hærebi contaminata lue.
Hydra i pernicies Arctoïs nata Britannis,
Per quam Londinum carnificina furit.
Quod si Lernaam Alcides malè contudit Hydram:
Fortior Herculeæ Mors tua colla manu.
Hinc canis Inferni latratus percutit aurem:
Te quoque Plutonis terrificasse forum.*



Fredegundis.



Quid astus ad lasciviam facit, ingentes in Fredegund. Galla spiritus nouerim, quæ ex pelli-
ce, legitima Chilperici Regis vxor euasit; &
quæ virum duabus ante à vxoribus Andouera, & Galsuindæ charum, tot sibi illecebris subiecit, vt altera expulsa, altera occisa, totum se ip-

45
EXPELLI-
CE, Vxor
PERFIDA.

sus imperio tradidisset. Regem sibi coniugem quærere, laudabile, & gloria dignum non vereor; sed scelera coniugalis libidinis excitare, detestabile. At quod gloriosum in femina, turpe quis non abhorreat in Rege, qui vt scorto morem gereret, infelicibus vxoribus vitam, dignitatemq. ademit? O flagitium ferarum. Sed exitum proba. Quam voluit crudeliter Regni confortem, dedecoris habuit machinatricem. Admisso enim proco Landrico Equitum Magistro, turpitudinis nota Regium honorem infecit. Maritus sic factum rescivit. Venatum iturus, vxorem comam pectentem à tergo virga percussit. Quem amatorem suspicata, & nomine compellans, ait; Quid Landrice agis? Quin si vir es, me non auersam pete. Lasciuientis animi eloquia. Cumq. vultum conuerteret, Chilpericum esse animaduertit? siluitq. attonita rubore suffusa. Simulans coniux prosequitur iter, vindictam paraturus. Prouida mulier Landricum vocat; quæ gesta fuerint, narrat. Vtriusque vitæ consulat, persuadet. insidias ille disponit, & in silua Chilpericus iugulatur. An meritas non luxisse poenas dicemus, bonarum mulierum neglectorem? Quid à scorto consequuturum sperabat? Quot norunt omnes, quos meretricibus in matrimonium acceptis, ab iisdem amatorum opera vidimus interemptos? Ab eadem Fredegundi, Sigebertum mariti fratrem occisum fuisse scribunt, necatis illicò percussoribus, ne rescierur scelus; & Childeburtum Regem proelio, in cuius prima acie ipsa constiterat victum, & venenum vxore eodem die esse sublatum.

Pinti.

*Heu pudeat : quæ vos insania cæpit Amantes &
 Pellicum ad obscænos, corpora ferre toros.
 Nescitis tanto hoc tumulo, quæ perfida pellex,
 Illa, malum Regum, Galla l regundis, inest ;
 Hocq. maritorum saxo latet illa peremptrix,
 Quæ è scorto coniux reddita Regis erat.
 Heu fugite : heu quæ vos dementia lufit Amantes ?
 Heu fugite hinc, ne vel mortua, vos perimat .*

Constantia Claramontia .

46

SECUNDAS
 NVPTIAS
 INFELICI-
 TER EX-
 PERTA .



Oluit Fortuna varietatis viciffitudine ludibun-
 da , nobiliffimæ mulieris patientiæ periculum
 facere , dùm contrà ingrati animi perfidia ,
 pofthabita miferiarum memoria , quæ toties
 tuendo dominio , bellis ingruentibus repullu-
 lauerant , & quibus fordelcere quodammodo
 Regia dignitas vifa fuerat, eiuſdem conatibus vires addere con-
 tendebat . Quid calamitoſius Ladiffao, inſequentè Ludouico,
 Regnum Neapolitanum, intuebatur, cùm deperditis omnibus
 fortunis , ad Manfredum Claramontium in Siciliam confugere
 coactus eſt, à quo ob Conſtantiæ filiæ matrimonium, grandi ero-
 gata pecunia, animos, vires, ditionem recuperauit ? Quid dete-
 ſtabilius ab eo factum, quàm vxoris ſubſidio, ſuperata calami-
 te, eandem barbarè repudiare ? Quid muliere illa conſtantius ,
 quæ cùm deinceps priuatam vitam duxiſſet, & Andreæ è Ca-
 pua Altauillæ Comitſ filio, ſecundis nuptijs ab ipſo Rege eſſet
 coniuncta, ad viri domum ducta, iniuriarum non oblita, hæc ait;
 Illud vnum te fortunatiſſimum, Andrea, efficere potuit, quòd ea
 concubina frueris, quæ legitima Ladiffai Regis vxor coniux om-
 nibus iàm gentibus eſt cognita . Nurus Margaritæ imprudentia
 facinus illud ab omnibus reprehendendum accidiſt . At generis
 imparitatem in connubijs vitandam edocemur .

Franciſci

Francisci de Petris I. C.

*Viue diu felix, ò vir, qui Regis in altum
 Conscendis thalamum, impunè tantosq. Hymenæos
 Polluis, æternum posthac memorandus in æuum;
 Sic inquit constanti animo Constantia quondam;
 Sicq. viget, tantisq. notis Constantia constat,
 Constat & infidi Dyrrachi infamia Regis.*

Pinti.

*Pectora in aduersis feci constantia rebus,
 Nec fors dira suis destitit esse malis.
 Pulcra fui, ingratoq. viro non cognita Regi,
 Es mihi mutata fors male cessit ope.
 Quæ Regina fui famulis, populisq. superba,
 Duxi alij patiens tempora iuncta viro.
 Cur ergo doleant inopes, si sceptrâ dolore
 Viuere pressa suo numina magna sinunt?*

Rosimunda.



Ragicum à Rosimunda facinus editum, nisi pudoris infamia obscurasset, mulieris magnanimitate inter eximia eluceret. Cecidit eius patrem Chunimundum Regem Alboinus; qui mox eam sibi coniugem copulauit. Dolor, qui ex patris interitu acciderat, & ægritudo qua è Regno deiecta cruciabatur, connubio extenuari posse sperabat. Sed ex duriore iam sorte nouus emerfit, & asperior exarsit. In conuiuio enim cum essent Veronæ, poculo quod ex Regis cranio cõfecerat, Reginæ, patriq. necato insolita lætitia propinauit. Hoc facis Alboine? Hoc audes? Mulierem, filiam, Reginam prouocas? Subitò compressa fortitudine, sæuiente ira excanduit, & admoto fomite materies ignem concepit. Cum Helmige milite

47

PATER-
 NAM IN-
 IVRIAM
 VINDI-
 CANS.

S

de

de occidendo Alboino coniurat; sociumq. adhibere Peredeum desiderat. Quem abnuentem assentiri, muliebri arte decipit; nam in lecto suæ Vestiarix, qua stupri consuetudine Peredeus utebatur, se supposuit. Cùmq. fraudis nescium interrogaret, quanam esset ea quacum in lecto iaceret? suam ipsius amicam esse respondentem, ait; Quid tu scelestes cum Rosimunda es? Hocine in Regem scelus commisisti? Alterutrum tibi faciendum delibera; Vel Alboinum interfice, vel te interfectum iri patiare. Erubuit Peredeus, nolensq. in Regem conspirauit, & à vilibus sicarijs fortissimus Princeps interimitur. Helmigem sibi Rosimunda coniugem eligit, atque Rauennam se recipiunt. Ibi Longinus ei persuadet, vt Helmigem è medio tollat; ipsum sibi virum adsciscat. Ad nequitiam procliuis, & facilis bellua, è balneo exeunti poculum salutis præbere simulauit. Qui cùm venenum in media portione hausisse animaduerneret, districto gladio, quod reliquum fuerat, eam bibere coegit. Quamobrem ambo vno momento periere. Crudelitatem post Regis mortem Alboinus exercuit. Quid crudelius? Et paternam necem turpibus sceleribus Rosimunda vendicans, car poenas non erat data?

Pinti.

*Quo me Phæbe rapis tui
Plenum, dùm radijs terra calentibus
Ardens promicuit tuis?
Vltà ne exagites (longa via est) pedes.
Aegrum corpus iter magis
Odit. visam alias, quæ Rosimundam humus
Reginam tegat (auspice
Ast non absque tua lucifera coma)
Qua tot criminibus fuit
Turpis, femineum qua macula genus
(Inter fercula si licet
Vindex morte sui taeta memor patris)
Infami Veneris notat;
Dios coniugio quæ peperit dolos.*

*Cui vir pocula præbuit,
 Ausus, & socio quæ insidias tori
 Tendens, perdere nititur,
 Exposcens operam creduli adulteri:
 Quæ ambos cæco Herebo dedit:
 Extincto gladio coniuge: sed proco
 Sublato medicamine.
 Quisnam finis erit, cæterâ si feram?
 Eius ne officiat cinis,
 Vel subter lapidis pondera, fœtidus:
 Illinc nos erimus procul,
 Hic lati ad fluvij flamina frigidi.*

Valasca Bohemorum Regina.



Væ virilem sexum inhumaniter perdere, ac prorsus delere desideravit, quod à libidine abhorruerit, laudibus in primis efferenda est, nisi crudelitas plus momenti ad suspicionem criminis habuerit, quàm ad rationem salutis. Valasca, vel Vlasda, nisi malueris Blaſta, hæc illa est Bohemorum Regina, ut placet Volaterrano, ut verò alijs, familiarissima, & à secretis Libusſæ, quæ post Cracum patrem imperavit. Hæc siquidem, quod muliebri genus insigne arbitrabatur, quodq. omnibus in rebus auctoritate, viribus, & ingenio valiturum, si vel in disciplinis adipiscendis, vel in Magistratuum muneribus subeundis, vel in rei bellicæ studio, earum periculum fieret, summa constantia prædicaret, alijs mulieribus persuasit, ut in viros impetu facto, servitutem quam diuturnam vixerant ablegarent, ut tranquilla possent aliquandò libertate potiri, nihil enim turpius ingenua, quàm viuens cogi servitutis miseriam deplorare. Ipsa copiarum ductrix effecta, indicto bello, signa cum viris contulit, qui victi sunt, profligati, interfecti. Liberam septem annos, veluti Amazones, in libertatem restitutæ feminae, vitam

48
 IN VIROS
 CRUDELIS

duxerunt. Quis neget, mulierem odio prosequenti viros, flagitiosam, ac inexplibilem libidinem arcere potius, quàm ambiciosè viuere voluisse? Quis neget Valascam mascula virtute Semiramidi præstitisse, quæ cum bellando maximam semper gloriam præstulerit, mortuo marito, non tantum admiserit, sed plebrosque ex militibus etiam prouocarit?

Auctoris.

*Heu fuge complexus teneros, innupta requiras
Tempora, dum plectit magna Valasca viros.
Vel dulces adeas potius tu mille Hymenæos,
Ut totidem uxores strenuus interimas.*

Gasparis Cropacij.

*Blasta puellares ducens in prælia turmas
Infert incautis arma cruenta viris.
Horribiliq. refert crebros è strage triumphos
Dum præter sexum bella nefanda mouet.
Septenne Imperium plenè sibi vindicat armis
Ferro subiiciens obuia quæque suo.
Iàmque potestatis populantibus arua puellis,
Spes quæ restaret parua virilis erat.
Vsa dolis quando perit astu victa, dolisq.
Consilio prudens Primisilea tuo.*

Pinti.

*Quis nunc non adipe illinit lupino
Postes? panituit nouæ hos maritæ,
(Spreto virgineo toro) dedisse?
Reginam metuit, ferox maritis,
Quæ bellum pauidis tulit cruentum?
Quæ olim consilij fuit Libussa
Edocta, ingenio valens, & armis?
Absis suspicio, metus recedat,
Omnesq. ex animo cadant pauores,*

*Leſtos quæ fuiſt impia in iugales ,
 Ne ignoret tumuli hiſ iacere in vmbriſ ;
 Sceptro quæ domuit feros Bobemos .
 Vir latetur , Io , canat triumphum
 Mortis : Mors valuit truci Valaſca
 Nervos conterere , & virilis auſus
 Vim cunctam . Danai videt ſub Orco
 Natas , aſſiduo citat labore :
 Incaſſum dolij replendi & ipſi ,
 Cum tot , pars cecidit . cauere virgæ
 Regum quiſ docuit nigrum Tyrannum ?
 Viuat coniugium : cinis Valaſca eſt .*

Vanda Polonorum Regina.



Pud Polonos celeberrima Vanda illa viguit ,
 quæ Craci ipſorum , Regiſ filia , Regniq. heres ,
 quarta inter Reges anno ſalutiſ 730. Imperij
 faſces obtinuit . Rara in hac muliere ad pulcri-
 tudinem in adminiſtranda Rep. fortitudo acce-
 debat , ideòq. alteram ferè Origiam ipſam ar-
 debat Ritagoras Germanorum Princeps . Qui eiſ amoris hamo
 captuſ (hamumq. Vanda lingua Polonica ſignificat) & admira-
 rabilī prudentia accenſuſ , in qua vndique Regij mores eluce-
 bant , procoſ ad connubium petendum miſit . Quibuſ cūm pudī-
 citiam , & virginitatiſ dignitatē illa ſæpiuſ obieciſſet , re infecta
 demūm ad Principem rediere . Quiſ eum contineat ? Bellum pa-
 rat , indicitq. Poloniſ . An vt de eorum ciuitatibuſ victoriā re-
 portaret ? Non herculeſ ; ſed vt cūm ſe victum dederet , de eiſ
 animo Vanda triumpharet . Mulier verò impauida , viribuſ ma-
 giſ corporiſ , quā lenocinijs certatura , copias , & auxilia co-
 gens , in aciem prodire conſtituit . Acriter biſ conſeruit manuſ ,
 biſ hoſtem ſœdē viciſ , atque fugauit . Noluī diutiſ viuere Rita-
 goras ; noluitq. Solem ſui dedecoriſ notā poſſe intueri . Diſtriçto
 gladio ,

49
 VIRGINI-
 TATIſ CV
 STOſ , ET
 FORTIſ .

gladio, sibi mortem consciiuit. Vanda, parta Polonis victoria ; quòd Dijs virginitatem deuouerat, volens, lubensq. de ponte in Vistulam fluiuium se præcipientem dedit, atque aquis submersa, fato cessit. Cadauer repertum, in scopulo, qui mille passuum à Cracouia aberat, condidere.

Eliaë Reusneri.

*Connubij ob crebram Virgo formosa repulsam
Teutoni bello Vanda petita Ducis,
Hosti concreditur : vincit : magno ille pudore
Incubuit ; gladio se peremitq. suo.
At victrix : Mea virginitas sit victima vobis
(O Superi) per quos est mihi sc̃ps, ait.
Rotogari effugi thalamos ; sic fata : sub alti
Se fluuij rapidas præcipitauit aquas.
Bac̃tra Semiramidem, Tomyrim, Scythiaq. ornet, utriq.
Quam meus anteferat laude Polonus habet.
Aequentur Regnis, aquentur Marte licebit,
Aequari Vanda, quæ (rogo) morte potest &*

Pinti.

*Cui dulces Charites vultus fudere lepores,
Sarmatico hic sceptro Vanda decora iacet.
Cur hic perpetuò non rident lilia Vere ?
Hostis nonne fuit connubialis Hymen ?
Cur hic non Mauors pinxit victricia signa ?
Non hæc Ritagoræ bella cruenta tulit ?
Vistula cur rapido non hic it flumine ? an ore
Non eius, præceps dùm ruit, haurit aquas ?
Sin nihil est horum, misera hic vos flete puella
Virgineum vobis deperijssè decus.*

Ipsicratea.



Llustrî huic templo deuotam Ipsicrateam quisquis es, qui veneraris, optimè mulieris virtutis æternitati consulis, propterea quòd quauis Fortunæ relis proposita vita, vt Mithridatem virum libentissimè sequeretur, Regiarum deliciarum oblita, compositæ, & delibutæ comæ, madentibusq. cincinnorum fimbrijs cultris tonsorijs adhibitis, virili habitu suscepto, armisq. instructa, sancti in coniugem amoris fidem, societate, & mutuis rerum periculis augendam, ornandam, amplectendam existimauit. Victum Regem à Pompeio, animo fractum, spe salutis destitutum, debilitatum ægritudine, per Armeniæ montium iuga, & Ponti angustias sequutum, vna Ipsicratea consolata est, omnemq. dolorem afflicto Regi abstulit gloriæ renouatione. Amantem habere coniugem, dulce profectò est; at eandem habere coniugem, & Ducem, inextimabile.

50
CONIUGVM
AMANTES.

Pinti.

*Regina aspectum subij, vestemq. virilem,
Audij & attonso bellica crine viri:
Hunc ego Caucasos Lynces, Tauriq. Leones,
Intrepida vidi sæpè ferire manu,
Huic ego, in Armenos communi Marte sequuta,
Pompeiana timens classica damna, fui.
Prò dolor aspexi perfracti tela mariti,
Sola hunc solata est Ipsicratea suum.
Saxa quid impediunt? hæc tollite, rumpite saxa hæc;
Cur procul hic dulci coniuge sternor humi?*



Cabadis vxor.

51



Mni ex parte laudabilior Cabadis Persarum Regis vxor, cuius nomen proditum non est, cuiq. cū à subditis Regno vir fuisset eiectus, atque in carcerem contrusus, Blaze fratre substituto, excogitanti qua in re coniugi potuisset esse adiumento, vt ea miseria afflictum liberaret, illud Fors obtulit, vt à custodiæ Præfecto adamaretur. Optatis sic respondere visa est, & in amborū societatem auxiliij adhiberi. Sed ne volucris abiret, marito mox rem aperit. Is quod impudicam non esse vxorem optimè sciret, haberetq. testem animorum conspiracy, salutis causa obsequendum iussit. Liberior deinceps mulieri ad Cabadem in carceres aditus cū pateret, aliquandò ingressa, vt custodem falleret, accepta Cabadis veste, illum sua indutum egredi passa est, absque dubio seipsa necis pignore constituta. O singulare amoris testimonium. Vt coniugis saluti consulat, ipsa emoritur? Quæ vnquam memorabile facinus delebit obliuio? Quid Cabadi obijciam? Ingratitudinem, infamiam, omnium ferarum crudelitatem. Ipse enim ad Hunnos tutò profectus est; ipsa, Regis iussu interempta.

Pinti.

*Se marem effinxit præcauta Semiramis olim,
Ne ruerent nati sceptræ superba Syri.
Tu quoque pro dulci mentiris coniuge vestem,
Regia ne clauso vincla molesta forent.
Re gesta vtraque excelsè patet ardor amandi,
At Regina tuus quàm mage claret amor.
Illa necis nullis adamauit cara periclis
Pignora, at ipsa viri cogere inire vicem.*

I I.

*Clausam non cæco, ditem sed lumine amantem
Cerne, quid & pietas connubialis agat.*

Vir

I I I.

Vir meus hinc astu (vultis quæ vera fatebor)
 Exijt, hinc habuit (me inueniente) fugam.
 Non ne videbatur passum discrimina Regem,
 Coniuge me, hinc saluos, vindice, ser re pedes?
 Pœnas ipsa lubens patiar quascunque iubebunt
 Iura: sit incolumis vir: mihi dulce mori est.
 Sic ait excubijs, mentita in veste Cabadis
 Fida vxor, diram mox subitura necem
 Saltem ait, vt pateat magis hic vxorius ardor,
 Exuite, & maris Regia palla cadat.
 Quis tantum, stupidus factò, condemnet amorem,
 Quæ non Regina corda miserta fleant?

Ascanij Colellij I. C.

Inclÿta femineum sociali veste pudorem
 Contegit, auratas carcere tonsa comas,
 Succedit fallax clemens Regina marito,
 Coniugis exuuijs credita vir mulier,
 Custodes fallit, fugit hic sub imagine amantis
 Altera pro optato coniuge restat amans.
 Et tandem occubuit, lihuit non fallere amorem,
 Quem Deus haud ficto numine fixit amor.
 Felix o nimium pietas, cui ius datur vni
 Fallere posse homines, vincere posse Deos.

Eiusdem.

Perfarum domitrix magnis Regina trophæis
 Hoc viuo viuens clauditur in lapide.
 Aemula Romulidum, rapuit quæ ex hoste triumphos,
 Ante pedes vidit sceptrâ superba ducum.
 Imperio cedens, aduerso Marte triumphat,
 Coniuge pro moriens, vincere se voluit.
 Quid tu Cesareos tollis Roma inclÿta fastus?
 Is victor, nunquam vincere se potuit

T

Imperio

*Imperio hac maior, Regum bene nata coronis,
Sola triumphali numine te superat.*

Cleopatra.

92
REGIAM
DIGNITA-
TEM DE-
VRPAN-
TES.



AN Aegyptiam Venerem prætermittam Cleo-
patram? Amoris illa, non Serapis, Isisve Maga;
Amoris, inquam, pabulum, in quo fluctuauit
incertis erroribus ardor amantum. in Cn. Pom-
peij filio primùm, dùm puella esset, cùm ille in
Aegyptum à patre ad cogendâ classem, opemq.
petendam missus est. Deindè in Iulio Cæsare, ad quem Alexan-
driæ obsessum, deserto fratre, vt seipsam, regnumq. traderet, con-
fugit. Et qua industria cùm tutò transire non posset? Mira vis
Amoris. Suberant stimuli, allesta cupidine, ardescens pectoris
flammas ostentauit. Nam Regiam exuta dignitatem, culcitam
induit, in qua veluti sarcina inuoluta, portarum custodes delu-
dens, ab Apollodoro ad Cæsarem portatur. Ligari passa est, quæ
vel aspectu, quo nihil præstantius Natura effinxerat, vel sermo-
ne, quem variarum linguarum calleas dulcissima Siren allicie-
bat, quoscunque poterat mirificè deuincire; pannoq. includitur,
quæ omnes Veneres oculis, artes ingenio, mente Imperiorum
moles, Cupidinum simulacra corde claudebat. Quid verò Cæ-
sarem accusas, quòd insolita venustate captus, quam in nulla
Romanarum viderat, vel si mille Lucretias nosset, cæco vulne-
re languens tabuerit? Quid victum orbis victorem damnas, vbi
egregia victrix, exuëtis medullis, ignea spicula contorquebat?
Sed vince Magnum Cæsarem Cleopatra; ille enim occiso Pro-
lomæo, subactò Aegypto abiit, Cæsij, Brutiq. morte audita;
tu verò in Amoris finibus, edito sibi Cæsarione filio, relicta es.
Adoleuit lasciuia M. Antonij aduentu, qui in Asiam profectus,
quamuis de Parthico bello cogitaret, Aegyptum tamen subij-
cere statuit, & m. llo Q. D. llic Senatore, Cleopatrà in Ciliciam
acceffit. Suam illa ipsius formam timori obiecit, nec Roma-

num

num Ducem Fascis Cleopatraz ingenio submissurum verita est. Parata naui Cydneum flumen præternauiganit. Strata nauis auro erat, quam purpurea vela, fulgidumq. argento remigium impellebant. Militum loca in foris ancillæ Nympharum habitu succinctæ, & pharetratz occupabant; ipsamq. sub cœlo gemmis distincto recubentem, veluti Cupidines formosuli pueri circumstitebant, tibicinum, & citharædorum modulamina ripis resonantibus, in quibus passim dispositis aris thura, odoresq. Sabæi fragrant. Iam venit Antoni, in quam inuenis in Alexandriam Gabinium sequutus, præfectus Equitû, oculos inieceras; iam venit, quam damnandam censebas quippè suppetias Cassio tulerat; sed venit te miserum damnatura. Quis eam supplicem cernat, nec se supplicem dedat? Cuiusnam ardentem iram lacrimulæ non restinguent? Cedit Romanus Princeps, & saucius omnium victoriarum Trophæa in Cleopatraz desiderio collocat, & veneratur. Bellorum curas posthabet; mulieris militiam appetit; ea sibi cordi est. Prodit illa fidens in blanditiarum aciem. Confert ille signa, & vltro læcessit hostem. Ferit illa; vulneribus ille delectatur; nec vnquam receptui voluptatibus canere iubet, continuo certaturus. Coenat cum ea. vincitur magnitudine, in aceto liquescente margarita, quacum amatoria venena hauriens, à noua Circe sic deluditur, vt totum se leporibus tradens, negle Ætis Fulvia, & Octauia, cum sua Cleopatra perierit, cum ambobus Aegypto pereunte. Quid si Octauium vicisses? Squalida veste assidebas in lecto. Sed nec Cæsaris patris litteris, tantum Imperatorem flectere potuisti, nec Statuis permouere, nec ferire oculis, à quorum iustibus timens, deflexit cum tecum loqueretur, suos. Cuius vt triumphum non ornares, vel ab acu venenata, qua ad cincinnos utebaris, vel ab Aspide de tua morte maluisti triumphari,

*Senis Liburnis scilicet inuidens
Priuata deduci superbo
Non humilis mulier triumpho.*

In eius statuam
Claudij Contuli Perusini.

*Si tam mollis eram, quàm scit Romanus amator :
Cur ergo decuit fingere marmoream ?*

Pinti .

*Hic ego qua nascente, Venus, nunc decidit, inquit,
Et Gnidi, & ille meus cultus, & ara Paphi :
Altera namque ipsa, in regno est Cleopatra Canopi,
Qua, meo (ut est mea spes) vindice Marte, ruet.
Nil ego plebeio turpavi pectora amore,
Quis me Romuleos nescit amasse Duces ?
Bella dedi, aduersaq. tui discrimina sortis,
Tristitia quo ferrem sat bene suavit Amor.
Quantum possit amor, cœnæ dic gemma superbæ :
Corpore sed nostro gemma minoris erat.
Quid non fecit Amor ? deuictus, fecit amante,
Ut cubito inferrem dira venena feræ.
Quam sit mirus amor, deuerso hoc cernite saxo :
Feruet adhuc gelidis ossibus ignis amans .*

Ioanna I. & Ioanna II.



Rimarum fortasse partium in hoc Proscenio
actrices erunt duæ Ioannæ. Altera Caroli
Calabriæ Ducis filia, Roberti nepos, cui satisfecisse crediderat, si Andreæ Caroli Vmberti Hungariæ Regis, Caroli Martelli primogeniti filio collocatam, in Regno Neapolitano post eius obitum confirmaret. Celebrantur in D. Claræ nuptiæ ab Americo Cardinali S. Martini in Montibus, Clementis VI. Legato, à quo sollempniter Regni Corona in summorum Principum cœtu, insignita est. At quibus gemmata radijs Corona præfulgebatur ?

gebat? Siciliæ, & Hierufalem Regni titulo, Apuliæ Ducatu; Salerni, Capuæ, Prouinciæ, Forcalqueri Principatu, addita Athenarum ditione, quam per Ludouicum Maramontem, & Nicolaum è Prato Licienfibus Ducibus fuerat adepta. Potens ætate Regnum, floridumq. fub Italo coelo amœniffimè conftitutum. Stemma nobiliffimum addere non pigeat, quo omnibus fere Orbis Regibus erat coniuncta. Erat ne Ioanna quifquam tunc potentior? Sed mariti dolofa nece, impudiciæ ardoribus perpetrata, omnibus meretricibus ignobilior habita eft. Qua excufatione facinus obuoluitis, qui ab hac Regina infamiâ arcetis? Auerfæ noctu in lecto erant; cum iuuenem vix decimumnonum annum agentem (cum lacrimis narro) aulici vt affurgeret monuere, multa enim grauiâ Neapoli nunciari dicebant. Affurrexit mifer, Ecquid rei effet percontantem, laqueo necatum è feneftra fufpenderunt. Ergo Ioannam illud non refciffe fingitis? Qui? Scelus illud impium, inconfultò cur effet admiſſum? At, alium illa virum cupiebat; ftolidior habebatur Andreas. Atque hæc impudiciam antiquare valeret? Regem nec fontem, nec huiusmodi pœnæ meritò obnoxium, coniugis arbitrio, tam infaufte, & immatura morte periſſe? Alteram Caroli III. filiam, *Quam nec Argus feruet, qui oculus totus fuit*; Ladiflai ſororem; ad Regni amplitudinè eadem illuſtriſſima ſerie ortam, libidinibus veluti hereditario iure mancipatam, procorum petulantia turba obſeſſam, infimorum hominum concubitus petentem, Regni Neapolitani excidium appellarem, niſi Aragoneos Reges diuinitùs euocaſſet; per eos enim Auſtriorum dominio, Catholicorum Regum feliciffima ſerie, parta omnium rerum pace tranquilliffimè ſubiacet. Ceteroqui, coniugibus perfida, filijs electis infidelis, fratris clientibus ingrata, ſubditis iniqua, in ipſum Alopum amantem crudelis, bellorum, atque calamitarum, viua, mortua, fomes. Coniugum copia quibus Ioanna I. nupſerat, impudiciæ famam ſuſtuliffe contendunt. Iacobi coniugis connubium violatis prius nuptijs cum Gulielmo Auſtriaco, cuius vidua relicta fuerat, Ioannam I. coniugali lege contempra, reddidit dedecoris macula turpiorem. Muri in Apulia
illa

illa periit laqueo necata, & Neapoli in D. Claræ sepulta. Hæc
verò, intestinorum doloribus decedens, in D. Annunciatæ fuit
condita anno 1435.

Pinti.

*Regia Maiestas sermone silentia rumpi
Non finit? Heroum liceat maledicta profari.
Sanguine Regali creta, folioq. timenda,
Ioanna, cur grata Venus, ludusve, iocusve
Cæca libido fuit, luxus, sædiq. furores?
Obscenis populos maculastis legibus urbes,
Indigna heu sceptro, digna quàm falce saligna.
Plurima me grauiâ exagitant delicta, pudicis
Vestra exuta modis. plura his afferre licebit,
Qui contra assurgunt, Mornis. nostræ ne canzæ
Nil aufint in vos aliud depromere? probris
Turpe putent adeo turpes maculare coronas?
Atqui Christiades atqui videre, sepultas
Et nos Parthenope veneratur marmore templis.
Sed vos cur vario sædastis crimine vitam?
Regibus an non sunt culpæ quæcunque vetandæ,
Subdita ne exemplum gens sumat? culmina montis
Sole carent? imane ferent sua lumina valles?*

P. Sansosti.

*Ioanne pluat hic Iouis alto vertice nimbus
Aurifer, atque auro clara sepulcra fluant.
Littore quin spumis Cythereia mittat Eoo,
Aut tua tela puer mitte parentis Amor.
Hæc ne templa subi: cuncta hinc obscena faceffant?
Non licet impuro tangere pura pedi.*



Anna Gallorum Regina.



Vos honores deferam Annæ Francisci Britanniae Ducis filiae, Carolo VIII. primum, deinde Ludouico Regibus nuptæ, cuius memoria honore immortalitatis consecrata, in dignitate rerum, & reconditæ Maieslatis amplitudine constituta, optimè, & gloriosissimè regnandi materiam præbuisse, & omnibus Regibus imperandi prætulisse faciem visa est? Carolum Regno Neapolitano, totaq. Italia memorabili victoria potitum, fuisse amplexam, magnam existimo; & Ludonici coniugio, in quo omnia plena conspiciebantur iustitiæ, clementiæ, atque mansuetudinis, parem fortunâ adiungo. Illud verò maximum quis neget, præstanti animi robore Reginam omnibus vitijs profligatis, ex eorum manubijs Virtutis templum ornasse, in qua & sermo ab ineunte ætate canuit, & actiones iam inde suam quandam maturitatem, & quasi senectutem habuere; dùm quotidie regnandi disciplina ingrauesceret, & summa gubernandi prudentia, optimis moribus, & consilijs assueta, perfectam fuerit laudem consequuta, ipsaq. veluti Sol, Galliam, seipsam, suos, orbemq. sua luce complexit? Virtutes numerato. Constans, sedata, grauis, humana omnia premens; ideòq. fortis, & magnanima. Simplex, veritatis amica, minimè fallax; idcirco sapiens. Aequa mercede digna in miserorum defensione, improborumq. odio. Eò fortior, quòd nihil temerè facere, nulla in re libuit temerè assentiri. Diuitiarum contemptrix. Omni litterarum generi dedita, quatum iudicio, multis doctis viris, quibus cum libenter consueuerat versari, liberaliter profuit. Maiora retices? Ad religionis pietatem, sanctimoniamq. orationibus, cultu, pietate migravit, vt penè diuinâ dignosceres. Quamobrem anno 1513 defunctam mulier inter se contententes ciuitates expetiuerunt, vt honestissimo, & gloriosissimo corpore ornarentur. Atque irà Blesium interiora, Cor Nanesium, corpus, S. Dionysij templum seruarunt. Claudia ex ea, & Renata ortæ sunt, altera Francisco

35
VIRTVVM
SPLENDO-
RE FVL-
GENTIS-
SIMA.

Francisco primo maximo Regi, altera Herculi II. Ferrariæ Duci matrimonio coniuncta; virtutis, gloriæ, sanctitatis fructus, quos posteritas cœpit, exegitq. immortalium gestorum in hisce Principibus Aeternitas.

Pinti.

*Sacra Dionysio est ædes, hoc, Anna, sepulta es
Marmore, quam Rhenus murmure plorat aqua.
Ad ripas lugens Virtus, Regina, capillos
Abscidit, & tristis funera fleuit Honos.
Aonidum chorus hic, Phœbi hic lacrymantur alumni,
Præmia qui digitis ampla tulere tuis;
Gallia & æquantis canum lac nomine, req.
Os quid habet madidum? nil nisi nigror habet.
Cur ego non toto lacrymas dem pectore, quando
Nuper eras, quin es nunc mihi visa mori?*

Margarita Austriaca.

56
ADMINI-
STRANDA
REP. AD-
MIRABI-
LIS.



Ut Heroibus hæc circumsepta illustrissima Hēroina Margarita est, cuius dūm ortum poscis, inuictissimi Caroli V. Imperatoris filiam Oudenardi natam admirare. Dūm nuptias expetis, alteras in Alexandro Mediceo Florentinorum, alteras in Octauio Farnesio Parmensium Ducibus commendato. Habuere paranympum primæ Clementem VII. cuius hortatu celebratæ sunt. Habuere affinitate coniunctum secundæ Paulum III. cui nurus obsequentissima, patris Maiestatem, qui orbem domuit, soceri amplitudinem, quæ Romanæ Ecclesiæ Monarchiam ornauit, viri virtutes, quibus pristinum Italiæ decus est restitutum, prudentia qua viguit, consilio quo floruit, virilitate qua excelluit, admirabiliter æquauit. At verò dūm nuptiarum fructum cupis, habeas in filiis, tūm in Alexandro præcipuè vberimum, qui immortalē diuturni belli,

maximi

maximi laboris, summi in Christianam Rempubicam beneficii, in Austriacos perpetuæ obseruantia, in Romanæ Ecclesiæ rebelles terroris, & vindictæ gloriam tanta cum sui præclarissimi nominis laude attulit, vt cum eodem fatis cedente, belli, pacisq. honores, præstantium Ducum fama, victoriarum trophœa, vrbiū vastationes, interniciones hostium deperijsse visa fuerint. Quis Alexandro fortior, formidolosior? Quoties ipso Belgium obtinente, malorum incendium restinctum est? Quoties ad aras, & focos extorribus confugere licuit? Quoties ex miseriarum gurgite eius auxilio tot afflictis licuit emergere? Hos Margaritæ fructus tunc protulit, cùm edidit Alexandrum, quem ad omnia quæ ipsa inchoauerat summa felicitate conficienda, ad nepotibus gloriam maxima celeritate comparandam augurabatur. Regendis ipsa populis virilem gessit animum, quæ nunquam socors, nec futurorum secura, aut præsentibus inhians, inter incerta auditate, muliebri festinabat; quæq. fluctuantes, diuersarū opinionum tempestates, & bellorum turbines afflatu quodam ferè diuinæ prudentiæ, & vigilantia, aut repressit, aut obsecundauit. Tanto in patrem amore, vt cùm Romæ rescisset Carolum pro Gallico bello indigere, margaritas omnes, omne supellectile vendiderit, vt illi esset adiumento. Tanta in virū beneuolentia, vt ab Imperialibus post Petri Loisi obitum obsessa Parma, licet pater monuisset, vt inde aliò se conferret, eandem fortunam cum viro sequi constanter deliberarit. Philippi II. fratris ditioni apud Belgas plurimùm dignitatis adhibuit. Illustrem operam Catholicæ Fidei nauauit, peruelles repulit, factiosos sustulit, bonosq. omnes optimæ suæ voluntati subiecit. Dùm Aquilæ commoraretur, Ioannes Austriacus cum selecta Principum manu per dispositos equos tota Campania, & Samnio publicè exceptus eam inuisit, quasi ad omnium virtutum, & dignitatum oraculum accessurus. Ibidem paulò post de Margaritæ interitu populi dolentiùs deplorarunt. Nouercam virili mulieri naturam fuisse, barba qua mentum vestiri percupiebat, quamq. alebat, significauit.

Pinti.

Quid nunc multa tibi carmina molior ?

Tu illa es clara tuo nomine Margaris :

Tu clara Austriaco sanguine : tu viris

Clara es nobilibus, clara potentibus ,

Clara es legitimo prole data toro :

Tu Quinto Karolo clarior es patre :

Tu clarissima tot dotibus extimis ,

Es mirè tu eadem dotibus intimis .

Na rem magnam habui semper, ab ubere

Fortuna, & generis sugere lumina ,

Sed maius fuit hoc, si haud animi bonis

In regno careas . Florida Regibus

Est vrbs ciue bono, lamina, & aurea ,

Regnatis populis, plurima cuditur ?

Si virtus prope sit, digna potentia est.

Maria Medicea Gall. Regina.



Vid? Coe Veneris pulcritudinem in Maria Gal-
lorum Regina imitabor ? An simulacro Iouis
Olympij in Henrico Botbonio maximo, poten-
tissimoq. coniuge nō deterrebor ? Apelles vnus
alteram conficiat ; quis prætereā venustatis spe-
ciem , grauitatis dignitatem , totius præstantiæ

lineamenta colorabit ? Candidulos dentes, suauem colorem, ve-
nustos oculos laudas ? Cur Naturam ipsam pingentem non ad-
miraris, quæ & decus omne, omnemq. leporem in muliebri hac
forma admirabili compositione collocauit , cuius aspectu cū
obstupuisset Rhenus, extrā virides, atque opacas ripas diffluens,
non modò suis, sed exteris quoque perlucidi liquoris sonitu en-
comia cecinit ? Alterius speciem exprimat Apollodorus, qui in
ea Maiestatis plena imagine gloriam conferat, non Sacerdotem

adoraa-

adorantem, aut Aiacem fulminantem faciens, sed Henricum Christianissimum, victorem maximum, perpetuum triumphatorem, quo nec Lisander felicior, nec Alcibiades potentior, nec Iphicrates in militari disciplina eruditior; qui charitate in suos Epaminondæ, bonitate Phocioni comparandus est; Catholicæ Fidei Sacramentorum frequentia, veræ Religionis cultu sedulus obseruator, bellorum confector, Regnorum statator, flammarum restinator, sæuientium tempestatum, prudentiæ, & fortitudinis munere depulsor. Cùm Henricum dicis, Martis fulmen, Gallici nominis propugnaculum, firmissimum Regni præsidium dicas. Quid eum Polignotus Thasius pingeret, thorace, clypeoq. continuo obiectum, mulieres lucida veste pingere assuetus? Quid Parrhasius capillos, sudore madentes tot annos galea redimitos? Quid idem in Henrico linteum effingeret, quem Bellonæ paludamento noctes, atque dies præcinctum commilitones conspexere? Nec vuas Zeuxis tunc pingat, cùm eius gladio viderit tellurem sanguine redundantem. Sed à coloribus recede. Praxitelem aduoca, qui Boni Euentus simulacrum cum hoc maximo Principe illustrius inter Heroes collocaret. Animum in Mariæ parentes aduerte. Mater Ioanna est, filia Annæ Pannoniæ, Bohemiæq. Regina, Ferdinandi Imperatoris filia, Maximilianæ sororis, Caroli Quinti, & Rodulphi neptis, Philippi Catholici confobrinx; Magni Cosmi, à quo terrarum orbis omnium rerum ornamenta accepit, nurus; cum tot Imperatoribus, maximisq. Principibus consanguinitate coniuncta. Pater, Franciscus Mediceus Etruriæ Magnus Dux, Italiæ delictum, Magni Ferdinandi frater, qui vel amplissimo Romano sacro Senatui adfuerit, vel ad gubernacula Reip. sedeat, clauumq. tanti Principatus traçet, consilio valet, viribus pollet, gloria rutilat, omnibusq. splendoribus Europam illustrat, terra celebris, mari formidolosus, vt vel ad Antipodes Mediceorum nomen, & fama percrebescat. Sed alitè repete Catherinam, Laurentij Medicei Vrbinatium Ducis, & Magdaleniæ Bulicnæ ex antiquis Galliæ Comitibus filiam, quam Henrico filio Franciscus Rex vxorem copulatam, Reginam, matrem, tutelam, administratricem Galliæ, nec multo


post Rex Catholicus ob Lisabethæ coniugium, socerā salutarē.
 Quis nam rerum magnarum apparatus? Quis Regnorum, atque
 Imperiorum campus? Quæ nuptiarum celebritas? Et quā ce-
 leberrimas inter Archiducis Austriæ natam, Margaritæ Hispa-
 niarum Reginæ sororem, & Etruriæ Principem expectamus?
 Vt quatruplici Etrusco, Gallico, Hispanico, & Germanico nexu,
 quem Christiana ex Lotharingica, & Valefia Regijs familijs
 nobilissima, Ferdinandi fortunatissimo coniugio conglobat,
 orbis ipse videatur obligari.

Pinti.

*Te lepidam vultu tua gens miretur Etruscam,
 Miretur Charites Gallica terra tuas,
 Mirentur cuncti claro te sanguine natam,
 Mirentur thalami connubialis opes.
 Mirificè es quisquis dicat Regina: Mydeas
 Tu pretio exuperas una Maria minas.*

Eiusdem.

*Te Regi nuptam Henrico cū Rhenus haberet:
 Nunc mihi, ait, gaudens inchoat ire dies.
 Nil ego, dū tanta hac me exornat Etrusca Maria:
 Inuideo fluuijs, Itala terra, tuis;
 Cedere, dixit Iò possunt mihi lata Malæ,
 Cedere & auferi cuncta fluenta Soli.
 Hic fileat Rhenus: nostra hac, Regina, capeffe,
 Ne tibi cum fluuio carmina fusa fluant.*



Leonora Medicea.



Ed ne hanc imaginem prætereas ab Aëuo Sem-
piternitatis penicillo pingendam. Leonora hæc
est, Mariæ soror, quæ vel omnes Reginas virtu-
tum magnitudine, regnandi prudentia, iustitiæ
vfu, iudiciorum moderatione, morum candore,
vitæ sanctitate splendidissimè coronat. Men-
tem, rationem, consilium tantæ mulieris huiusmodi probauit
oculatissimus ille, fortissimusq. Dux Vincentius Gonzaga,
quem ad perpetuam aliorum Principum gloriam, amplissimæq.
dignitatis conseruationem natum nouimus, vt moderandi, & re-
gendi potestatem quasi quasdam habenas ei tradiderit, quas
quidem nec adducit, nec remittit temerè, & inconsultò Leonora,
quæ suorum Iurisconsultorum placita audire, atque perpendere
commodissimum populis existimat, vt ferè iuridicundo adsit,
præsitq. vt optima gubernatrix auitos honores, quorum exem-
plo quiduis iure factum putat, omnibus in rebus æmuletur, & ab
indecore, & effeminatione, dum sedet, dum loquitur, dum quid-
piam agit, incolumis, & indemnata, suprà illustrissimarum mu-
lierum famam exiliat, atque triumphet. Adde filiorū thesaurum.
Quis æstimet Franciscum Principem, cui nuper vxor Sabaudia
Infans Margarita lætissimis orbis auspicijs vxor est tradita?
Nec Mincius, nec Padus æstimet, quorum vnda aureos Bucen-
tores sustinere, quibus augustissimi sponsi veſti sunt; nec Ferdi-
nandus Gonzaga, qui nouam nuptam Ducum nomine ad Via-
danam inuisit; nec Veneti, Florentini, Germani, Galli, Legati,
qui in nuptiarum sollemnibus suorum Principum lætiam re-
præsentarunt; nec procerum aduentus, nec militum numerus,
nec ludicrorum apparatus, quo nusquam illustriorem quisquam
narrabit. Nisi Virgilio illud tribuamus eo vaticinio,

*Primus Idumaas referam tibi Mantua palmas,
Et viridi in campo templum de marmore ponam*

Propter

*Propter aquam; tardis ingens ubi fluxibus errat
 Mincius, & tenera prætexit arundine ripas.
 In medio mihi Cæsar erit, templumq. tenebit,
 Illi victor ego, & Tyrio conspectus in Ostro
 Centum quadriugos agitabo ad flumina currus.*

Quis æstimet Ferdinandum à Paulo V. in Cardinalium numerum cooptatum? Quem dicam hunc lectissimum iuuenem? An Gonzagæ amplitudinis epilogum? An sacri Senatus splendorem? Dicam & Naturæ miraculum; Theologicis, Philosophicisq. studijs apprimè imbutum; Iurisprudentia præclarum; Linguarum cognitione alterum Maximilianum Imperatorum affinem; Liberalibus, atque ingenuis artibus præstantissimum, quem non laudes, sed admireris; qui vix tertium decimum annum attigerat, cùm in Euangelia Quadragesimalia eruditissimas Homilias Ingolstadij edidit. Quæ narro? Quæ balbutio? Quæ Octavius Gentilis de eius obseruantia optimè meritus, quæ Alexander Viustinus Placentinus Iurisconsultus, in os ingessere. Quæ à meipso profisciscuntur, ea sunt, quæ Solis lumina offundunt. Adde & Margaritam Lotharingæ Duci coniunctam, & puellulam Leonoram, vtramque incomparabilis pulcritudinis exemplar. Quamobrem dùm Mantua Manthùs, suiq. Vatis memoria viget, Vincentij, Leonoræ, liberorumq. dominio inter Europæ felicissimas vrbes caput efferat, tesseram Fortunæ Diuina voluntate semper habitura. Dicam ne Leonoram, Lisabethæ Gonzagæ Federici filiæ, Guidi Vbaldi Montisfeltrij sororis, Susannæ, Camillæ Colisani Comitis, Iuliæ quam Ludouicus genuit, Hippolitæ, atque aliarum pudicitia, fidei, constantia, sapientia, ceterarumq. virtutum epitomen?

Pinti.

*Si nostri caperent oculi rediuiua Maronis
 Lumina, Gonzagæ ducere secla domi:
 Ille viri, Dux magna, decus, sobolisq. nitorem,
 Cantu virtutes promeret ille tuas.*

*Par opus, Augusto quo laudes concinit aequas
Ederet, & felix ter magis ipsa fores.
At pro Virgilio lecti omnes surgite vates,
Aemula det tantum vestra Poësis opus.*

I I.

*Lumina claudebat somni sub rupe virenti,
Qua scopulos Tetbidis verberat unda, quies.
Fulua aspecta mihi pennis tum magna volucris,
Roſtro scripta ferens aurea verba dedit:
Eleonora tuo iunges ter maxima nato,
Heroum insignes, numine recta, toros.
Vrbs tibi Cadmeia genitricis nomine Mantus
Structa Ocno, debent Allobrogumve Duces.
Alisis ex ore hac cepi: mihi somnus ocellis
Excidit, & rupes dat bene lata moras.
Excitus hic tanto felix est omine, felix,
Cuius habet meritos Eleonora sonos.*

I I I.

*Dùm sic in miseros pietatis lumine fulges:
Iure canat nomen Calliopea tuum.
Te Nympha orta loco, lento it quâ Mincius amne,
Cantibus in ripis, Eleonora, ferat;
Concine Nympha, tuo quàm dulce est illeus ore,
Fronteq. iucunda sic fluuiialis eas.
Vtere & ipsa tuis numeris, mea Musa: beatum
Hoc habeas, tanta perplacuisse Duci.*



IO. BAPTISTAE MANSO

PATRONO SINGVLARI.



Inter nobilissimas Matronas, doctasq. Mulieres, tua plurimarum virtutū gemmis ornata sedeat antiqua Nobilitas, & quæ in ipsis ad ethicos mores, & ad immortalitatem valeant, æstimet, & iudex esto. Iudex? Auctor potius, quæ adumbrata mea scripta ineptiùs, Aristotelicis pigmentis quorum luce ingeniorum acies scribendo, loquendo perstringis, ex Lecythis omnium doctrinarū coloret illustriùs. Pigmæum despicias? Fiam medius fidiùs te volente, Atlas, cœlumq. sustinere videbor ambitiosiùs, si dùm totus in te obseruando sum, grati animi propensione subleuaueris. Vale.

Ligarij vxor.



I Nter damnatos ab Antonio Ligarium inimici, vt capite plecterent sedulò expetebant. Ad multas ille artes confugiens, vt salutì consuleret, vxoris demum auxilium, opemq. poposcit (quæ tutior esse creditur dùm syncerus amor, honestaq. fides intercedit) per quam facilè calamitatem illam euasisset, nisi nefariæ seruæ insidijs esset oppressus. Incidit in eius sanguinem sitientes miser. Mulctatur capite, quod dùm ad Antonium lætabundus defererebat Sicarius, vxor infelix insequuta, vt mortis consors haberetur, plorans, eiulans, scissa comas clamitabat; En Ligarij coniugem, quæ cùm virum contrà ius absconderim, ad necem ipsa quoque ducenda, necis iura à vobis obtestor; occidite me obsecro; interficite consciam; eadem mihi poena luenda est. At nemine id facinus audiente, Iudices vltro adiuit, moriendum sibi esse, eos decreturos, arbitrata. Quod cùm ex animi sententia non cecidisset, seipsam sibi iudicem constituit, & fame sibi necem inferre statuit, cui gladio simul cum viro non licuit necari.

MATRO-
NAE.I
CONIUGVM A-
MANTES.

Pinti.

Crinibus hic passis populo conspecta Quirini,
Contumulor: precor, hic siste viator iter.
Hoc ne te fugiat, charum vixisse maritum,
Charum, deseruit dùm nece viuâ, mihi;
Huius ego caput abscissum lacrimata sequebar,
Angebarq. vna non potuisse mori.
Ingenium, ac tanto non ars defecit amori:
Quod negat hinc ferrum, mi binc finit esse fames.
Hinc abeat coniux laribus rixosa Hymenæi,
Nostrog. exemplo discat amare virum.

X

Eponina.

Eponina .



N multos perduellionis actiones in Gallia intendebantur, cum Vespasiano Imperatore turbæ in ea prouincia essent excitatæ, in primis verò in Iulium Sabinum potentem, & factiosum virum. Cumq. ad arma ventum esset, victis Gallis, Ducem ad supplicium vocauit Imperator. Qui de salute desperans, ne in victoris irati manus deueniret, nemine præter duos libertos sciante, in speluncam se abdidit saxi structam asperis, auiam, quò nec vllum animal penetraret. Nunquam arescentibus lacrimis coniux Eponina in tanta acerbitate virum quæritabat. Afflictam, nihil erat quod consolari potuisset; præsentia tantum viri posse recreari dicebat. Quamobrem eam quæ triduo fame penè contabuerat, liberti miserati ad virum clam duxerunt. Quis à viro deinceps amantem dimoueat? Deserta loca, ciuitati anteferte; solitudinem, quæ fructum aufert voluptatum, appetere; viri miseriam sibi subleuandam cogitare; viam cum coniuge sepultam iacere, honestius arbitrari, quàm absque viro viuere, quicum mortua ibidem contumulari, putabat gloriosum. Nouem ibi annos liberorum fidelitate, & solertia fuere, liberosq. procreant, sola charitate ministrante. Re denique patefacta, Romamq. deductos, sæuus Imperator occidendos iussit. Ah scelus. Tanto facinori commiseratio non debetur? Quo præmio muliebris fides, quo mutuus amor in tanta calamitate dignus erat? Occubuit cum suo viro Eponina, immortalitatis fama nunquam interitura.

Pinti .

*Dùm thalami socium tanto petis igne Sabinum ,
Dùm solo illacrimas intaminata toro ;
Dùm domui urbanae speleæ latentia præfers ,
Ne procul à caro sint tua lustra viro :*

Quas

*Quas tibi promeritas laudes meditabor honoris ?
 Digna sepulchrali quæ dabo dicta sinu ?
 Paucis multa canam : iacet hic Eponina, mariti
 Cui sua collibuit subdere membra rogis .
 Illius aternùm moneat te , Roma, iugalis
 Sic mage notus amor, sic mage nota fides .*

Glaphyra, & Cornelia Annia .



E connubij pudore seruando , & augenda fide post viri interitum constanti animo cogitabat Glaphyra, nullo quidem scriptore celebris, sed memorabili in coniugem amore , marmoreo monumento clarissima , in quo quid potissimum adnirer nescio, coniugalem ne obseruantiam, an Latini sermonis candorem, quo huiusmodi elogio illustris femina claret ,

Glaphyra Glaphyri Lusci filia adfecta adeò cineribus C. Luty Fausti mariti, heu rarissimi, ut ad alium transire nunquam vouerim. Esti Fortuna præpotens, constantia semper inimica, surdo discrimine, pudicitia placidam ruinam minabatur, & viridis etas fidem coniugij violare impellebat ; inter utrasque tamen fluctuans mulier menses vij. dies xi. non tam corpus cælebes, quàm animum pudicum seruauit. Et ne à tantorum domestica hostium pugna continuò augeſcente vincerer, procorum petulantem turbam fugiens, viuam me condidi monumento. At posteri si inuidetis, imitamini; si quis verò probauerit, probetur. sin improbauerit, improbum se esse sciuerit. Vale mors. Vixit annos xij. Salue vita perpetua .

An ardentius aliquam virum amasse Glaphyra dicemus, quæ mortuo suæ ipsius vitæ dispendio parentauit ? Et faustè inter homines vixisse , & interiſſe Faustum dixerim , (si antiquorum ritus inspexeris) qui post mortem , concordii obitu, pudicitia illustri argumento, habuit uxorem morientem . Idem seruatum legimus à Cornelia Annia.

P. CORNELIA. ANNIA

NE. IN. DESOLATA. ORBITATE. SUPERVIVER. MISERA
 VIVAM. ME. VLTRO. IN. HANC. ARCAM. CVM. VIRO. DEF.
 INCOMPARAB. AMORE. DIL. DAMNAT. DEDO. CVM. QVO
 VIXI. AN. XX. SINE. VLLA. ꝓ. LIB. LIBERTABVSQ. NON
 QVOTAN. SVPER. ARCAM. PLOTONI. ET. OXORI
 PROSERP. M. OMNIBVSQ. SACRVFICENT. ROSISQ.
 EXORNENT. DE. RELIQ. IBI. EPVLENTVR. D. O. P. M.
 DA. EX. HS. X. ATQVE. F. FACIVNDVM. DELEGA.
 VALE. VITA.

Auctoris.

*Templorum altum surgat opus, seruentur honores,
 Quæis Romana sacros detulit historia;
 Marmoris ignoti referat tibi Fama triumphos
 Glaphyra non votis interitura tuis.
 Connubij castos cineres seruauit odore
 Assyrio tumulus, qui fuit antè lapis.
 Et lapis, & tumulus, quod viuam condit amantem,
 Iam potuit celebres vincere Pyramides.*

Francisci de Petris I. C.

*Miraris viua ut tumuler? sed falleris, hospes,
 Sat perij chari coniugis ex obitu.*

Pinti.

*Coniugis ut melius luxisses ossa sepulsi
 Annia viua tui, Glaphyra viua tui.
 Lethum inferre sibi stulti vis suadet amoris:
 Laus nulla est, fletus perdere materiem.*

I I.

*Glaphyra dùm mentis perpendo facta pudica;
 Scilicet infames te pepulisse procos.
 Non pia tot tribuo, quot laudes busta merentur,
 Corpore viuenti quæ tibi inire libet.
 Annia dùmve ipsam meditor tam fonte, calenti
 Corde, sepulchrali succubuisse toro.*

*Hoc unum inuenio, quod te non arguat : orbam
Coniuge tam raro sic voluisse mori.*

Leonora è Toletto .



Venerabimur Leonoram Petri illius filiam, qui administrandæ rei Neapolitanæ viginti annos summa cum vigilantia, & prudentia præfuit, maximi illius Cosmi, qui orbis terrarum fuit ornatus, Etruriæ Magni Ducis coniugem, quæ tanto amore virum prosequuta est, vt semper eum in oculis tulerit; atque ita, vt terra, mariq. serena, aut nebulosa cœli tempestate; vel niuib. obriguisset regio, vel vehementi flamine ventus incidisset, cum venationibus daret operam quibus plurimum delectabatur, ab Etruria decedens, nunquam à viri latere ne pedem quidem discedere deliberauerit. Magna coniuratorum manus ad scelera perpetranda, ad necem Cosmo inferendam conspirauerat, qui vel Petri Strozzi insidias euadere haud posse tam facile credebat, vt vel sub lecto eum semper iacere arbitraretur. Quamobrem longos ipsa noctu, viro dormiente, perducebat lusus, non vt genio indulgeret, sed vt amatissimi coniugis vitæ consuleret, & calamitoso, suspicionisq. pleno tempore fieret omnium verborum, gestuumq. exploratrix. Iactabatur in vulgus patrem non tam ad Senarum rem componendas, quàm ad Cosmum veneno perimendum, Florentiam petiisse; quo consilio Leonoræ communicato, non tulisse illam tantam à patre in virum indignitatem; cumq. ex ea id rescisset Cosmus (tantum abest vt paternus amor coniugalem superet) chirothecarum venenato odore Petrum interemisse. Quàm variae vulgi sententiæ; quàm properè currit ad credulitatem. Neque Cosmus, ex omni parte beatus, interimendus erat; neque Petrus animi, generisq. nobilitate conspicuus, tam vile facinus commississet; neque Leonora virtutum omnium præstanti gloria eximia, in tantum patrem scelere fuisset notanda, quæ pietatis encomio erga omnes efferebatur.

Pinti.

*Pralia cum Tauro Leo miscuit horridus olim,
 Quo sibi præsentas pelleret insidias.
 At dùm Marte fero valide pugnatur utrinque:
 Coniugij consors forte Leonis adest.
 Neve viro quidquam noceat, videt omnia: diràs
 In colubrum latebras deiecit ungue patrem.
 Nomine mutato de me, quæ hoc marmore subsum,
 Fabula narratur. Dux bone Cosme vale.*

Lisabetta Boadilia.



N verò hisce mulieribus ceder Lisabetta Boadilia Amoix Marchionis nepos, quæ Petro Ariæ coniugi in Indiarum disiunctissimas terras, quarum loca mediterranea illustri viro Rex Catholicus administranda detulerat, discessuro, maluit se comitem præbere, quàm liberorum consuetudine perfrui? O magna connubij vis. Delicatus nobilem mulierem educatam, nec longissimi, molestissimiq. itineris cogitatio, nec Oceani horror, nec procellarum minæ perterrere. Vix enim è Sibia soluerant, cùm tam sæua coorta est tempestas, ut dux naues onerariæ naufragium fecerint, aliæ proiecta suppellectili cursum retardarint, salva naui Prætoria, in qua gubernante Ioanne Vespucio Florentino, coniuges erant. Cur in undis periret, quæ inter coniugalibus amoris fluctus, virum constanter, sanctèq. deperibat?

Pinti.

*Dùm propè vir staret ponto, bellantibus undis,
 Te aure puto lyricum condere dulce melos:
 Dùm pateris, fortasse viro, sub tartara manes,
 Iuncta tuo, est (si est fas dicere) pœna minor.*

Eiusdem.

Eiusdem.

*Aria dùm terras tecum Boadilia coniux
Tendit, ubi gemma prodigus Indus habet :
Acquẽ si pelagi iuissent tua vela procellis,
Coniugis ac fide tutus amore tuæ :
Hic mage qui nam te penetrassent puppe beati ?
Vxor quæ non dat bella, dat ira freti .*

Hota Maura .



Ota Rhai cuiusdam in Regno Fezæ fortissimi Ducis vxor , non immeritò à Hieronymo Olorio maximis laudibus extollitur . Ea enim capta , cùm à marito insigni audacia, & fortitudine, cæsis Lusitanis, cū eorum Duce, in libertatem restituta esset, paulò post interfecti viri in proelio, fanus, cum lacrimis , & eiulatu procurauit , corpusq. magnis sumptibus sepulcro condidit. Nouem dies à cibo, & potu abstinuit , extremumq. vitæ spiritum edere coacta , cum viro voluit sepeliri . Indignum quidem arbitratur sepultura ab eo separari , qui cum inseparabilis amor eam coniunxerat . A barbara ergo muliere amoris, & connubij vires, & exemplum petimus ?

Pinti .

*Hic est illa, viro tumulum molita, diebus
Quæ patinam, & pateram respuit Hota nouem .
Hota maritali studio, princepsve pudore,
Quam rapto puduit coniuge, luce frui .
Non tantæ vxoris facinus mirare viator ?
Barbara non more hæc, si regione fuit .*

Xenocrita

Xenocrita Cumana.

8
PATRIAM
SERVITV-
TE LIBE-
RANS.



Agis'ne vituperanda sit Xenocrita Cumis orta, quòd Aristodemo Tyranno fuerit prostituta, an laudanda quòd sui corporis dedecore ciues, & patriam, in libertatem vindicarit, haud facìle existimarem. Aristodemus post bellum pro Aricinis in Etruscos feliciter gestum, occupato Cumanorum Imperio, omnia in ciues libidinis exempla edidit. Institutis enim Gymnasijs in quibus Ephebi luxuriam exercebant, quorum coma cincinnis, & reticulis religatis; & virginibus pictis togis succinctis, omne muliebre decus, & virilem omnem cultum corruerat. Concubium sæpiùs expetebat Xenocritæ. Quæ cum aliquandò in agro esset (quo fodiendo Cumanos coegbat Aristodemus, vt nunquàm ab eorum ceruicibus, seruitutis iugum depelleret) nec in aliquem ciuium conuerteret oculos, cum paululùm diuertisset Tyrannus, ex iuuenibus quidam est percunctatus, Cur tot ciues nunquàm, Aristodemum semper intueretur? Cui mulier; Id profectò à me factum scito, quòd virum Cumis Aristodemum modò conspicio; vos feminas, vos pecora appellarem. Quid malum tanta in Cumanis ciuibus ignauia? Hæccine est illa omnium fortitudo qua pace, & bello ceteris antecelluistis? Quamobrem pudore perfulus, ait; Ecquid faciendum viciis? Qua poterimus ope tandem subleuari? Tu efficere illud potes, Xenocrita, vt viri dignoscatur. Operam, & opem illicò pollicita est. De Tyranni nece cogitant. Timotelem coniurationis principem constituere. Ad eam rem conuenerunt exules, qui Capuæ degebant, tùm præcipuè eorum filij, qui ab eo caeli fuerant, & Hippomedontis Magistri Equitum filius cum lecta iuuenum manu sequebantur. Nocte intempesta, dato signo quo patuerunt Xenocritæ studio fores, in Regiam impetum facientes, Tyrannum, ipsa muliere ferociter manus iniiciente, iugularunt. Cui cum magnos honores, & dona ciues deferrent, repudiatis

repudiatis omnibus hoc tantum petijt, vt Aristodemi corpus per ciuitatem, libertatis trophœum, efferre liceret. Quod & licuit, & in Cereris Sacerdotem est electa. Melius quàm à Porfennæ iniurijs Romanas obsides Clœlia, tranato Tyberi, suos seruauit.

Auctoris.

*Quis locus hic ? Cumæ. Quæ rupis gloria ? Manes
Conduntur sacro marmore Xenocrita.*

*Quæ flet ? chara Venus. Quis tùm iacet antè ? Tyrannus.
At quis victricem fronde coronat ? Honos.*

Pinti.

*Quæ Iudit soboles percelebras tuam
Hebræa : Euboicum quendam habuit genus
Seruantem patriæ Xenocritam suæ.
Hæc illa, hæc valido pectore femina,
Hæc hostile caput detulerat, mage id
Optans, munifico quàm data munera
Auri ciue : iuuat te hanc animi face,
Quicumque es, patriæ, cernere, proditor :
Illic sunt cineres : hospes adi : hoc pÿs
Per natale solum gressibus ambula,
Et dictis facinus Xenocrita efferas.*

Eiusdem.

*Fers huc vnde pedes ? iudex hic hospitis adsum :
Hoc me dic graio nomine Xenocritam.*

Camilla Macedonia.



Volscorum Camilla Regina nequicquam audet, dum Camilla Macedonia nobilis Neapolitana in aciem prodit, in qua Natura ipsa quàm in ceteris mulieribus se præbuit viriliorem. Hæc ubi animaduertisset paratas ab inimicis fratri fuisse insidias, eumq. omni spe destitutum, sarissa accepta, eos aggressa est, quorum impetum fortiter

Y

cùm

9
FORTIS,
ET MA-
GNANI-
MA.

cùm diutius sustinuisset, conatusq. omnes perturbasset, priusquam ex terrore, & fuga se reciperent, animos, & defensionis locum fratri dedit, qui optimæ, & benemerenti sorori acceptam retulit salutem. Eadem, cùm ab armato iuvene, alium inermem opprimi intueretur, & spectator gladio præcinctus adesset, manus in eum iniecit, arguens cur tam segnes, atque inclemens esset, ut ab inermi viro contrà armatū iniuriam non propulsaret. Aquilæ profectò imbelles non generant columbas. Habuit militaris virtutis consortes illa fratres Ioannem Franciscum, Ioannem Iacobum, & Ioannem Vincentium, quorum laudes belligloria, & Austriorum Regum trophœa ubique testantur. Inter quos fratris filius Annibal emicat, quem iam indè à pueritia ad bellorum insignia natum, Itali, Galli, Hispani, atque luculentæ in eius corpore obductæ cicatrices prædicant. Atque hoc præclarum ad rem bellicam eius habet familia, quæ ab ea illustri prouincia deducta (cuius nomen, Ensiferum, ob Alexandri gesta, significat) hos protulit domi, forisq. celebres Heroes.

Pinti.

*E trabe suspensum magno molimine pilum
Vellus, ut in fratres Mars aliunde furit;
Pallæ oram, præceps descendis, ad ilia victa,
Feminea, & valida est hasta recussa manu.
Mars tacet: alta animi, sax miri hic ardet amoris:
Ausibus obstupeat Volsca Camilla tuis.*

I I.

*Sume enses: longas, Macedonia, pone sarissas:
Nam Macedo, clarum nomen, ab ense venit.*

I I I.

*Hastatum velox agitavi femina ferrum,
Dùm sibi fraternus quæveret arma furor.
Hocce genus teli forti vibrare lacerto
Sciui, & ad immites non cecidisse manus.
Euasit tutata meos mea dextera fratres:
Vitrifici gemina frons mihi sorte cadat.*

Iure

*Iure triplex at palma cadat: nam tertia fama est,
Perpetuos qua scit ducere fausta dies.*

I V.

*Tu ne superbam
Dùm quatis hastam,
Femina tantum es?
Quilibet hinc te
Parthenopeam
Dicat Amazona.
Nunc ferat ille
Lumina vitæ
Aemathius Dux.*

*Næ tua vellet
Iure Hymenai
Membra iugali
Iungere lecto.
Poneret ille
Perfruitus te
Vasta cupito
Limina mundo.*

Fuluia.



Pulum, & supplicationem, festumq. diem celebrasse sibi persuasit M. Antonius cùm sacrum illud Romanæ eloquentiæ caput crudeliter abscissum, quod prius adhuc mortuum Rostra, inspectante populo Romano decorauerat, in mensa veluti pompæ ferculū iusserit collocari.

10
CRUDE-
LIS, ET
FORTIS.

Nullo vnquam lauciori apparatu, ornatuq. in Triclinio visus est lætari funestus homo, dùm luctuosum funus, & Romanæ virtutis casum alij doluerunt, qui furiam patriæ, & tempestatem illam Reipublicæ in bonos viros sæuentem detestabantur. In conuiuio famem quoque crudelitatis Fuluia vxor satiauit, quæ in sinu caput acceptum, primò maledictis, atque diris execrata est, mox amentibus oculis intuita, inspuens, virus in illud perfidiæ videbatur euomere. Tunc verò ab ea crudelius sæuitum est, cùm in linguam è faucibus euulsam sapius aciculam insingeret, qua ad capitis ornamenta vteretur. Atque ita caput illud quod nefarijs hominibus in ipso Imperij domicilio, consilio, & lingua fuerat formidolosi, quodq. cùm interrogaretur omnes in admirationem adducebat, habuit ludibrio mulctet, & furei, atque irrisioibus

Y 2 subie-

subiectum aspernata est. Quid igitur Fuluiam prophanam inter celebres mulieres recensemus? Ergo ne parricidæ quæ patrem patriæ vili fecit inter nobiles mulieres locum dabimus? Non equidem. Hoc tamen celebriorem factam non negabimus, quòd eam linguam tractarit, quæ vel mortua suauissimos omnium doctrinarum explicat concentus, tum præcipuè Romani sermonis, & elegantia. Sed nec eiusdem viriles ausus prætermittendi. Cum Bruto occiso, Antonius cogendæ pecuniæ causa in Asiam profectus esset, & Cæsar Romæ Lepido esset impedimento, Fulvia, contempto Lepido, ita administrabat omnia, vt nihil à Senatu, vel à plebe contrà eius voluntatem decerneretur. Vtebatur etiam Lucij Antonij fratris opera. Insolens focrus habebatur à Cæsare, sed coortis seditionibus, timore perterritus, & cum Fulvia, & cum Lucio (quos oderat) reconciliari studens, impetrare non potuit. Ea q. accingebat gladium, signaq. inter milites distribuebat, atque apud eos sæpenumerò concionabatur. Quamobrem cum Veteranis Cæsar egit vt controuersias omnes inter ipsum, & Fuluiam componerent, eosq. sibi iudices sumpsit. Qui Romæ in Capitolio causam dicturi, cum Lucius, & Fulvia non aduenissent, iniustè eos contrà Cæsarem agere iudicarunt; ideoq. eis Cæsar bellum indixit. Victor euasit, fugiente Fulvia cum liberis ad maritum.

Fabij Leonidæ.

*Sparisti in nostrum viuens maledicta maritum,
Disce pati mutum nunc malefacta caput.*

Pinti.

*Hæc quòd lingua tuo fudit maledicta marito,
Impungis sæua sic feritatis acu?
Extincto barbam vellis vesana Leoni,
Tollere si linguam, non monumenta potes.
Eiusdem.*

*Lingua silet, tamen ipsa cies fera vulnere: tolle
Ne tantam capiant lumina seuitiam.*

Aemilia

Aemilia Tertia.



Rnare vxoria fides pudicitiam potiffimum debet. At nifi viri quoque mores eadem fides honeftauerit, nihil quicquam aut nobile, aut ingenua muliere dignum vllam effe&uram credendum eft. Maximas afferunt viris vxores iniurias, quæ proteruo in coniugalia iura, moresq. insultant animo, & culpas, quæ abditæ nihil viris efficiunt, eandem perfidia, & dicacitate patefactas, imminutæ auctoritatis apud homines efficiunt satellites, & administratrices. Quapropter maximis laudibus Aemiliæ prioris Africani vxoris patientia, vel potius prudentia, efferenda eft, quæ cum comperiffet vnam ex ancillulis viro maxime charam, & doleret fummum Ducem illiberali amore detineri, fimulandum potius deliberauit, quàm Africæ domitorem, feminæ impudicitia perdomitum accusare. Laudabilior ea animi fortitudo in Aemilia fuit, quàm Africani in expugnandis vrbibus virtus; hoftes enim profligauit viri difciplina, fed vxoris patientia, peruicacem quæ mulierum præcordia vehementibus ignibus adurit, deuicit animi affectionem.

Pinti.

*Vir meus ancilla vincitur amore: fed a&tu
Contego: quis merito non vocet Aemiliam?
Eiusdem.*

*Hic fita fum fidei nodis deuincta iugalis
Coniugis in feruam vilia paffa mei.
Illius vxor eram, qui, victis vrbibus Afris,
Nomen, & inde fibi clara trophæa tulit.
Hunc mihi non rixis placuit turbare moleftis:
IUVIT fæpe viri diffimulare nefas.*

Ifotta

II
VIRVM MA
LVM PA-
TIENTIA
PERFE-
RENS.

Ifotta Ariminensis.

12
FORTIS,
SED IN-
FORTV-
NATA.



Ost multa, à Sigismundo Malatesta facinora
 edita; post pacem eidem per Venetos à Pio II.
 partam, quos à Triestina obsidione reuocau-
 rat, vt Federico III. Imperatori rem gratam
 faceret; post multa quæ Malatestis, & Monte-
 feltrijs acciderant, nihil ipsi reliqui fuit præ-
 ter Ariminum, & Cerasolum, aliquotq. Montefeltrij munitissi-
 ma loca, quæ haud multò post vt cum fratre in gratiam recipe-
 rentur, eisdem Pontificis ditioni libenter subiecit. Naturæ tan-
 dem cedens, Ariminum Ifottæ, qua cõcubina vltus fuerat, quam-
 uis matrimonio postea coniunctam dixerint, & Sallustio notho,
 quem sibi alia mulier genuerat, imperiũ gubernandum reliquit.
 Cuius hæc Ariminensis erat, prudentia, disciplinarum studijs,
 sed Poëtices præcipuè exercitatione clara. Ità verò in admini-
 strando se gessit, vt cùm omnium in se animos conuerterit, in ea
 potius Malatestarum nomen, quàm in aliorum dominio Arimi-
 nenses, naturali quadã propensione, & beneuolentia expeterent,
 proprijsq. virtutibus exteros etiam sibi deuincire conata, Vene-
 ros quibuscum familiariter vivebat, in vrbis præsidium aduocarer.
 Obierat interim Pius, succedente Paulo II. qui nihil sibi potissi-
 mum deliberandum statuit, nisi de Arimino recuperando, si ea
 exequi deberet, quæ condicionibus inter Pium, & Sigismundum
 fuerat proposita, cùm præsertim nullum cognosceret legitimum
 successorẽ. Quapropter eos qui in Piceno, & Aemulia militibus
 Ecclesiasticis præerant, monuit, vt Ariminensium animos ten-
 tarent; qui missis ad ipsa moenia grauis armaturæ hominibus,
 sperantes popularium animos eorum aduentu ab Ifotta defeciu-
 ros, se infecta rediere. Tunc Pontifex cum Roberto Malatesta
 Sigismundi quoque spurio, qui sub eo merebat, ex Pontecoruo
 vbi castra habebat recessito, oppidorum. & pecuniarum præmio
 oblato, clam egit, vt Ariminum occuparet. Quod cùm per ami-
 cos

cos ei licuisset, Isotta, à qua humaniter acceptus fuerat, & Sallustio ex ciuitate extrusis, sibi ditionem illam, deluso Pontifice, comparauit. Collabi sic dominium decuit, quod fragili mulieris, & concubinæ columna fulciebatur.

Pinti.

*Isotta o parium gloria pellicum,
O ingens honor, atque Arimini decus,
Malatesta animi dimidium tui:
Tu ne hoc marmore conderis?
Noui quæ valido pectore gesseris,
Cum commissa foret res tibi ciuica,
Quàm prudens, sapiens, quàm fueris chori
Phæbi culta Poëtria.
Dùm te dùm recolo facta celebra:
Me quantum miseret, lumine te haud frui
Vitali: misera at dùm memoro genus
Fortuna, instabili pede:
Hac te sub lapidis pace quiescere,
Pertentant animum gaudia: Ter vale,
Quæ auro structa pio proxima montium
Mausolæa meres iugis.*

Leonora Arborensis.



Ragonum res Federico Petri II. filio Siciliæ, & Athenarum Rege maximis tumultibus implicitas legimus quos rerum varietas, animorum dissensio, regnandi. cupido concitauerat. Omnem idcirco conatum in Sardoam expeditionem Rex cōuertere coactus est. Martinus enim Arborensis quem sibi Sardi Iudicem adscuerant, & Salebrofus Oria, bellum in Sardinia quod cum Genuensibus pace, & ocio resederat, inferentes. enarranda tyrānide, pessima in Federicum

13

REGNO-
RVM CV-
PIDA-

volum-

voluntate huiusmodi occupabantur, vt gerendo bello, exilio, aut morte damnatos, Rex restituendos in libertatem, & pecuniam creditam nouis tabulis creditoribus prorogandam iusserit, vt maximum militum numerum compararet. Mariano vita functo, Hugo filius fortunarum, & tyrannidis hæres successit tetra immanitate, & insigni perfidia patrem superaturus, qui Iudex quoque Sardis constitutus, Insulæ dominij desiderio accensus, ob feros, immanesq. mores omnibus cruciatibus confectus, à suis necatus est, in spem libertatis Sardinia euocata. An flamma restincta est? Non medijsfidius, sed truculentiori incendio in Leonora Mariani filia, Hugonis sorore exarsit; quæ cùm Brancalioni Oriæ nupta esset (qui Montione à Rege in publico conuentu benignè exceptus, Montisleonis honorario Comitis titulo decoratus est) Principis abusa munificentia, petulans, & ad omne facinus audax effecta, delectu habito, armis instructa, Ducem se militibus præbens, Regio fastu, & fama delectata, Sardiniam possidere, cum Rege cõtendere, suis iniuriam inferre deliberauit. Quid muliebri pectore ferocius ambitio dùm stimulos admouerit? Quid inhumanius, cùm indignationis ardor se insinuarit? Absente viro, qui apud Regem commorabatur, arcium, atque oppidorum Hugonis fratris potitur, agros vastat, & tyrannidem maiori quàm frater, paterq. desiderio Genuensi ciuitate adiutrice flagitat; tantumq. suspicionis aduersæ Regis fortunæ in ea insula commouet, vt virum custodia, licèt liberali, detinuerit, ac demum certas pacis condiciones asferre, vtilius iudicarit. Accipit tunc quoque in fidem Sardos, qui defecerant, Brancalionem ex arce Caralitana emisit, & Reipub. Genuensi, cui Antoniotus Adornus præerat, ijs rebus quæ non modò ad Genuam, Saouanam, Albigaunum, oraq. Ligustica, sed etiam ad Capham, Chium, Famagustam spectarent, prouidè consuluit.

Pinti.

*Ingenuo orta patre, ingenuo quoque nupta marito,
Hic sita, cui validus dat Leo nomen, bumi es.*

Os

*Os muliebre fuit, verum tibi mascula virtus,
 Teq. salutarat Martia turba Ducem.*
*Vastatos agros, summas arcesve subactas,
 Sarde, huius referas oppida capta manu.*
*Scep triferi tibi mens fuerat cupidissima regni,
 Quin si viua fores, ambitus ipse fores.*
*Quin vel viua fores, peltis noua fortis Amazon,
 Aptæ foris telum, sceptræ mouere domi.*
Hæcine non stupida lapide hoc capis aure viator?
Finis adest, & adhuc, ambitiose, furis?

Ioanna Scortiata.



Necellit animi magnitudine, & pietate illustri-
 bus matronis Ioanna Scortiata inter primarias
 Neapolitanas celebranda. Peperit duos illa fi-
 lios. Quorum alter dùm studijs operam daret,
 coorta disceptando inter æquales contentio-
 ne, concitus ad rixam, à iuvene quodam neci

traditus est. Qui ne in satellites incideret, fugiens, inscius in de-
 mortui domum se recepit, atque ad infelicissimæ matris sinum,
 quæ facinus ignorabat, confugiens, salutem est deprecatus. Et
 cùm rumor percrebuisset, filium fuisse occisum, & quem domi
 haberet, necis fuisse auctorem, & actorem, dùm animus fluctua-
 ret, à pietate victa, noluit duorum interitum condolere, & plus
 potuit solitudo occisoris ad misericordiam, quàm offensæ ma-
 tris dolor ad crudelitatem. Euadere illum passa est, dùm placido
 vultu extincti cadaueris lanaret cruorem. Alter, Fabritius ille
 Brancacius fuit, antiquæ Iuris disciplinæ lumen, q̃ cùm imma-
 tura morte fuisset extinctus, cū n̄ p. lacrimæ in tot, tantisq. acerbi-
 tatibus plurimæ effundi debuissent, huiusmodi exaruerē, vt viri-
 lem constantiam, non dolorem animo hæsisse demonstrarint.
 Quid Corneliæ Graccorum matrem, quid Rutiliam Romani
 commemorabunt? Funus Christiana prudentia prosequuta est,

Z & in

14
 CONSTAN-
 TIA IN
 AERVM-
 NIS.

& in ipsa in qua iacere debebat sepultura, loculo collocato, pijs Deo fufis precibus, è templo decessit, pietatis operibus iam indè operam datura.

Auctoris.

*Dùm miseret facti matrem, dùm mæsta querelas
Fundit, adest pietas, sollicitatq. dolor.
Atque dolor; nato languescunt lumina, inultis
Te illum cedit Amor cernere luminibus?
At pietas, tacito suspendens pectore vota,
Et scelus, & natum collacat in gremio.*

Fabij Albini.

*Sanguine placari manes ignara vetustas
Credidit occisi corporis ense truci.
Noluit illustris renuens hoc sæmina nati
Morte peremptoris tristitia fata lui.
Extinctum, scio, mater ais, nec viuere natum
Interfectoris funere posse meum.
Hunc ego seruabo; hæc subeas penetralia, dixit,
Et dùm cessabunt militis arma, late.
Heu celebranda pie constantia magna parentis,
Cui par nulla fuit, nulla virilis erit.*

Pinti.

*Pelle, ignara, tuum genitum scelerata peremiss
Dextra, fugæ cuius das miserata lares.
Psle, vel immitis tradas licitoribus, aquas
Mox sceleri pœnas soluat ut illa necis.
Non minor est virtus vindictam tollere culpæ,
Quàm tanta hæc patiens si mala ferre velim.
Sic Ioanna animi visa est fortissima telo,
Dùm contrà hinc pietas dimicat, inde dolor.*

Maria

Maria Aragonæa.



AT quis locus Mariæ Aragonæ in hoc Theatro dabitur? Prima antè lunones, antè Minervas sedeat. Stent anea Matronæ signa Immortalitati sacra; nec in auro eius cudatur imago, quam sibi cælauit æternitas. Quam facies eo seculo illi parem? In connubio cui nam viro

15
ANIMI MA
GNITVDI-
NE, ET
PVDICI-
TIA IL-
LUSTRIS.

coniuncta? Per cunctare sexcenta victicium bellorum insignia, quibus Annibales, vel ipsi Scipiones cederent. Hostes deuictos enumera. Sui ipsius maximi Imperatoris de Alfonso Haualo laudes percipito; cuius virtute Imperium, vitamq. sibi esse partam testabatur. Qua corporis illa erat habitudine? Qua nihil venustius, nihil grauius, nihil modestius cælum conspiciens cursum Gratiarum, & Sirenum adiumento, ad eam ornandam semper inflexit. Quæ verò in tanta muliere animi magnitudo cognita est? Hanc profectò dices inextimabilem. Orbata enim viro, cuius obitu Mediolanenses administrationes, bellorum Præfecturæ periire, viuam domus gloriam sua virtute retinuit, liberos (qui ad summos honores euecti sunt) splendide educauit, & ex rari coniugis splendoribus; clarissima vndique accensa lumina suæ prætulit nobilitati. Adde, quod nostra ætate admireris. Absque viro mulier, florenti ætate, eximia, præstantiq. forma, nobilissimorum virorum frequenti consuetudine, qui veluti Numen aliquod eam venerari potius, quàm alloqui consueuerant, inuiolatam fidem, famamq. tuendo, memorabile pudicitia posteris reliquit exemplar. Tantumq. eius pudicitia progressa est, vt alieno pudori seruando maximè studuerit. Mulierum enim, quarum opera vtebatur, famam illæsam sibi custodiendam huiusmodi proposuit, vt eius disciplinæ memoria in ijs quoque gloriosius remaneret. Quamobrem Milij symbolum Paulus Iouius dedit, quod cum nec putrescat, eamq. luem ab alijs arceat, encomium illud sibi comparauit, SERVARE, ET SERVARI

MEVM EST. Habeat hoc sibi Maria eximium, & singulare; vt
stabili, firmaq. ratione contempserit, quæ a nobili, forti, magnoq.
animo debent esse aliena.

Berardini Rotæ.

*Dùm petit Inarimem Diuùm pater, ac sua iactas
Fulmina, teq. sua victæ Typhæe manu;
Quid iactas Maria exclamat? si vera fateris
Nostra tuis præstant lumina fulminibus.
Cernere vis oculis, quæ sint noua fulmina nostris?
Annuit ille, oculis fulminat ipsa Iouem.*

Iani Pelusij Crotoniatæ.

*Si quantum potuit quondam Rhodopeius Orpheus
Arguto cantu, dulcisonaq. Lyra:
Ipse mea tantum possem, Heroïna, posset,
Versibus imparibus dùm tua facta cano:
Omnis Aragonio resonaret nomine tellus,
Alluit immensi quicquid & vnda maris.*

D. Bernardini Aquiuij ab Aragonia

D. Francisci Neritin. Ducis Fratris Fil.

*Prolis Aragonæ mulier spectanda sepulta est:
Purpureas hospes sparge Diana rosas.
Vnica mirifici species hæc virgo pudoris,
Connubialis & hæc gloria prima tori:
Aetherea superest animum nunc degere in aula
Dicere, & aternis astra tenere polis.*

Pinti.

*Hinc longo pede distet impudicum
Quisquis pectus habet: iacet Maria bis
Alphonsi illius Hauali marita.
Puro hic sis animo, niue albiore,*

Hospes;

*Hæpes, funde preces eiq. flores ,
Ferro magnanimum feras Leonem
Scalptor : nam decet hæc imago bustum .*

Ioanna Castriota .



Ec populis olim frequentissima, maximorumq.
Ducum trophœis illustris Epirus ; nec Regum
imperio, gentisq. fortitudine clarissima Mace-
donia, immortalitatis laudes Ioannæ Castriotæ
Nuceriæ Duci, inter magni nominis mulieres
nobilitatis stemmate, animi magnitudine, mo-

16
VIRTVTVM
AMPLITV-
DINE AD-
MIRABI-
LIS .

rum sanctitate, nulli secundæ, comparauit . An verò regias ipsa
virtutes à Regibus, qui ex Castriota familia nobilissimis illis
Græciæ regionibus imperitarunt, non didicisse affirmabimus ?
Qua emicuit pulcritudinis raritate, & modestia ? Quo splenduit
sapientiæ lumine ? Qua honestatis gloria floruit ? Qua vixit in
pauperes mansuetudine, & liberalitate ? Quæ iam indè à primis
annis in ea ad Dei cultum pietas effulxit ? At quæ nam præclara
efficere non potuit, quæ ab vberissimo amplitudinis, virtutum,
fortitudinisq. fonte emanauit ? Qui norit mortalium ea ætate
principem, Turcarum terrorem fortissimum Ducem Georgium
Scarderbegium ; noscat & Ferdinandum Ioannæ patrem, qui
cum maximo Rege Gallorum Francisco ad Ticinum præhendo
congressus, tantum virum prouocare non dubitauit . Tantundem
dignitatis mater adiecit , ex illustrissima familia è Capua , quæ
tot summos Duces, Principesq. sexcentos ab hinc annos felicis-
sima serie protulit . Omnem verò maiorum gloriam Ferdinan-
dus Carrafa filius, patris, matrisq. vestigia sequutus, æquauit .

Alfonsi Martiani .

*Natales alij si celebrant suos ,
Clarorumq. sibi nobile vendicant
Maiorum facinus, non tibi sunt pares .*

Nam

*Nam tu clara nimis sanguine Regio ,
 Epiri fuerant cuius aui diu
 Reges magnanimi, ac Herculeum genus .
 Bello conspicuos si referunt Duces ,
 Et fusas acies fortiter hostium ,
 Belli fulmen adest ille Georgius
 Turmas quem toties fundere Thracias
 Scimus, quem proprium militia decus
 Olim Turca ferox suspiciens, vocat ,
 Magni Barbarico Cappadocum Ducis
 Signans nomine vim, ac ingenium celer .
 Gaudet si qua sui coniugio viri ,
 Quod sortita sit illum egregium , probum ;
 Quid quæso melius, quidve benignius
 Alfonso fuerit coniuge maximo ,
 seu spectes animum, seu bene dexteram ,
 Quo Nuceria nunc Principe iubilat ?
 Tu multo genitum prole beatior
 Heros cui genitus gloria Principum
 Fernandus, similis belligero Deo
 Marti, siue pedes prælia, siue eques
 Semper cruda ineat, consilio sagax ,
 Præstans ingenio, clarus in omnibus ,
 Quæ fortuna ferat lata, vel aspera .
 Sunt hæc magna quidem præmia fortium ,
 Quos cælestis humo tollit, & euehit
 Virtus, ipsa quibus præmitas licet ,
 Fecisti nihilo semper ea, altius
 Omnes mente volans supra homines pia ,
 Terras despiciens , & superum choris
 Noctes, atque dies usque inhians sacris
 Incumbens studijs pectore candido .
 Hinc cum fata volent, & Deus optimus
 Vallata æthereis undique ciuibus ,
 Latabunda petes sidereum polum .*

Pinti.

*Mors ego Ioanna virtutum castra subegi,
Illius ut victi gesto trophæa viri.*

Cassandra Marchesia.



Væ Charites cum Cassandra Marchesia luse-
rint, poetiis leporibus explicauit Iacobus
Sannazarius, cuius ex ore dulciora verba cum
elicerentur, libabant veluti Apes Cupidines,
fingebantq. compositz orationis fauos. Melle
tamen suauior fluebat oratio cum de Cassandra

17
PRIMIS
NUPTIIS
INFELIX.

loquebatur, quam dum sibi Decimam Vates, Musam proposuit,
castissimè perijsse. Quapropter eò laudabilior facta est, quòd
tanti viri amore cultæ, inuiderent, quæ à summis viris cupiebant
amari; eoq. pulcrior, quòd in ea puritatem cum dignitate niten-
tem, non coloris suauitatem, qui ad libidinem excitaret, veræ
pulcritudinis sectator adamauit. In omnibus quidem laudanda;
tunc tamen maximè, cum existimationi consulens, innuptis nu-
ptijs quas cum Alfonso Castriota Atripaldæ Marchione, Fer-
randinensium Ducis filio, parauerat, elusa, neque nouas experiri
laudabili existimans ne denuò alienæ fidei periculum faceret,
Sapientiæ locum Neapoli, quem Studijs addixerat Oliuerius
Carrafa, reliquæ sibi vitæ delegit, atque coenobio instituto, di-
uino cultui seipsam dicauit, idq. clarissimum prudentiæ, atque
animi magnitudinis iudicium relinquere voluit. Non seruata
fidei pœnas luxit infidus coniux, à Francisco Gallorum Rege
interemptus.

Sannazarij.

*Desine formosa dotes numerare puella,
Desine iam extinctas sollicitare faces.
Nam dum sæpè comas, frõtemq. humerosq.
Commemoras, proprios extruit ipsa rogos.*

Dumq.

*Dumq. oculis Cassandra, animo Cassandra recurſat,
Cassandra heu mentis ius habet omne tua.
Blandus Amor tacitis ſubrepiſit in oſſa venenis,
Sic ſibi vel fatum quilibet eſſe poteſt.*

Eiuſdem.

*Quarta Charis, decima es mihi Pieris, altera Cypris
Cassandra vna Choris addita diua tribus.*

Pinti.

*Fuderunt alij meliori carmina vena,
Paucos hoſce meos tu tamen adde ſonos;
Queis quæ vera canam? promiſſo, eluſa, Hymenao;
Viuens clauſtra cupis, mortua & aſtra capis.*

Blanca Maria Vicecomes.

18
ROBORE,
FORTITV-
DINE, AC
PIETATE
VALENS.



Vm Blanca Maria Philippi Mariæ Vicecomitis filia, quam aliquot annos antè pater Franciſc. Sfortiæ ſponſonderat, nuptiæ ab eodem celebratæ ſunt in D. Sigifmundi ad Cremonam, quam etiam ciuitatem dotem acceperat. Ingentes hæc mulier oſtendit ſpiritus, Venetis magna ad Padum comparata claſſe, Cremonenſes vehementiſſimè oppugnantibus. Siquidem Cremonenſibus copijs, quibus Iacomazzum Salernum præfecerat, extrà portâ Mœſam in hoſtium copias eduçtis, cum primùm Marci nomen, clara voce, militari ſymbolo iactantem militem quendam audiuit, haſtam ira percita infixit ori, quo icu miles occubuit, collatiſq. ſignis ad Cremonenſes victoria inclinauit. Corporis robori, animi quoque fortitudinem coniunxit, quippè quæ contumelias, quas poſt viri mortem à Galeatio filio acceperat, prudētiſſimè pertulit. Accedat Relligio, quæ præter ceteras, quæ ætate vivebant eam extulit, cùm præcipuè ſanctiſſimæ Eucharistiæ templum magno ſumptu dicafſet. N. miam zelotypiam

tot

tôt virtutum candorem aliqui maculasse arbitrantur. Atqui in honesta muliere hoc vitium virtus est existimanda.

Pinti .

*Belli te ne Deam, notat an ne hac hasta Minervam &
Fortior at valida vincis utramque manu.
Cecropia visa es, Martis maiorq. sorore,
Teſta fuiſi telo, quando Cremona tuo.
Pallade tu maior, Bellona maior: utrique
Deſuit, eſt in te at Relligionis honos.*

Catherina Cantona, & Domitilla Triuultia .



Vm Iconologiæ curiosum opus Casar Ripa Perusinus Barbaræ Cantona dicauit, nihil se illustrius fecisse arbitratus est, quàm cum filiaæ Imagine, ad quã venustate, & virtutibus nihil præstantius accedere potest, matris Catherinae *ixóva*, simulacrum quoddam humanæ excellentiæ

ob oculos omnium ponere; vt artifex præstantis Naturæ imaginis, ignotis nota faceret, & sigillatim quæ contineret Mediolanum Italiæ vrbs celeberrima, in qua omnia cùm sint quæ præclara pace, & bello existimantur, huiusce Matronæ laudibus omnium iudicio, veluti maximarum rerum thesauris, suppeditaret, quæ maiora iudicari valerent. Castitas, relligio, pietas, viræ moderatio in ea præcipua fuere, quas augēdæ nobilitati addiderat; sed quæ propter acumen prospiciebat, quæq. atomis, inani, imaginibus, & ijs quæ *ιδώλα* nuncupamus, tùm incurſione videbat, tùm cogitatione meditabatur, tanti habēda sunt, vt eius poësim non picturam videamus, in qua Deos, sidera, elementa, montium iuga, & comas, herbarum viriditatem, animalium figuras, serpentium volumina, vndarum motus, quibus vel Pelopis Neptunij equis suspensi currus rapiantur, vel Proteus ad antra gre-

19 20
INGENIO,
ATQVE A-
CV PIN-
CENDI,
CANEN-
DIQ. AR-
TE ADMI-
RABILES .

A a

gem,

gem, vel armenta deducat. Bone Deus; doctissima manus acu effingit, quod Ethion, Nicomachus, Protogenes, Timas penicillis, coloribus effinxere? Quid Arachnem, Palladem, Didonem, Andromachen, Penelopenq. admiraris? Hanc feminis perfectiorem, eruditorem viris admirare. Quicquid penicillo effici poterat, colorabat. Serico, & auro colorabat; viuebantq. imagines. Mirum. Eius artificij ingeniosissimi auctor mulier, delectabat, pascibatq. oculos, animumq. & mentem exaturabat. Diluxit sub eius acu historiarum umbra, rerumq. multarum cognitio, quæ ex omni aditu clausa conspiciebatur, eius arte patefacta est, & quadam vi, quæ omnibus erat admirationi, patentius explicata. Ad ea studia, eius exemplo, ceteræ Mediolanenses Matronæ iam indè cum Catherina exarsere, & ab ocio inertissimo longè remotæ, pingendis telis, reticulisq. sese libentissime occuparunt, quibus Reginis, Principibusq. summa cum voluptate placerent. Quæ pingebat Catherina, Domitilla Triuultia ex primaria Mediolanensi nobilitate cantabat. Patria, virtutibusq. pares; idcirco eas seiungere nefas sum arbitratus. Pictrix, & Poëtria Mediolanum pingant, & concinant, vt alterius pictura teneantur oculi, alterius cantibus aures demulceantur; sic lætam urbem, & nitidam, carminibus, coloribusq. collustratam, Infusum gloriæ patefacere intelligemus.

Pinti.

Desere quas acubus telas depingis, Arachnes

Ne similem subeas Pallade lusa vicem.

At tradas, Cantona, operas tutissima seclis,

Nulla Minerva tibi est, quæ malè obesse queat.

Eiusdem.

Cerne Cisalpina mira hic duo lumina terra:

Altera Arachnaea inferior non arte puella est;

Altera clara nitet mellita voce Ligeam,

Dùm lusit meliore sono, Nymphasq. Deasq.

Quæ sua laurigero modulentur carmina Phæbo;

Huius acu spectes operas, huiusve canoros

Aure

*Aure bibas sonitus; pingens, Cantona, resignat
 Quaque aciem ingenij. tantum Domitilla canendo
 Non homines, sed aues, fluuios, siluasq. moratur.
 Hanc qui non cernat, qui non hanc audiat, expers
 Humano sensu est; surdis hunc abdite saxi.*

Benedicti Sossagi.

*Hactenus extinctos animauit imagine vultus
 Sudor Apelleus, Phidiasq. labor.
 Nunc Catherina nouis telas animare figuris
 Auctor, & artificij texere facta manu.
 Adiures hac vera geri, neu ficta videri,
 Tantum Dadalea possidet artis opus.
 Si terras mentitur acu, stant ordine siluæ,
 Rauca sonant fluuij, stagna quieta silent.
 Nunc curuas sinuant valles, nunc stamina turgent
 Montibus & calo proxima saxa vides.
 Si fragiles artus formauit, & ora virorum,
 Viuere credidimus, credidimusq. loqui.
 Stamina si facies Diuum spirantia monstrant,
 Viuunt in magnos stamina tota Deos.
 Iuppiter igne tonat, montanaq. culmina sumant,
 Fila vagas rumpunt ingeniosa faces.
 Crinitur Phœbus radijs, Mars fulminat armis,
 Inuidia Iuno saeuit, amore Venus.
 Vnde tot inuenit textricibus artibus artes?
 Pallade docta fuit, Pallade vel docuit.*

Eiusdem.

*Insubrides gemina fama super astra feruntur
 Inclita quaque suo nomine, prole sua.
 Altera sidus erat generis dotale Triuulti,
 Altera Cantonum nobile sidus erat.
 Discordes studijs attollit gloria concors,
 Artibus impariles, ingenioq. pares.*

*Vna virum mores, una est imitata colores,
 Vna magis lingua claruit, una manu.
 Hac velaminibus velamina vincit Arachnes,
 Illa laboratis facta voluminibus.
 Altera cantando narratur Apolline maior,
 Altera texendo maior Apelle fuit.
 Sed calathos confer calamis, velamina chartis,
 Illam homines dices, hanc superasse Deos.*

Roberta Carrafæ, Abellin. Princeps.

21
 ENERIS,
 T PRV-
 ENTIAE
 VMINE
 VCEN-
 ISSIMA.



T Carrafæ, & Caracciolæ familiarum luminibus coruscans, inter eximias Matronas, Principesq. nitet Roberta. En vides quàm splendide vtrarumque gloriam in augustissimo, plenissimoq. dignitatis vultu repræsentat. In maximis viris frequentissima celebritate, clarissima Heroum serie latatur; vt à patre (quem amplitudinis, & virtutum copia circumfluere huiusmodi intuemur, vt temporis fines, æternitatis securitate eludat) ad maiores, rerum gestarum perpetuitate, virili prudentia, incredibili rei domesticæ propagatione, diuina potius, quàm muliebri sapientia, & eximiarum laudum indagazione, quibus continenter spe, & animo incubabat, perspicua accedit. An Magni Diomedis seriem commemorabo? Diomedis, inquam, Antonij filij, qui quòd omni cura, & cogitatione res magnas sagacius odorabatur, moliebaturq. Malitiæ sibi nomen acquisiuit? Alfonso Aragoneum adeas, qui ab Andegauensibus, & Sfortianis quodammodò interclusus de victoria desperasset, nisi Diomedes subsidio fuisset, qui per aquæductum in urbem Neapolitanâ ingressus, occisis custodibus, viam Regi, & exercitui heroica virtute aperuit, tanta alacritate vt animus Alfonso accesserit, inimico Regi timor fuerit iniectus, idemq. Regno cesserit. Dicam ne Diomedis Regnum Neapolitanum ab Aragoneis acceptum esse tribuendum? Nec multum dedisse magna-

magnanimum Regem fatèdum est, qui in eum Comitatus Magdalonij, & Cerreti, patrimonij conseruationem, & supremi Consilij dignitatem contulit. Illuxere alia sidera, maximi Proceres, qui titulorum, & Ecclesiastici muneris fasces sustinuerunt; quis enim nepotum seriem longo ordine recensebit? Quid Sole illo maximo Paulo I V. illustrius? Quid summorum virorum numero, qui vigent, præstantius, quorum vita, & virtus, in vna hac Robertæ spirat imagine? Sed spirat amplitudine generis, reuerentia amoris, charitate coniugij, fœcunditate prolis in viuente viro Camillo Caracciolo Abellinensium Principe, in Aurei Velleris ordinem à Philippo I I I. Rege cooptato, in quo vno veræ virtutis gloriæ domicilium, nobilitatis illustrissimæ finibus terminatur; quem dum admirantur Galli, venerantur Hispani, dum in Belgio florentem militares ordines salutant, in Italia consilio validum, prudentia insignem, constantia, & grauitate eximium, laudum crebritate extollunt. Spirat liberorum thesauro, in Marino præsertim Tripaldæ Duce, quem, Augustorum more, Principem iuuentutis dixerim, liberalibus studijs addictum, præclara semper molientem, in quo amplitudinis insignia posteris posita, clarissima monumenta conseruaturum prædicant. Quid Roberta felicius? in qua pulcritudo cum castitate, venustas cum modestia, eloquentia cum verecundia certant? Quæ florentem iuuentutem laboribus erudiuit, cum, absente coniuge (qui ex bellica laude, & disciplina profusus sanguine, & fortunis, ad Regum gratiam aspirabat) ab insolenti rerum domesticarum fastidio nunquam abhorruit, rem familiarem splendide auxit, rexitque tanta prudentia subditos, vt togata pariter, atque armata, ius redderet, iniurias propulsaret? Quàm doctè scripsit? Quàm opportunè loquuta est? Quàm suspenso, & sollicito animo rimabatur, quæ non veluti Themistocles Milciadis trophæis, sed veluti Roberta, cui nullam parem iudico, coniugis, liberorum, status amore è somno suscitabatur. Sanctè vixit, sanctissimè decessit, quæ Siluestro Franciscano Capuccino sui ipsius mortem prænu-
ciauit.

Pinti.

*Tu ne illa es tumulo hoc illustris femina sedis;
 Tu ne hic Carastæ lumen, honosq. domus?
 Tu ne hic delictum, spes ne hic tu cara mariti
 Principis, extincta hic clara Roberta iaces?
 Viuis adhuc, viuesq. Mori stat nescia virtus,
 Decidere è mentis limine nulla potest.*

Eiusdem.

*Virtus magna fuit magno cum sanguine iuncta,
 Sors etiam thalami magna, Roberta, tui.
 Magna fuit pompæ facies, eademq. sepulcri,
 Magna est, magna viri causa doloris erit.
 Cur vir coniugij non desceat usque soluti
 Vincula? tui socias flebit an ille pares?*

Isabella Caracciola.

23

HVMANA-
 RVM RE-
 RVM DE-
 SPECTRIX



Oua narro. Mira hac ætate narro. De humanarum rerum, generisq. amplitudinis contemptu agitur. Agitur de animorum in sanctitatem conspiratione, de connubij castissimis amoribus, de illecebrarum turpitudinis irrisione. Fieri hæc non posse, corruptis moribus, mihi persuaderem, & facile quisque iudicaret. Ea tamen vera sunt quibus posteritas fidem deferat, & honores. Isabellam Antonia Cardenas Philippo Caracciolo Nicolai illius Antonij Vici Apuli Marchionis, & Mariæ Gesualdæ Cardinalis sororis filio peperit. Ea Carolo Caracciolo Marcelli Casadalbori Marchionis filio nupta est. Florenti, venusta, eximia ætate iuuenes. Connexum feliciter vinculum, quod vel prolis nodus deuinxerat; eoq. felicius, quod parentibus ad cœlorum gloriam immanata morte præluxerunt; tanta præsertim constantia, qua humanas calamitates sapienter pertulere, tum præcipuè, cum filiola, quæ

quæ iam adolefcere cœperat, fuarum manuum ministerio in loculo collocatæ, tunc parentasse existimauerint, cùm ad æternas sedes ex sordido cœno dicerent euolaturam. Tantam habebat morum similitudo, coniunctionem, atque concordiam, vt in rebus agendis, nulla vnquam querela intercederet, & tranquillissimæ pacis libertas dulcissimo coniugio probaretur. Alterius alter exploratam fidem habebat, augebatq. continenter benè viuendi desiderium vtriusque pudorem, quo seuerissimè voluptates sibi reiiciendas constituere. Deseruit illa pompas, cupiebatq. simplici muliebri ornamento Angelico patrocinio muniri. Deseruit ille nobilium fastus, vt omnem ex animo superbiam humilitas expectoraret. Quid? Cubiculum sibi cœnobium, lectumq. chorum fecere. Canonicis horis, & psalmis conjugalem pacabant ardorem, dùm mens mundi oblita, pugnacior effecta, ceteris omnibus fortiter reluctabatur. Crescebat amor; vigebat timor; nec sinebant maiores partes animi à virtute, & interiori lætitia blanditijs detorqueri. Nunquã suauius quospiam vixisse cognoscebant. Tunc diuini amoris flamma ardentior facta est, & extra domesticos lares erumpens, coniuges sacro diuortio cui sanctus Pontifex annuerat, in Cœnobio, contemplatiuæ vitæ cupiditate flagrantes incitauit. Altera inter D. Andrea Moniales; alter inter Theatinos in D. Pauli adsciti, exemplo, spiritu, consolatione singulares. Magnum illud est. Adde verò quod maximam adiecit, & incredibilem admirationem. Paupertatem excolere, Relligionis semitam existimantes; ad septuaginta millia aureorum, in Cœnobio, in loca pia, in pauperes erogarunt. Tenere portum dùm nequiuērunt, nauigando, tempestatibus obsequi, artis fuit. Sed quid timerent, dùm ex longa nauigatione ad tranquillitatem certò credebant esse venturos? Vicere mundum; quis non inuideat?

Pinti.

*Quæ lux, Heroes, vestro nunc exilit ore,
Diuùm in amore pares, nobilitate pares?*

Deser-

*Deſeruifſtis humi, ſupera præ luce, tenebras;
 Noſtis ſit quantis prædita terra malis;
 Sorduit ætherei ſtudio quodcunque parentis,
 Limite prævaſto Phocis, Atbiaſq. parit;
 Duxiſtis nibili quicquid fortuna miniſtras,
 Duxiſſetis Arabs, quicquid & Indus habet.
 Sponte pijs auras vitales carpite ſeptis,
 Tu vir carpe tuis, tuq. marita tuis:
 Illa optata dies veſtrum lucebit utrique,
 Cum dabit æterna proſpera in arce Deus.*

Conſtantia è Caretto.

23
 DIVINI
 VLTVS,
 T SAN-
 TITATIS
 MANTIS-
 MA.



On veterum Saxonum, in qua ſplendidiffimè
 Videchindus, Vegbertus, Valbertus elucet;
 non titulorum inſignia Montisferrati, Lariſſæ,
 Saonæ, Boſchi, Inciſæ, Finarij; non apud Impe-
 ratores, Regesq. ſummos Magiſtratus; non do-
 mi, foriſq. res geſtæ; non Reipublicæ Genuen-
 ſis honores, tantum gloriæ Carettanis addidiſſe dixerim, quan-
 rum Conſtantia tùm ceteris virtutibus quibus enituit, tùm præ-
 cipuè addidit religione. Ab omnibus ipſa, quæ mortales affi-
 ciunt curis longè aliena, tota iuuandis pauperibus, cœnobijs
 ædificandis, pecuniæ rebus ſacris dandæ incubuit. Meretrices
 è poſtribulo euocauit; collocauit multas conſtituta dote. Puellis
 quarum virginittatis florem Diaboli ſectatores depaſti fuiſſent,
 ne proſus eorum corpora libidinibus contabeſcerent, aſylum
 condidit, ad quod reſugientes (& Reſugium Neapoli appella-
 uit) virtutum ſeminario beatam, candidamq. vitam ducerent.
 Theatinos aluit, eorumq. auxit ædes, & ornauit. Tantum ab
 ambitione abhorrebat, vt cùm libellum de Spiritibus Lauren-
 tius Anania Tabernas Calaber ingenioſus, ac multæ vir eru-
 ditionis ei dicafſet, huiusmodi renuit, vt auctori ingrati-
 tudinem potiùs quàm gratias referret; quamobrem, dicatoriâ epiſtolam,
 ipſa

ipla inspectante, lacerauit. Tanta fuit animi magnitudine, vt cum licem Sulmonensium Principi intulisset, cuius fratrem coniugem habuerat, victrix tandem, quæ fuerat consequuta, libentissimè donauit. Sexagenaria pustulari morbo, qui pueros inficere solet, oppressa sanctissimè decessit.

Pinti.

*Caresti hac generis decus sub urna est
 Constans, nobilibus, pijsq. factis
 Orta, hic ciuis inops dole, dole hospes :
 Vos altaria, vos Deum sacella,
 Struxit quæ illa suis lubens talentis,
 Flete hic, vosq. viri reflete sacro
 Addicti famulatui : scelesto
 Tantum tu meretrix malo obstinata,
 Toto pectore gaudium indicato;
 Cui non consilium illius placebat,
 Quam non auxilium illius mouebat.
 Sit Venus tua, sit tuus Cupido.
 Aeternum tegit hanc lacunar astris,
 Hac ibit per agros beati Olympi : at
 Carecto Phlegethontis illatebis;
 Depromes gemitus, sonosq. trisleis;
 Dices : O utinam Dei audissem
 Verbis : o utinam mihi loquuta
 Carecta ex animo baud foret repulsa.
 Carecta omnia quæ Deo dicabat.
 Carecta illa bonis, malisq. nata.*



Camilla Piscicellâ.

24
A, ET
MANAS
ES DE-
ICATVI
CENS.



Elliquias pristinae frontis in qua vetus magistra pudoris, & modestia sanctis moribus ornata securitas in bonis viris conspiciebatur, qui montium cauernas, vastasq. solitudines, & petrarum asperitates, atque anfractus incolabant, ut breuitatem vitae aternitatis nemo-ria foliagi consolarentur, in his quoque coniugibus Camilla Piscicella, & Casare Serfale à Capuanæ, & Nili centurijs Neapoli illustribus conspicio. Inutilem potentiam aspernari, cupiditatem dominandi præcipitem renuere, lubricam veræ, & solidæ gloriæ anteferre; castè, moderatè, sanctè vivere; à ganeorum nidore, & fumo, quo Principum aulae conspergi, & penè comburi videmus, longè abesse; mundum deserere, in quo omnes conditiones miseræ, sermones infidiosi, perniciosæ assentationes, frons omnium familiaris, malaq. omnium mens, nulla fides, nihil stabile, aut firmum, cuncta infida reperiuntur, amplissimum virtutis præmium iudicant; utq. velut a groto, dum anima est, spes esse dicitur; sic ipsi quod vana isthæc contemnenda duxerunt, sperare futuram tranquillitatem non desicere. Delicium erat Camilla patris optimi. Caesar is Piscicellus est inter Neapolitanos Equites prudentia, bonitate, publicarum, & privatarum rerum agendarum peritia primarius, qui in filia omnium fortunarum hærede instituta, domesticæ præcipuè rei administratione, conseruatione, amplificatione conquieuerat. Quæ tamen ex sinu patris in monasteriû sanctissimæ Trinitatis, Pontificis auctoritate permittente, se abdedit, viro in Theatinos secedente. Hanc nulla vnquam cupiditas, nulla diuitiarum commoda, nulla muliebris illecebra, nulla honoris aura labefecit, & de paterna domo maluit, quàm de sententia dimoueri. Debuerat patris amor ex lætitia, & voluptate, qua filia, & generi præsentia perfundebatur, ad luctum, & lacrimas eorundem subita, & insperata privatione recidere.

recidere. Laborum fructum iam noua seni procella ademerat, & de manibus, nescio quo pacto, thesaurus elabi visus fuerat. Quis non esse in iniserijs arbitraretur? In ea tamen mutatione, qua pacem bello, coelestia terrenis, pericula salute permutari cognouit, iacta doloris tela, animi sapientia retudit; placetq. patri suorum salus, quam libenti animo, diuturna cogitatione exquisiuere, & ipsdem ad hoc tam præclarum, & illustre facinus paratis, omnium fortunam superasse visus est, qui eos huiusmodi pacatos antè viderit, quam è vita discederet.

Pinti.

*Plena cupidinibus mortalis plena procellis;
Qua mea vexasti pectora vita vale;
Ite maritales complexus, ite superba
Turba mea, famula, sollicitaq. domus;
Pulcra vale facies auri, gemmaeq. nitentis,
Vberis & quinis diues amictus eat.
Hosce Camilla pio cuncta hac, dum ludicra ludis
Munera fortuna, fundit ab ore sonos;
Sic ait, & caro exemplum facit illa marito:
Visite: securus portus utrumque manet.
Quid praesens vita hac (melius si cogitet hanc mens)
Tempestate furens quid nisi pontus erit?*

Constantia Dauala.



*Q*uæ duo belli fulmina peperit Piscarium, & Vastium, maximos Duces, insigne quoque bellicum facinus edere potuit Constantia Dauala, quæ illustria in mulieribus etiam gloriæ monumenta elucere significauit. Cum enim ex Neapolitanis arcibus, Petri Nauarri opera, & industria Galli fuissent ciecti, cumq. eorum classis, quæ serò aduenerrat ad opem ferendam suis, Aenariam insulam esset aggressa, &

25

IN REGIA
FIDE CON-
STANS.

virus animo conceptum huiusmodi euomeret, vt Hispanorum classem, quæ ibi erat, occuparet; ipsa, quam Federicus Rex in eius insulæ arce reliquerat (nouerat enim & fidem, & fortitudinem) Hispanos egregiè defendit, & Aragoneum vexillum, tanta cum militari prudentia explicauit, vt illustrissimæ mulieris constantia, Regium nomen amplificasse, vel hostes iudicarint. At Dauala erat. Quid miraris? Nosti Daualos quibuscum victoria- rum gratulationes cum Hispanis Regibus factæ sunt? Qui maximos omnium virtutum fructus pace, & bello vbique terrarum pepererunt? Nosti ne Daualum illum, qui Africæ fremitum, Galliæ insolentiam, Germaniæ minas in Cæsarem compescuit? cuius trophœis summi Duces obsequuntur? cuius gesta in auro sculpta ab omni interitu, adeptis posteris honoribus, reuocantur? Suos Constantia est imitata; suorumq. in suos Reges fidem ostentauit.

Pinti.

*Est ubi Daualicum signum, grauis insula monstro
Inarime, horrifono quondam tremefacta Typhæo:
Es ne oblita, tua, quantum conduxerit arcis
Parte sua, arte sua, Gallos cum dispulit, armis
Vndigenam gentem aggressos, non urbe potitos
Parthenopes, magni Fiderici fida corona
Dauala clara Ducum genitrix Constantia constans,
Vnde magis firmata tuo stas inclyta Regi:
Nunc in Aragoneam victricem lumina peltam
Tende, memor cunctis illi simulacra plateis,
Littoribusve loces, salso circumflua ponto
Lata tuo, glebaq. tua letissima donis.*

Eiusdem.

*Cum penes Inarimen Gallorum classe frementum
Classica sensisses, Dauala animosa, Ducum:
Rex meus hic viuat, summa sic faris ab arce,
Hinc celer, hinc pedites Galle superbe moue.*

Quis

*Quis non hic videat, Rheno qui venerat, hostem
Saxa per, & scopulos eripuisse fugam?
Bellona hac eadem (nil mirum) tela mouebat
Aucta fide, ausa manu fundere mille Duces.*

Catherina Zunica, & Sandoual.



Hispani splendoris lumen in Catherina Zunica Ferdinandi è Castro coniuge, lectissima mulierum maxima, emicat. Noueris in ea dum tacet, dum loquitur, dum quidpià agit, virilis constantiæ nobilitatē. Tractantem arma quis dixerit Camillam, & equo insidentem nemo non arbitrabitur Panteileam. Nunquam in ea fictum officium, nunquā simulata sedulitas; quodq. maximè laudabis in illustrissima Matrona, à commentitijs rebus, & verbis, quæ in aures insusurrat, semper abhorrens. Eloquentia mirum in modum allicit, & cogit. Scribendo, stylo grauiori, & vrbana dexteritate delectat. In Architecturæ studijs, ex Vitruuij fontibus vberes latices hausisse videtur; quamobrè Regiæ domus Neapoli typum à Dominico Fontana Regio Architecto editum, primis ab ea iactis fundamentis, aliqua ex parte emendarit. In Pictura, Vrbinatem, & Bonarorum sic loquendo, sapit, vt eius artis arcana ex eius ore mirificè eliciantur. Antiquæ Relligionis exemplar, consilio pollens, quæ firmam viri in Regno Neapolitano administrationem, prudentia, & animi magnitudine reddidit firmiorem. Biennium, & aliquot post menses, quàm Regni prouinciam sustinuerit, obitum viri, qui Neapolitanis luctuosissimus fuit, tanta cum modestia pertulit, vt omnibus se præbuerit admirandam. Fortunata nimis, quòd Austriacis Regibus chara, & à Margarita Regina, Philippi III. vxore in primis habita, à qua in Hispaniam accersita est, Petro è Toledo Regiæ Neapolitanæ classis Præfecto Duçtore, ad quem Rex ipse scripserat, vt nihil in Catherina vehenda à Regia Maiestate decederet. Fortunata fratris Lermæ Ducis, Castellæ

26

ANIMI, ET
FORTV-
NAE DO-
TIRVS AV-
GVSTIS-
SIMA.

Castellæ Commendatoris, Magni Comestabuli, Philippi Regnorum Statoris, honoribus, & dignitate. Fortunatissima Francisco filio eximij ingenij iuvene, quem post coniugis funera, Neapolitanæ Reipub. gubernacula bis tractantem, & regentem omnium plausu, ciuium, & exterorum encomio, Palatij amplitudine, Fori, & subselliorum fide, iustitiæ præsidio, Annonæ utilitate, qua subditorum animi recreabantur, iudicijs publicis, quibus de pace, & bello sapienter decernebat, materna beneuolentia celebrauit. Hunc nobilissima vxore ex Neapolitana nobilitate accepta, filiolis auctum, Veneta Legatione, Pauli V. Summi Pontificis, Philippi Hispaniarum, Henrici IIII. Galliarum Regum, omniumq. Europæ Principum votis functum, summis honoribus, muneribusq. amplificandum suus Rex iudicauit. Magnum semper quidpiam opus, & arduum Catherina conatur; quodq. magnæ cogitationis indiget, prudentissima conditione dissoluit; & dum scopulosiore rerum loco versatur, eo tranquillo tenetur animo, difficilesq. explicatus, animi præstantia in grauib. rebus agendis exorbet.

Pinti.

*Somnia falsa monent : vigili at sunt vera reperta ;
 Quæ te vera decent nostra Thalia canit ;
 Quæ varia ingenia, atque artes, cultasve Mineræ
 Quæ sedes, quæ Mars milite diues agat .
 Natorum varias formas , Equitumve potentum ,
 Cum varijs titulis stemmata mille Ducum ,
 Quæve amplas aulas, regali splendida luxu
 Quæve aulea, domus signa superba notet ,
 Postquam animo versata meo Heroïna fuisti ,
 Visa mihi in somnis picta tabella fuit ;
 Inq. tuum gremium casu collabier alto ,
 Quam Iouis exardens deferat unguis auis .
 Somnia, quæ dederunt, Sebethi missimus oris ,
 Aurifer accipiat , quo Tagus iste tuus .*

Eiusdem.

Eiusdem.

*Insignem veteres nossent si te artibus, atque
 Mentis luminibus : nã Dea magna fõres ;
 Numina quin in te coluissent plura Dearum :
 Carmine Pegasidum, quã est loca prima super .
 Pallada doctrinis : Astrãam iure : potenti
 Sede, soror, summi quã Iouis vxor erat.
 Pro lepida, Charites, quã polles voce : Dianam
 Venatu, ac nitido corde pudicitia :
 Robore Bellonam : te at nos & Ibera propago
 Priscas supra omneis credimus esse Deas .*

Blanca Scardeonia .



Afsianum municipium Patauinum anno salutis
 1253. recuperauerat insignis Tyrannus Accio-
 linus . In ijs tumultibus Blancæ maritus dimi-
 cando ceciderat, ipsaq. (quæ in ea pulcritudi-
 nis præstantia inerat) vi ducta est ad tyrannum,
 ex cuius tetro aspectu sæuius in eum furere

27
 PVDICI-
 TIAE VI
 DEPER-
 DITA .

Amor visus est, quàm ipse in ceteros crudelitate sæuire consue-
 uerat . At cùm neque præcibus, neque pretio mulieris castitas
 potuisset expugnari, vim inferre conatus, tantum molestiæ de-
 neganti attulit, vt minis, voce, manibus per cubiculum iactatam,
 ad fenestram tandem impulerit, ex qua, accepta occasione se
 præcipitauit, potius cum mortuo coniuge candida mori, quàm
 fœdã cum Tyranno vitam ducere exoptans . Semimortuam,
 humo sublatam, diligenter curandam iussit . Multos post dies
 conalescentem, eius constantiam hoc periculo petraetam exi-
 stimans, ad conspectum iterum accersuit . In proposito conti-
 nentiæ fortiter resistentem, & venenata promissa recusantem,
 contorsit Acciolinus oculos, iniecitq. manus, atque illigatam
 stuprauit . Proh scelus. Quid sibi consuleret bonæ fidei mulier ?
 Quibus mens casta furijs exagitabatur ? Amicos deprecata est,

vt

vt viri sepulcrum per eos visere liceret. Adijt; repaguloq. sublato, in sepulcrum se coniecit, effracta ceruice lapidis impetu; quodq. maximè optauerat, vt ab amati coniugis amore neque mors eam diuelleret, misero, sed sibi felici obitu impetrauit.

Pinti.

*Hic, hospes, iacet illa Scardeona,
Hic virtutis amans iacet pudica.
Incesti potuit manus Tyranni, &
Eius ludere cassidem salacem.
Se se precipitem dedit, fenestra
Data ausa: genus id cui placebit
Letbi? prænitido cauet pudori:
Quis non inuideat; probetq. multis
Dignatam numeris, satisfq. fundas
Odores latices, rosasq. canas?
Hæc vltro in tumultum ruit mariti,
Effrenam Venerem cauens Tyranni,
Vita extinxit ibi faces: dolebit,
Quis non & lacrimas pluet sepulcro?
Si pudicitia probentur, hospes,
Hæ laudes: reuerenter huic salutem
Dices: Blanca vale, i Tyranne pessum.*

Valeria.

28
FILIAE IN
PATREM
PETVLAN-
TIA.



Atam Valerius Valeriam Tusculanam habuit:
Quàm vtilius si feram generasset? Patris amore
flagrans, vltro se amantem ostendere, non fu-
riarum tædis, sed conscientia angore agitata,
dubitauit. Rem ad nutricem detulit; & solent
profectò cum nutricis lacte quamplurimos er-
rores mulieres fugere. Dolo malo hæc, & prætigio circumuenit
herum, in maximo scelere inauditam fallaciam commolita; quis
enim

enim impudenter filia petulantiam paternæ castitati obieciſſet ? Vicinam virginem eius concubitum petere ſimulauit, quæ tam aperte ſecum congregi recuſaret. Annuſit illecebris homo, à quo nihil humanum erat alienum. Cùmq. noctu, abſque lumine, in lecto iacerent, amantiſ abditas notas luminis teſtimonio dignoſcere poſtulauit. Cognitaq. filia; *Heu, heu* (inquit) *quid malum tantum facinus? Quid execrabilis hæc libido? Hæcine nutricis impudentia, filia deteſtanda petulantia, in tam dira me impulit? Heu ſcelus infandum. Moriar. Lucem cur intuebor?* Repentè pater paterni amoris vincula, tanta offeſione dirupit. Repentè filia, paternæ domus commodis relictis, in intimas ſeſe abdidiſ filuas, peperitq. Siluanum. Ambo ſe poſteà præcipites dedere. Plutarchus ex Ariſtide Mileſio refert, vt aliqua de Myrrha, & Cinyto ſit fides in libro Metamorphoſeon adhibenda Theodoro.

Fabij Albini.

*Si quæ concupio, taceo. ſerus ignis aduret
Intus; ſin dicam, me coquet ore rubor.
Si quæ opto, obtineo, moriar. ſi optata negantur,
Emoriar. quid agam neſcio me miſeram.
Siue animo peccem, ſeu corpore: dedecus ingens
Ventre homines poterunt, corde videre Deus.*

Pinti.

*Ex utero prodiſ, Siluaninomine, fætus:
Ipſe mihi gnatus, frater & ipſe mihi eſt:
At quoniam inceſſo fædaui ſemine ventrem:
Nec bene natus erit, nec bene frater erit.
Eiuſdem.
In præcepſ hæc me viderunt ſaxa ruentem,
Sub quibus infelix manibus aſſa ſeror.
Cum patre (probr ſcelus infandum) nutrice dolofa,
Concubui: in ſiluis pignus & inde iuli.*

*Quo sciar, hoc iaceo deslenda Valeria saxo:
 Omne meo procul hoc limite dulce vale est.
 Tanti causa mali Veneris male suada libido
 Mi fuit: illa tibi perplacet hospes & abi.*

Camma.

29
 VIRI MOR-
 TEM VIN-
 DICANS.



Inatus nobilissimo apud Gallogræcos genere, eleganti forma vxorem duxerat (cui nomen Camma) Dianæ Sacerdotem, cuius amore captus Sinorix amplissimo item apud eosdem loco natus, cum mulierem quibusvis precibus incitatum, constantem reperisset, amentia ductus, Sinatum per dolum occidere statuit, nuptias deinde facilius eo mortuo consequuturus. Immanem hanc necem Cammam dissimulantem, ea tantum res consolabatur, quod eam aliquandò vlcisci posse sperabat. Factumq. ut cum post aliquot dies in templo esset, eodq. Sinorix venisset, nuptias ei persuaserit, & ad Aram duxerit, quasi coram Dea fidem datura. Componit interea mulsum, & pateram libanti, partem ipsa bibit, partem incauto viricidæ propinat. Qua hausta, læto animo, vultuq. ad aram procumbens, ait, *Sanctissimum te numen testor, me amantissimi viri cadem, & Sinorigis scelus præclare vindicasse: Gallogræcis, obtestor, patefacias, ad coniugem me inultam discedere noluisse. Tibiq. interim, omnium sceleratissimo, non thorum propinqui, sed tumultum parent. In alieni coniugij iura violantem, omnes merito furæ concitentur.*

Pinti.

*Ingenui coniux lectissima Camma Sinati,
 Marmoreo hoc placide vase reposita later.
 Lucina fuerat templi præclara Sacerdos:
 Concidere aspexit (proh dolor) ense virum.*

MS

*Ass non huc tantum facinus peruenit inulta;
 Sinoricem extinxit, qui viricida fuit.
 Huius reliquia latitant vel in osse doloris:
 Vltura hinc melius (si queat) exiliet.*

Margarita Sarrochia.



Rinnam Doricē scribentem, & ad Homericam

30
 POESI,
 ALIISQ;
 VIRTUTI-
 BUS INSI-
 GNES.

accedentem maiestatem, non Teia tantum insula, in qua orta est, sed omnis ferè Græcia est admirata. Saphonem Lesbos, quæ dicendi suauitate, & breuitate Lyricis versibus vnde Sada spiritus profundo veluti Elegantiæ gurgite emergebat, Alcæo, & Stefichoro doctissimis scriptoribus antecelluit. Corinnam Thebe, quam non Olympico certamine luçantem inspexit, sed cum Pindaro Poëtarum præclarissimo quinquies disputantem audiuit. Margaritam verò Sarrochiam Neapolis parens, & Roma, in qua diu vixit, non poeticis modò studiis, sed omnium etiam disciplinarum ornamentis insignem intuentur, celebrant, admirantur. Suam vtraque vrbs habet Aspasiam, ex cuius philosophicis studiis veluti ex ditissimo promptuario, multi Pericles edocentur. Suam habet Ippatiam, quam sæpè inter coelorum orbes de sideribus loquentem prospicit euectā. Suas, inquam, Cornificiam, Corneliā, Probamq. quibuscum eiusdem scriptis doctrinarum varietate, & poetices gloria, Italiam nouimus illustratam. Scripsit Margarita Scandeburgi maximi, & gloriofissimi Principis res heroico versu Italico gestas, tanta cum muliebris nominis amplitudine, tanta cum eloquentiæ dignitate, vt nisi eius mihi virtus pateret, ancipiti iudicio crederem, tantam scribendi molem à muliere fuisse excogitatam. Commentaria in Casam lucubrauit. Locupletis doctrinarum possessionis censum, nitido scriptionis genere auxit. tantumq. diuitiarum in litteris comparauit, vt quæ alij in laciis seruant, ipsa liberaliter rotundo ore profundat.

Pinti.

*Etruscos simulas vates, Sarrochia, versu,
 Dùm canis Epiri maxima facta Ducis.
 Promere ne cesses mira dulcedine cantus,
 Prosis quo exemplo femina culta viris.*

Eiusdem.

*Vates, Calliope, tuus
 Purum pampinea de patera merum
 Ad fontis latices Equi
 Fundit; teq. adiit sollicitus prece:
 Orat non rutilum torum
 Auro, non pecudes saltibus Appulis,
 Nec Lestrigonio sibi
 Spumantis dolio munera Massici,
 Terra aut horrea Cretica,
 Regum aut sceptrigeras manus,
 Nil horum sibi postulat;
 Iucunda at cythara carmina principis,
 Dignam laude Poëtriam,
 Quæ alta in sede locent. Muneris hoc tui est
 Alma, o Calliope, optima,
 Quod Sarrochia dat clara Poëmata,
 Monstrant Italici virum
 Quod docti hanc digiti pratereuntium
 Insignem eloquij sonis,
 Et quod sit supero prædita lumine.
 Nobis, Calliope, dabis:
 Potauit satis è flumine Tybridis.
 Sebethus petit hanc suam;
 Vt virtute grauem calicula suam.*



Nogarolæ Veronenſes.



Vas habuit Verona Matronas, quibus eius nobilitas illustrior facta est, & quarum laudes libentissimè Theatri sui proscenium inter sapientis populi voces resonaret. Genuit ea ciuitas Nogarolos, quorum maiores iam indè à Caroli Magni in Italiam aduentu nobilissimè florue-

runt Ex ijs prodire, ANTONIA Saluatico Bonacolpho Mantuani Passerini Principis nepoti, excellenti forma, quæ tamen intellectus perspicacitate præstantior habita est, in matrimonium collocata, viua quæ adhuc omnium viget encomio, doctrina, & moribus insignis. ANGELA Antonij ab Arco coniux, Pij II. Pontificis ætate, tota Italia litterarum studijs, diuitijs, modestia, religionis notissima. Multos perlegit auctores, sacris verò plurimum delectata, quorum mysteria versibus Latinis varijs generis explicauit, altera scribendis centonibus Proba Falconia. Tres præterea sorores, GENEVRA Brunori Gambari Brixiani Comitissæ vxor, doctissimè humanis litteris imbuta, quod eius testantur epistolæ styli candore, & sententiarum grauitate laudatissimæ. LAVRA Nicolao Trono Veneto nupta, ad Geneuræ gloriam ob religionis virtutes, & beneficia, quæ in pauperes contulit, accedens. Et ISOTTA, quæ virginitatem professæ, Latini sermonis optimè calluit elegantiam. Extant eius orationes, & epistolæ ad Hermolaum Barbarum, Nicolaum V. & Pium II. Pontifices, quibus in Turcas piorum animos excitabat. Eius Theologica, & Philosophica scripta cum legerit Cardinalis Nicenus in Senatu illo sanctissimo, celeberrimas, eius videndæ cupiditate accensus, Veronam profectus est, & cum virginem conspexisset, non humanam, sed diuinam prædicauit.

Pinti.

*Si vos tempus idem pernoſſet : tu ne fuiſſes
 Sape tot in templis culta Minerua tuis ?
 Dixiſſent homines : non tu , ſed clara cerebro
 Fluxit in has terras Angela nata Iouis .
 An ne eadem illius germanæ dicta tuliffes ?
 Aemulus unanimis nos adyſſet honos .*

Eiuſdem .

*Altera Geneura eſt , Laura hic eſt altera , Iſotta
 Tertia , femineas trās habet urna togas .
 Si patriam queras : Verona eſt , magna Catulli
 Carmine , prædoctis maior at hiſce tribus .
 Ore ſinos vates nugales edidit ille ,
 Seria & hæc culta compoſuere manu .
 Si genus : eſt patri lunatus calceus harum ,
 Non dùm auras ferijt gens Nogarola tuas ?
 Quæ plura hinc capies , cineris dùm cernis aceruum ?
 Tres ſimiles tribus hæc continet urna Deas .
 Geneura , Aglea eſt , Laura , eſt bene compta Thalia :
 Virginea Euphroſyne eſt altera Iſotta coma .*

Iſabella Andreina.

32
 COMICA
 LLVSTRIS



Omico iocandi genere , ſed eleganti , interdùm ingenioſo , ſententias in ſcena Iſabella Andreina obloquebatur . Ex antiqua Comœdia urbani-
 tatem , ſaleſq. ad hæc noſtra tempora tanta cum modeltia tranſtulit , vt non Comicorum ſtylo verba pronunciaret , ſed eorum more , qui aut pro roſtris dicerent , aut panegyricos pertractarent . Intercedebat aliquandò , ipſa actrice , grauitas , & Attica fluebat facundia , in qua omnia & ſuauitate placerent , & maximo decore delectarent . Nihil in ea ſpectabatur vitioſum , nihil quod non com-

commendabile potuisset existimari. Peritos arte Roscios edocebat, dùm amando, differendo, confutando, affirmando ad res à Natura eam intelligebant fuisse conformatam. Quid, quòd scenam ipsa sapiùs scholam reddere visa est, in qua non spectatores, sed auditores in concione absiderent Philosophica, & Astrologica exercitatione? Suiipsius illa comis artifex, eloquio, & specie, Corhurno, & Socco, Suada, & Venus, theatri decus ad amorem incendit, ad concinnitatem allexit, ad omnem leporem inuitauit; postq. plausum cantauit, saltauit, & placuit. Volumen Lyricarum compositionum edidit, Cinthio Albrandino Illustrissimo Cardinali dicatum, in quo ingenij vires, & acumen curiosis propalauit.

Pinti.

Quid mora? è scena latebra, Andreina,

Exi ut in focco tabulata quasses:

Speçtat illustris te hominum corona

Dulce loquentem.

Peruolat vultum Venus, & Cupido,

Atticum toto fluit ore nectar,

Ridet hanc circum tua perpolitâ

Musa, Terenti.

Exi, ut hinc curas animis repellas,

Nam vales lato eloquij nitore;

Arte mira omnes salibus, iocisve

Pellicis aures.

Exi, ut in risus moueas sedentes,

Vt tibi primas phyliras capeffus;

Hinc ut elata à celebri virorum

Laude recedas.

Eiusdem.

Quæ nosti verbis aurem irretire, mouendo

Labra, oculos; nuper quæ mihi visa loqui es:

Cui Charitum inuidit princeps Aglaa leporem,

Inuiditq. suum cui Dea casta decus:

Cui

*Cui fari Rosci decuit Comæde : frequenti
 Primus in orchestra sit tuus artis honos ,
 Cui vel sistebas Siren cum pleetra cieres :
 Prò dolor angusto hoc saxo Isabella latet ;
 Delicium latet hic Equitum. TV fide: voluptas
 Rebus ab humanis dùm cito fluxa cadit.*

**Leonardi Todeschi Med. & Phys.
 Anagramma .**

LIRA NE, AN LABRIS DEA .

*Tanta Isabella tuam decorat facundia linguam ,
 Seu laxo, stricto seu pede verba liges :
 Et calles tanta arte fides procurrere dulces,
 Seu malis pleetro, pollice sue velis.
 SIS NE LIRA, AN LABRIS DEA nullus ut ambigat ordo ;
 Cum Dea sis labris, sis & habenda Lira .*

**Francisci Polæ I. C. Veronensis
 Anagramma .**

ALIA BLANDA SIRENA .

*Dùm tu Isabella micæ pleno Andreina theatro
 Ingenio, facie nobilis eloquio .
 Ecce ALIA hoc SIRENA quo tu BLANDA videris ,
 Sic tua te lepide nomina versa ferunt .*



Cleobuline.



India, quam prospicis, mulier est, Cleobuli
Sapientis filia. Versatile huiusmodi coluit
ingenium, vt in omnium rerum cognitio-
ne, ænigmatibus, atque griphis scateret.
Ideò sapiens. ideòq. elata, atque arguta.
Quæ mens rerum inuolucris, longèq. pe-
titis concipit, iisdemq. Naturæ parturit

33
ARCANO-
RVM EX-
PLORA-
TRIX.

arcana, ex intimis Sapientiæ fontibus haurit, & secreta qua-
dam vbertate copiam profundit. Eò sublimiore acumine mulier,
quòd abstrusa isthæc, & difficilia tanta felicitate consequeretur.
Celebre de anno ænigma eadem commenta est; Vnum scilicet
esse patrem, duodecim filios, eorumq. cuiuslibet liberos triginta.

Pinti.

*Quanam sub tumulo 3 gnata Cleobuli,
Tantum quæ ingenio polluit, arteq.
Tamve ænigmatibus quæ faciles vias
Soluendis habuit, quæ Sapiens fuit;
Multa ex ore dedit, multa manu dedit.
Hæc non lanificis nata, sed inclytis
Rebus: mas fuerat, non mulier, male
Sit quæ apta ad calamos, apta male ad libros;
Tantum femina cum didicerit, parum est &*



Maria Gornacensis.

34



Novum monstrum, & nostri sæculi verã Theano;
Lipſius appellat admirabilis ingenij, cultiſſimæ
lectionis, ſingularis prudentiæ nobilem Vir-
ginem in hoc theatro propoſitam. Maria Gor-
nacenſis hæc eſt, omnibus ijs ornata, quæ vix
cadere in muliebrem ſexum credit iudiciorum

ille Princeps; & quæ dubia incredulitate exploderet, certa fide,
varijs argumentis in ea eſt admittatus; tũ præſertim, quod ſin-
gulare iudicium de magno quodam viro adoleſcens protulerat.
Multa ediſcere, innumera poſſe ſcribere, delicatæ indolis mulieri
dabitur. Sed κρίνειν, ſed δικάζειν λογιστὴν εἶναι, obſcuras mentis
ambages enudare, malè ne, an benè factum ſit liberè eloqui, in
ſummo intellectionis faſtigio poſitum eſt, quod cũ quis atti-
gerit Herculeo labore Anthem viciffe non dubitabit. De Græ-
co hæc idiomate huiuſmodi decernit, vt ex ea doctiſſimi viri iu-
diciũ quærant; & Latino tantum excellit, vt paucos ad eius
candorem accedere poſſe affirmant. Quod ſi cũ Lugdunum
eſſet ventura, concepto voto his verbis ab eodem Lipſio excepta
eſt, *O mihi lucem, quã te propius norim? non enim dicam probius;*
adeò ſatis te noſſe videor è pauculis ſcriptis, atque adeò vel ſine
ſcriptis; cur voti cauſa, quo me tot virtutibus obſtrictum puto;
non datur in eas regiones peregrinatio?

*Indicare
equum effi-
ciat fieri.*

Pinti.

Si nomen Mariæ: quid tibi dulcius?
Si ſermo latius: quid tibi cultius?
Si quis ſcripta legat: quid ſibi doctius?
Si quis te videat: quid ſibi pulchrius?
Si quis te audierit: quid ſibi gratius?
Dilecti ſuperos virgo? quid altius?
Si ſors parca fuit: quid tibi tutius?

Duxiſti

*Duxisti hanc nibili? quid generosus?
Te Lypsus celebrat? quid tibi clarius?
Laudant Oenotrij? quid sibi dignius?*

Vrsina Caualletta, Liuia Peparàra,
& Tarquinia Molza.

A Vlam Alfonſi Eſtenſis Ferrariæ Ducis (quem 35 36 37
mœſta luget Italia, cuius lumen tanti Principis
interitu reſtinctum eſt) tres Muſæ nouum Par-
naſſum effecerant, quæ quotidianis ſtudioſorum
exercitationibus Atticæ diſciplinæ inſtituta, &
Gymnaſij leges alacri, & vegeta ſedulitate cū
totius Europæ admiratione, conabantur æmulari. O domus An-
cai. Stantem florentiſſimæ domus columnam fortuna proruit;
nec Arioſtos, aut Taſſos, nec Molzas, aut Guarinos, nec quot
Itala tellus protulit doctos viros Ferraria domicilio excipiet, vel
in Academiaſum conſeſſu audiet. Sed nec inter choreas Nym-
phæ corollas neſtent; nec fortasſe iocūda cœli ſerenitate æquor
florebit agrorum, aut quæſtuosa fluctuabunt in ſegetibus vndæ.
Cultorem habet proſectò, qui raſtris prudentiæ nouerit glebas
inuertere; Non tamen ſemper idem Agricola. VRSINA Caua-
letta hereditariæ apud illius illuſtriſſimi Principis Aulicos (quos
eruditifſimos vndique præmiorū ſtimulis ad eam nobiliſſimam
ciuitatem incendebat) omnium doctrinarum dignitati adipiſcen-
dæ, curis peruigilibus, incubuit; virtutiſq. apicem tranſcendere
viſa eſt, cū Latinæ, & Italæ linguæ gemmis ornata, ſummo ni-
tore eximijs Poëtis omnibus illuxit. LIVIÆ Pepararæ, Callio-
pis voce, Melpomenis cantu gloriam, quis non inuidus conſequi
exoptauit? TARQUINIAM Molzam, diſciplinariū ſplendore, lin-
guarū omnium peritia conſpicuam, quæ ex Charitum ſinu omnē
leporem rapuit, quis efferat? Maiorum ne gloria eā laudet, an in-
genij felicitas? Nihil horum. Iulia Eſtenſis Mutinæ felicifſima

Princeps institutione laudet, & contubernio. Tantæ Heroinæ;
 admirabilis ad omnem maiestatem indolis promptæ laudem,
 tantum sibi emolumenti allaturam Tarquinia animaduertet;
 quantum mihi, si à Serenissimo Cæsare præstantissimorum Du-
 cum exemplo, in suos adscitus fuero, gloriæ, & honoris accessu-
 rum intelligam.

Pinti.

Tanta paruus honos VRSINAE marmoris extat ?
Hanc miror, cur non aurea saxa tegant;
Miror & Eridanus cur non de limite turgens,
Exierit, tumuli bella mouere solo,
Incusans Mortem dicta hæc cum prompsit ore :
Nympha Vrsina meo quò fugis umbra sinu ?
Te rapta doliturus ero, Phaëtonte sorores
Extincto ad ripas ut doluere suo.

I I.

Calliopes tumulo tristem dat tibia vocem,
Questibus & reliqua complent hæc ossa Camæna,
Diana hic, & passo lacrimatur crine Minerua.
Non audis, non ista vides ? PEPARARA, viator,
Liuiæ sub lapide est, quis non hanc desleat ? ampla
Regna Padi, ferri dicta vrbs de nomine deslet,
Cuius ab ore auri magnam vim ceperat, auro
Ni quouis melior cecidit sonus ore puella.
Non Dux magne gemis ? PEPARARA hoc abdita busto est
Illa tua illuge magno Duce nate parente.
Delicium fuit illa patris, fuit inclytus aula
Splendor : in extinctum querulos det tibia cantus.

I I I.

Siste hospes : tumulo TARQUINIA hoc latet,
Molæ gentis honos Eridani decus,
Mater clara suo pignore nobili,
Aequæ ac clara suæ munere Palladis,
Vileus spreuit amans hæc calami colos,

Doct.

*Docto docta suo perplacuit Duci,
 Vel si verba manu, dente vel edidit.
 Vt casta hac tenuit corde Lucretiam,
 Sic sædum timuit Tarquinij scelus;
 Quin victis merito Tarquinij's dedit
 Nomen. casta dies femina transigit?
 Illud maius habe, quàm si omnia de schola,
 Tanquam fonte, bibat plena volumina,
 Quàm si castra suis viribus arceat.*

Frànca Illyria.



Vm classẽ in expeditionẽ contrà Venetos
 Selimus Thraciæ Imperator anno 1570.
 eduxisset, & in Cyprum insulam cogitaret,
 dùm maritimam oram legeret, militum ma-
 nus ad Antibarim appulit, vicina oppida,
 & agros direptura. Obuiam inscia processit
 nobilis virgo, cui nomen Franca Medi-
 mnouicca, quæ hostium aspectũ pertimescens, in certam, & pe-
 riculosam fugam inter saxorum asperitates se coniecit. Barbari
 non improbè partam prædam arbitrati, si eam captiuam duce-
 rent, fugientem haud impigrè sunt insequuti. Generosa tamen
 virgo cum animaduernerit aditum sibi aliò non patere, ex pen-
 denti saxo maluit in maris vndas se præcipitare, quàm Scythæ-
 tum immanem seruitutem subire, & inuitam violari. Saxa per-
 petuum nomen sortita sunt, quæ deinceps ab accolis *Die uineze*
stine (virginis scilicet saxa) appellata fuere. Quid? Illustrius no-
 men hisce saxis virginitas, quam Fortunatis insulis rerum vber-
 tas comparauit.

Pinti.

*Saxa hac præcelebri prædita nomine
 Flexis nauta subi poplitibus, decus*

Debetur

38
 VIRGINI-
 TATEM
 SERVAN-
 TES.

Debetur niueo pectore virgini
 Hoc Franca Illyrica, quæ in Thetidis sinu
 Promeruit tumulum mersa, feros Equos
 Hostileis, furias & sceleris vetans.
 Quæ mortalis erat, Nympha maris diu
 Neptuni à cycthis tempora transiget;
 Hanc & Phorcus amat munere regio
 Ditem, splendida sub tecta corallijs.
 Sed quid fœcta cano? Franca domos habet
 Diuum. non habet: hæc atra sibi intulit
 Quamuis non gladio lethiferas manus.
 In caris habuit pura? quis efferat
 Paucis? præcipiti de salebris pede
 Se in pontum dedit? extolle animos. scelus
 Non est: virgineus flos manet? haud scelus.

Placida Campana. Hippo.



39 **M**axima ad Campanæ vrbis gloriam accessio
 Placidæ puellæ pudicitia facta est. Iniecit in
 eam oculos Gallus miles, ex cuius aspectu cum
 in petulantis animi libidinem Cupidinis flam-
 ma irrepsisset, atque ita, vt præcordia sensim
 lambens, vehementi tandem impetu ad mentis
 fomitem exiliret, tantum creuit, vt totus exardens illico conflag-
 rarit. Nec potuit vnquam puella nefarium virum pudicæ fron-
 tis nubecula, quæ ingenui minabatur animi procellas perterre-
 re. Ad Vulturii ripas digressa, ne per vrbis compita militem ob-
 uium haberet, suo malo ad ripas ambulantem reperit. Nactus
 ille tunc loquendi occasionem (faciebatq. animos loci solitudo)
 puellam adiuit, blandisq. verbis alliciendam ratus, nullum fa-
 cundia locum prætermisit, quo se præberet venustissimæ virgi-
 nis amatorem. Surdæ tamen fabulam narrans, ab amore ad ve-
 cordiam, & amentiam funesto vultu cruorem minitans, se pro-
 fudit.

fudit. At Placida, cùm facinorosi hominis crudelitatem euadere non posse sibi persuasisset, se voti compotem eum facturam pollicita est. Et dùm paulatim ad ripam accessissent, dùmque conscia futuri facinoris, vultu, gestuque eum irretiret, præcipitem subdolè se dedit in aquas, & fluminis vorticibus absorpta, Tyrrheno mari cõdita est, vt tantæ virtutis, & castitatis, nõ Vulturni solum gurgitem, sed præconem etiam haberet Oceani vastitatem. Græcam hæc superauit Hipponem, quæ seruandæ castitatis causa, è naui se in mare proiecit, & in Erythræo littore condita est.

Auctoris.

*Fluctuago assuetus Panorum vertere cursus
Corpora iam rapidis obruta vorticibus,
Tyrrhena exanimem dùm voluit ad ora puellam
Quam videt extinctam captus amore procius,
Vdam Vulturinus complexus gurgitis urnam
Atque coma marens testus Arundinea
Hæc ait; Et Tyberis non me nobilior, arte
Clælia quòd magnis lauerit ora vadis;
Nec me nobilior Luna, Phæbiq. sororum
Quòd biberit lacrimas corniger Eridanus.
Virgineos manes dùm colligit unda, superbo
Castus Honos effert clara trophæa toro.
Consequimur laudes, Fama præstamus uterque,
Placida Virginibus, ast ego Fluminibus.*

Fabij Leonidæ.

*Placida lasciuos cùm Galli audißet amores
Hincq. urgere preces cerneret, indè minas;
Ridentem sese illa prius, simulatq. volentem,
Vulturni & rapidis lenta propinquat aquis
Hinc verò; Nostrum ne (inquit) scelerate pudorem
Barbare, sic te armis vincere posse putas?*

Nescius

*Nescius est vinci inuitus pudor, ille superba
 Flumina, terribiles non timet ille faces.
 Idq. meo exemplo discas: sic satur & undas
 Ocyus in medias se moritura iacit.
 Felix o virgo, & cunctos celebranda per annos,
 Cui potuit vita carior esse pudor.
 Nunc iuuenis stulti Icarium mare nomina iacet,
 Vultur nus fama est si meliore nitens.*

Pinti.

*Cur non Vulture est Placida de nomine nomen?
 Sic mare Dedalida nomine nomen habet.
 Nomine st Placida, casta de virgine sumpto,
 Ires: decursu quam meliore fores.
 Quin si olim dulcis non hæc tua lympa placebat
 Ob Placidam, o Fluuium quam mihi prime places?*

Micca Eliensis.

40



Abuere Miccam ciuem Elienses Philodemi
 filiam, quæ vna patriæ, seruata virginitate,
 omnia laudis attulit ornamenta. Moribus,
 & forma excellentissima, à quodam Leu-
 cio Tyranni satellite adamata est, qui mi-
 nas, atque vim inferens parētibus, vt vltro
 ad se virginem mitterent, petulanter impe-
 ritabat. Hi sanè, quòd eius ebrietatem perferre nequirent, eam
 rem adolescentulæ inuiti persuadebant. At illa paternis genibus
 aduoluta, amantissimè obtestabatur, atque obsecrabat, vt turpis-
 simū flagitium aliquo aut honestatis, aut pietatis præsidio auer-
 teret; mortuam potius, quàm turpiter, amissa virginitate, viuen-
 tem intueretur. Quid suauius, quàm virginitatem mortis sup-
 plicio tueri? Quid detestabilius, quàm dedecoris, & ignominie
 fama notari? Longa cum traheretur mora, libidine, & amentia
 raptus

raptus Leucius, ad mulieris aedes erupit. Sinus patris amplexam Miccam, violenter humi strauit. Mox laceratis vestibus, nudatam grauissimis plagis afflixit; neque vox inter dolorem, crepitusq. plagarum audita vlla est. Acerbo tunc spectaculo, qui domi erant commoti, indignis contumelijs affecti, Deorum opem implorare. Verum vino, atque ira percitus amens, in patris gremio, ad quem confugerat, pudicitiae seruatricem miserimè iugulauit.

Pinti.

*Quò te obscène trahit furor Lyæi,
Satelles? Vocitande Ditis atri
Satelles? rapiende per caminos,
Omni flamma quibus perardet aëo?
Nunquam Mæcha fuit decora Micca.
Te non Micca mouet misella Virgo,
Amans Virginei sui pudoris?
Insanum ne ita te dedit libido?
Deum prob pietas, virumq. Parua
Amens insequeris genas puella?
Hoc ne audes facinus patrare? Mauris
Peius quid faceres Leana, & Vrsa?
Micca haud est fera, sed tenella virgo
Cauens contaminare cordis album.
Manus dedecore abstine satelles:
Vagina reprimas trucem macharam,
Prius cum patiatur hac subire
Necem, quàm maculare Micca florem.
FLOS est virginitas. opem parentes
Nata fert citi. pudor calenti
Quicumque à Venere absuit calorum.
Lixarum impietas modos habere
Nullos nouit. opem satis valebis
Tu mens ferre piam superna cali,
Florem hunc ne famulus premat Tyranni.*

Ee

Silua

*Silua hùc egredere hùc tua Diana ,
 Ciues numen amant tui Elienses ;
 Sat venata cane es . perempta Micca est ,
 Micca est illa tuo timens decori :
 Luge, & vos Charites bumate Miccam .*

Diana Moscana .

47



Index Diana Moscana Consentina tanti scele-
 ris, quod antè commemorauimus constituta
 est, vt præsentis poenæ metu, virginum castitas
 non violetur. Hæc ignobili loco nata, sacris
 induta vestibus, textrinam exercens, victum
 quæritabat. In eam oculos cùm iniecisset Fa-
 bius Cappellus, & nec muneribus, nec minis potuisset contami-
 nare, texentem aliquandò illiberalibus verbis accepit, mox di-
 stricto pugione perterrere conatus est. Ea verò audax honore,
 insana pudore effecta, securi percussum libidinosum amatorem
 interemit, remq. tribus diebus oculuit. Cùmq. facinus Magi-
 stratus reseisset, non modò homicidij rea facta non est, sed eius
 virago plurimùm fuit collaudata. In violentem virginem, vin-
 dex Deus illicò efficitur.

Th. Natalis Budislanî Marcanens. Episcopi.

*Sceno acos scena, vecchia si neg ona
 Ca dobi Olferna viliti Sansona .*

Pintus è regione Latina fecit .

*Si es mulier, mulier, vicit, na maior es illa,
 Aut qua Olophernem, aut qua valido Sansona capillo .*

Pinti .

Pinti.

*Illa sub hoc, hospes, dormit textrícula busto
 Moscana, in Veneto ter venerata solo.
 Hæc, Pergæa, tuo gauisa est nomine, mores
 Est meditata tuos, est imitata tuos.
 Visa sit hic anceps ferro fabricata bipennis,
 Immista & niueis lilia cana rosis;
 Lina hic visa colo pendentia, forscit tela,
 Cuncta Diana sibi hæc symbola iure petit.
 Nens, vel lasciuum texens occidit amantem:
 Paruum ne hoc facinus virginis esse putas?*

I I.

*Quid sibi picta velit, lateo, ista secesspita saxo:
 Moscana hoc textrix est sita sub tumulo.
 An scelus admisit? Nullum. Interfecit amantem
 Ne decori maculas funderet ille suo.
 Huc ades, & niueos patera perfunde liquores
 Diana, rosis Diana lilia texe tuæ,
 Quousque hinc exurgat, forti munita securi,
 Hic ex Nympha tuis pulchrior esto vigil.
 Huc valida, & casta paruum pro Virgine donum est:
 Non maiora meret Virginis auctus honos?*

I I I.

*Si nescis, iacet hoc tumulo Moscana, viator,
 Quæ ingentis animos virginitate dedit.
 Texendi arte valens vita pracidit Amantis
 Telam animosa sui, ne violanda foret.
 Tanti est virginitas, tanti dignatur honore,
 Assis & hanc vilis tu tamen offis habes.*

I I I I.

*Virginis hic ultrix merito est exsculpta securis,
 Repperit hæc inter clara trophæa decus;
 Quin, si danda esset, maiorum, victima, more,
 Artis apta foret quam bene sacra Deo.*

Sempronia Spathaphora.

42
ZELOTY-
PAEINTE-
RITVS.



Alteram quam contrà Imaginem conspicias, cui
venenatum poculum Eumenides suppeditant,
Semproniæ Spathaphoræ Consentinæ nobilis
mulieris est, quæ quòd egregia forma inter
alias eniteret, & viro deformiori nupta esset,
ancillam perditè amanti, tantum doloris ani-
mo concepit, vt non multos post dies pepererit interitum. Do-
luit non tam coniugis turpitudinem, quæ in deformitate corpo-
ris plurimum habet offensionis, quàm deprauationem, & turpi-
ficati animi foeditatem, cùm neglecta vxoris optata venustate,
abiectæ mulieris pudicitiam deperiret. Cùm denique omnibus
artibus ad amorem sui virum frustrà prouocaret, hausto veneno,
medicorum curatione reiecta, lubens emori voluit. Impudicis
virorum moribus, muliebris simplicitas sæpenumero contami-
natur.

Pinti.

*Dā, cur Eumenides huic simpula plena veneno,
Suppeditant, pulcris quæ mouet ora genis ?
Coniugis illa sui (turpis licet) arsit amore,
Inde sibi quisquam nec veniebat amor.
Ille suæ (heu misere) seruæ ille libidine captus,
Fugerat vxoris quodque cubile suæ:
Sic spreta ille, inquit, viuam sine coniugis usu ?
Ditis, apud Manes, forsitan vxor ero:
Sic ait (ausa ferum scelus id committere factis)
Ebibit & lethum, nec scelus esse putat.
DILIGE vir sociam: inconcessa stragula temne,
Aut sine lege tori, tutus ubique mane.*



Brianna Aquiuua ab Aragonia.



lifica in aduersis rebus (quibus mortalium animis licet benè constitutos, Fortuna perturbare, tùm sapiùs solet euertere) tolerantia, magnitudo consilij, rerumq. humanarum contemptus, Briannam Aquiuuam ab Aragonia, Neritiorum Ducis filiam, primariam, atque illustrissimam Matronam, in cœlum extulere;

quibus virtutibus longè omnes, multumq. in perferendo viro superauit. Quot modis in eam sæuijt constantiæ inimica? Quibus artibus, dùm omnem impetum in eam cōuerteret, proprium eidem extorquere consilium conata est? Sed quanta fortitudine, stabilis iudicij conseruatric, eas res subiit, atque repulit, quas alij formidolosæ arbitrantur? Contrarijs vicit artibus, & de iacente, atque inclinata inimica triumphauit. Illustri ore loco eius laus sita est, qua maiorum gloriam excelso animo deuicit; quæ res domesticas, & subditorum ea prudentiæ solertia studuit moderari, vt in administrando, grauiore quosque viros, & sapientiores exaquarit. Anteaquæ vitæ, & morum felicitatis, exitus suarum laudum æmulus, testatus est. Cùm enim exhalasset animam, lucidissimam è cubiculo facem exeuntem, & in aëra sese extollentem conspexere, qui aderant, non Etrurcorum consecrationis symbolum, sed Christianæ veritatis inpatientissima muliere argumentum.

Pinti. viuenti illi.

*Rebus in aduersis semper tolerantia laudis,
Quæ viget in paucis, munere digna fuit:
Exigit à vobis, Musæ, hoc Aquiuua Brianna,
Exigit, atque datos ex lyra, & ore sonos.
Ante illam suauis saltem fundantur odores.
Nympha leta manus ibura Salua ferat.*

43
ALIIS,
PRAETER
ANIMI PA-
TIENTIAM
VIRTUTI-
BUS DE-
CORA.

*Ast nihil huic opus est odor, huic non denegat illum,
 Rara suis virtus quam dare saepe solet.
 NA virtutis odor redolentia balsama vincit,
 Hunc & quisquis habet, sat bene olere potest.*

Pinti. mortuæ eidem.

*Laue hoc marmor habet, quæ fuit inclytis
 Cordis perpetuò prædita dotibus,
 BRIANNA aruicole gloria Neriti.
 Ducis de celebri sanguine.
 Viuas Nereidum de pateris aquas
 Fundat plena manus; spargite flosculos,
 Musarum pueri. Sustinuit grauis
 Iugi connubij pondera.
 Hac vexata diu rebus ab asperis,
 Non imos animos, coniuge, protulis
 Insesto. omne habuit perpetuens malum,
 Dei ardens studio dulcius.
 Illi delicio nil fuit ex bonis
 Fortune, nihili duxit in omnibus
 Extolli cumulis munera subditum,
 Amans soli poli præmia.
 Estisne immemores luminis illius,
 Quod fax clara dedit funera post, domo
 Egressa alta petens sidera, ubi suum
 Beata obtinuit lectulum.*

F. Albini.

*Lacteus orbis inops niuei iam lactis egebat,
 Et polus ardebat sidus habere nouum.
 Lumina cæcus amor cupiebat, Solq. Pyropum,
 Et rete intexens aurea fila Venus;
 Hinc cito tu superis, cæloq. inuecta triumphas,
 Et diuisa pio sunt tua membra polo.
 Ora polus: Sol labra habuit: via lactea pectus:
 Et Venus alma comas: lumina sumpsit Amor.*

Maria

Maria Puteolana.



Vo præcipua in Maria Puteolana robur, & castitas, fuerunt admiranda. Coortis inter ciues discordijs, & armorum flammis vndique excitatis, virilem ipsa speciem induit, & continenter armis recta, nullam subire pugnam inter bellatores recusauit; adedq. se formidabilem pugnano reddidit, cum præsertim prima in aciem rueret, prima hostem prouocaret, prima telorum ictus exciperet, vt nemo cum ea congredi auderet. Cum finitimis bellum hereditarium gessit, tanta animi, & virium præstantia, vt sola interdum pugnae labores sustineret. Frigoris, caloris, famisq. patiens sub dio pernox versabatur. Herbosum sibi cespitem, vel clypeum sternebat, atque humi iacens vires addiderat ossibus duriores. Experiendæ mulieris aliquandò cupiditas plerosque incessit, Puteolosq. profecti, vt aliquod virium argumentum ederet obsecrarunt. Graue saxum, & ferream trabem iussit afferri, quæ cum in medium proiecisset, vt tollerent, hortata est. Diutius certatum. Ipsa facillimo iactu præstitit. Afferat Puteolanis bellatrix mulier, maiorem gloriam, quàm Thermæ, quàm ignitæ Crateres, aut Augustorum Portus; nec tantum sibi fumant in Phlegræis campis, quantum Mariæ virtus, ossa Gigantum. Sed quid maius in muliere exposcis, quàm inter armatos viros Virginitatem tueri?

44
FORTIS,
ET CASTA

Pinti.

*Siccine pro speculis contendis spicula cornu
Virgo Dicharchæi gloria magna sali?
Arcus prove acubus tractas, Mauortia tela
Pro telis, libuit miles & esse foris?
Siccine corde vales? fragili non femina mente es?
Et castrum in castris ausa es habere thorum?
Non, ait. Ista iugis, leuibus non dextera fufis,
At fufos hostes cernere nata solo est.*

Nec

*Nec te, cum turpi, cui vident ocia, luxu,
O pecus ignauum, tanta Virago mouet &
Eiusdem.*

*Quo te animosa pedes & Mauors ne ubi perstrepat armis &
Tuta ne in aspectu Virginis arma putas &
Res est virginitas varijs subiecta periclis
Pulcrrior in laribus, militiaeq. magis.
Quàm rarus miles Veneris qui frangere suafus
Didicit, & niueos non maculare thoros.*

Phia Cinnama Amalphitana.

45

RUSTICA,
ET PRV-
DENS.



Vò sterilior opibus, eò Naturæ diuitijs opulentior Phia Amalphitana facta est. An infœcundam dixeris, quòd inter paupertatis fines, decem & nouem filias in lucem ediderit? Vel maximorum Regum oculos, & animos tot filiarum numerus perterreret. At feminula hæc tantum contrà egestatem roboris sumpsit, vt nunquam difficultatibus, quas propositas interdum muliebri puido animo extimescebat, verita sit audacter occurrere. Hortum quem conduxerat, non amœnitatem, sed fructus sibi suppeditare arbitrata est; atque huiusmodi eo se oblectabat, vt sudorem, quo rigabantur olera, vberiùs filiarum dotem, quàm herbas enutrire debere existimaret. Creuitq. paucos post annos res amplior, & absque viro omnes filias in matrimonium collocauit. Quàm sæpe rudes animos, honoris auiditas maximè excoluit?

Pinti.

*Si large natura genus muliebri perauxit.
Nil mirum: graio nomine nomen idem est.
Eiusdem.*

*Orta superstitio recum est si femina; cede hinc
Maribus infelix ne paritura fies;
Cede hinc, illa Phia est cumulo, Phia semper egena,
Femellas semper cui mala Iuno dedit.*

*Illa ex hisce nouem, atque decem commisit in auras,
 Has aluit, cunctas iunxit & hanc viris.
 Mutauit fortuna vicem, gauisa nepote est.
 Commoda quid tanta hæc suppeditauit? olus.
 Te, quæ vel binas desperas tradere natas
 Posse toro: multis non iuuat aucta Phia?*

Lucretia Alanea.



LX Nicolao Alaneo (quam familiam Amalfia paulò antè Ladislai Regis ætate Neapolim transtulit) Hugo, & Marianus filij prodire; plures verò filia, quarum venustatis præstantia principem Lucretiam, Alfonsus primus tam constanter amauit, vt solam semper in oculis ferens, verba laudaret, sapientiam admiraretur, vt veluti Regi-
 næ honores deferendos iusserit, nihilq. sibi proposuerit iucun-
 dius, quàm explosis alijs Lucretiam intueri. Plurimum videba-
 tur à Regia maiestate detractum, quòd. dùm nemini ad eum pa-
 tebat aditus, nisi annuente Lucretia, suæ videbatur existimatio-
 nis oblitus, qui nobilissimæ Hispaniæ parti, Corsicæ, Sardinia, Siciliæ imperitando, post Italiæ plurimas sibi prouincias subie-
 ctas, post fortissimos Duces deuictos, ipse victus mulieri suc-
 cumberet; quodq. incredibile videretur, nisi Michaelis Ricci scripta testimonium facerent, sterilitatis nactus occasionem, ad Pontificem Legatos misit, qui peterent vt Mariam Castella Re-
 ginam dimittere, & Lucretiam matrimonio copulare liceret. Quod de Legatis refert Riccius, ad opinionem refert Pontanus, qui ait; *Hæc illa est Lucretia, cuius per orbem terrarum amores*
fuere quàm nobilissimi. Eam Alfonsus adamatam propter formam,
qua præstabat excellentiam, suauissimæ etiam puella illecebris
senex ipse delinitus, diuitijs, opibus, ac Ætateq. ita extulerat,
vt plerique arbitrarentur, si Maria vita excessisset, legitimè
eam uxoris loco habituram. Hugonem Pueli Comitem, Re-

46
 REGIS
 AMASIA,
 SED PV-
 DICA.

gniſq. Cancellarium; & Marianum Bucclanici Comitem in eius gratiam creauit, tradita in matrimonium Catherinella Virſina Ioannis Manupelli Comitſ filia. Quid de amante ſene illo dicam? Caſtiſſimam ſuam Venerem ad Græcam Turrim, in qua Lucretiæ ædes erant, ad littoris oram inter vndarum ſpumas obſeruabat, cum ne ab illa decederet, cum illa omnibus horis verſaretur, rudem nec Rege dignam habitationem incoleret, vt ab ea diuelli non poſſe, vel hoc amoris ſymbolo ſignificaret. Sed cum corruptæ pudicitæ rumor, & ſuſpicio irrepliſſet, *Virginitatem* (dixit) *nolenti mihi vnquam Rex auferet; quàm ſi auferre tentauerit, non imitabor Lucretiam Collatini coniugem, quæ admiſſo ſcelere, mortem ſibi conſciuit; ego enim facinus morte præueniam.* Ex ingenuo, & nobiliſſimo hoc animo maior fortalſe vis amoris in prudentiſſimo Rege exarſit, qui lepidulas puellæ blanditias deperibat. Hanc aduerte. Superſtitioſa adhuc Neapolis in vigilia D. Ioannis Baptiſtæ, virgines hordeo teſtam ſerebant, futuri matrimonij tempus auguraturæ, eoq. ludicro ſtrenam à prætereuntibus petere conſueuerant. In Regis omen teſtam ſeruit Lucretia, obtulitq. ad ſuas ædes vidēdam in Sellariæ Vico, vbi ſæpiſſimè in eius honorem haſtiludia fiebant, quamobrem D. Chiriaci ſacellum is demoliendum iuſſit, ne ludicris eſſet impedimento. Et audacter à Rege, qui cum nobilibus obambulabat, petita ſtrena, crumena per ſtipatorem tradita, vno denario accepto, *Vnum ſibi Regem Alſonſum ſufficere* dixit. Aleam mortuo Rege Fortuna permutauit. Ferdinandus, quæ à patre illi tradita fuerant, reſtituenda curauit. Ipſa cum Iacobo Picinino in Apuliam ad Ioannem Antonium Tarenti Principem conſugit; indè cum Ioannis Coſſæ filio in Dalmatiam, tandemq. Romanam, vbi Fato ceſſit. Aenariæ inſulæ Præfecturam, & dominium obtinuerat, quam coloniam Hiſpanorum victor Alſonſus effecerat, veteribus colonis expulſis, quam cum ipſa Ioanni Torellæ Antoniæ ſororis viro commendalſet, violata fide, reſtituere inſulam Lucretiæ contempſit. Dein, quòd intelligeret illam cum Andegauienſe Ioanne ſentire, re Ferdinando ſignificata, ab eo ſibi & urbem, & inſulam impetrauit.

Pinti.

*Alanea Alfonso victus languebat ocellis ,
 Cuius erat species , dignus amore pudor .
 Rex ita cum cæco decerperetur ab igne ,
 Sapius amissa matre dolebat Amor ;
 Nescientem hanc molles aliquandò sub arbore crinas
 Vidit , & approperans hos dedit ore sonos :
 Quò fugis , ò genitrix ? cui natum deseris ? illi
 Sic geminas duras nocte , dieq. moras ?
 Et quid , dulcis , ago , fili , te num latet ? inquit .
 Alanea Alfonso flamma vel ipsa sua est .
 Ardet , poscit opem ; Regi hanc prastemus uterque ,
 Ipsa mea hinc possum , tu potes inde tua .
 Rex viuus rapitur . certe , Lucretia , Regis
 Fortassis tanti te meruisset Hymen .*

Iustina Romana.



Vis credat maximam pudicitiam cum exi-
 mia pulcritudine coniunctam , quibus lau-
 des sibi plurimas solent mulieres compara-
 re , obesse aliquandò , & à virtute bonos ad
 perniciem , & exitium vocari ? Iustina nobi-
 lissima virgo , excellenti forma , locupletem ,
 at stolidum , & furem iuuenem virum ac-
 cepit ; cuius animus cum inter zelotypiæ tempestates agitari , &
 fluctibus absconditæ suspicionis turbari cœpisset (verebatur
 enim ne improborum audacia coniugis corrumpere castita-
 tem) candidissimam eius cervicem conspiciatus , subito furore
 correptus , inclinantem ipsam ad exuendum calceum , obrunca-
 uit . Crudeles cur non cecidere manus ? Cur flammis , quas ex-
 ceperat amoris , non exarsit ? Nunquam stolido nubat puella .
 Similem stolido inquinatum facio , & eum qui foetido ore teter-

47
 OR VIRI
 ZELOTY-
 PIAN MOR-
 TVA .

rimam luem inhalat. Venuſtæ virgini dùm copulatur fit ἀγάμος γάμος, & Mezentij Tyrrhenorum Regis pœna renouatur, qui inaudita crudelitate viua corpora mortuis colligabat.

Incerti.

*Immitis ferro ſecuit mea colla maritus,
Dùm propero niuei ſoluere vincla pedis.
Durus & antè thorum quo nuper nupta coiui,
Quo cecidit noſtræ virginittatis honos.
Nec culpa meruiſſe necem. bona numina teſtor,
Sed taceo fati ſorte preſumpta mei.
Diſcite ab exemplo Iuſtinæ, diſcite patres,
Non nubat fatuo filia veſtra viro.*

Pinti.

*Iuſta viro uſque fui claro Iuſtina parente,
Enſis at iniuſtus per mea colla furit.
Carnificis partus exercuit impius & vir,
Et ſerus ipſus pes tabulatâ dedit.
Nondùm tuta hic ſum, defendas marmore, ruſus
Ne vir & hùc in me ſuſpicioſus eat.*

Mulier Rhodiana, & Maria Eleazari filia.



Lluſtris feminæ Rhodiani belli ſcriptor nomen reticuit, quæ tamen facinoris præſtantia perpetuam ſibi gloriam apud poſteros peperit. Cùm Soleimanus Turcarum Tyrannus, Syria, Aegypto, atque Arabia Imperio additis, animin in Rhodum Inſulam adieciffet, cuius potiundæ maiores ingenti deſiderio flagrauerant, in qua Chriſtiani Imperij limites ad Orientem Equites Hieroſolymitani tuebantur,

bantur, maximæ, ornatissimæq. classis apparatu inuasit, atque atrocibus prælijs, omnibus crudelitatis exemplis in defensores editis, tandem in suam redegit potestatem. Erat ibi mulier ar-
cis Præfecto gratissima; quem ubi agnouit fortiter dimicando occisum, amplexa duos venusto corpore puerulos, quos defun-
cto genuerat, maternæ pietatis libatis osculis, & cruce ambo-
rum frontibus signatis, crudelitate in amorem sæuiens, ferro innocentes iugulauit, atque adhuc trementes, cum suppellectili in ardentem rogum iniecit, ne tantæ indolis liberi ingenuis, no-
bilibusq. parentibus orti, in barbaras hostium manus, in mise-
ram seruitutem, & turpitudinem dandi, deuenirent. Mox ama-
toris paludamentum sanguine madidum induta, eiusdemq. gla-
dio viriliter accepto, in medios hostes erumpens, egregia bella-
trix pugnando occubuit. Debuerat profectò Christiana mulier à tanto scelere abstinere; sed commiseratione idcirco digna, quòd barbarorum ferocia in suos eam reddidit ferociorem. An crudelior Maria Eleazari filia non dicenda est, quæ genere, fortunisque nobilis, in obsidione Hierosolymitana, puerulum, ne Romanorum seruituti addiceretur, quòdque famem diutius per-
ferre nequiret, iugulauit, comedit, & comedendum prædoni-
bus apposuit?

Pinti.

*Illius hoc Rhodia tumulo sum dextera, flammis
Que occisos natos subdidit atra suos.
Crudeli haud feci, prudenti at pectore; quin hoc,
Quamuis contrà habeas, non scelus esse feram.
Barbara seuitia in nostras quòd ruperat arcas,
Pane sui manicis serua reuincta feris,
Ter cruce, & hos genitos signata fronte peremi,
Oscula & ante illis ter lacrimosa dedi.
Hic ferro ferrum, saxis imponite saxa,
Ne cineres fiant vel mala præda mei.
Immo meis possis animos si inferre lacertis:
Prædoni, egrediar, quo noua pugna fremat.*

Epicharis.



Ilio Nerva, & Attico Vestino Cofs. coepta, & aucta est in Neronem coniuratio. Sed cum inter spem, & metum coniuratorum animi æstuant, Epicharis, re conscia, eorum ignauiam damnans, arguere eosdem, & accendere non definebat. Proculum Volusium classis Chiliar-

chum negotio adsciscere conata, decepta est, quippe quæ audierat, ad Neronem perfidus deferre non dubitauit. In custodia retenta est. Tormentis dilacerari iussa. Verberibus autem, ignibus, torquentium ira haud perterrita, obiecta constanter denegauit. Postero die cum ad eosdem cruciatus traheretur gestamine sellæ (sic Tacitus loquitur) nam dissolutis membris insistere nequibat, vin clo fasciæ, quam pectori detraxerat, in modum laquei ad arcum sellæ restricta, indidit ceruicem, & corporis pondere connisa, tenuem iam spiritum expressit. Clariori exemplo libertina mulier in tanta necessitate alienas, ac propè ignotas protegendo, ingenuos, & viros, equitesq. ac Romanos Senatores superauit, qui tormentis intacti, charissima quæque suorum pignorum prodiderunt. Leenam Græcam feminam celebrant, quod ne coniuratos Armonium, & Aristonem egregios iuuenes proderet, qui Hisparem immanem tyrannum occiderant, deficientibus in cruciatu viribus, quapropter cuncta se propalaturum existimabat, acri morsu linguam præcidit, & expuit, ut loquendi potestas nulla esset. Ea quæ nec facta, nec excogitata sunt vltro obloqui feminarum garrulitas, ritè facta, & præmeditata promulgat.

Pinti

Ducitur Epicharis, digitos post terga reuincta ;

E coniuratis vna animosa viris .

Iudicis os videt (huic iussus faciente Nerone)

Ebibit immanas & necis aure minas ;

Atque

*Atque ait : buc affer liſtor tormenta, prius nam
 Emoriar, quidquam quàm mihi ab ore cadat.
 Quid, Nero, vis ? aſtat mulier fortiſſima ; nil te
 Molita eſt contrà ; perſere mucro ſeri,
 Pulſi, virga, humeros, quantumuis cuncta repulſa
 Membra, etenim intrepida hac pectora ſemper erunt.
 Ictibus haud potuit reliquis euadere : cedit :
 Tandem obit : hac alijs ſit nece parſa ſalus.
 Te, quem vel viſa ignauum Pratoria terrent,
 Arguat exemplum, quæ hic iacet, Epicharis.*

Locuſta.



Amoſa veneficijs femina, famoſo vitij Imperatore interempto, inter eas adſcribi moruit, quæ magno aliquo facinore glorioſum poſteris nomen reliquerunt. Cogitabat de opprimenda Agrippina eiſdem perſuſus Claudius, & rationes inibat quo pacto Britannicum filium daret Imperio ſucceſſorem. Moliebatur contrà offenſa mulier eiſ geſta, & conſilia veneno perdere. Idq. cùm nec potu, nec eſca domi (cautius enim Imperatores ijs utebantur) efficiere poſſe cognoſceret, accenſita Locuſta, immedicabili Boletto venerum infudit, quod miſerabile lethum noctu Claudio intulit. Indè Neronis apophthegma, *Fungos Deorum eſſe cibos, quoniam Claudius Boleti eſu Deus eſſet effectus.*

Pinti.

*Hoc quæ ſub tumulo ſita es Capenæ,
 Cur non Caſaræ gulæ dediſti,
 Exceptas ſapido freto Locuſtas,
 Quibus ſub latitet Strygis venenum,
 Tantum quo citius ſcelus necares ?
 Merſum flagitijs cibo Neronem*

Perdiſ.

*Perdis. nã numeros meres Locusta,
 Meres & nitidum aureis lapillis
 Structum, Dædalea manu, sepulcrum.
 Vna at caussa tuos refellit ausus:
 Te rupisse fidem illius. celebrat
 Causa hinc altera; te malam Quiritum
 Omnem de medio abstulisse pestem.
 Quid plura? aligera cadant Locusta
 Locustam venerentur hæc volatu.
 Locusta intus adest. abibis hospes
 Boletos ede. protinus Locusta est.*

Incerti.

*Ille iacet, tristi clamat cui Claudius ore:
 Lethi Boleti caussa fuere mei.*

Laurentia.

52
 MERETRI-
 CIA PIE-
 AS.



Uerò Laurentiæ meretricis nomen ob-
 erit, quo Romanæ rei gloriam illustrauit?
 Appellet eam quisque Lupam, quod vul-
 gato corpore inter pastores quæstum fa-
 ceret. Ipse eam dixerim Romanorum ma-
 trem, quæ Romulum, Remumq. enutriuit,
 Romanæ amplitudinis conditores. Dixe-
 rim orbis terrarum domitricem, quæ suo Romanum nomen san-
 guine, populumq. orbis domitorem propagauit. Amulius,
 quem impium posteritas detestari non desinet, paruulos ad Ty-
 beris ripam exponendos iusserat. Laurentia cum Faustulo con-
 iuge (tanta persæpè in rusticis viget nobilitas) sustulit, & libe-
 raliter domi, quasi filios educavit. Quid in illiberali femina li-
 beralius? Sed quæ magnanima lacte, & educatione fuerat,
 quæ parens non modò sanguinis, verùm alimoniarum admini-
 stra extiterat, prodiga muneribus extitit, quæ populum Roma-
 num

num moriens opum, quæ sibi reliquæ fuerant, instituit heredem. At nunquam ingrati Quirites diuinis donantem muneribus compenfarunt, Festos dies in eius honorem Laurentalia celebrantes. Turpes dedecoris maculas, egregijs facinoribus deletas non ignoramus.

Pinti .

*Pignora quæ mammis dependent bina Lupinis ,
 Ne Remus alter erat, Romulus alter erat .
 Non Lupa lacte aluit, Laurentia comis alumna est ,
 Regibus expositis vbera rure dedit .
 Hæc princeps fuerat meretrix, tua, Faustule, coniux ,
 Hanc Lupa, & hoc meritò nomen habere ferunt .
 O magna scorti pietas : nisi, Roma, fuisset :
 Perdiderat Reges perfera belua tuos .*

Lais .



Non esset illustrium mulierum templo adscribenda Lais, quæ corpus, & pulcritudinem meretricibus artibus quæstui habuit, nisi aut illum sibi nobilissimè constituisset, dum nec illiberalis, nec sordida, summos viros admitteret, eos noverat fructus, quos splendidis lenocinijs comparabat; quamobrem excepit eam Corinthus, quò præclaros proceres mulier efficacius, quàm loci nobilitas, aërisq. præstantia inuitavit, aut eius formæ elegantia, cum Demosthenis sapientia non contendisset, qui scorto accensus, relicto Atticæ eloquentiæ Oceano, inter Aegæi inhonestæ Veneris scopulos, eximius Orator ad mollem, subdolamq. Syrenem nauigauit. Dicerem profectò Demosthenis omnem gloriam, atque splendorem in Laidis obscæna obscuritate fuisse deperditam; & indignam homine libero expectationem Græciæ meritò fuisse irridendam, nisi euentus rem longè diuersam demonstrasset. Cum enim noctis vnius operam decem millibus drachmarum diuendere

51
 MERETRI-
 CIVS LV-
 XVS.

dere'deliberasset; ab emptore responsum, *Nunquam tanti emere
pœnitentiam esse edoctum.* Auaritiæ illud tribuendum censuere,
quòd multos noueris, qui castitatis iura se tueri dùm iactant,
infimæ sordis scelere tegunt sanctitatem.

Pinti.

*Me pulcrâ tumulus Siceliden fouet
Sum quæ è Trinacria aduecta Corinthios
Vt quæstus facerem corpore sordidos,
Quæ nunc Tartareis in laribus queror,
Præclari, lacrimis plena, Philosophi
Hic Demosthenida, atque eloquio inclyti,
In vultus eo, non immemor, illius
Tentigo fuerit quanta Cupidinis.
Quod si hic auxilij lata sub inferis
Pars est: auxilij haud exigui foret,
Hunc traxisse meis illecebris citum,
Mirata eximium est Græcia quem virum;
Grandis proposita causa pecuniæ,
Ni auertisset eum ex illa opera breuis
Tam dulcedinis: ad me celeri gradu
Iisset. verum alios quòt mala perdidi,
Semper sed iuuenes sanguine nobiles,
Magnis diuitijs semper amabilis?
Nescis? quæ loquitur Lais erat; meum
Nomen ne alliciat te ad Venerem: fuge.*

Beatrice Nolana.



Beatricem Nolæ forma venustissimam claruisse
scribit Ambrosius Leo, in qua tanta indolis
erat excellentia, vt cum pulcritudine coniun-
cta, Diuæ nomen, per omnium Italiæ Poëta-
rum, tum verò Antonij Tibaldei ora, cognomen
compararit. Thomas Maluicus præstantissimus

sculptor, Gratiarum conspectu, quæ manus coelando doctissi-
mas

mas reddidere, è marmore tam bellè finxit, vt cùm viuā Beatricē, marmoreā Beatrici adesset, geminā viderentur Beatrices, quarum altera dū loqueretur, altera verba excipientem irretiret; ridentem alteram, altera risu imitaretur; vt opere perpolitō, & ad vnguē factō, nihil iucundius iudicari potuisset. Duodecimum iam annū agentem, ad Cæcalæ iugā profectā, inter oleas, & quercus sublatā, idem narrat, nec vquam ab aliquo visā. Sed cū ad cælum viūā euolasse somniat, cur non ob nimiam pulcritudinē, instar Proserpinæ raptā credidit?

Pinti.

*Iuisti forma princeps Nolana Beatrix,
Et pro te in terris nil nisi marmor adest.
An quia credebas sub marmore viuere vitam
Posse diu? pulcras qui meruere genas?
Anne parem Cereris natæ per prata vagantem,
(Omen at hoc absit) Dux Herebi eripuit?
Lator at, haud animis, formosa, licere reuerti:
Viuenti præ te prælia magna forent.*

Eiusdem.

*Vos quercus, oleasq. voco Nymphasq. Beatrix
Dicite quorsum abiit? non iacet in tumulo.
Signo ne illatitat, sculpfit quod Maluicus? illud
Cernens, è viuis tam bene ficta, abiit.
Me, fassa est, viūā mortalis cerne sub ore
Marmoris, illa fui quam tibi marmor habet.*

Illustrium Mulierum Elogiorum Finis.

Pro abso-
lutis Illu-
striū Mu-
lierū Elo-
gijs.

Claustre femineis pedibus, partere sat, ades.
Sed referare decet, venienti ne limina pulset
Femina. quæcumque es gestis clarissima rebus,
Ingredere, et prunam Auctori ter lata salutem
Affer, isti, longa viuis quod ætate, manebis;
Hinc propter sublime virum par cenere templum est,
Quis usus non amicum, sed Pallados artes,
Tot laudum peperere modos, tot munera lingus;
Et vos, hæc, ydem debetis multa CAPACI
Exculto calamo, cunctos qui nosse labores
Et voluit subisse die, venturibus annis,
Ocia deuitans æterna præmia Fame
Sola petens, nunquam maledictis ledere quenquam
Vir probus aggressus, pietate insignis auita;
Hunc magna, ac parua, Helperia monumenta reposcunt,
Ediæ, compressis numeris, aut voce soluta
Hunc Senones, et quot potant è flumine Rheno:
Clarius et regio radios quæ spectat Eoæ,
Portibus Ilyricis. unde hæc decus ipse tuorum
Venijs medicis Præsul cultissime chartis;
Hunc adeunt qui grata colunt Scironia saxa;
Hunc et sedatur quorum sitis litula ab undis,
Siue audire urbis Sirenis iura vetusta,
Siue necua cupiant, Baiana ad littora sedes
Seu pernosse, velint, fuerint quæcumque, Quiritum:
Seu pro suggestis optent data disertis;
Discre seu studeant, quidnam piscator in aquor
Deserat, undigenam qui saltat arundine gentem,
Reie vel adpælat, populo quod diues aquoso
Ad sua tellus queat laetus sub nocte reaire:
Quæ nouum, et ad veterem quæ detur Epistola amicis;
Scommata seu querant, salibus conspersa, iocisq.
Seu Faxi exposcant, varia sub imagine, beluas,
Vnde hominum varios possint dignoscere mores.
Tandem quæ rogitent, laudata volumina præbent,
Quæ Vir Parthenopes confecit gloriæ nostræ.
Inuide quid contrâ, vultum demisse, proferis?
Te misere te Liuar edat. tibi docta supellex?
Hanc adhibe: pariter subeas operosa; mentis
Lumina. et ex antris exi quæ cæcus oberrat,
IPLIVS iste sui simile? (mibi crede) videbit
Certè perpaucos, hominum seu iusta requiras
Consilia, et socia hæc speris, seu facta decora;
Seu studium in cunctis species animosq. fideinq.
Siue doceri auras, grauium male conscie rerum.
Quam tibi præstaret, posito luore, si adires,
Tanta laude virum? ne te perterreat vlla
Sospicio: facile huic poteris tua ponere cuncta
Sensa animi: insisto corde hic, non ore superbis;
Quem (ne hoc inuideas, virtus maiora merebit)
Fausa bonis alijs queis non fortuna referuat?

ILLVSTRIVM
LITTERIS VIRORVM

ELOGIA, ET IVDICIA.

A IVLIO CAESARE CAPACIO
Neapolitanæ Vrbi à Secretis
conscripta.



NEAPOLI,

Apud Ioan. Iacobum Carlinum, &
Constantinum Vitalem.
M. DC. IX.